

Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2129/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2129/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2129/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2129/A

2129

A

H xi

7/4

J
Halyore

a 26.9.7453



7485
G V I L H E L M I
FABRICI HILDANI
Observationum & Curationum
Cheirurgicarum
CENTURIA TERTIA.

EPISTOLIS NONNVLIS VIRORVM
*doctissimorum, nec non instrumentis Cheirurgi-
cis, ab authore inventis illustrata.*

Accessit Epistola, de nova, rara, & admiranda herniæ uterinx,
& partus Cæsarei historia; ad Authorem scripta,

A MICHAELE DORINGIO Breslaviensi, Philosophiæ
& Medicinæ Doctore.

Item Authoris ad hunc Responsio Epistolica:

*In qua multa variaq; rara, & admiranda, de affectibus uterinis, extractione fatus
mortui, Mercurio, & Antimonio recensentur.*



IN NOBILI OPPENHEMIO
Typis Hieronymi Galleri, Ære Johan - Theod. de Bry.
M D C X I V.



In Effigiem
ORNATISSIMI VIRI GVILHELMI
 Fabricii Hildani Chirurgica medicâque arte
 nobiliss. Hexast. Caroli Vtenhovii.
Hæc est Cheirurgi pariter Mediciq; WILHELMI
Vulnera qui sanat corporis, effigies
FABRICII, *manibus non tantum, at melle suavis*
Alloqui cū lingua vulnera Cordis ope
Quis neget ergo illum Medicum pariterq; Cherurgum
Verba etenim ægrotæ sunt Panacea anima.



SERENISSIMO, POTENTISSI-
MOQUE PRINCIPI
ac Domino

D N O.

FRIDERICO V.
COMITI PALATINO AD RHE-
NVM, S. R. IMPERII SEPTEMVI-
ro, utriusque Bavariz
Duci, &c.

PRINCIPI AC DOMINO
clementissimo.

Hancce observationum & curationum Chei-
rurgicarum.

CENTVRIAM TERTIAM.

Guilhelmus Fabricius Hildanus,

In perpetua observantia monumentum.

L. M. Q.

DEDICAT CONSECRATQ.



*M*NIA quæ in questionem
veniunt, ut Galenus libro
de curandi ratione per
sanguinis missionem, scriptum re-
A 2 liquit,

*liquit, SERENISSIME ATQUE
POTENTISSIME PRINCEPS,
per omnem vitam, duo inventionis or-
gana obtinuerunt, rationem nempe
& experientiam; Etiam si autem Ga-
lenus hic rationem experientiae prae-
ponat, Medicinam tamen non originem
tantum suam, verum etiam incremen-
tum, ab experientia sumpsisse, omnibus
in confesso est. Quanquam enim haec i-
psa scientia Medica, sua quoque, non
minus, ac reliquae scientiae, habeat fun-
damenta, quibus innititur, quotidiana
tamen experientia ac multiplici rerum
usu, plurima inveniuntur, quae ratione,
speculationibusque reperiri, atque inve-
stigari nunquam potuissent. Hinc fa-
ctum est, quemadmodum Herodotus
libro i. Et Galenus in Introductio-
ne scribunt, ut olim Babylonenses, æ-
gros suos per compita palam exposue-
rint, quo ex transeuntibus, qui veleis-
dem*

DEDICATORIA.

3

dem affectibus laboraverant, vel alios
eisdem laborantibus curaverant, intel-
ligerent, quibusnam remediis usi fuif-
sent; Et quidnam de hoc vel illo morbo
observassent, perciperent atque cogno-
scerent. Sicque artem Medicam, quæ
primis mundi ætatibus, propter opti-
mam constitutionem corporum, & fir-
mam valetudinem, non vsque adeo ne-
cessaria, ac proinde minus etiam excul-
ta fuit, posteri, voluptatibus & luxu-
riæ dediti, ac proinde morbis obnoxii,
paulatim experimentis illustrarunt at-
que amplificarunt; donec tandem Hip-
pocrates illam in certa medendi præce-
pta redegerit.

Etsi autem Medicina ab Experientia
originem suam, atque incrementum
sumpsit, eaque Medico, & inprimis
Cheirurgo, summopere sit necessaria, hæc
tamen sola artificem perfectum reddere
non potest, Quemadmodum enim, ut

A 3

Celsus

Celsus in proœmio lib. i. scribit, vera medicina manca est sine experientia, ita trunca & debilis est sine ratione. Non immeritò itaque *Galenus*, loco supra allegato, rationem experientiæ, veluti per excellentiam præponit. Ratio itaque secundum *Galenum* præcedit, sequitur usus atque experientia. Hinc videmus quidnam de *Receptariis Medicis* atque *Cheirurgis*, hoc est, de iis, qui nihil aliud præter *Medicamentorum* formulas, præparandi modum, & umbratilem quandam experientiam habent, censendum sit, *Receptorum* enim multitudine, & *Varietate* (*Celeberrimi illius Viri*, ac de re medica, & *Cheirurgica*, optimè meriti, *DN. D. Reneri Solinandri*, pie memoriæ, patroni ac fautoris mei æternum honorandi, verbis utor) si res ageretur, quidni *pharmacopola* quemvis medicum facile vinceret? hic enim magna

ex

DEDICATORIA. 7

ex parte, non minus quam artis nostræ studiosus novit, quod cuique morbo Medicus præscribat.

Quamvis autem experientia Medico, qui circa morbos internarum partium versatur, ut dictum est, necessaria sit. In Cheirurgo tamen præcipuè desideratur, Quis, quæso, enim Cranium perforaret, quis catarrhactam deponet, calculum è vesica extrahet, dislocationem & fracturam reponet, aliasque operationes perficiet, nisi prius expertum, & in istis operationibus exercitatum artificem aliquem operantem viderit manumque ipsemet admovent?

Porro quum, ut Hippocrates rectè monuit Vita, qua homo fruitur, brevis sit, ars verò, nimirum cognitio eorum omnium, quæ Medico, atque Cheirurgo sunt necessaria longa, ideo statim ab initio, quo praxi cheirurgicæ me accinxi, omnia quæ circa egros rara annotatio-

A 4 ne,

ne, ac observatione digna, mihi occurrerant, annotare cœpi.

Harum autem observationum & curationum cheirurgicarum, SERENISSIME ATQVE POTENTISS. PRINCEPS, quum ante annos septem SERENISS. Principi ac Dom. D. FRIDERICO IV. Comiti Palatino ad Rhenum, Utriusque Bavarie Duci S. R. Imperii Archidapifero ac Electori &c. felicissimæ memoriæ Illust. Cels. T. Parenti, specimen aliquod, primam nimirum Centuriam, humiliter, & eâ, quâ par erat, reverentia inscripsissem: Eamque benignissimè ab Illust. ipsius Celsitudine acceptam esse, re ipsa percepissem, non tantum ad hoc studii genus continuandum, Verùm etiam, ut tertiam hancce cœturiam sub Illust. Celsit. T. augusto nomine, publici juris facerem, veluti stimulo quodam incitatus fui: spe non dubia, quemadmodum prima centuria à Serenissimæ

DEDICATORIA.

9

nissimo Celsitudinis T. Parente benigno animo excepta fuit, sic Illust. Cels. T. non gravatè permissuram, ut Illustrissimi tui Nominis titulus tertiæ huic centuriæ meæ præluceat.

Ut itaque Illust. Cels. T. benignè, & serena fronte hoc, quaecunque munusculum, excipere, & pro sua clementia in protectionem suam suscipere non dedignetur, summa animi submissione rogo, atque obtestor.

DEUM ter Optimum Maximum suppliciter oro, ut quemadmodum Illust. Celsitudinem T. in longo & periculoso itinere salvum & incolumem in Angliam deduxit, indeq; iterum ad suos reduxit, sic quoque in posterum ad Tithoneos usque annos, una cum ILLUSTRISSIMA PRINCIPISSA Coniuge delectissima Spiritus sui S. Virtute, ad nominis sui gloriã, Ecclesiæ ac verita-

A s tis

io EPIST. DEDICAT.

*tis defensionem, subditorum Vestrorum
tranquillitatem, animarum Vestrarum
salutem, clementer conservare dignetur.
Lausannæ 16. Decembris 1613.*

Sereniss. Celsit. Tuæ

servus addictissimus

GUILHELMUS FABRICIUS
Hildanus.

CANDI-

C A N D I D O

L E C T O R I.

Accipe, candide Lector, tertiam hancce Centuriam Observationum Cheirurgicarũ; utinam talis esset, ut ex ipsius lectione utilitatem, aut saltem voluptatem aliquam habere posses. Epistolam clarissimi, ac longè celeberrimi viri D^N. Doct̃oris MICHAELIS DÖRINGI Breslaviensis, *Der rara & admiranda hernia uterina*, uti quoque ad Epistolam illam, responsionem meam, adjunxi, non solum quia Epistola illa difficulter reperitur, (hactenus enim unicum tantummodo exemplar videre & nancisci potui) verum etiam ut lector responsum meum majori cum fructu ac voluptate perlegere possit.

Cæterum quia in hac centuria
respon-

responsiones multæ amicorum,
quibus observationes inscripsi,
(forſan quia literas meas aut nun-
quam, aut nimis tardè acceperūt,
aut ipſorum responsiones ad me
non pervenere) deſiderantur, Le-
ctorem, ne defectum huncce egrè
ferat, ſuperſtites verò amicos, ut
responsiones iterare velint, obni-
xè rogo; quo & illas, ſi forſan Cen-
turiæ hæc iterum excuderetur, ad-
dere poſſem.

Centuriam autem hancce, Le-
ctor benevole, cum ad prælū ad-
ornarem, in ſummis anguſtiis &
mœrore verſabar; uti ex observa-
tione prima, tertia, vigesima ſexta,
& ſeptuagesima ſecūda videre po-
teris. Quapropter ut rudiori &
impolito ſtylo ignoſcere velis,
te etiam atque etiam ob-
teſtor. Vale.

ANA-



ΑΝΑΓΡΑΜΜΑ ΕΓΚΩ.

μιάσινον

pro felici Adventu

Excellentissimi multarum rerum usu atque
experientia præstantissimi viri DN. GVIL-
HELMI FABRICII HILDANI Medici
& Cheirurgi uti celeberrimi ita & dexterri-
mi DN. & amici fui integerrimi.

In castro FRIDBERGÆ Imperiali

12. Octobris ANNO 1612.

facto

GVILHELMUS FABRICIUS

E Libris fac usum vigil.

Omnibus in rebus laudatur ab omnibus usus.

Sæpius hic artem vincit & ingenium;

Ast opus, ingenue simul ut jungatur & arti

Usus, in effectu tunc magis fortis erit.

Sic quoque tu gemino consistens crure FABRICI

Usu multa notas, plura sed arte probas.

Maçte vir E LIBRIS usum fac ritè medendi.

Expertum sanâ cum ratione VIGIL.

Sic

*Sic bis laude viges, Medica sic cetera nobis
Observata diu, publica in arte facis.*

De-properatum amoris & benevo-
lentia ergo

A GEORGIO FABRO D.
& dicti castri Medico
ordinario.

Ejusdem

G VILHELMUS FABRICIUS
(H)ILDANUS per anagramma-
tismum.

LIBRIS VIGIL LAUDE
MUNUS FACIS.

NIL Deus absque labore dedit: per opus quis ut in-
Luce labore VIGIL, nocte labore VIGIL. (ster.
Hinc quoque tu libris noctuque dieque medendo
LAUDE VIGIL MUNUS cum pietate FACIS:
Ad te confugiunt multi, vir docte, miselli,
Atque tuum exoptant dulce salutis opus;
Pol bene sic insta quosvis medicarier arte,
Crede mihi famâ perpetuante clues.

17. Octobris 1612.
Fridb. in Castro.


O B S E R -



OBSERVATIO I.

Fungus Scirrhusus; ex aure pro-
pullulans, quomodo sanatus.

*Viro Amplissimo atque doctissimo, DN. PE-
TRO DE SPINA, Serenissimi ac Poten-
tissimi Principis ac Domini DNI. FRI-
DERICI V. COMITIS Palatini ad
Rhenum S. R. Imperii Archidapiferi, atq;
Electoris, Ducis Bavariæ, &c. Medico or-
dinario atque celeberrimo, Guilhelmus
Fabricius Hildanus S. P. D.*



E Cheirurgicis casibus, in primis
raris, Vir Amplissime, non solum
oblectari, verum etiam, non me-
diocriter in iisdem versatum esse,
cum ex variis nostris colloquiis,
Anno supra millesimum quingentesimum no-
nagesimo quarto, primò Aquisgrani, deinde
quoque Heidelbergæ habitis, tum etiam ex li-
teris, quas ante annos quatuordecim inter
nos, de rebus Cheirurgicis, & præcipuè, de
Vulneribus sclopetorum commutavimus, ab-
undè

undè mihi cognoscere licuit. Atque hæc est causa, cur, ad continuandam inceptam nostram amicitiam sequentem casum cheirurgicum, & quidem non vulgarem, tecum communicare constitui; quem, ut hilari fronte accipere, & imposito stylo ignoscere velis, obnixè rogo. Animus enim dolet: & tremulenta manu hæc ad te scribo. Ante paucos enim dies, duæ ex filiabus meis, peste, (quæ hîc & in vicinia gravissimè grassatur) obierunt, uxor mea charissima ex ea convaluit, sed filius meus major natu etiam nunc vehementer laborat.

Ceterum, vir amplissime, in auris meatu varii oriuntur affectus. Et quidem gravissimi; omnium verò difficillimus est, si excrescentia aliqua carnis, profundè ex auris meatu excreverit, summamque requirit diligentiam. Cum enim pars sit exquisitissimo sensu prædita, neq; carunculæ absq; causticis, & erodentib. medicamentis absumi possint, facillimè ex eorû usu dolores acerbissimi, aliaque graviora symptomata suboriri solent. Hanc ob causam cum præsentem casum publici juris facere constituissem, illum in artis cheirurgicæ studiosorum gratiam, paulò prolixius, & diligentius conscribere volui: Tu verò, vir Amplissime, ne prolixitatem ægrè feras, obsecro.

Circiter annum itaque 1594. genere & virtute verè nobilis puella, MARGARITA DE MARTINES, Nobilissimi, ac prudentissimi viri DN. I. FRANCISCI DE MARTINES
DOMI-

DOMINI IN BOVRGOV ET PALLY, filia primogenita, ætatis annu octavum agens, variolis correpta fuit; ex quibus eò gravius laborabat, quia pustulæ ad extremam cutem nihil ferè eruperunt. Porro quia materia variorum non satis ad partes externas expulsa, puella quinetiam à teneris annis scabie in capite, & circa emunctoria, parum obnoxia fuerat, non diu post, nimirum ANNO 1595. qui fuit annus 9. ætatis, dolore capitis, eoque acutissimo correpta est. Dolor in meatu auris dextræ præcipuè acutus, & pungens erat, Ita ut tota illa pars faciei, in tumorem elevaretur. Auri oleum Chamomelinum tepidum, doloris leniendi causâ, gossipio imponebant, faciemq; eodem oleo inungebant, Post dies aliquot in ipso meatu auris, ruptus est abscessus, ex quo primis quidem diebus materia subtilis, & loturæ carnis instar, deinde pus crassum, spissumq; extillabat. Dolor capitis & auris, paulatim cessavit, tumefactio quinetiam faciei evanuit. Tribus elapsis mensibus, iterum materia subtilis extillare cœpit, & deinceps continuò extillavit; absq; tamen dolore: quapropter nullum ex hoc malo sibi accidere posse incommodum cuncti arbitrabantur. Circa annum verò 1600. quum auditum paulatim diminui viderent parentes, atque hac de re solliciti essent, meatumque auris inspexissent, in profundo ipsius excrescentiam quandam carnosam, & meatum planè obstruentemprehenderunt.

B

Inte-

Interim tamen, etsi quotidie nonnihil materiæ subtilis exullaret, quia tamen neque dolor neque aliud quodpiam adesset symptoma puella quinetiâ, ratione ætatis timida esset, & ab operationibus cheirurgicis abhorreret, unde de die in diem prolata fuit.

ANNO vero 1604. quum excrescentiam illam carneam, ex meatu auris propullantem viderent parentes, attoniti, ac perturbati fuerunt, protinusque Medicos, eosque doctissimos, in primis vero DN. MARCUM OLFREDUM, & DN. ANDREAM BONETUM apud Genevenses medicinarum Doctores longè celeberrimos hac de re consuluerunt, Illi quum affectum difficilem esse, & manum diligenter requiri cognovissent, ut ego vocarer, suaserunt. Vigesimo itaque tertio decembris 1604. cum in Perroy, ad lacum Lemanium, ad prædictum Dominum de BOVRGOV, pervenissem, & autem inspexissem, excrescentiam, in ipso meatu auditorio, ejus magnitudinis, & figuræ, ut hæc adumbrata est, inveni.

PRA



PRAECEDENTIS FIGURAE
explicatio.

- A. Caput huius fungi denotat, idque externam cavitationem auris conchula dicta, planè implebat. Non autem omnino rotundum, sed secundum cavitationum figuram, formatum erat: itaque
- B. extremum, sive posteriorem ambitum auris.
- C. verò partem faciem versus respiciebat. Dura, præterea, inæqualis, lividaque erat extuberantia hæc. Reliqua pars huius fungi, secundum capacitatem meatus auditorii, tympanum versus, in apicem desinebat, habebatque planè formam fungi, nondum tamen propter extuberantiam A. notatam integer, sed tantummodo ad litteram D. usq; conspici potuit.

B 2 Super-

Superficie siue extuberantiâ hujus fungi uti postea dicemus, ablata, quod reliquum erat, paulatim usque ad ipsius radicem, quæ propè tympanum erat, in conspectum veniebat: constituebaturque figuram præscriptam. forma itaque, & duritie excrecentiam hanc fungum scirrhosum appellare libuit.

Propullulabant præterea, circa ipsius radicem, alia duo parva getmina E. notata, ex quibus, procul dubio, & fungi procreati fuissent nisi angustia meatus auditorii, obfuisset. Est tamen notandû, meatû huncce dextrum alter aliquomodo ampliorem apparuisse, Videbatur enim dura ista excrecentia, interim dū accresceret puella, impedimento fuisse, quominus proportionem suam observaret meatus iste.

Porro quum ex colore livido, & duritie affectum huncce, difficilem esse, & periculo nimè vacare vidissem, denuò, ut prædicti Medici in consilium adhiberentur, author fui. quia Nobilis D. N. DE BOVRGOV, aliorum negotiorum causâ Genevam profecturus erat, voluit ut ipsum comitarer, ut cum prædictis medicis, de affectu filix suæ, plenius consulerem. Convocatis itaque medicis, & diligenter explorato, & perquisito morbo, deliberatum fuit, ut curatio, propter maximum fœtus, usque in proximum Ver protraheretur.

Vigesima itaque septima die mensis Martii 1605. cum iterum in Perroy pervenissem, quenti die hoc minorativum exhibui.

Æ h

herbarum Agrimonix,
 Betonicæ,
 Veronicæ,
 Scabiosæ,
 Cuscutæ,

*Minerati-
 vum.*

Florum primulæ veris, ana M.℥.

Sem. Anisi,

Fœniculi ana ℥j.

Liquiritiæ rasæ ℥℥.

Foliorum senæ mundat: ℥ij.

Fiat decoctio in aqua, ut colatura, cum
 forti expressione, redeat, ad ℥iiij. In
 quibus dissolve

Elect. diacarthami ℥iiij.

Syrupus rosati solutivi ℥j

Misce. fiat potio.

Porro quum nihil magis in hoc affectu ve-
 hendum esset, quam affluxus humorum, visum
 est, uti diversione aliquâ insigni, & continuâ;
 Minorativo itaque præscripto expurgato cor-
 pore, postridie cucurbitulas scapulis, cum flā-
 ma magna, & scarificatione, postero verò die
 nimirum 30. mensis, setaceum vertici adhibui.
 Deinde pro corroboratione cerebri, & in eo
 humorum superfluatorum desiccatione, se-
 quens præscripsi, & exhibui Electuarium.

Conservæ florum rosmarini,

Salviæ,

Electuarium.

Betonicæ,

A.

Summitatum majoranæ ana ℥j.

Ligni sassaphras subtilis. pulver. ℥℥.

B 3 Spec

Specierum Atomatici rosati, ʒij.

Cum synipo conservationis corticum citri, fiat electuarium: de quo capiebat singulis diebus, tribus horis ante prandium, ad magnitudinem castaneæ, sequens quoque pulvis, quotidie semel capiti inspergebatur.

*Pulvis capiti
inspergebatur.*

℞. Corticum citri siccarum.
Radicum Iridis Florentiæ,
Radicum Ciperi an ʒiij,
Thuris,
Masticis,
Sandaracæ,
Succini,
Granorum Kermes
Rosarum rubearum an ʒj.
Florum beronica M. ʒ.
Storacis calamitæ,
Spicæ nardi an. ʒj.

Fiat ex illis omnibus pulvis, inspergendus suturæ coronali, & quod die renovandus, deter-
so præterea priore pulvere fungo verò bis in die
linctum suave reduplicatum, & aquâ nostra ad
ulcera maligna, (cujus descriptionem pete ex
obs. prima cent. primæ) imbutum tepidè ap-
plicui: neque aliud quicquam usque ad men-
sem Majum cum fungo tentare volui: quo na-
tura ante omnia, ad ablegandas superfluitates
cerebri, verius setaceum sese assuefaceret. In-
terim tamen, uti & per totum tempus curatio-
nis, optimam victus rationem observabat.

His, uti dixi, institutis, iterum me domum
contu-

contuli, usque ad 13. mensis Maij, tum denuò
ad ipsam profectus, 14. sequentem exhibui po-
tiunculam.

R. Rhabarbari electi ʒ. iiij.

Agarici trociscati ʒj.

Cinamomi ʒj.

Purgati

purgans.

Infundantur in aqua Cichorii & Betonicæ,
per horas duodecim, In forti expressione dis-
solue, syrupi osati solutivi ʒj.

Elect. Diacatholici ʒij.

De Citro solut ʒ. iij.

Decocti laxativi ʒij.

M. fiat potio.

Postridie medianam dextram incidi, Angui-
nem q; ad uncias septem extraxi. Decimo sex-
to, 17. & 18. sequens exhibui apozema.

R. Radicum oxalidis,

Cichorii,

Graminis,

Passularum &

Liquiritiæ, an. ʒvj.

Boraginis,

Scabiosæ,

Agrimoniæ,

Betonicæ,

Pimpinellæ,

Melissæ an. M. j.

Capillorum omnium,

Arthemisiæ an. M. ʒ.

Florum cordialium,

Genistæ,

Apozema.

B

4.

Hordei

Hordei integri an. p. j.

Corticum & seminis citri,

Oxalidis,

Melonum an. ʒj.ʒ.

Fiat decoctio ad lb. j. in qua colata, & clarificata, dissolve,

Syrupi de fumaria, &

De Cichorio simp. an. ʒj.ʒ.

Misce fiat apozema, pro tribus dosibus matutinis: aromatizetur ʒj. coriandri præparati.

Decima nona ad drachmas sex sequentis Electuarii quatuor horis ante prandium exhibui.

Electuariū

Laxativum

B.

ʒ. Electuarii diacatholici,

Diaſebeſten, an. ʒj.

Elect. de Citro ſolutivi &

Diaprunis laxat. an. ʒvj.

Diacarthami, &


Tabellarum de Rhabarbaro, an. ʒʒ.

Cum melle roſato Laxativo q. s. fiat opiatum de quo per totum tempus curationis, per intervalla ad drachmas ſex vel ſeptem, pro doſi, ſumebat; modò in forma boli, modò in forma potionis; cum decocto aliquo convenienti diſſoluto. Singulis quoque ſeptimanis cucurbitulas magnas ſcapulis ſemel applicui.

Omnibus iſtis, uti dixi, adhibitis, ad fungi extirpationem tranſeundum fuit: ea autem quia, aut abſciſione, aut erodentibus, & cauſticis medicamentis, vel ligatura fieri debebat, Ante omnia nobis explorandum perpendendumque erat, quænam tutior, & ſecurior eſſet
via,

via, atque methodus. Excisio adstantibus, propter hæmorrhagiam suspecta erat, & ægra illam abhorrebat. Erodentibus quoq; & causticis medicamentis massam illam fungi, qui externam partem auris adimplebat, absque periculo absumi minimè me posse, sciebam. Inprimis verò, quia ex colore livido, duritie, & inæqualitate tumoris, malignitatem aliquam subesse, apparebat, verebar, ne ex usu medicamentorum causticorum magis irritaretur malum: & humor ille acris, qui post applicationem causticorum ex ulceribus effluere solet, vicinas partes simul exulceraret. Malui itaque ligaturam instituere. Singulari enim & ad hanc operationem perficiendam commodissimo, à me excogitato instrumento quodam, veluti hinc adumbratum est, fungum istum satis profundè in ipso meatu auditorio, amplecti, & ligare me posse sperabam.


B s Instru-



Instrumentum autem hoc, ex lamina cuprea, aut Argentea fabricatum esse debet, & ita quidem, ut per se apertum sit, extremitates tamen B. B. notatæ, digitis faciliè comprimiac claudi possent. Prædictæ extremitates quoq; aliquomodo excavatæ esse debent, quo carunculam, quæ lubrica est, eò melius amplecti possint.

Vigesima itaque tertia Maij, electo loco splendido, ægram in sedem collocavi, & ita quidem, ut radii solares in auris meatum penetrare possent. Postea caput sive externam
fungi

fungi extubetantiam, in prima figura A. notatam, filo apprehendi Hujus enim fili beneficio caput fungi suspensum tenebam, Interim funiculum cum semi nodo, ut hîc adumbratus est, intro misi, & cum Stylo quodam exploratorio, tam profundè, quantum fieri potuit, intru. si



Deinde ambas extremitates hujus funiculi, per foramina, in sequenti figura B. B. notata, eo modo, ut sequens figura denotat, traxi.


Postea



Postea instrumento tam altè, quantum fieri
 potuit, in meatum auditorium, & quidem ad
 utrumque latus fungi, intromisso, extrema-
 ribus funiculi, ambo^{us} indicibus apprehen-
 sis,

sis, & fortiter tractis atque constrictis, fungum
arctissimè ligavi, & ea quidem in parte, ubi in
prima figura littera D. ipsum notavimus. Inte-
rim autem dum filum simul & instrumentum
intruduntur, minister, filo, in sequenti figura
C. notato, extuberantiam fungi clementer,
levitèrque in altum trahet: idque in eum fi-
nem, ut funiculus, simul & instrumentum, eo
facilius, & profundius intromittere possit.
Hæc verò, quia paulò obscuriora esse viden-
tur, sequentem figuram, in qua omnia adum-
brantur, addere placuit.

Facta



Facta ligatura instrumentum clementer ex-
trahi: filum vero suspensum reliqui. Deinde
lintheum reduplicatum, & sequenti liquore in-
succatum, applicui,

℞. Aquæ nostræ ad ulcera maligna ℥j.
Aquæ renatum aquatiliū,
Plantaginis,

Rosa-

Rosarum an. ʒ. ʒ.

Sem. Cydoniorum subtilis. pulveri-
fati ʒ. ʒ.

Cornu cervi usti & p̄pt.

Turiae &

Plumbi usti an. ʒ. ʒ.

Misce.

Admonitio

Monitum autem velim lectorem, funiculum in huiusmodi affectibus, nullo modo, (ut in aliis quidem corporis excrescentiis aliquando fieri solet) aquâ forti insuccandum, multò minus Arsenico illiniendum esse, propter gravissima, quæ inde sequuntur symptomata; Funiculum tamen, ut fungum paulatim abscinderet, singulis diebus, iterum immisso, & adoprato instrumento, clementer contraxi, nondumque magis magisque constrinxi.

Cùm exuberantia fungi ita ligata esset, paulatim flaccescere cœpit: emanariq; ex illa humor putridus & fetidus, is verò ne in mearum internum auris deflueret, quotidie ter, quaterve penicillis, hîc adumbratis, & ex spongiis paratis, absterfi.



Deinde exuberantiæ, undique spongiæ, in præscripto liquore madefactas, iterumque fortiter expressas, supposui, idque in illum finem, ut humorem illum putridum fetidum-
que

que absorberent, exciperentque. ita paulatim abscissa est extuberantia fungi, ita ut 27. ejusdem mensis absque dolore, & hamorrhagia excideret.

Sed quia fungum ad radicem ipsius, propter angustiam meatus auditorii, ligare non potueram, quod reliquum erat, erodentibus, ut postea dicam, absumere cogebat: prius tamen, nimirum 24. ad drachmas sex, electuarii superius descripti, & B. notati, exhibui: quo optimè expurgata fuit ægra. Ad majorum quoque humorum exsiccationem sequens exhibui decoctum.

℞. Radicum sarsæ parillæ ℥j.
Ligni sassaphras minutim d. secti ℥iij.
Radicum chynæ in tenues orbiculos sectæ ℥vj.

Macerentur horas viginti, in aquæ fontis tepidæ ℔ iij. & coquantur ad duarū partium consumptionem. De colatura, moderatè calida, ad ℥ iij. hora quinta matutina exhibui, Interim dum utebatur præscripto decocto, victum utcunque tenuem, & exsiccantem observabat, à jusculis, & fructibus horariis, humidisq; abstinerebat, eorum verò loco uvis passulis, & amygdalis tostis, utebatur. Pro potu ordinario, sequens decoctum præscripsi.

℞. Residuum prædicti decocti,
Passularum,
Liquiritiæ an. ℥j. ℔.
Aquæ fontis ℔.vj.

Mace-

macerentur per horas quindecim, deinde coquantur ad unius tertiæ partis consumptionem: paretur potio, gustui grata, & aromatizetur pauco coriandro præparato,

Hoc decocto, & victus ratione, per mentem integrum utebatur, interim quoque decina quaque die, corpus Electuario B. notato, expurgavi, cucurbitulasque scapulis, uti dixi, per intervalla, cum levi scarificatione applicavi jussi.

Ab initio dixi, extuberantiam fungi usque ad litteram D. beneficio ligaturæ excidisse, nunc quibus remediis, quod reliquum erat, usque ad ipsius radicem, (illa autem prope tympanum erat) absumpserim, dicendum est. Statim itaque postquam extuberantia exciderat, iterum ægram ad radios solares, in sedile collocavi: mox laminas parvas tenuissimasque, è cera fabricatas, & aliquantum incurvatas undique circumcirca carunculam imposui: idque in eum finem, ne medicamenta acria, quæ imponenda erant, meatum auditorium attingerent, exulcerarentque, deinde penicillis ex spongiis paratis, absterfa humiditate, Escharotici nostri, ad magnitudinem capitis aciculæ, carunculæ imposui. Postea filamentis, & spongiis meatum implevi, & linteum reduplicatum, nec non

*Magnitudo & figura
laminarum.*



C

liquore

liquore superius descripto, & C. notato, exterius auri superimpofui. Medicamento quo tidie bis nimirum hora feptima matutina, & quarta pomeridiana, (ad candelam enim huiusmodi operationes minime sunt tentandæ inposito. 28. ac 29. escharam induxi, illa verò ut abfcederet, fequens medicamentum filamentis in ipso intinctis, applicui.

℞. Macilaginis sem. cydoniorum, extractæ æqualibus partibus aquæ Arnoglossæ majoris, & ranarum aquatiliū \mathfrak{z} ij. Cornu cervi usti & præparati, Tutia pp. Lapidis calaminaris an. \mathfrak{z} j. Croci Martis, Saturni calcinati an. \mathfrak{z} ss.

Misce fiatq; medicam. ad instar collyrii utriusque liquidi. Signetur D. Medicamentum hoc, propter meam absentiam usque ad quartum Junii impositum fuit. Tum uti & sequenti die laminis cæreis iterum investitâ carunculâ, denuò de prædicto escharotico, bis in die applicui.

Sexta die ejusdem mensis ad drachmas septem Electuarii superius præscripti, & B. notari, cum decocto Betonicæ, Agrimonie, Veronice & Rosmarini, Salviæ, & sem. Anisi, exhibui, quo & optimè expurgata fuit, nihilominus tamen medicamentum escharoticum eadem die bis imposui. septimo 8. & 9. ad casum escharæ collyrium D. notatum applicui. Decima escharâ denuò

denuò exemptâ laminasque novas impositas, escharoticum ea die ter, undecima verò bis iteravi.

Duodecima die mensis, quia eschara satis magna apparebat, neque pingua, ut imponerentur consultum mihi videbatur, separatorio quodam, uti hîc adumbratum est, ipsam excidi.

Cultellus separatorius, incurvatus ad carunculas ex auri meatu excidendas aptissimus.



Excisa Escharâ, quia propter angustiam meatus auditorii, laminas cæreas difficulter imponere mihi licuit, escharoticum applicare ausus non fui: globulum itaque lentis magnitudine, ex filamentis contortum, & sequenti pulvere immersum, carunculæ applicui: & spongiis suavis superiori medicamento D. no- *Ufus spon-*
rato, madefactis, iterumq; expressis, ductum *giarum in*
auditorium adimplevi. Spongiæ autem in pu- *purulentis*
rulentis auribus summopere conveniunt: ma- *auribus ne-*
teriam enim purulentam ex profundo attra- *cessarius.*
hunt absorbentque, partemque affectam ab injuria aëris vindicant.

℞ Pulveris præcipit. optimè rectificati ℞.j. *Pulvis E.*
Lapidis Bezoardici diligenter pulveris.
Saturni calcinati & abloti an. ℞.ss.

C 2 Miscan-

Misceantur, fiatq; pulvis. figuetur. E.

Decima sexta, cum beneficio speculi autem ad tympanum ferè usque inflexissem, & nonnihil de radice fungi superesse probè cognovissem, sequenti die iterum laminas cereas, eaq; fieri potuit diligentia, infixi, & medicamentum escharoticum applicui. Verùm decima septima, quum domū proficisci coactus essem, sequentem pulverem præscripsi, & me absente imponere jussi.

R. Croci Martis optimè præparati,

Cornu cervi usti & præp.

Saturni calcinati & abloti

Lapidis calaminaris præp. an. ʒ. j. ss.

Misce fiatq; pulvis tenuissimus, qui filamentis Collyrio D. notato madefactis, usque ad tertium Julii impositus fuit. Quarta quum ad nobilem agram reduissem, & radicem fungi nondum penitus absumptam esse, imò & præter radicem duo parva germina, in prima figura E. notata adesse, cognovissem, iterum pulverem E. notatum, & spongas madefactas imposui.

Sexta Julii speculi, & radiorum solis beneficio, nonnihil puris in profundo meatus auditorii oculis sese offerebat, in quo motus veluti diastole & systole arteriarum, conspici potuit. Absteriso pure, quia radicem mali nondum omnino absumptam esse animadverti, iterum laminā ceream, cui ex una parte nonnihil medicamenti escharotici annexeram, ad radicem ipsam applicui, & spongas madefactas super imposui.

imposui. Radicem præterea fungi cranio ad-
 ærentem, imo ex ipso cranio originem traxis-
 se, bellè apparuit. Septima, de eodem medica-
 mento escharotico ad magnitudinem capitis
 ciculæ bis applicui.

Octavo electuario superius descripto, & B.
 otato ægram expurgavi, Post prandium cum
 adiorum solis, & speculi auris beneficio, mea-
 ram auditorium inspexissem, fungi vestigium
 nullum nobis apparuit: quæ de re in posterum
 nihil præterquam pastillos Andronis, syrupo
 rosæ siccis dissolutos, imposui. Post dies ta-
 men aliquot, quum in profundo auris, & illa
 quidem in parte, qua radix fungi fuerat, os de-
 nudatum invenissem, sequentem pulverem ca-
 tagmaticum, melle rosaceo parumq; spir. vi-
 ni mixtum per mensem fere integrum, me ab-
 sente imponere iussi.

℞. Pulv. florum Betonicæ
 Rosarum an. ʒ. ʒ.
 Rad. Iridis Flor.
 Angelicæ
 Cariophyllat.
 Masticis an. ʒ. j.
 Benzoi,
 Styracis calamitæ an. ʒ. j. ʒ.
 Misce.

*Pulvis cata-
 gmaticus.*

Post mensem quum ad ipsam rediissem nul-
 lam amplius ossis denudationem inveni: quæ
 dere, ut in posterum, pro corroboratione, &
 exsiccatione, partis affectæ, linimentum, ex
 C 3 pastil-

pastillis Andronis, & syrupo de rosīs siccis imponeretur, corpusque per intervalla expurgeretur, ac optima victus ratio observaretur, cōsului Sic divino aspirante numine, pristinae sanitati restituta fuit, qua & ad hodiernum usque diem 24. Octobris, 1613. (quo hæc scripti) feliciter utitur: & quidem in matrimonio non infelici, Proles præterea aliquot progenit: & auditum, qui antea per annos aliquot deperditus fuerat magna cum admiratione multorum recuperavit. Tam provida, & diligens est natura: præcipuè si in juvenibus diligentia Medici intervenerit. Plura non adscribo, Quandoquidem nobilissimum simul ac doctissimum virum DN. JOHANNEM DE MARTINES, ægræ nostræ fratrem (qui tibi dum Heidelbergæ vixit, familiaris fuit) integram historiam, & successum curationis aliquando coram te narrasse, non dubito: quapropter, ne prolixitate epistolæ metas transgrediar, subsisto, DEUM Q. OPT. MAX. suppliciter oro, ut te tuamque lectissimam uxorem, & liberos, quam diutissimè conservare velit. Vale vir amplissime, & æternum vive, cum tuis, quos tecum ex corde saluto. Dabam Lausannæ Equestrium 24. Octobris, Anno 1613.

OB.

OBSERVATIO II.

De hæmorrhagia narium, & purulentis auribus.

Viro amplissimo atque doctissimo DN. GREGORIO HORSTIO Philosophiæ & Medicinæ Doctori, & Illustrissimi Principis ac Dom. DN. LUDOVICI Landgraffii Hassiæ, Medico celeberrimo, nec non in Illustri Academia Giessena Hassorum Medicinæ professori ordinario, & pro tempore Rectori Magnifico Guilhelmus Fabricius Hildanus S. P. D.

Verissimum esse, quod dici solet, Magnifice DN. Rector, hominem proponere, Deum verò disponere, re ipsa experior. Paulò enim post abitum tabellarii, quem Generosus ille Fridbergensis ad me miserat, cùm iter ad meos derigere proposuissem, Deus Opt. Max. aliter de rebus meis disposuit. In morbum enim gravem incidi: qui vires meas mirum in modum exhaustit. Nunc tamen, Laus sit Deo, febris remisit, & paulatim vires meas recolligo ita ut, si Deus cœptis faverit, tandem ad vos, meosque me conferre posse sperem, Hæc ut Tua Magn. clarissimo viro DN. D. GEORGIO FABRO indicare eumque ex me salutare velit, rogo.

C 4 Ad

De Jaspide.

Ad literas quas M. T. ad me dedit, paucis respondeo: inprimis autem annulus Iaspide ornatus occurrit, cujus vires non satis admirari possum. Scio quidem & ipsa experientia me edocuit, Iaspidem in hæmorrhagia multū valere: sed qui virtutes adeò egregias atque manifestas, uti tua, ex se edidisset, nunquā me videre contigit. Itaque ut thesaurū huncce (post Deum enim thesaurum vitæ tuæ, nimirū sanguinem tibi conservabit) Cræsi divitiis præferas suadeo. Non enim omnes Jaspides sanguinem sistere, experientia docet: sed illæ solummodo, quæ undique sanguinis instar rubicundæ, nec ullo modo maculis albis, aut obscuris conspersæ sunt: quæ, quia rarissimè reperiuntur, ut cæteris omnibus præferantur, & in pretio habeantur, rationi consentaneū est. De præclaris autē & admirandis operationibus Jaspidis, in hæmorrhagia, exempla nonnulla apud ANSELMUM BÆTIUM DE BOODT lib. 2. c. 202, legantur: prudenter tamen ea uti licet, Quæ admodum enim superfluæ evacuationes periculosæ, sic & consuetæ, si retentæ fuerint, gravissimos morbos, nonnunquam & mortem inferre solebant. Quidā, vir pius, & à teneris annis hæmorrhagiæ narium obnoxius, cum in senectute amuleto, collo appenso, hæmorrhagiā inhibuisset, Apoplexia correptus fuit, uti observatione II. hujus centuriæ fusius declarabitur. Nobile quendā, cui hæmorrhoides suppressæ fuerūt, in paralyfin incidisse observatione II. Centuriæ. 2. annotavi.

*Observatio.**Observatio.*

Ex

Ex immersione corporis in aquam frigidam
 poros obstrui, ac proinde sanguinem versus
 interiora recurrere, ibique aliquomodo efferve-
 scere, nullum est dubium; Interim tamen,
 quia hoc modo sanguis in venis refrigeratur,
 inspissatur, retineturque, non omnino in hæ-
 morrhagia, cum maxima ebullitio sanguinis
 adest, in primis verò si æger juvenis, robustus,
 & corpore bene constitutus fuerit, rejiciendum
 est remedium hoc; præcipuè maximâ urgente
 necessitate, & quando ex duobus malis, minus,
 ut dicimus, eligendum est; reliquaque remedia
 frustra adhibita fuerint,

Quantum autem ad effervescentiam san-
 guinis, quæ sola in hac Curatione hæmorrha-
 giæ, quæ fit per immersionem corporis in a-
 quam frigidam, est timenda, illa facillimè Ju-
 lapiis refrigerantibus, & incidentibus, qualia
 ego obs. 17. cent. 2. præscripsi, corrigitur: non-
 nisi tamen, ut ingenuè fatear, nisi juvenibus
 convenit curatio hæc. In quibus & tutò adhi-
 beri posse testis est juvenis iste, cujus memini
 obs. 17. Centuriæ 2. Vivit enim adhuc, & ab eo
 tempore, nimirum ab Anno 1596. quo ex pe-
 riculosa illa hæmorrhagia Divino favore libe-
 ratus fuit, optimè valet.

Cæterum occurrit affectus T. Magn. specu-
 lationibus non indignus. Habemus hîc in vi-
 cinia in Oppido Solingen, matronam piam at-
 que honestam, quæ nunc vigesimum quintum
 annum ætatis prætergressa est, illa à juventute

C 5 in

in hoc usq; tempus purulētas aures habuit. Ex-
tillat quotidie materia, aliquando cocta & di-
gesta; nonnūquam quoq; subtilis, & tenuis, &
tunc dolores adsunt, aliquando & fœtor perci-
pitur. Cœlo existēte frigido, & humido, de do-
lore brachiorū conqueritur: procul dubio pro-
pter nervum, quem ego ex nervo auditorio de-
orsum descendente observavi, uti ex observ. 4.
Cent. 1. videre poteris. Invisi illā aliquoties, au-
res quinetiam diligenter inspexi; & ut plurimū
ductus auditorios materiā purulenta repletos
reperi. Ante menses duos cū aures absterge-
rem, frustū cartilaginis semiputridi, ex ipso du-
ctu auditorio extraxi, id autē observatione di-
gnū in hoc affectu occurrit, nimirū ærē, clau-
sis manibus, & ore, tam violēter ex aurib. effla-
re & expirare, ut impositis pennis, aut festucas
illas expellat, & bullas in ipso pure exciter. Cu-
jus rei ego aliquoties, cum admiratione pericu-
lum feci. Interim tamen auditum non multum
depravatū esse, & exiguam molestiam sibi
adferre malū hoc, ipsa ægra mihi retulit.

Ex hoc autem casu dubia nonnulla prove-
niunt, quæ tuo iudicio, vir Magn. subijcio. Pri-
mo an ær ille ex cerebro, an verò aliunde pro-
veniat? Secundò, an illæso tympano id fieri
possit? Tertiò si læsum est tympanū, cur audi-
tus abolitus non fuerit? Harum difficultatum
explanationem libenter ex tua Magnif. nisi id
molestum fuerit, intelligerem. Vale vir Ma-
gnifice, & Fabricium tuum, ut facis, amare
perge.

perge. Raptim Coloniae Agrippinae 17. Junii
1612.

OBSERVATIO III.

De purulenta aure.

*Ad eundem virum amplissimum atq; doctis-
simum DN. D. GREGORIUM HORSTIUM,
Philosophum & Medicum summum, amicum
singularem, cui Guilielmus Fabricius
Hildanus S. P. D.*

QUæ adversa, quæ tristia, quæq; luctuosa,
mihi post reditum meum ex Germania ad-
venere, clarissime atq; amicissime mi Dn. D. an-
te dies circiter viginti ad te scripsi. Ab eo tem-
pore, cum filius meus major natus (quem supe-
riori anno mecum in Germania vidisti) Geneva
Lausannam redisset, non diu post suum advē-
tum peste quoq; correptus fuit. Statim ab ini-
tio gravissimè laboravit, & ita quidem ut nihil
ferè spei salutis superesset. Elapso tamen septi-
mo, symptomata sensim remiserunt, & hodie
decimus quintus est dies morbi; quapropter i-
psū nunc abesse periculo spero, sed fiat volūtas
Domini, cui ego libèter, ut par est subscribo, &
memetipsum ipsius manibus submitto. Pestis
etiam nunc vehementer hîc grassatur, & per-
pauci restituuntur. Deus misereatur nostrum,
& justissimam iram suam à nobis avertat.

Porro de purulentis auribus, ante annum,
observa-

observationem quandam ad te scripsi, sed quia responsum nullum abs te accepi, valde dubito an literas acceperis, an verò in via, ut sæpissimè accidit, interceptæ, aut deperditæ fuerit. In omnem tamen eventum, iterum apographum ejusdem observationis, nunc ad te mitto. Ut autem & epistola hæc, aliquid, quo te oblectari possis, contineret, similem fere casum tribus saltem verbis adscribere volui.

Civem quendam hîc habemus, virum triginta circiter annorum ætatis, cui, cum ante annos aliquot catarrhus cum maximo dolore, in aurem sinistram decubisset, abscessus in ipso ductu auditorio exortus est, ex quo tamen potius naturæ quam medicamentorum beneficio, curatus fuit. Ab eo tempore, quotiescunque os & nares claudit, ac buccas inflat, spiritumque vi expellere tentat, flatus tam impetuosè per aurem illam sinistram expirat, ut sibilus satis clarus, ab ipsis quoque adstantibus facilè percipiatur, & candela, si auri admoveas extinguatur. Dolorem tamen nunc nullum adesse, auditumque, quod tamen mirum, vix depravatum esse, refert. Adscriberem quædam alia; sed præ mœrore, manus tremulat, animusque simul laborat, quapropter ignosce nunc festinanti calamo, & impolito stylo. Vale vir Amplissime, & feliciter vive diu. Dabam Lausannæ Equestrium. 30.

Octobris 1613.

OBSERV.

OBSERVATIO IV.

Nucleus Cerasi in auris meatum intrusus, naturæ beneficio, per suppurationem expellitur.

Quomodo res extraneæ ex auris meatu, arte atque instrumentis eximendæ sint, Lector in prima Cent. nostrarum Chirurg. obser. 4. 5. & 6. videre poterit, nunc nucleum Cerasi, naturæ beneficio, per suppurationem, rejectum esse, significabo. Anno 1610. Rev. viri D. JONÆ MERULÆ, apud Aventicenses verbi divini Ministri fidelissimi, filio duodecim annorum ætatis nucleus Cerasi, in dextrum auris meatum, infixus fuit. Hac de re, ut extraheretur nucleus, cum solliciti essent parentes, (quia ego Augustam Vindelicorum profectus) empiricum advocant. Is, etiamsi omnem suam diligentiam, atq; industriam adhiberet, nucleum tamen extrahere nō potuit: imò profundius intrusit: idque non sine dolore & cruciatu: Est enim meatus auris exquisitissimo sensu præditus. In ista autem operatione, hamulo acuto usus fuerat, quo ductum auris ita dilaceraverat, ut sanguis sequeretur, atque operationem impediret.

Remansit itaq; nucleus usq; ad 14. Octobr.
Interim

Interim, etsi de magno dolore nō usq; adeo cō-
quereretur puer, continuò tamen aliquid pu-
ris effluxit, superveniebāt per intervalla & ver-
tigines: quarum ob causam puer aliquando, ex
una in alterā partem vacillabat: caput quoque
ad humerum dextrum continuò inclinabat.
Cæterum 14. die prædicti Mens. Octob. cū
pater puerum mihi adducere vellet, ac aurem
inspiceret, nucleum ab ingressu auris, undique
pure immersum, animadvertit: illumq; acie a-
ciculi, parvo cum negotio extraxit: Meatus e-
nim auris materia purulenta, quæ nucleum ex-
tuserat, impletus erat. Postea brevī convaluit.

Annotatio ad Tyrones.

Etsi curatio hæc, atq; expulsio nucleï ad vo-
tum successisse videatur, nunquam tamen hac
methodo utendum, ac naturæ opus planè re-
linquendum esse, suadeo. Multa enim variisq;
symptomata ex suppuratione harum partium
oriri solent. Cum enim ductus auris exquisitif-
simo sensu sit præditus, facilè propter doloris
vehemētiā humores affluunt, atq; membra-
nam tympanum corrumpunt: Inde surditas.
Nō rarò quoq; os, quod exigua tantū mem-
brana investitum est, ex huiusmodi suppura-
tionibus, cariem contrahit. Carnem item fun-
gosam ex ductu auris, propter suppurationem,
exortam esse, & fungum scirrhosum procreas-
se ex præcedenti Observ. apparet. Diligentia i-
taq; adhibēda, ut quicquid extranei aurib. infi-
xū est, protinus extrahatur.

OBSERV.

OBSERVATIO V.

Ex sonitu Campanarum surditas
sequuta.

Sacrificulus Reindorffia pago haud procul
à Colonia Agrippina, ad litus Rheni sito,
homo senex jam ac decrepitus, cum quadā die
in turrim templi ascēdisset, ac ipsemet cāpanas
pulsaret (quod ille tñ à multis annis non tenta-
verat) protinus dolore capitis, cum tinnitu au-
rium correptus fuit: nec non auditum perdidit.
Ego post dies aliquot vocatus, pilulis aureis,
cochiis & aggregativis ipsum purgavi, cucurbi-
tulas scapulis, cum flamma & scarificatione
applicui, auribus quinetiam anodyna adhibui,
& masticatoria præscripsi. His administratis, &
optima victus ratione observata, dolor capitis
quidem cessavit, auditum tamen non recupe-
ravit.

OBSERVATIO VI.

Ex ictu bombardæ surditas se-
quuta.

ANNO 1593. JOHANNES TEXTOR, vicinus ac
cōpater meus, & 40. circiter annos natus,
cū Hildenæ in illustratione quadā militū, hu-
mi jaceret, ac obdormivisset, accidit ut qdā ex
locis

fociis suis jocandi, ipsumque expergefaciendi gratia, ad aurem ejus sclopetum exploderet. somnolentus Terror semi-expergefactus, ex co sono ita perculsus erat, ut propter maximam cerebri commotionem, sese ex uno in alterum latus convolvēs, cibum crudum ac indigestū, cum maximis doloribus, evomeret. Vocatus ego, capillos abradi, caputque oleo rosaceo inunxi: enema infundi, venam in brachio tundi, ac omnia quæ necessaria videbantur adhibui. Tandem Dei singulari beneficio dolor capitis, reliquaque symptomata cessarunt, ac omnino convaluit, auditum verò istius auctis, qui planè deperditus fuit, nonnisi post longum tempus recuperare potuit.

OBSERVATIO VII.

Ex casu ab alto surditas.

CIVIS quidam Lustriacensis, ad lacum Le-manum, vir probus, quadragenarius, mihi que amicitia junctus, Anno 1601. ex alto in pavimentum decidens, commotione cerebri correptus fuit. Ex quo casu, protinus loquela privatus, cibum indigestum evomit. Ego accersitus ad illum, omnibus, quantum fieri potuit, prospexi, adeo ut tandem omnia symptomata remiserint, ipseque convaluerit. Et ad hunc usque annum 1613. bene se habeat, auditum

tum tamen alterius auris in ipso casu amiserat, qui nullo arte nullaque industria hactenus restitui potuit.

DN. PETRI BLECHERETI patritii Lausannensis filio, idem ex casu accidit. Sed nimis prolixū foret, omnia, quæ hujus rei exēpla habeo, percensere: quotidie enim videmus duces exercitus atq; præfectos tormentorum bellicorum, surdos fieri. Quādoquidem, tam ex sono tormentorum bellicorum, quā ex casu in caput, cerebrum maximè & præter modum commovetur, concutitur atque ex una in alteram partem agitur. Hinc membrana, quæ ex nervo auditorio efformatur, & in foramine auris expanditur (tympanum dicta, & auditus instrumentum præcipuum) quia ex motu isto violento supra modum agitur, atque concutitur, aut disrumpitur, aut relaxatur nonnunquam etiam ossicula auditui destinata, ut est Incus, stapes & malleolus, suo loco removen-
tur, unde fit auditus aut depravatio, aut abolitio. Si enim membrana, tympanum dicta, relaxetur, & ossicula dislocentur, spes aliqua auditum recuperandi superest, sin disrupta fuerit, de auditu actum est. Hæc in gratiam tyronum recensere placuit, ut in prognosticis horum affectuum, coram ægis, quid prognosticandum, ipsisque promittendum sit, ediscant,

D

OBSER-

OBSERVATIO VIII.

Matrona videns Epilepticum cadentem, infantem postea epilepticum progenuit.

*Ad virum amplissimum atque doctissimum
D. GREGORIUM HORSTIUM, C. R. agricum
singularem, cui Guillelmus Fabricius
Hildanus S. P. D.*

AD exemplum admirandum de monstro
Pagenato, vir Magnif. ante annum ad te
scripti, varia quinetiam exempla de partib. mō-
stris addidi, autem mensura vero de duplici ve-
niens, & observatorem mihi: omnia recte
tibi tradita fuisse, minime dubito. In praesentia
occurrit aliud exemplum, nimirum puellū mor-
bogavissimo, ex imaginatione matris, ut vide-
batur, correptum fuisse: Historia ita se habet.

Ann. 1599 Honest. & pia matrona Coloniae
juvenis, robusta, & optimo corporis habitu
praedita, dū primo utero gestaret, & quadā die,
domesticae negotiorum causa, urbem per-
ambulare, ac quidam epilepticus ad ipsius fere
pedes in terram cecidisset, exclamasset, & ex u-
na in alteram partem sese projecisset, miram in
modum perturbata perterrita q. fuit praegrans.
Post mē. et aliquot puellum feliciter enixa est:
qui non die post, comitiali morbo correptus
fuit.

fuit. Multa variisq; medicamenta, cum à Medicis Colonienſibus, tum etiam à me adhibita ſunt, ſed fruſtra. Paulatim enim ita auctus fuit morbus, ut antequam annum ætatis attigiffet, è vita diſcederet.

Cæteterum cauſam morbi in hoc puero, imaginationem matris fuſſe, verifimile mihi vide ur. Quandoquidē parentes ſani & optimo corporis habitu etiā nunc præditi ſunt, ab eo quin etiam tempore liberos aliquot procrearunt, qui una cum parentibus huc uſque ſuperſtites, & morbo iſto caduco nunquam obnoxi fuerūt.

Similis ferè caſus Colonie quoque accidit. *Alia obſervatio.* Matrōna quædam pia, honeſta & mihi cognita, uero gerens, cum quadam die ad vicinā ſuam, morbo caduco graviter vexatam, vocata eſſet, atq; in ipſo paroxiſmo manſus laborantis teneret, ictum pugni laborantis in ventrem recepit, perterrita quidem fuit vehementer, nihilominus tamen fœtum ante cōſtitutum tempus nō edidit. Feliciter peperit: non diu tamen poſt partum, epilepſia graviffima correptus fuit infans, quā per horas 24. mirum in modum excitatus & vexatus fuit. Ope Medicorū reſtituto, ſed paulò poſt variolis correpto extinctus eſt. Hæc ex relatione ipſius matris, ante paucos dies, cum eſſem Colonie, excepi. Verum nihil certe conſtituere conabor, videlicet an imaginatione matrum in his infantulis fuerit cauſa, nec ne; hoc tamen libenter ex te intelligerem, an etiam morbos ex forti imaginatione

D 2 matris

matris provenire posse, existimes. De monstris enim amplius non dubito. Ego aliquando tale quid evenire existimo, si enim imaginatio, teste Joh. Riolano F. lib. de monstro Lutetiae nato, in humores & spiritus manifestum habet imperium, & eorum ministerio, dum formatur foetus inordinata & insolenti figura delineantur externae partes, cur & non morbi inde provenire poterunt? Vale vir Magnifice, & feliciter vive diu, Dabam Hildensæ ultima April. 1612.

OBSERVATIO IX.

Ex Commotione cerebri gravissima symptomata.

Matrona Paterniacensis juvenis, & optimo corporis habitu prædita Anno 1598. idu lapidis ad superciliū dextrum recepit. Cutis quædam ad os usq; incisa, calvaria tamen neque fissæ, multò minus fracta aut impressæ, imò vix denudata fuerat. Cerebrum verò adeò commotum, ut mox in terram quasi semianimis decideret, quin etiam cibum indigestū evomeret. Incidit in manus Empirici, qui nulla habita ratione cōmotionis cerebri, vulnus tantummodo consolidare studuit; quod & brevi sanatū fuit: dolore tamen cōtinuo capitis, præcipuè partis dextræ vexabatur. Intra menses duos nervus opticus dexter adeò obstructus est, ut visū istius oculi planè amiserit; Exterius tamen in pupilla
&

& circa corneam usque nunc nulla apparente macula. Vertigine quoq; sæpissimè laborabat, & accessionibus epilepticis nonnunquam corripiebatur.

Cùm annos circiter octo in isto vitæ statu miserrimo vixisset, aucti sunt dolores capitis. Super venerunt præterea cōvulsiones brachiorū, cum ingentibus doloribus, in primis aëre existente frigido & humido: ita quidem ut nunc à duobus abhinc annis lecto egredi nō possit, & ad hunc usque annum 1608. decumbat: qualis verò erit exitus, tempus docebit.

Appendix.

Anno 1609 3. Decemb. eadem Matrona cōvulsionibus brachii sinistri, cum maximis doloribus correpta fuit, & per dies aliquot laboravit. Ego tandem vocatus, brachium & nucham sequentibus oleis inunxi.

℞. Ol. lumbricorum
Vulpini
Liliorum an. \mathfrak{z} ij.
Ol. Philosophorum & Therebinthinæ an. \mathfrak{z} β.
Pingued. humanæ \mathfrak{z} j.
Misce.

Circa carpum cingulum ex corio humano applicui. His convulsiones cessarunt. Interim autem dum ipsam curarem aliquoties mihi retulit, se multoties foetorem quendam ex cerebro proveniētem, percipere: Non quidē cōtinuò,

D 3 sed

sed per intervalla, foetorem porro illum, et si non usq; adeo molestus esset, aliquando tamē veluti lypothimiam sibi inducere aiebat ægra.

OBSERVATIO X.

De periculoso catarrho suffocāte.

DE scabie, quę in finibus circa collum, & in capite erumpit, curāda, valdē sollicitæ solent esse matres: cum potius natura, ut superfluitates atq; excrementa, hoc modo ad exteriora expelleret, provocanda esset, Ut plurimū enim pueri si in tenella ætate per scabiem non expurgantur, tandem aut illo suffocantur, aut morbis gravissimis obnoxii fiunt, cujus rei fidem faciunt exempla sequentia.

Exemplum I.

DN. JOHANNIS RUDOLPHI AB ERLACH genere, doctrina, virtute atq; eruditione verē nobilissimi viri, & pro tempore præf. Mel-dunens. prudētissimi filius, nūquam scabiei in capite aut circa emunctoria obnoxius fuerat. Robustus tamen, vividus & obesus erat; sed anheluū aliquo modo difficulter trahebat: quod parentes ad obesitatem & cōstitutionem phlegmaticā corporis, referebant. Circa 13. Julii An. 1608. Catarrhus copiosior in fauces, & circa asperam arteriam defluere incipiebat. Interim etsi appetitus minimē prostratus, & actiones corporis exerciti q; puerilia probē exerceret, difficultas tamen respirandi ita aucta fuit, catarrhus-

tharri q; tā copio ē ad fauces decumbere cō-
 pit. ut 14. Iul. circa vesp̄eram stertoraliquis cir-
 ca fauces asperamq; arteriā perciperetur. Cō-
 travit tamen promovere: sed quia difficultas spi-
 randi, & stertor singulis momentis augeban-
 tur, eadem nocte nobilis iste vir ad me misit;
 auxiliumq; petiit: rem tamē adeo periculosam
 esse minimē putans. Interim autem dum nun-
 cius Lucentius Paterniacum ad me perveniret,
 medicamenta à me acciperet, domumq; redi-
 ret, catarrhus tam copiosus ad asperam arteriam
 defluebat, ut singulis momentis suffocationis
 metus adisset: & medicamentis quæ miseram,
 uti non posset. Confestim itaque ad me remisit
 nobilis, petiit q; ut ea qua fieri posset diligen-
 tiā ipsum audiret. Sed antequam Lucentius
 perveniret, puer jam maximis cum doloribus
 & cruciatu suffocatus fuerat, decima quinta ni-
 mirum Julii, & eadem die qua secundum an-
 num ætatis absolverat.

Exemplum II.

Similis ferè casus accidit filio meo majori
 natu: cum enim ab ineunte vita nunquam sca-
 bie obnoxius fuisset, & nunc septimum an-
 num ætatis intrasset, quadam die catarrhus tam
 copiosus ad renes & ureteres decubuit, ut reten-
 tio inde urinae, dolor maximus & continuus,
 inflammatio & gangræna sequuta sit: ex qua
 sexta die morbi animam Deo reddidit, ut in tra-
 ctatu de gangræna & sphacelo declaravimus.

D 4

Exem-

Exemplum III.

Filius cuiusdā nobilis in comitatu Marchiæ, quatuor circiter annorū ætatis, scabiē & pruritu totius corporis & præcipuē capitis, & circa emunctoria laborās, Dn. Cosma Slotano curandus adductus fuit. Is cū scabiē hancce externis lotionibus, inunctionibusq; minimē curādam esse, parentib. significasset, consilio Slotani amplius uti noluerunt, & empirico puerum curandum commiserunt. A quo à scabiē quidem curatus fuit, sed in epilepsiam postea incidit. Tum denuò D. Slotanus in consilium vocatus, primò corpus, quoad fieri potuit, diligenter expurgavit, optimumq; vitæ regimen instituit. Deinde quæ epilepsiam debellare queunt, intrus exhibuit, & circa futuram coronalem applicuit. Tandem vesicatoriis ex corticibus vitis nigra ad emunctoria applicatis, humores exclementiores ad emunctoria attraxit, sic divinā gratia puer iste ab epilepsia sanatus fuit, nec deinceps de scabiē amplius solliciti fuerunt parentes.

OBSERVATIO XI.

Ex consuetæ Hæmorrhagiæ narium suppressione apoplexia.

Ad clarissimum atq; doctissimum virum Dn. JOH. JACOBUM CRAFTIUM apud Neocomens. Doctorem medic. ordin. atq; celeberrimū, cui Guilhelm. Fabricius Hildanus S. P. D.

Quemad-

Quemadmodum superflue evacuationes, Clarissime atq; doctissime Dn. D. CRAFTI, periculose, sic quoque videmus, si consuetæ fuerint retentæ, perniciosum atque exitiale esse. Id mihi cum aliàs tum etiam Lausannæ videre contigit. Historiam quia annotatione non indignam esse sentio T. Exc. communicare non gravabor.

SIMON CLERICUS Aurifaber Lausannensis, natione Gallus, homo pius, sanguineus & robustus, hæmorrhagiæ narium à juventute ita obnoxius fuerat, ut etiam si sæpius sanguinis ad uncias aliquot pro vice efflueret, singulistamen annis, aut biennio semel tanto impetu erupit, ut difficulter cohiberi posset. Cujus rei ego testis sum ocularis. Anno enim 1586. cum sanguis ei impetuosius copiosissimæque ex naribus proflueret, adeò ut de vita periclitaretur, unà cum clarissimo Dn. JACOBO AUBERTO VENDONE piæ memoriæ, apud Lausannenses Doctore medico longè celeberrimo, amico ac fautore meo plurimum honorando, in consilium adhibitus, sanguinis fluxum ipsi, non sine difficultate multisque laboribus restrinximus. Convaluit tamen divino favore, & per annos aliquot supervixit. Tandem adultior factus, cum eminens aliquod periculum, ex crebra hæmorrhagiæ narium sibi metueret, & ad sanguinis profluvii præcautionem amuleto quodam collo appenso, fluxum inhibuisset, apoplexiâ correptus fuit Anno 1589. Ex qua pro-

D 5 tinus

tinus animam Deo reddidit, cum annum sexagesimum ætatis prætergressus esset. Post duodecim horas ab obitu, cum cadaver jam sepultura tradendum esset, sanguis copiosè è naribus & ore emanavit. Hystoria hæc rara est multò tamen rariorem & observatione digniorem casum, qui non ita pridem apud vos accidisse intellexi, esse existimo, quem nisi gravis fuerit, ut mihi communicare non graveris obsecro. Epitaphium gallicum in viri prædicti obitum à filio ipsius, viro optimo, pioque, & amico meo singulari, scriptum, annexere placuit. Tu, quæso, omnia boni consule, & me te amantem, redama. Vale vir clarissime, & vive diu, Paterniaci Aventicorum 2. Augusti 1609.

Epitaphe.

Sur la rive de marne à marueil prius naissance
D'honorables parens: legitimes françois:
Puis orphentre en mon art. servant aux Lausanois:
Hors mon pays natal, prins au ciel accoinrance.

*En octobre sept. 1609 s'vne Apoplexie
Tost s'vnt Si Mon Le Clerc en eterne Le Vie.*

David le Clerc parenti
Charissimo P.

O B-

OBSERVATIO XII.

ANTEPEPTHMA

Ad DN. GVILHELMUM FABRICIUM
HILDANUM *Medicum & Cheirurgum*
solertissimum, amicum intimum trans-
missum à JOHANNÉ JACOBO KRAF-
TIO Bas.D.Physico Neocomense.

IN quo paucis ostenditur, quod natura in quadam muliere, menstrua retenta, sæpe per os & n. res excreverit: quæ tandem apoplexiâ mortuâ, copiosè post trigesimam sextam mortis horam, sanguinem per jam dicta loca ejecit.

Princeps Peripateticorum ad Nicomachum scribens: Ingratitudinem maximum esse vitium: evitando ideo illud, æquum & justum esse censui, tuæ haud longè dissimilem, mutux nostræ amicitix ergò historiam annectere, quam uti spero, raram si inveneris, ansam mihi præbes, & aliis insectari.

Apprimè allegat Hippocrates Aphorismo 3. sect. 1. ubi docet: *Extremas & repentinas evacuationes lethales; Contra consuetarum retentionem periculosam esse:* Cujus veritas una ex parte in tua, ambabus in mea elucet. Consueti enim menses,

ses, cum retenti fuerunt, hæmorrhagiam pepererunt, quæ paulatim assuescendo tandem Apoplexiam excitavit, inde mors secuta, & longè post ingens effusio sanguinis visa est. Quomodo autem hoc contigerit, sequens historia quæ sub finem elapsi anni, hac in urbe accidit manifestabit.

Mulier quædam pia & honesta, nomine BONA DONBELLE Bysantina, commater mea, ætatis quadraginta annorum, valdè obesa, cacochymica, admodum plethorica distillationibus, doloribus quæ præcipuè capitis, ventriculi, suffocatione uteri (sicuti ante biennium ipsam ea laborasse, & per tres horas mortiquasi similem fuisse, tum animum recollegisse, ego oculatis eram testis) necnon hæmorrhagiæ potissimum eo tempore, quo menses retenti fuerunt, omnino sarcinam menstruaalem copiosè per os & nares deposuit, à multis annis obnoxia fuit.

Inde ipsam apoplexiâ, ut postea dicetur, plethorica, cum subitò quasi attonita concidit prius tamen bene se habens, & in officina sua nens, & motu excepta per difficili respiratione pulsu vehementi, magno ac veloci, & omni sensu privata, vitam cum morte commutasse, quid credibilius? affluxio namque ista consueta sanguinis, non neglecta intemperie, atque mala dispositione ex inferioribus corporis partibus, majori ex parte ad cerebrû, quod omnium actionum animalium fons, author,
&

principale, nec non instrumentale subje-
ctum apoplexiæ, absque violentia & agitatio-
ne internorum viscerum, sive valvularum ve-
tricularum præcipuè jugularium, tam internarum
quam externarum, ut Hippoc. 4. De vict. ac, at-
que resistentia facta non fuit. Quamvis FER-
RELIVS 5. *De partium morbis & sympt. cap. 3.*
sistentie Gal. 5. *De sympt. causis cap. 6. & 3. 4. loc.*
f. cap. 2. 7. asserat, apoplexiam fieri ex causis
rigidis, pituitosis, lentis, crassis, & viscidis, quæ
ventriculos afflati impler, sicuti refert AëRIUS
capite De Apoplexia, functionem radiorum
pituitum animalium impediunt transire ad
musculos respirationis; unde systole, & dia-
stole diminuitur seu abolitur, ac finis respira-
tionis tam cerebri, quam cordis tollitur, qui
est eorum refrigeratio, recreatio, sive augmē-
tatio, & excrementorum expulsio, atque tan-
tem vel subito vel brevi, idque secundum la-
titudinem obstructionum, uti in hac muliere
vidimus, spiritus & functio animalis suffocan-
tur: tamen alibi, ut *lib. de sang. miss. cap. 7. & 4.*
de vict. in morbis acutis comm. 27. in lib. introduct. si-
ne Medico. Avicenna *Can. 3.* non negant & ple-
thora nonnunquam id fieri posse, quoniam, ut
ajunt, tempore potissimum Veris nonnulli ve-
næ sectione ab ejusmodi morbo liberantur: id
quod nobis in nostra muliere apparuit. Non
eò tamen inficias, sanguinem pituitosum fuisse,
quia maximè repleta ac cibis horariis qui-
bus summopere delectabatur, crudos indige-
stos-

stosque humores fovit, Putredo inde interna genita, in causa fuit quod sæpissime febricula laborarit, unde cerebrum incalefactum, humores quodammodo liquefciendo affatim delabi sivit. Sanguis insuper menstrualis retentus, sursum regurgitatus, ventriculos & ductus radiorum facultatis sensitivæ, & motivæ, ita è toto occupans, replens, atque obstruens, ut vim animale in reliquum corpus, præcipuè musculos thoracis, partim influere non permisit, partim ipsos suffocarit. Insupertalem apoplexiam plethoricam fuisse plenius affirmatur, quod in agone mortis grumos sanguinis ex ipsius ore extraxi, sperans, eo modo maximè difficilem respirationem allevari: sed frustra. Deinde non parvum adminiculum dedisse, planè credendum, hysterica passio, qua aliquando, ut superius annotavimus, laboravit: Et hoc secundum Avicennam *cap. 13.* qui etiam Apoplexiam procreari dicit, à communitate alicujus membri: maximam autem habere cerebrum cum utero, & contra, lippis & tonsoribus notum. Et has fuisse causas, & quidem materiales, concomitantes quadam intemperie, totum cerebri corpus occupantes reor: quamvis aliam adungat Gal. *Comment. Aphorismi 42. sect. 2.* dum ait, fieri quoque à dispositione simili inflammationi: quod intelligitur ab Avicenna, Apoplexiam fieri à copioso sanguine, qui non egreditur vasa: id est, venas &

arterias, alias fieret inflammatio, quæ tunc
non esset διαθεσις φλεγμονώδης, Sanguis
ergo vasa non egrediens, ea vehementer
preet, affectum similem inflammationi ef-
ficet: Est ita angustia, quæ est compressio, non
substantiæ, sed pororum cerebri.

Summopere certè admiratus, audien-
do, ipsam quandocunque Menses cum sup-
pressi erant, sanguinem & per os, & per na-
res ad aliquot dies copiosè expuere atque e-
mungere, ac ita sarcinæ menstruali per ea lo-
ca liberaui: quod cum factum benè tum se
habere, ut illa, quæ mensibus per vias naturæ
designatas, purgantur.

Et hinc proculdubio una inter alias pro-
mittitur ratio, quod nonnisi semel, sicuti i-
psamet mihi retulit, conceperit; & conce-
ptum non diu retinuerit, quamquam hoc
majori ex parte plethoræ, & magnitudini cor-
poris adscribatur. Menses enim cum ad-
huc ordinariè & secundum naturam flue-
bant, maximam semper copiam solebat ex-
cernere. Et hæc qua fieri potuit breuitate
de duabus hujus historiæ partibus dicta
sunto.

Nunc eadem conditione, relictis quam
plurimorum opinionibus, & sententiis, & ter-
tiam subnectemus, quæ est: *longè post mor-
tem sanguinem magna copia excrevisse.* Quæ
proinde cum mortua, tempore consueto
almæ

almæ matri committi non potuit, propter sororis distantiam, quæ ad funus etiam accersēbatur: Ideo in hypocausto calido aliquandiu manens, ob fœtorē coacti fuēre feretrum immittere, quod in culina erat, alias propter angustiam & incommoditatem domus, forās portari non potuisset: Locus non minus calidus, quam in hypocausto; Addo & insuper quod eo tempore, loco frigoris & Austri, & pluvie satis diu regnabant; quæ duo, calor videlicet externus, tanquam causa efficiens, & humiditas tanquā materialis quam plurimum augent putredinem, ut *Gal. 4. 9. Methodi Med. cap. 53.* Calor proin aëris ambientis in hoc cadavere putredinem non parum juvit. Idque secundum putredinis naturam, ut Galenus *11. Meth. Med. 8.* quæ est mutatio totius putrescentis corporis substantiæ, ad corruptelam, à calido externo, vel in corpore ascititio vel aliunde adveniente: quæ omnia causam hujus fluxus, maximè promovebant. Calor enim naturalis, nondum omninò exstinctus, fœtus præternaturali & adventitio seu extraneo tam hypocausti, culinæ, quam temporis Australis, & pluvialis, proprio enim calore nihil corrumpitur, siquidem *putredo* juxta Aristotelem, est corruptio seu interitus proprii atque innati caloris, per externum & adventitium, in unoquoque humido proveniens: ex crudis, pravis, & retentis humoribus putredinem, vapores atque flatus excitavit, qui quoniam calor non nimius, non dissipat frigus

*putredo
quid?*

frigus non ingens, non coacti, seu condensati, uti Aristoteles dicitur, nimium calorem vapores consumere, contra frigus eos consistere, & impedire, verum horum medium fovere, ideo adeo aucti fuerunt, ut ventrem tympani instar, intumefactum extendebant.

Nunc sanguis in venis contentus, ac non-
 lum calori insito totaliter privatus, quamvis
 mors nihil aliud sit, quam *caloris nativi extinctio*,
 ut Galenus 2. *de temperam.* docet, motu vel
 intrinsecè vel extrinsecè excitato, ut videre li-
 cet in cadaveribus morte violenta sublatis, ali-
 quando post multos dies ex vulneribus san-
 guinem promanare, potest moveri, non ilico
 enim cessat, præcipuè in eis, qui morbis chro-
 nicis non sunt cõsumpti aut extenuati, quem-
 admodum fuit hæc mulier, quæ nullo tunc
 temporis morbo apparente laboravit: quam-
 vis videatur anima efflata corpus subito refri-
 gerari, poros, vias ductusq. ita contrahi atque
 coarctari debere ut humores seu sanguis omni-
 mode in loco retineatur, & arctè incarceretur,
 propter insitam tamen arteriarum, & venarum
 proprietatem, sanguis quamdiu in ipsis conti-
 netur, non coagulatur, extra verò quampri-
 mum. sed semper liquidum ac fluidum conser-
 vant id, quod ultra authoritates, autopsia, no-
 bis & anatomicæ sectiones uti & quotidiana
 experientia ostendunt, Sicuti mihi semel Ba-
 sileæ videre contigit; in quodam adolescente,
 E qui

Observatio

qui aquis submersus, decimo sexto demum die repertus, merum & non loturæ carnis similem, ut quis inferre posset, sanguinem per os & nares omnium cum admiratione eiecit. Partilaginoli igitur isti vapores ex tetrīs & fœculentis humoribus tanta copia excitati, humores in calore fovētes, vias ductusq; quæ spacio viginti octo horarum contracta & clausa, proculdubio propter jam infrigidatum & rigidum cadaver erant, reserant, ac per *ava* *supra* sanguinem excluderunt, ob compressionem flatuum in ventre inferiore excitatorum: qui adeo ventrem implentes ac replentes, sanguinem præcipuè in vena cava contentum, sursum expulerunt, ad venas jugulares, quæ sine dubio jam debilitatæ ac laxæ erant, potissimum internas: quæ magis apertæ, propter calorem, qui alias aperit, rarefacit, liquecit, humores attenuat, & sic fluxum aliquomodo accelerare potens, ubi *ava* *supra* confluentem sanguinis mēstrualis exclusi reperiens, itaque propter repletionem erumpere cogens, & per os & per nares copiosè exiit & hanc unicam huiusmodi fluxus fuisse rationem principalem, quamvis non ignorem. & alias multas posse esse, quæ ora venarum seu arteriarum cerebri, vel aliarum partium acredine, calore ex-nante, casu, motu (terri enim, inquit LEMNIUS potest, ut sanguis, qui in venis delituit, agitato motuque corpore erumpat) quantitate, qualitateve conodunt, & aperiunt: plane mihi

mihi persuadeo. Et hæc insuper etiam causa est, quod ter, quaterve per horam colorem faciei mutavit, cum mox vividum, rubicundumque mox pallidum ac morti similem habebat. Nam quoniam ut diximus, admodum caco-chymica erat, calor qui conveniens ex putredine flatus excitavit qui cum comprimentes venam cavam sanguinem sursum e pulsus aliquid in venas capillares vultus intruserunt, qui tamdiu ibi manens colorem rubeum, quamprimum autem per os seu nares effluxus, fœdè pallidum peperit. Alius dein cum appulsus rursus vividum, cum ejectus lividum effecit: idq; sæpiissimè, ac per intervalla, quod adstantibus & causam huius rei nescientibus maximū horrorem dubiumq; ipsius mortis incussit: existimantes, plusquā miraculū ac inauditum quid, nec non omni ratione destitutū esse: ideo me advocarunt, id cum vidissē, statim supra recitatis rationibus cuilibet labellū compescui, terrorem excussi, & ad rectā veramq; huius rei opinionē induxi: & hoc per horas novē duravit, tandē post mortis horā 37. terra commissa est. Atq; hæc est mea succinctè conscripta historia, clarissime, atq; amantiſ. Dom. FABRICI quā nuperrimè cum verbis audieras, Epistola huic præcedenti, simili conscripto casu à me exegisti, quam proinde sereno vultu excipere velis, etiam atq; etiā rogo. Vale iterum atq; iterum vale. Datum Neocomi 18. Calend. Sept. Anno FIDete scD an C Ito VIDete.

E 2

OB-

OBSERVATIO XIII.

De curatione Maniæ in Juvene
quodam.

NICOLAUS LOV ex pago Momagninenſi ſub præfectura urbis Aventicæ, Juvenis 29. annor. ætat. quum plus æquo ſeſe vino generolo Murati ingurgitaſſet, in febrim incidit continuam, eaq; cum graviter laboraſſet ſpacio 15. dierum, Dei & naturæ beneficio liberatus fuit, nullis adhibitis medicamētis. Sed paulo poſt Maniæ correptus, cum per 15. dies graviter detentus fuiſſet ac tandem die videl: tertia April. 1606. me accerſiſſet, ipſum tali furore correptum offendi, ut duo viri, quantumvis robuſti, vix eum continere potuerint, noctesq; diesq; ſeſe ex uno lecti latere in aliud conjiciebat, agitabatq; neminem agnoſcebat, ne domeſticos quidem, veſtes, lintheamina, culcitram dilacerabat, imò & proprium corpus dilaceraſſet, niſi adſtantes præcaviſſent, vociferabatur item, continuoq; loquebatur, nec ſomnum capeſſebat.

Ego itaque pro primo apparatu ſtatim ſequens ipſi Enema exhibui.

Enema.

℞. Radic. & folior. malvæ
folior violar.
mercurial.
flor. chamomil.

melil

melil. an M. j.

sem. anisi & fœnogræci an. ʒʒ.

Coquantur ad consumptionem tertiæ partis. In ʒʒ. colaturâ dissolve salis p. ii. vitel ovor. n. ij. mellis cochlear. j. butyri recent. ʒij. Misce F. Enema.

Rejecto Enemate medianam dextram incidi extraxique ad ʒ viij sanguinis. *Venæsectio.*

Post venæ sectionem, emulsionem amygdalar. & semin. cucurbitæ ipsi pro cœna exhibui. *Emulsio.*

Alterâ die præscriptum Enema bis, nimirum ante & post prandium injeçi, jusculisq; avenaceis & hordeaceis, lacte itē amygdalato illum nutrire curavi: loco autem vini decoctum hordei, agrimonix, veronicæ, & ceterach, cui non nihil succi granor. berberis commixtum esset, ei exhibui. Illa vespéra denuò præscriptum pondus Laudani propinavi.

Tertia die, quæ erat 5. Aprilis, præscripti potiunculam sequentem.

℞. Confection. Hamech. ʒij.

electuar. diacathol. ʒij.

Syrupi rosar. solut. ʒj.

Potiuncula.

Cum decocto pectorali fiat potiuncula.

Sexta & septima die mentis huius, nullum ei medicamentum exhibui, sed ut optimam observaret victus rationem, nihilque aliud, præter decoctum suum hordeaceum biberet, imperavi. Hinc aliquantum dormire cœpit, adeò ut reliqua symptomata omnia potius diminui, quam augeri viderentur.

E 3

Octava

Octavâ dicti mensis die, cucurbitulas scapulis, cum magna flamma & scarificatione ad movi.

Nonâ verò sequentem exhibui potionem

potio.

℞. Radic. lappatiacuri ℥ss.

herbar. agrimonie

Veronicæ

Cuscutæ

Polytrichi

Ceterach. an. Mss.

Sem. anisi &

folior. fenæ mundator. an. ℥ij.

In hujus decocti ℥iij.

dissolve extracti nostricortic. E-
sulæ gr. xii.

Extracti nostri Ellebori ni-
gri gr. vj.

Aq. cinamomi destill. sine
vino ℥ss.

Misce fiat potio.

Die 12. denuò modò præscriptam potio-
nem sumpsit.

Die 13. secundò cucurbitulas cum scarifica-
tione applicui.

Hiscè remediis, optimâ observatâ victus ra-
tione, corporeq; per intervalla expurgato, di-
vino favore, plenissimè in integrum fuit resti-
tutus.

OB-

OBSERVATIO XIV.

De falsis imaginationibus, quæ
supervenire solent iis, quibus
membrum aliquod ab-
scissum est.

HISTORIA PRIMA.

*Clarissimo & Prestantissimo viro D. GUIL-
HELMO FABRICIO HILDANO Me-
dico Paterniacensi ordinario, Cheirurgo
ut exercitatissimo, ita felicissimo Mi-
CHAEL DORINGIUS D. & in Illu-
stri Academia Giessena Medic. Professor
public. S.P.D.*

DUas hætenus, Clarissime Fabrici, brevi
à te accepit literas, amoris erga me tui ple-
nissimas: ad quas ut prolixius nunc respon-
deam: temporis non fert conditio. Sunt e-
nim multa, de quibus deinceps per litteras re-
cum agere decrevit: nunc tamen non licet, &
ut de gemina responsione, quam tibi ad du-
plicem observationem, de Uvulæ scilicet
relaxatæ ac Hydrocephali curatione, adhuc
debeo, nihil dicā: sunt certè non vulgaria, quæ
hoc semestri in praxi observavi. Scripsi proxi-
mè de Dysenteria nonnulla; Scribā verò in po-
sterum de eadē alia quorū duo præcipuè erunt
capita. Primū ostendet, in quos morbos nupe-

ra nostra Dysenteria desierit In altero quarant
utrum Dysenterici, qui primò statim insul
tu frequentissimè dejiciunt, facilè emergant
Deinde singularem quoque de polypo nani
observationem, quemadmodum aliam iti
dem de causa gangrænæ, & consequentis spha
celli, nata ex venarum pedis sinistri, in deflu
xione frigida, & hanc comitante atrophia, se
ctione à Cheirurgo quodam tentata susce
ptaque data occasione ad te perscribam.

Nunc illud solum præterire nolui, ne va
cuam planè ad te mitterem Epistolam: miram
scilicet Phantasie ipsiusque sensus commu
nis esse vim, ut objecta dudum absentia, quæ
vel molesta, vel consuetæ saltem aliquan
do fuerunt, tanquam præsentissima, vel a
versetur, vel amplexetur. Illius rei exemplum
notabile non ita pridem (nempè ante dies
decem, dum hæc scribo) in Pastore quo
dam septuagenario, qui Ecclesiæ paganæ (quæ
est in pago *Eyden* vocato, tribusque Gies
sæ miliaribus distante) ad annos aliquot viginti
inservivit, ipsimet mihi observare licuit. Cum
enim tibia ob pedem sphacelo depastum ab
scissa, truncoque obligato vix dum in lectum
repositus esset: de nullo alio conqueri cœpit,
quam maximum pedis affecti digitum unicè
se dolere. Et quod forsitan mireris; locum
in sponda digitis notabat, in quem pes affe
ctus reponi antea solebat, ut ita majorem ad
stantium fidem demereri videretur. Mi
rum

tum verò & hoc, quòd non tantùm digito isto
dudùm abscisso, sed & tota tibia jam recentis-
simè à Cheirurgo amputata, prædictum sym-
ptoma incurrit. Cujus rei rationem ecquam
tu aliam adferas, quàm quæ paulò antè à me
adducta est? Quod cum ab ægroto tam confi-
ter affirmari audirem: incidit tùm temporis
commodè historia quædam à te, nisi fallor, co-
ràm aliquando recitata, & huic non abfimilis.
Cum enim alius tibia amputata se eadem mi-
nimè destitui putaret, atque è lecto surgeret,
in terram devolutus suo didicit periculo, tibia
se se carere. Quare cum recitarem, æger confe-
ssim exclamavit, & se valde metuere, ne idem
sibi postea obtingat.

Observationes tuas Chirurgicas cum aliis
laboribus, quod aliquandiu suppressis, non
quidem ob rationes à te adscriptas, malè facis.
Tracta tamè cum Bibliopola aliquo Witteber-
geni hac de re. Scio futurum, qui operam
suam offerat. Si placet, ego ad aliquem scribā.
Nec deerit noster Horstius: qui, quia coram
nunc adest, optimè te juvabit. Nolim enim
præclara tua inventa diutius apud te detineri:
quin plurimis innotescant. Habebunt enim
non Chirurghi saltem, sed & Medici, qui inde
discant. Sed abruptum epistolæ filum, a-
lias enim prolixius scribam. Vale. Daban-
tur Giesæ Hassorum, die 26. Mart.

Anno 1610.

E S OBSER-

OBSERVATIO XV.

HISTORIA ALTERA.

De falsis imaginationibus, quæ supervenire solent eis, quib. membrum aliquod abscissum est.

Clarissimo atq; doctissimo viro, Dn. D. MICHAELI DOERINGIO, in illustri Academia Gießena Hassor. Medicinæ Profess. longè celeberrimo amico singulari, Guilhelmo Fabricio Hildan. S. P. D.

TU is, Clarissime, & semper mihi amantissime D. Doct. Döringi heri hîc Basileæ (ubi nunc per mensem integrum hæreo) accepi. Et quia in ijs nonnulla pulchra, & annotatione digna continentur, gratissima mihi fuere, ideoq; prout tempus & occupationes nunc mihi concedunt, ad singula aliquid respondere conabor. In primis autem, ut responsum ad observationem de Uvula relaxata maturare digneris, obnixè rogo.

De dysenteria tibi debeo observationem singularem, quam pro tertia Centuria reservabo. Interim tñ, ut Exc. T. quæ circa morbum huncce observavit, communicare ne gravetur, rogo. Adscribe quoque, quid tibi de prunis in dysenteria
Germa-

aria videatur: quidam enim, cuius Tractatum Germanico idiomate editum, apud me vidisti & legisti, illa ad cœlum usque extollit.

De periculosa venæ sectione superioris Autumni exemplum memorabile mihi videre cō-
 gigit. Cum enim Soloduri apud nobile virum,
 D. JACOBUM WALLIER, ictu catapultæ gra-
 viter læsum, una cum clarissimo D. ANDR.
 WEICKHIO Medic. Doct. cō victore meo plu-
 rimum colendo hærerem, vocati fuimus ad
 quinquagenarium hominem cacochymicum,
 & ad hydropem proclivem. Is antea aliquot
 diebus cephalicam dextram sibi incidi curave-
 rat, non solum impurgato corpore, verum &
 eadem die stomachum crapulis multis (ut Ger-
 manorum nostrorum, ein neues / Ich sage / bö-
 ses Geseß zu machen / mos est, atque pessima
 consuetudo) onerato. Et quia corpus sum-
 mopere cacochymicum, & pravis humoribus
 refertum, altera die à venæ sectione supervene-
 rat dolor aliquis circa locum incisum, mox se-
 quuta est inflammatio & adfluxus humorum
 adeò magnus, ut præ dolore noctes diesque
 minimè quiescere posset. Brachium enim usq;
 ad humerum, & manus supra modum in tumo-
 rem elevabantur, & ut verbo dicam, gangræna
 proxima erat. Ego prima nocte, præter topica
 convenientia, ad grana 4. laudani ei exhibui,
 cujus beneficio ea nocte benè quievit. Postera
 die ad 3 v. Elect. diacarthami in forma tabella-
 rum propinavi, sed vix semel alvum subduxit, uti

*Exemplum
 periculose
 venæ sectio-
 nis.*

nec

nec ʒj. pilularum cochiar. & de hermodactyl
cum granis aliquot trochiscorum alhandal, &
diagridii. Interim dum hæc absque magno suc
cessu adhiberem, dolor ægrum, anxietas verò
barbitonforem, qui venam inciderat, conti
nuò excruciabatur. Ideo quæ extractum phleg
magogum ad grana 14. exhibui, quod alvum
quater aut quinquies subduxit, & vomitum se
mel movit. Subsequentem noctem à purgatione o
primè quievit, sed ubique in brachio pustulæ
eruperunt, ex quibus humor serosus copiosis
simè septem aut octo dierum spacio effluxit.
Postquam verò denuò prædictum extractum
exhibuissim, & in topicorum applicatione ni
hil prætermisissim, intra dies 14. ex hoc tam
gravi & periculoso symptomate liberatus
fuit.

*De falsis i
maginationi
bus.*

Cæterum illos, quibus membrum aliquod
insigne, veluti brachium, aut crus amputatum
est, interim dum truncus dolore, inflammatio
ne, aut simili aliquo symptomate afficitur, sibi
imaginari digitos, manum aut pedem dolere,
mirum non est. Id enim omnibus ferè, quibus
aliquod horum membrorum amputatum est,
accidit: Quandoquidem spiritus sensificus per
nervos fluens, sensum istius partis amputatæ,
in quam influere solitus erat, repræsentat. Sed
quia ulterius progredi non licet, à trunco ad
sensum communem reflectitur, si quæ ibi falsa
imaginatio. Verùm finita curatione, perrarò
imaginationes hæc locum habent. Paterniacen
si

amen cuidam JACOBO DENISIO nomine, cujus cum crus dextrum ad genu abscissem, non modò præsentibus adhuc circa truncum doloribus, ingentes insuper adhuc dolores circa talum & digitos pedis pati, atque pedem, nunc frigore, nunc calore nimio affligi, verum etiam absoluta curatione, hujusmodi non ratò sibi persuadebat. Post duos enim annos à curatione absoluta, coram D. MERULLA, verbi divini ministro, & quibusdam aliis (& si rectè memini, tua quoque Excell. una cum URSTISIO nostro aderat) testatus est, frequentius se arbitrari, pedem, talum, & tibiam sibi adhuc dolere. Sed quod mirandum *Nota.* circa finem curationis, cum quadam die somno expergefactus, alvum exonerare vellet, apud se (domestici enim non aderant) disputare cœpit, nùm solus lecto egredi posset, anque ambas tibias haberet, nec ne. Tandem cum apud se conclusisset, tibiam nequaquam amputatam esse, sed optimè sese habere, lecto egredi tentat, verum graviter deceptus fuit, mox enim in terram prolapsus, truncum vehementer læsit. Imaginatio autem hæcei non ex phrenesi, aut alienatione aliqua mentis proveniebat. Quandoquidem tum temporis optimè sese habebat, & febre, doloreve omnino carebat. Est igitur referenda ad causas superius commemoratas: quas si fusius videre cupis, ea, quæ D. LAURENTIUS JOVBERTUS Philosophus & Medicus longè celeberrimus, in suo
Tracta-

*Historia
prima.*

*Historia al-
tera.*

tractatu de vulneribus Sclopetorum, hac de re scriptum reliquit, inspicere poteris. Mihi satis erit meminisse Tyrones, ut curam vigilantiamque adhibeant, ne ægroti propter falsas huiusmodi imaginationes, truncum commoveant, sicq; hæmorrhagiam & dolorem gravissimum incurrunt. Id enim cuidam ægrotorum meorum sexagenario Granchius, in agro Paterniensi, accidisse memini. Huic cum propter cōtusionem & fractionem insignem ossium, brachium sinistrum ad cubitum amputassem, ille vero tertio die post me absente brachiū (quod minimè sibi amputatum esse persuadebat) extendere, & manu nescio quid apprehendere vellet denuò apertā venā hæmorrhagia magna ac virium prostratio sequuta est, ita ut paucos post dies è vita discesserit. Iter de quo alias ad te scripsi, quando suscipere possim, adhuc mihi non constat. Interim pro humanitatis tuæ officiis, quæ ultro mihi offers, & quod de imprimenda secunda Centuria observationum Cheirurgicar. sollicitus sis, immortales ago habeoque gratias. Ego vicissim si quæ in re tibi gratificari poterō, non deero officio meo. Vale vir clarissime, & in perpetuum mihi charissime, cum lectissima tua conjugē, quam tecum peramanter saluto. Dabantur Basileæ

Rauracor. 20. April. 1610.

OBSER-

OBSERVATIO XVI.

Phrenitis cum sudore frigido curata.

Rarissimè visum est, aliquem morbo acuto laborantem, sudore frigido superveniente, sanati vestiturum fuisse. Tanti enim humorum frigidorum, Galeno attestante, in corpore copiam sudor iste indicat, ut neque à calore vivo (qui ex in ditioni proximus est) neque à febri possit calefieri, sententiam itaque Hippocratis, sudores frigidi in morbis acutis, mortis iniquissimum, verissimam esse, experientia docet, quæ tamen sic aff. ctum, evasisse obferimus.

Comment.

38. lib. 4 Aphor. Hippocr.

Lib 4 apho.

38 & prædict. l. c. II.

Anno 1587. Mense Decembr. CLAUDIUS MARIONIUS Lausannensis Pharmacopola exercitissimus, & in re Pharmacopœia Præceptor meus fidelissimus, febri continuâ correptus fuit. Amplissimis inquit viis DN. CLAUDIO AUBERIO, JACOBO AUBERTO VINDONE, & ABRAHAMO MARELLO, apud Lausannenses Medicinæ Doctoribus, longè celeberrimis in consilium vocatis, secunda die morbi unanimi consensu infusione Agarici & Rhabarbari, addito syr. rosarum solut.

&c

& aqua cichorii purgatus fuit: postridie quoque venam ei in brachio incidi. Quarta die morbi in Phrenesin incidit, neque indicium ullum crisis, multò minus septimo apparuit. Hinc febris, delirium, reliquaque symptomata ita aucta fuêrunt, ut de recuperanda valetudine, nihil amplius superesset spei. Ego tamen tunc adhuc juvenis viginti quinque annorum ætatis, nihil eorum, quæ à prænomina-
tis viris clarissimis, mihi injungebantur, prætermisi, sed propter viri hujus, tam probi, tamque eruditi, in me singularem benevolentiam atque amicitiam, dies noctesque circa ipsum versatus fui. In victus itaque ratione & administratione medicamentorum, cum internorum, tum etiam externorum, nihil prætermis-
sum fuit: febris nihilominus erat vehemens, conjuncta cum continuis vigiliis. Undecima die sudore universali eoque frigidissimo, cum extremitatum frigiditate correpto, fonticulis quin etiam, quos per aliquot annos, alterum in brachio sinistro, alterum in ctuce dextro gestaverat, exiccatis, cum nihil aliud præter mortem proximam expectaremus, citra omnium nostrorum spem atque opinionem, alleviatus fuerat. Nos deinde, ut victus ratione, & potiõ-
nibus cordialibus, epithematibusque, vires, quantum quidem fieri potuit, instauravimus; enematis, quin etiam suppositoriis, cucurbitulis atque scarificatione, materiam & vapores ad caput ascendentes, divertimus; fonticulis
item

em, ut humores excrementitii ac superflui
traherentur, linimentum aliquod acre im-
posuimus, interim ramen delirium, & vigiliae
condum cessaverant. Urina furfuracea, & in
superficie pinguis erat, nox quæ decimum-
quartum præcedebat, molestissima ac inque-
tanti illi fuerat, juxta illud Hippocratis, *Quibus cri-*
scit, huius nox ante accessionem gravis. Ea vero no- *Lib. 2. aph.*
te, quia natura denuo ad sudores movendos *13.*
se aliquo modo præparare videbatur, sum-
mo mane ex divini Hippocr. nostri consilio,
qua ducere oportet, quo maxime natura vergit, per *Lib. I. aph.*
ca conferentia eo ducenda, à præallegatis viris cla- *21.*
ssimis potiuncula ex theriaca, lapide bezoar-
ico, parumque confectiois Alkermes, aqua
ardui benedicti dissoluta, ei præscripta exhi-
bitaque fuit. Circa horam decimam matuti-
nam uti & tota illa die, sudor calidus copiose
emanavit, ita ut eadem die subuculam aliquo-
ies mutare coactus fuerit. Subsequens nox
evior ipsi fuit, uti & febris imminuta, delirium
quoque paulatim remisit, adeo ut ante vigesi-
mum maxima omnium admiratione, ex omni
periculo liberatus sit, tandemque ita conva-
luerit, ut ad annum usque 1605. sanus
& incolumis vixerit.

F

OBSER.

OBSERVATIO XVII.
De periculosa hydrocephali aper-
tione.

*Ad clarissimum atque doctissimum virum
Dn. D. MICHAELEM DORINGIUM, in illustri
Academia Giessena Hassor. Medicin. Profes-
sorem longe celeberrimum, amicum singula-
rem, cui Guilielmus Fabricius Hil-
danus S. P. D.*

PER jucundum nobis fuit intelligere, Vir un-
diquaq; doctissime, & amice integerrime
quod Deus Opt. Max. te in illustrem Acade-
miam Giessenam vocaverit. Ego Deum Te
Opt. Maximum, qui scaturigo est omniũ scien-
tiarum, suppliciter oro, ut T. Exc. Spiritu suo
sancto benignè illustrare dignetur, ut Provin-
ciam hancce nobilissimam, ad Dei gloriam, u-
tilitatem ac commodum proximi, inprimi
Æsculapiadeæ familiæ, tuamque salutem in
multos annos animo magno ac forti agere
possis.

Responsum ad observationem de Uvulæ re-
laxatæ curatione, uti quoq; historiam de mor-
te ac obitu parentis tui, piæ memoriæ, quam
promittis avidè exspecto. Responsum enim
tuum observationi libenter annexerem & se-
cundæ

undæ Centuriæ, quæ si Deus Opt. Max. cœ-
tis nostris faveat, cum nonnullis aliis brevī
rodit bit infererem.

Quod de studiis filii mei sollicitus es, & pro-
ficiis quæ ipsi & mihi ultrò offers, immortales
ago gratias; & curabo, si Dominus vitam exten-
derit, ut quanti te faciam & amem, intelligas.
Descriptionem emplastri Slotani, ac ol. ex flo-
bus nunc mittere non licet, brevi tamen, eam
Deo dante, à me accipies. Cæterum quia Chi-
urgicis operationibus te summopere oblecta-
sciam, visum est adungere casum annotatio-
ne non indignum.

Aquilix ad Rhodanum fluvium, in ditione
Leip. Bernensis, superiori Anno 1608. puellus
ex parentibus honestis, corpore quinetiam sa-
tis bene cōstitutis & temperatis natus fuit, nisi
quod mater, quæ antea si rectè memini, bis a-
tero gestaverat, etsi natura satis robusta, totum
amen gestationis tempus præter consuetudi-
nem corpore aliquo modo imbecillior fuerat.
Nihilominus nato infantulo, nulla deprehen-
sa fuit in ipso deformitas, aut vitium in confor-
matione, omniaq; ut videbantur secūdum na-
turam sese habebant, præter oculum sinistrum,
qui aliquo modo depressior altero videbatur.
Quum vero tertium mensem ætatis vix absol-
visset, caput paulatim accrescere cœpit, ita ut
antequam infantulus octavū mēsem ætatis at-
tingisset, magnitudinē capitis cujusvis hominis
longè excederet, ita enim aqua limpidissima

F 2

exten-

extendebatur cranium, ut cutis omnesq; subiectæ partes pellucidæ redderentur, & posita ex adversa parte candelâ, aut ad radios solares collocato capite, aqua ista facillime cōspiceretur in capite. Interim etsi infans continuo valdè morosus esset, lactabat nihilominus & alimenta, infantium more, sumebat, quibus tamen corpus minimè nutriebatur; sed nutrimentum totum ad caput differebatur. Porro cum genere & virtute verè nobilissimus vir, Dn. ANTHONIUS AB ERLACH ejus loci nomine Reip. Bernensis pro tempore præfectus prudentissimus, fautor meus omnimodè observandissimus, hujus rei inspectionem ocularem ipse me habuisset, me quererum ratarum curiosum agnovisset, Mense Martio proximè elapso, ut ad se proficiscerer per literas me monuit, idque ad eum finem, non solum ut infantulum suum hernia laborantem, quemque tunc sub curatione habebam, inviserem, verum etiam casum huncce infrequentem annotarem, ac cōsiliū imo & auxilium meum adderem. Sed quia Burgum Segusianorum, Galliæ Provinciam, ad nobilem virum Dn. JACOBUM WALLEY ictu Sclopeti graviter læsum tum vocatus fueram, puerum huncce adire mihi non licuit.

Cæterum, interim dum per menses aliquot Burgi & Lugduni hæsi, Chirurgum juvenem, ingeniosum tamen satis, in consilium adhibuerunt. Is, inciso bregmate dextro, aquæ claræ ad libram unam circiter, pro prima

na vice extraxit; mox turundam imposuit; & emplastro quodam vulnus obturavit. Sed, quia caput turgebat aqua, ita ut & continuo & copiosè efflueret, vires adeo debilitatæ fuere, ut intra horas triginta sex è vita discederet, cum menses novem, & dies quatuor vixisset.

Hæc ex relatione ipsius parentis habeo. Quum enim vigesima die mensis Junii Aquieam ad prædictum generosum virum vocatus essem, parentem defuncti infantis Jehan Baptiste Petraux nomine advocari jussit, qui coram generoso viro Dom. præfecto omnia quæ acciderant narravit.

Vides itaque vir clarissime quam periculosa sit apertio cranii & evacuatio aquæ in hydrocephalis, idque non immerito. Continetur enim, ut ego bis in hydrocephalorum dissectionibus observavi, aqua in ipsis cerebri ventriculis, ideoque si quis illam evacuare tentat, meninges simul & substantiam cerebri, ut incidat necesse est. Hæc autem absque mortis discrimine fieri non posse etiam tyrones norunt. Quid igitur, inquires, erit agendum? Profecto ut ingenuè fatear, morbum hunc planè incurabilem esse, cum ratio tum etiam experientia mihi suadet. Quoad experientiam scio clarissimum atque doctissimum virum DN. JOHANNEM SLOTANUM, apud Colonienfes Doctorem Medicum longè celeberrimum in infantulo suo, cujus ad calcem observat. 10.

Cent. 1. fit mentio, non solum omnem curam, diligentiam, industriam, atque scientiam suam adhibuisse, verum etiam aliorum in re medica clarissimorum virorum, per Germaniam consilium auxiliumque implorasse, sed oleum ut dici solet, & operam perdidit. In altero præterea infantulo, cujus in eadem observatione fit mentio, similiter multa variaque medicamenta à viris doctis, frustra adhibita fuere. Quod ad rationes spectat, nullus negare potest morbum hunc magnum esse, ideoque juxta Hippocratem, extremis indigere remediis. Extrema autem remedia sunt sectio, ustio, evacuationes item fortes & exquisita victus ratio. Sed, quis quæso hujusmodi remedia in tenellis istis infantulis adhibere ausus esset? Adest præterea tanta cerebri labefactatio atque imbecillitas, ut non solum major pars nutrimenti sui proprii, in serum convertatur, verum etiam excrementa serosa, ex infimis partibus corporis recipiat: solent enim membra fortiora continuò ad imbecilliora demandare. Hinc accidit quod reliquum corpus hydrocephalorum minimè nutriatur, etsi membra nutritioni inservientia, optimè & secundum naturam sese habeant, ut in istis dissectionibus quarum observ. 10. Cent. 1, fit mentio, observavimus. Imprudenter itaque agunt illi, qui in hydrocephalis multa promittunt, sectionemque tentant. Tibi quid videatur rescribe.

Ante mensem Apolloniam Schriers iterum
cum

De Apollonia
Schriers

in multis aliis nobilibus invisi, nullam fere deo in ipsa mutationem. In primo ingressu ipsam, pulsus nullus apparebat, forsan propter commotionem perturbationemque aliquam animi, quam ab improvise aspectu nostro concipiebat. Tandem vero cum ab ipsa discessuri essemus (fuimus autem per horam in gram apud ipsam) robustus & æqualis quam ellè sentiebatur. Nasus, apices item digitorum cum manuum tum etiam pedum, frigida erant.

Circa genua tamen poplites & humeros, calor satis temperatus erat. Venter magis magisque deprimitur, ille autem cum detendendus esset, protinus color faciei aliquomodo rubicundior factus est, procul dubio propter verecundiam. Vultus, præterea brachia, reliquæque partes corporis aliquantum magis extenuatæ, quam hætenus mihi videntur. Vae vir clarissime & meo nomine quæso saluta iteratos apud vos omnes, ipsisque officia mea ac observantiam omnem offer. Paterniaci Augusti ventorum 12. Julii 1609.

OBSERVATIO XVIII.

Artificiosus hydrocephalus.

ANno 1593. Lutetiæ Parisiorum puer quindecim aut octodecim circiter mensium

F 4 ætatis

ætatis visus est, cui capitis ita extensa erat cutis, ut magnitudinem capitum infantulorum, quorum observatione decima Centuriæ primæ fit mentio excederet, Parentes autem huius infantuli ipsum de oppido in oppidum circumvehebant, ac ut monstrum videndum exponebant, indeque maximum lucrum quæstumve recipiebant.

Tandem verò cum concursus hominum esset magnus, & magistratus Parisiensis pro singulari sua prudentia dolum malum & fraudem subesse suspicaretur, parentes in vincula coniecit. Quæstione adhibita, delictum crudele atque impium fassi sunt, nimirum se cutem capitis infantuli sui, circa verticem ad musculos usque incidisse foramine parvo, ac per illud ipsum (intra cutem & musculos immissa fistula) inflasse, ac paulatim, & intra menses aliquot (inflando singulis diebus aliquoties) cutem capitis infantuli in istam extendisse altitudinem, cunctisque hinc inde per Galliam, quæstus faciendi gratia, visendi exhibuisse.

Foramen autem ea industria fecerant, ut extracta fistula, cera aut simili aliqua materia illud facile obturare possint. Nefando ac immani scelere satis explorato ac cognito, parentes ambo morte mulctati fuerunt.

Historiam hanc nobilissimus DN. LUDOVICUS WALLIER (qui se puerum huncce Parisi-

sis

iiiis vidisse affirmat) præsente nobilissimo viro Domino Philippe Destauaye Seigneur de molondins, mihi anno 1609. 23. Maii communicavit, eamque hic adscribere visum est.

OBSERVATIO XIX.

De monstroso hydrocephalo.

ANno 1611. Mense octobri, Hildenæ in patria, & postea Düßfeldorpiæ, juvenem hydrocephalo laborantem vidi, erat ille octodecim annorum ætatis, & ex superiori Germania oriundus, caput monstrosum erat; Rotunditas enim capitis pedes duas Geometricas, & pollices decem continebat, Altitudo capitis, ejusdem erat magnitudinis. Reliquum corpus imprimis pedes, (qui contorti, & retracti) & crura extenuata erant, Cranium autem non membranofum, ut plerumque solet esset hydrocephalorum, sed durum, solidumque undique tactu persentiebatur. Mente non usq; adeo constabat: loquebatur tamen satis distinctè. Comedebat avidè & multum: sed mirum in modum ipsum à morbo Epileptico vexari, referebant parentes, caput autem tertio anno ætatis, cum ex morbo acuto curatus esset accrescere inceperat.

F 5 OB-

OBSERVATIO XX.

Dedoloregravissimoacdiuturno
cumcapitis & ventriculi, tum et-
iam omnium ferè corporis
partium.

*Clarissimo atque doctissimo viro DN. JOH.
JACOBO CRAFTIO apud Neocomenses
Medicine doctori ordinario atque cele-
berrimo. Guilhelmus Fabricius.
Hildanus S. P. D.*

IGnosce, quæso, Clarissime atq; Doctissime
Dom. D. CRAFTI, amicorum optime, quod
maturius nō responderim. Occupationes, quæ
Soloduri circa nobilem virum Dn. WALLIER
occurrerunt, in causa sunt. Affectus enim, ut T.
Exc. quoque notum est gravissimus fuit, & to-
tum, ut dicitur, hominē requirebat. Intra pau-
cos dies, uti spero, iterum ad ipsum proficiscar.
Cum primum verò huc reversus fuero, de re-
ditu te certiore faciam, quo Pastor iste, qui
tibi notus est, me convenire possit. Quod si
T. Excell. libuerit ipsum comitari, rem certè
gratam mihi fecerit. Instrumentum argen-
teum, quod tuis inclusum erat, rectè quoque
accepi.

Histo-

Historia tua de matrona, ex cujus cadavere post trigesimam sextam horam ab obitu, sanguis copiosè per os & nares emanavit, gratissima mihi fuit. Plurima enim, quæ lectorem oblectari, ipsique utilissima esse possunt in illa recensens, verasque causas istius rei, nec non apoplexiam etiam ex sanguine fieri, & accuratè & doctè explicas atque ostendis. Pro suscepto hac in re labore, & quod studia mea ornare non desinas, gratias quas possum habeo maximas. Quod si vixero, donec centuria tertia observationum mearum in publicum usum provenire possit, ut historia tua locum in ea habeat, & tuæ, non solum erga me, verum etiam Medicæ studiosos, benevolentia, veluti testis esse possit, operam dabo.

Porro ne mutua nostra colloquia per literas intermittantur, casum quendam gravissimum tecum nunc communicare potui. Juvenis quidam Laufannæ piè & religiosè educatus, Paulus Constantinus nomine, robustus & optimo corporis habitu præditus, cum in lauto convivio lautè satis vixisset, eadem nocte dolore stomachi correptus fuit. Ab initio, & quidè per dies multos, nō admodum gravis fuit dolor iste, paulatim tamen non solū auctus verū etiā vagus factus est. Nunc enim de dolore acutissimo capitis mox, imò & in ipso momēto, de maximo cruciatu oris vetricu-

Observatio.

li,

li ventris & artuum conquerebatur, vomitus quoque aderat, ut vix cibum multò minus medicamenta retinere posset.

Aliquando quoque febre continua, fastidio cibi, vigiliis & prædictis doloribus vagis ita vexabatur, ut dies noctesque exclamare eiulareque coactus esset. Multa ipsi à clarissimo viro Dn. ALBERTO ROSCIO piæ memoriæ, apud Lausannenses Doctore medico ordinario, ac longè celeberrimo, præscripta atque exhibita fuere medicamenta, cum interna tum etiam externa, sed frustra. Postquam enim ultra menses octodecim vitam hancce calamitosam vixisset, tandem 15. Junii Anno 1589. piè obdormivit. De præcipua sede malè affecta, dum viveret, variæ ac diversæ fuerant opiniones, inter medicos & cheirurgos, qui diversis temporibus in consilium vocati fuerant.

Nonnulli enim in capite totius morbi præcipuam esse causam censebant: ideoque, ut calvaria in vertice terebello perforaretur, suadebant. Alii verò causam morbi in parte aliqua ventriculi esse affirmabant. Quos certè minimè fefellit opinio. Quandoquidem ego post mortem advocatus, præsentem clarissimo viro Dn. ROSCIO multisque aliis, cadaver incidi, primumque cerebrum inspexi, in cujus ventriculis ad libras duas aquæ limpidæ inveni, arteriæ item & venæ membranarum cerebri sanguine crasso, & fæculento turgebant. In
intimo

intimo ventre omnia secundum naturam sese habebant, præter ventriculum; in cujus orificio superiori, & quidem ex parte anteriori, ubi ramus sextæ conjugationis nervorum ventriculo inseritur, ulcus erat magnum ac fœtidum, quod in vacuum usque ventriculi penetrabat. Putasne vir clarissime, ulcus hocce doloris istius vehementissimi capitis, aliarumque partium causam extitisse? Tanta enim, ut scis, inter stomachum ac cerebrum hujus nervi beneficio, est sympathia atque consensus, ut uno malè affecto, alterum quoque simul laboret. Ventriculus præterea humoribus corruptis, fœtidis & atrabilariis refertus erat. Externæ partes propter violentiam ac diuturnitatem morbi planè extenuatæ erant. His vale vir clarissime, cum tuis omnibus quos tecum ego & uxor mea peramanter salutamus. Paterniaci Aventicorum 30. Novembris 1609.

OBSERVATIO XXI.

Ex depresso cranio in puero alioquin ingenioso, stupiditas ingenii sequuta.

Ad

Ad Virum Nobilem PAULUM OFFRE-
DUM, Doctorem Medicum clarissimum
& doctissimum.

DOCTISSIMŪ quod misisti ad observationē
meā responsum, vir clariss & amice pluri-
mū honorāde, accepi, multumq; placuit: quā-
doquidē te ad diligentē lectionē Hippocratis
venerādi senis, judiciū acre atq; ex uisitissimū
adjunxisse, res ipsa indicat. Porro superiori-
bus mensib. denuò hīc mihi casū gravissimū de
retentione urinæ in octogenario videre licuit,
quem tibi nunc cōmunicare statuerā, sed quia
nō adeò pridē doctissimū & mihi amicissimum
D. ABRAH. MORATELLUM apud vos curan-
dū habuistis, argumentū illud differre & casū
de depressione cranii (qua & eū ipsū Moratellū
obiisse intelligo) cōmunicare placuit, vehemē-
ter rogans, ut si quid observatione dignū in i-
pſius morbo observare licuerit, id quoq; mihi
significare non graveris. Observatio autē meā
hæc est. Puer non ex obscura familia natus,
usq; ad annū 10. ætatis, summo ingenio prædi-
tus fuit, ita ut parētes nō exiguā spē inde conci-
perent, fore, ut in egregiū & doctū virū aliquā-
do evaderet. Sed Deo aliter visū fuit. Elapso nō
10. anno ætat. primò ejus memoria paulatim
imminuta est, postmodū quoq; intellectus si-
mul, sensimq; ingenio stupidus adeo factus est
ut ad studia imò ad mechanicas artes addiscen-
das (quāvis volūtas & animus propēsus ei non
defuerit) plane ineptus sit redditus, causā autē
hujus stupiditatis ingenii, nō aliā, quā depres-

tionem cranii fuisse Frater ipsius, summus Philosophus M. celeberrimus, compater meus omnimode honorandus, mihi non raro significavit. Craniū n. ad futurā Lābdoideā circa 10. annū ætat. ex casu quodā ei impressū fuerat. At quia graviora symptomata nulla supervenerāt, casū atq; depressionē hāc, ab initio parētes neglexerant. Ita curatione spreta, paulatimq; indurato cranio, depressio hāc ad extremum vitæ diē remansit Ego illū circiter annū 36. ætat. suæ familiariter cognovi. & hanc depressionē cranii aliquoties oculis meis vidi, manibusq; etiā cōtrectavi. Stupidus, ut dixi, erat ingenio, pius tamē probus, & modestus, tandemq; circiter annū quadragesimum ætatis peste correptus, obiit.

Vides itaq; vir clarissime, quam periculosa sint huiusmodi impressiones cranii non solum in pueris, verum etiam in adultis: etiam si ab initio graviora symptomata non superveniant. Quam absurda item & periculosa sit opinio FELICIS WIRTZ, qui scribit circa impressiones cranii non multum laborandum, totumque negotium naturæ comittendum esse, parumq; referre an impressio remaneat, inde quoque apparet.

De hac opinione vide obser. 3 centur. 2.

Hicce vale vir clarissime atque doctissime cum patre optimo & maximo, meq; ut amare non desinatis, etiam atq; etiam rogo. Paterniaci 6. Martii. 1607.

T. Excell. addictissimus

CYIL. FABRICIUS HILD.

OB.

OBSERVATIO XXII.

De capitis periculosi vulneris
cum cerebri concussione, in
matrona gravida, curatione.

ANno 1600. 21. Octobris, Uxor honesti viri, Dn. Petri Quey, civis & mercatoris Viviacensis, ad Lacum Lemannum, cum circa æquilibrium libræ, in qua ingēs moles ferri trutinabatur occupata esset, & famulus qui librā gerebat, trabem ferream, quæ propter molem ex adversa parte, in altum elevata erat, imprudenter satis contrectasset, ex improviso matronæ in bregma dextrum decidit. Illa protinus in terram, quasi mortua prostrata, cibum indigestum evomit: sanguinem item per os, nares & aures, non solum illa die, verum etiam per dies aliquot ejecit & loquelam amisit, ita ut postquam ipsam in lectum posuissent, cuncti nihil aliud, quam mortem proximam expectarent. Ego tamen ut manum ipsi adhiberem, maritus valde sollicitus fuit. Pro primo apparatu à domesticis albumen ovi conquisitum, & argilla fornacum mixtum, ad sanguinem sistendum, vulneri impositum fuit, deinde Lausanna me accersivit.

Secunda itaque die ad ipsam perveni, tum
abrasis

crasis crinibus, maximum vulnus in bregma-
dextro, secundum longitudinem futuræ re-
æ ductum ad cranium usq; , quod tamen ne-
que fractum, neque impressum inveni. Febris
dolores totius capitis, vigiliæ, inquietudines,
synopæ aderant. Quotiescunq; item
sculum aliquod, aut prisanam sumeret, sta-
tim evomit, aliaque signa, ex quibus cere-
rum valde commotum, & sanguinem extra-
enatum, circa membranas cerebri, effusum
se conspiciebantur. Ego, ut cerebrum se-
vacuare posset, de perforatione cranii, ad-
antes amicos monui. Quibus rationibus
neis intellectis, facile consentire videbantur,
ad primò, quia multum gravida, & doloribus
capitis, ab annis aliquot obnoxia, quintotum
tiam tempus imprægnationis debilis fuerat.
Secundo quia nova incisione, ad latus vulne-
is: & quidem versus musculum tempora-
rem pro vulneris dilatatione: & ut perforatio
Cranii commodè fieri posset, facienda erat,
suaserunt, imò obnixè rogarunt, ut omnia alia
remedia tentarem, priusquam ad hoc, quod
ipsis tam grave, atque periculosum videbatur,
perverirem. Ego, ne mihi imputaretur pa-
ui, Interim tamen terebellum & quicquid
ad operationem necessarium in promptu ha-
bui idque ad eum finem, ut cum primum res
in pejus tendere viderem, extremum præsi-
dium adhiberem: Veniebat enim tunc mihi
in mentem, olim undecima quoque die, feli-

G

ci-

ci cum successu terebellum, cum præstantissimo Chirurgo D. JOHAN. GRIFFONI adhibuisse, ut suo loco declarabimus. Osi itaque denudato filamenta sicca, reliquo vel vulnere sequens digestivum imposui.

R. Therebint. lotæ in aqua betonica & salviæ ʒj.

Ol. Rosacei &

Ol. nostri de betonica an ʒj.

Ol. de vitellis ovorum ʒj.

Gummi Elemi dissoluti cum supra scriptis oleis & percolati ʒ.ʒ.

Croci ʒ. j.

Virellos ovorum n. 2. Misce fiat unguentum. Omnia deinde Emplastro basilicone obtegantur. Totum vero caput oleis sequentibus induxi.

R. Ol. nost. de betonica ʒj.

Ol. Rosacei ʒij. misce.

Eadem die, quia alvus constricta, sub vespere sequens enema leniens exhibui: Acre enim propter impregnationem, & quia fœtus jam aliquo modo commotus, & tormina parturientium adessent, exhibere ausus non eram.

R. Herbarum & florum betonica,
Agrimonie
Malvæ & althææ cum radicibus,
Violarum an. M. j.
Florum chamomillæ
Meliloti an. M. j. ʒ.

Sem

Sem. anisi &

Fœniculi an. $\frac{z}{3}$ j.

Fœnigræci $\frac{z}{3}$ ℥.

Coquantur in ℥b iij decocti capitis verve-
is, ad consumptionem tertiæ partis, In $\frac{z}{3}$ x.
hujus decocti colaturæ, dissolve vitellos ovo-
rum num. 2. ol. communis. & butiri recentis
na $\frac{z}{3}$ j. Salis p j. Misce fiat enema. Rejecto
lystere, venam in cubito dextro pertudi fan-
guinemq; ad uncias circiter quatuor, revulsio-
nis scilicet gratia, extraxi.

Cum enim, quia utero gestabat, tum etiam
quia ex vulnere sanguis copiosè satis effluxe-
rat, prudenter mihi hac in re erat agendū. Mens
tamen erat post dies aliquot, ipsi incidere ve-
nam jugularem dextram, uti haud ita pridem
Lautannæ in puella, commotione cerebri la-
borante, maximo cum successu feceram: mu-
tavimus tamen consilium, propter motum na-
turæ, ut postea dicemus. Cum verò ab initio
morbi, præ dolore, nō quievisset, post cœnam,
per duas horas, ipsi usq; ad grana quatuor Lau-
dani exhibui: ea nocte satis quietè dormivit.
Altera die iterum ossi (quod & tam diu facien-
dum est, donec carne tectum sit) filamenta sic-
ca, reliquo verò vulneri digestivum præscri-
ptum imposui; totumq; caput oleis prædictis
inunxi. Interim autem dum contrectabam
vulnus, sequenti sacculo calido, totum caput
cooperiebam.

℞. Radicum cariophyllatæ $\frac{z}{3}$ ij.

G 2

Folio-

Foliorum & florum betonicae,
 Florum chamomillæ,
 Meliloti,
 Rosarum,
 Primulæ veris,
 Summit. rosmarini,
 Majoranæ an. M. j.
 Sem. anisi \bar{z} j.

Incidantur & contendantur pro facculo
 intersuto, & ejus magnitudinis, ut totam fere
 capitis partem capillatam cooperire possit.
 Eo vino rubro incocto, calidè applicetur. Sac-
 culus iste non solum vulnus ab injuria aëris
 defendit, verum etiam caput roborat, sangui-
 nemque extraventum dissolvit, incidit, atque
 ut partim per poros cutis, partim per vias natu-
 rales effluere possit, efficit: Estque mihi in
 vulneribus & contusionibus capitis, satis fa-
 miliaris, non tamen statim ab initio, sed post-
 quam universalia prius adhibita fuerint, eo
 utor. His administratis remediis, optimaq;
 observata victus ratione, & alternis diebus ad-
 hibito enemate, febris, reliquaque sympto-
 mata, circa quartum, multum imminuta fuê-
 re: Vulnus quinetiam ad optimam digestio-
 nem sese parabat, ita quidem ut septimo die
 morbi nulla amplius adesset febris, neque do-
 lor. Elapso septimo, solo oleo betonicae to-
 tum caput inunxi, vulneri verò sequens un-
 guentum imposui.

℞. Therebinth. lotæ in aqua salviæ \bar{z} ss.

Gam-

Gummi eleni dissoluti in ol.
betonic. ℥ij.

Pulveris radic. cariophyllatæ,

Radic. Iridis

Flor. Aristoloch. rotund.

Myrrhæ,

Thuris an. ℥ss.

Cum s. q. mellis rosati, & vitelli ovi, fiat un-
guentum, quod filamentis imponendum est,
Omnia denique emplastro de betonica obte-
gantur.

Quinta porrò die morbi, dolorem gravati-
vum retro aures, & in ipso collo usq; ad hume-
rum persentire cœpit, quibus in locis maxima,
& insignis ecchymosis facta est, non sine sin-
gulari Dei & naturæ beneficio, quæ sanguinē
extravenatum & circa membranas cerebri col-
lectum, per emunctoria expellebat. Tum mi-
hi occurrebat similis casus, quē in puella cum
Dom. GRIFFONIO curavi, in qua natura simi-
liter sese, per hanc viam à sanguine extravena-
to exoneravit, ut cent. I. observ. 12. declaravi-
mus. Ante quartam præterea diem, per inter-
valla guttula una aut altera sanguinis puri per
nares, præcipuè autem per dextram, nonnun-
quam tamen & per sinistram, emanavit. Quin-
to & sexto non sanguis purus, sed aqua sangui-
nolenta, effluxit. Septima, 8. 9. 10. & 11. multum
sanguinis coagulati purè admixti. 12. 13. & 14.
verò nō tam copiosè, sed per intervalla emun-
xit. A decimo quinto usque ad trigesimum

Observatio

G 3 &

& ultra, multæ purulentæ materiæ per nare excrevit. Ita singulari Dei beneficio felicitè curata fuit. Et fructum usque ad constitutum tempus gestavit. Tum parturientium doloribus correpta, gemellos progeniit, qui ut arbitror, ad hunc usque annum 1608. superstites sunt. Matrona verò, cum post annos aliquot iterum utero gestaret, & parturientium doloribus correpta esset, fœtum autem, vel ob situationem sui ineptam, vel aliam ob causam eniti non posset, & periti Chirurghi in consilium minime vocarentur, misera illa, miserè una cum fœtu vitam cum morte commutavit.

OBSERVATIO XXIII.

De Nubeculæ curatione.

*Actur me-
thod med.
lib 1 cap 7.
Argineta
lib 3 cap. 22.*

ORitur affectus quidam in oculo, gravis admodum ac difficilis, νεφέλιον, Nubecula, Albugo, Macula cicatrix, & Pannus dictus. Est enim veluti pannus aut nubecula cooperiens partem illam corneæ, quæ pellucida est, & splendida, aliquando ex toto, nonnunquam ex parte tantummodo. Hinc prout nubecula fuerit spissa, magna aut parva, visus aut omnino aboletur, aut ex parte depravatur. Diligenter autem, ut tyrones hunc affectum (ne in curatione fiat confusio) à cataracta, & pterygio, distin-

stinguere discant, necesse est. Catarhaeta enim sive suffusio, est materia in membranam concreta intra oculum, hoc est, inter crystallinum humorem & uveam. Nubecula verò in extrema parte corneæ, imò in ipsius substantia, conspicitur, & visu facilè à catarhaeta distinguitur. Pterygium à quibusdam unguis vocatum, nervosa est tunica adnatæ eminentia, ab angulo quidem nascens, & ad corneam usque progrediens; ubi verò nimium aucta fuerit, etiam pupillam tegit, substantiam tamē membranæ corneæ vix ingreditur, sed ei tantummodò adhæret, facileque si recens fuerit medicamentis, sin inveterata, dexteritate Chirurghi separatur. Sed cum de his hîc agere nostri instituti non sit, ad causas nubeculæ transire tempestivum est.

Est autem causa huius mali duplex, videlicet externa & interna. Externa est, aut vulnus, excoriatio, apostema vel pustula, ut sæpissimè accidit in variolis, nihilque aliud est, quàm præcedentis vulneris aut pustulæ cicatrix. Quapropter ex his causis ortam nubeculam, ut plurimum insanabilem esse, sæpissimè observare mihi licuit. Interna causa est, cum materia aliqua biliosa aut acris à capite ad conjunctivam & corneam defluit, ex qua intemperies & inflammatiō oritur, hæc si à principio neglecta fuerit, efflorescit sensim superficies corneæ, sive epidermis (si ita mihi appellare

*Avicen. lib.
3. Fen. 3 tra-
ctat. 4. c. 18.*

*Causa nubeculæ duplex.
Externa.*

Interna.

lare liceat) ac ratione partis affectæ, quæ membranosa est, colligitur materia viscida, & ut primum alba, quæ tamen non nihil humoris in se continet, qui paulatim superficiem subjectæ membranæ erodit atq; exulcerat, & manetq; cicatrix alba. Nonnunquam quoq; ipsa cornea perforatur, ita ut humores effluant membranæ oculi corrugentur contrahanturq; fitq; tum maxima deformitas: per totam enim vitam clausus manet oculus, ut lector ex ob-
 25. cent. 1. colligere poterit. Ideoq; ut Chirurgus circumspectè agat, necesse est, ne ægro damnum inferat, sibi ipsi vero infamiam pariat. Ante curationem verò diligenter explorandū venit, an affectus sit sanabilis nec ne? Sic enim superficies membranæ jam antea excoxiata, & exulcerata, denuoq; exulceratio cicatrice prædura & callosa obducta, inflammatio quoque sedata fuerit, procul dubio macula seu nebula alba remanet, quæ sui ablationem non admittit: est enim cicatrix præcedentis exulcerationis. Sic etiā si in variolis pustula aliqua corneam occupaverit, ut nebula remaneat, necesse est. Sin autem morbus adhuc in fieri, nec superficies pupillæ exesa fuerit, etiam si æger visum jam aliquo modo amiserit & corneam nebula obducta fuerit, non tamen omnino de recuperanda valetudine est diffidendum, nisi æger jam senex, & diu catarrhis ad oculos laboraverit. Quam autem feliciter ego hujusmodi affectus aliquando curaverim, nunc uno, aut altero exemplo declarare non gravabor. Ex-

*Quanam
ante cura-
tionem con-
sideranda.*

Exemplum I.

Anno 1599. Colonia Puella octodecim annorum ætatis, de fluxione ad oculum dextrum iam diu detenta, ophthalmia correpta fuit. Quæ deinde post menses aliquot, cum frustra multa medicamenta se adhibuisse, & visum istius oculi deperditum esse, existimasset, alterius quoque oculi visum multum imminutum persentiret, me in consilium adhibuit. Tum oculum inflammatione correptum deprehendi; dolor tam oculi, quam capitis ejusdem lateris ingens & continuus aderat, & pupilla undique ferè nubecula alba obducta. Sic itaque curationem institui.

Primò illam sequentibus pilulis purgavi.

Curatio.

℞. Massæ pilular. aurear. & lucis

Pilula.

maj. an. ℥j. β.

trochiscor. alhandal. gr. vj.

Cum syrupo de betonica formentur pilulæ quinque, involvanturque pulvere cinnamomi.

His purgato corpore, postridie venam in dextro cubito incidi, & sanguinis ad ℥vj. extraxi. Sequenti die cucurbitulas magnas cum flamma scapulis sine scarificatione applicui. Statim item ab initio oculo sequens collyrium anodinum instillavi, & pulvillos in eodem collyrio inebriatos applicui.

℞. Mucilaginis sem. cydonior. & fœnogræci aquâ rosar. & plantag. extractæ ℥ij.

G s lactis

Collyrium.

lactis muliebr. ℥ iij.

tutiae præpar. ℥ ss.

croci macerati in aqua rosar. &
expressi ℥ ss.*Nota.*

Misce fiat collyrium liquidum, quod repi-
de instilletur & applicetur sæpè interdiu. Col-
lyrium autem hoc singulis aut alternis diebus
iterandum est, uti quoque observat. 2. Cen-
tur. primæ monuimus. Id præterea notandum
est in affectibus oculorum & præcipuè infl-
ammationibus, pulvillo madefacto aut cataplas-
mate, sive alio aliquo medicamento applica-
to, oculum fascia summa diligentia ligandum
esse, idque in eum finem ut motus oculi, quan-
tum fieri potest, impediatur: oculus enim a-
pertus continuo movetur, clausus vero non
item. At motus iste partem affectam calefacit,
humoresque & sanguinem attrahit. Hinc mor-
bus recrudescit atque exasperatur.

Cæterum post pilularum superscriptarum,
venæsectionis & cucurbitularum siccarum u-
sum, sequenti apozemate humores præpa-
ravi.

Apozema.

℞. radicum fœniculi

petrosel.

polypodii

lapat. acuti

corticum interior. radic. frangulæ an. ℥ j.

herbar. betonicæ

veronicæ

agrimon.

cuscu-

cuscutæ &

scab. osæ an. m. j.

flor. betonicæ

salviæ

rosmarini,

summitatum majoranæ

thymi an. m. ss.

sem. anisi

foeniculi an. $\frac{3}{4}$ ss.

liquiritiæ $\frac{3}{4}$ j.

Coquantur in aqua ad consumptionem tertiarum partium. In tñ j colaturæ dissolve syr. de betonica $\frac{3}{4}$ j.

extracti salviæ $\frac{3}{4}$ ij.

Misce & fiat apozema pro quatuor dosibus.

Sumpto secundo haustu, corpus iterum purgavi sequenti poriuncula.

℞. El. & ar. diaphœnici cum rhabarb.

diacarthami an. $\frac{3}{4}$ j.

& cum sufficienti quantitate Apozematis præscripti fiat poriuncula.

Potio purgans.

Postridie denuo sumpsit tertiam dosin apozematis, qua die ei quoque cucurbitulas cum scarificatione scapulis applicui.

Sequenti die quartam dosin Apozematis præscripti exhaust.

Tandem setaceum cervici adhibui.

Setacei applicatio.

His administratis medicamentis, dolor capitis & oculi omnino remisit, inflammatio quin etiam multum, nubecula verò parum imminuta fuit. Quapropter sequens applicui collyrium.

℞. muc-

Collyrium.

℞. Mucilag. sem. cydonior. cum aqua
 rosac. extractæ ℥ j.
 aquæ fœniculi,
 euphras. an. ℥ ij.
 mellis rosati ℥ iij.
 rutia præpar. & cornu cervi
 usi præpar. an. ℥. β.
 Caph. gr. iij.

Collyrio isto cum per mensem usa esset æ-
 gra, nubecula, quæ antea totam fere pupillam
 obtegerat adeo imminuta fuit, ut vix quartam
 ejus partem deinde obtegeret. Catarrhus quo-
 que, qui antea continuo ad oculos defluebat,
 beneficio setacei ad cervicem revulsus fuit. Se-
 taceum per annum ad minimum apertum
 retinuit: interim singulis ferè mensibus se-
 mel pilulis præscriptis corpus evacuavimus:
 oculo verò singulis matutinis extracti chelido-
 nia, magnitudine capitis aciculæ parvæ, sibi
 imponere curavit, cujus beneficio nubecula
 paulatim omnino deleta & ablata fuit.

Exemplum II.

Puella in agro Moratenfi decem annorum
 ætatis, filia probi ac honesti viri Hansman no-
 minati, catarrho diuturno ac molestissimo ad
 oculum dextrum correpta est. Cui cum medi-
 camenta satis idonea adhibita non essent, hu-
 morque qui affluebat, indies acrior fieret, se-
 quuta est inflammatio, atque erosio pupillæ:
 hinc pupilla nubecula alba & spississima obdu-
 cta

ta fait. Tandem dolor, inflammatio aliaque
promota paulatim remiserunt. Ulcera quin-
tiam in facie, collo & quidem in diversis locis
o ipso catarrho facta, medicamento aliquo
esiccante ad cicatricem perducta fuerunt.
Tandem cum ultra duos annos calamitosam
hanc vitam vixisset, aliquo modo se restitutam
esse existimabat. Sed vix anno elapso, ecce de-
nuò catarrhus, qui de novo labia occupat: tum
ad me Paterniacum adducta suasi, ut corpore
purgato, reliquisque necessariis medicamen-
tis, revulsionis gratia propinatis setaceum cer-
vici adhiberetur, idque nisi maturè fieret ti-
mendum esse, ut tandem catarrhus alterum
quoque obrueret oculum, prædixi, sed crude-
le nimis hoc remedii genus ipsis videbatur.
Quod cum sprevisset & à me discessisset,
post menses duos catarrhus ad alterum quoq;
oculum paulatim decubuit. Denuò itaque ad
me adducta puella, totum oculum inflamma-
tum & palpebras in tumorem elevatas cum
dolore maximo & febre continua, quinetiam
pupillam nubecula obductam offendi, & vi-
sum omnino depravatum comperi. Quapro-
pter manum adhibere recusavi: parentum ta-
men precibus victus curationem sic aggressus
sum. Primo corpore leniter purgato & cucur-
bitulis cum siccis, tum cum scarificatione ap-
plicitis setaceum adhibui. Ab initio quoque
fronti sequens defensivum admovi.

R. Fa-

℞. farinæ hordei ꝑ ij.

pulver. rosar.

nucum cupressi

gallarum

Defensivũ.

corticum granator. an. ꝑ iij.

pulv. flor. betonicæ &

euphras. an. ꝑ j.

Misce in mortario cum aqua betonicæ, euphrasie, aceto & albumine ovi fiat q̃ defensivum, quod tepidè fronti applicetur. Oculo vero collyria præcedentia instillavimus. Sequenti quoque sacculo ad tollendas inflammationes oculorum, tum in hac, tum in multis aliis post universalia maximo cū fructu usi sumus.

℞. sem. scænoigræci parum conquassati ꝑ ss.

rosarum rubr.

florum betonicæ

Sacculus.

euphrasie

meliloti an. m. ss.

sem. anisi ꝑ j.

Incidentur omnia grosso modo, indantur q̃; sacculo ejus magnitudinis, ut totum cooperiat oculum, qui intersitus & aqua coctus, calidè applicetur quater aut quinquies interdium.

Hisce diligenter adhibitis, dolor inflammatio, reliqua q̃que symptomata paulatim remiserunt, macula tamen sive nubecula nondum penitus deleta erat: quapropter collyriis nonnihil extracti chelidonie, quo materia crassa & viscida, quæ pupillæ adhærebat, abstergi posset admiscui. Ersi enim nubecula spissa videretur,

ur, nondum tamen superficiem corneæ erose-
at. Frontem præterea, totamque faciem per-
nentes aliquot post curationem sequenti me-
dicamento, singulis diebus bis aut ter abluere
imperavi, quo sic partes debilitatæ corroborari,
cuiusque propter diuturnam defluxionem
regola & deformis reddita, aliquo modo in in-
tegrum restaurati posset.

℞. aquæ rosar.
euphrasie
lilior. albor. &
plantag. an. ℥ij.
aluminis crudi
tutæ præparatæ an. ℥j. ℞.
caphuræ ʒj. Misce.

*Lotio ad
faciem.*

His plenissime convaluit, visumque huius
oculi recuperavit, & ad hunc usque annum
1609. quo hæc scripsi, bellè se habet. Setaceum
tamen ut clauderetur, propter metum recidi-
væ, hætenus permittere noluit.

Exemplum III.

Filia mea major natu, anno ætatis suæ se-
xto, nubeculam ex longa defluxione ad oculos
contraxit. Multis sed frustra adhibitis me-
dicamentis, tandem anno 1598. 3. Augu-
sti, setaceum ipsi applicui, cuius ope & Dei
singulari beneficio, adfluxus humorum ad
oculos prohibitus, & nubecula paula-
tim ita deleta fuit, ut nunc nullum ejus ap-
pareat vestigium. Neque etiam ab eo tem-
pore

De vulnere quodam faciei infl-
cto, rara & admiranda.

*Viro humanissimo & doctissimo Dn. GUIL-
HELMO FABRICIO HILDANO Medico
& Cheirurgo felicissimo, à Georgio Fabro
D. Medico Castri Imperialis Fridber-
gensis communicata.*

Quod à discessu tuo, vir præstantissime, fautor & amice meritissime tanto temporis & locorum intervallo, hucusque ad te omnis mihi denegata fuerit scribendi facultas, id extra meam culpam, imò & præter meam opinionem & voluntatem evenisse, vel ex me ipso coram pluribus cognoscere licuit; Quæ de causa ante omnia me tibi excusatum velim; interea autem promissionis meæ in congressu nostro superioris anni factæ memor, casum istum Rosbacensem singulari quadam admiratione & observatione verè dignissimum, veluti tesseram & perpetuum inchoatę inter nos amicitiaë *περύμειον* en lubens tibi communico, minimè dubitans, quin lectio istius tibi haud ingrata atque injucunda sit futura.

Post-

Postquam civis quidam honestus superioris Rosbachii in Wetteravia, nomine Johannes Philippus à Bleichenbach, ad expedienda negotia, Niddam profectus, cum senioris prædicti ibidem filio Hermanno Crugio aliquantulum compotasset inter cætera de salinis suis, quas possidet parens, qualiscunq̃ue facta est mentio. Quæ ad invisendas illas ambo procedunt. Intereundum verò accidit, ut dictus CRUGIUS, BLEICHBACHIIUM gladio (non tamen districto) in certamen provocaret, cui, cum Bleichenbachius animo planè accri nec hostili occurreret; seseque defendere vellet, de improvviso à Crugio in sinistram maxillam propè nasum graviter vulneratus est, & quidem adeò, ut illum ipsum gladium tanta vi faciei infixum manubrio atque nodo in terram delapsis sibi ipsimet ambabus manibus totisque viribus tandem extrahere coactus fuerit. Quo facto & extracto, nullum planè vaginæ vinculum, sed nudum tantummodo gladii mucronem conspicereliquit.

Et si verò uterque suspicati sunt, illud infusum vinculum in cranio seu capite adhuc detestescere; pro impossibili tamen rem arbitrari, in gramine potius (quia verno tempore in prato quodam viridi convenerant) anxie, sed frustra quæsierunt istud. Unde Bleichenbachius Crugium precibus compellavit, ut digito quadantenus exploraret, num fortè in ipso

H vulne-

vulnere adhuc hæeret : quod & fecit , se
nihil deprehendere potuit. Doloribus itaque
magis magisque ingravescentibus nocte quæ
ingruenti, ipsi tum temporis in proximo quo
dam pago pernoctandum , sicque hac vice
Cheirurgi alicujus opera carendum fuit.

Sequenti verò die Fridbergæ, à quodam
barbitonsore, vulnus splenis, sive fasciistan
tummodo cooperiri passus est. Deinde in pa
triâ sua Rosbachio, alterum quendam adhi
buit; qui hoc vulnus solo emplastro nigro, si
ve fodicationis (Germanicè *Stichpflaster*)
nullis injectis turundis, spatio sex septimana
rum consolidavit.

Cum igitur per tres integras septimanas
vulnus ita conglutinaturn esset, prætorum
impatientia tandem relevari curavit; ut hac
ratione noxii humoris, veluti patefacto emis
sario liberius posset effluere virus. Isto sic a
perto, per exiguum quoddam foramen reti
nuit, non sectis ac subulâ, quadam esset per
foratum. Interea multas & varias portiones
vulnerarias exhaustit, absque ullo tamen al
leviationis fructu. Post trimestre, famâ cu
jusdam Cheirurgi haud quidem imperiti pel
lectus Hannoviam sese contulit, ubi septua
ginta quinque septimanas commoratus, Me
dicorum quoque nonnullorum consilio usus
est: verum nullus eorum ad sufficientem &
plenariam hujus vulneris cognitionem per
venire potuit. Tandem verò prædicti Medi
ci,

unâ cum Cheirurgo, Cranio quopiam dif-
fecto, & perforato vinculum istud propè fo-
men (quemadmodum in utraque cranli
arte circa nares exigua foramina conspiciun-
tur) in illam ipsam sinuosam seu cartilagi-
nam cavitatem, unius digiti longitudine sub
se impactum fuisse, unanimi consensu col-
legerunt. Cheirurgi & barbitonsores, omnia
medicamenta in ipsius vinculi tantum-
modo cavitatem ingesserunt. Cùm vero o-
mnia frustra tentata viderentur, Cheirurgus
idem Hanoviensis, situm vulneri adjacen-
tem semissis digiti latitudine novacula qua-
dam, ad os usque transversum incidit, & car-
nem digito separata inquisivit, ubi malum la-
teret, existimans os seu zygonia fortè ca-
ruium seu denigratum esse, sicque istud pe-
tus incorruptum instrumentis quibusdam
erradendo malè tractavit, sed brevi à seipso
rursus coaluit. Postea ille ipse Cheirurgus va-
riis multisque per intervalla usus est virulen-
tis atque elcharoticis medicamentis: sed vul-
nus nullam omnino vim corrosivam ferre po-
tuit; quamvis particulam carnis magnitudine
tertii ut hic adumbratum est, omnino exe-
rit.



Inde facies aborta periculosa oculi inflammatione adeo intumuit, ut nihil medicamentorum amplius applicare valuerit. Interea autem dum inflammationi extinguenda studet, excrescētia quædam carnis subsequuta est. Demum paternos revisit lares. Nihilominus tamen humor aliquis cottidie effluxit, instar aquæ cujusdam vitriolatæ, & colore singulis horis ter quaterve alterato foramen istum uti antea dictum, aliquantisper adhuc remansit.

Dolores quoque ita fuerunt exacerbati, ut præ illis somnum capere nequiverit. Hinc igitur commotus in Alsatiam profectus est, ibidemque obsidioni Moltzheimensi & Dachsteinianæ interfuit, ubi dum ipsi in tanto æsternati acineto, equitandum fuit, genipropè vulnus adeo intumuit, ut penè nasum ipsum adæquaverit. Unde sibi ipsi pro certopeduasum habet; vinculum nimia istius caloris vi, sese hoc modo paulatim exervisse. Horum tandem omnium pertæsus, Fridberganrediit, ibique duobus fratribus barbitonioribus

rem omnem explicuit, obnixè rogitans, vulnus denuò resecarent, & de origine seu fundamento diligentius indagarent; data fide core contentum, etiamsi in ipso momento mortem oppetere cogeretur. Qui quidem usquam tricesies cutim incidendo, periculum fecerunt; decem integras septimanas consumpserunt, tandemque casu potius quam arte forcipula qua (vulgò Kornzanglein) vinclum istud medicamentis atque unguentis totum adhuc repletum extraxerunt, quod scilicet tantum de se emisit factorem & mucorem, et patiens vix ipse, nedum adstantes istum torrare potuerint. Postremo intra sex septimanas vulnus istud perfectè fuit sanatum. Hoc ladii vinculum quatuor annos minus quinque septimanarum faciei infixum, decima tertia tandem Februarii anni elapsi 1611. fuit extractum. Nullum amplius dolorem persenscit, nisi quod indicem sive salutarem difficulter ori admovere queat, ob aliquam nervi, in isto latere fortè incisi læsionem & convulsionem.

Hæc omnia, uti in rei veritate sese habent, ab ipso DN. BLEICHENBACHIO, viro honesto, & fide digno, diligenter observata, & ad me perscripta, tecum quoque communia esse volui; quibus si promissioni meæ & expectationi tuæ satisfactum esse audiam, ex animo gaudebo.

H 3

Si


Si quid & tibi in artis operibus rari, uti cotidie fieri certum est, posthac fortasse contingat, vicissim communicare & in publicum conferre non graveberis. Hisce, vir ornatissime, benè & diu vale, & me tui studiosissimum redamare perge. Dabam in Imperiali Fridberga Wetteraviorum. Anno:
MagnaLia Dei nostri reVeLent Vr.

T. T.

GEORGIUS FABER

D. M.

Magnitudo vinculi (Orthbandt.)



OBSERVATIO XXV.

De infelici successu unguenti
sympathetici, sive armarii.

Viro

*Viro amplissimo atque doctissimo Dn. GEOR-
GIO FABRO. Castri Imperialis Fridberggen-
sis, &c. Doctori Medico ordinario, ac longè
celeberrimo, amico suo plurimum honorando,
Guilh. Fabricius Hildanus S. P. D.*

HUMANISSIMÆ VÆ LITERÆ, quas ante quinde-
cim diebus accepi, vir amplissime, & multis
nominibus mihi amantissime, cumulum gau-
dii mihi attulere. Valerudo enim tua, simul &
domesticorum tuorum adversa, in qua supe-
riori autumnō te reliqui, tantum dolorem ciu-
ciatumq; mihi attulerunt, quantum vix expri-
mere possum. Nunc quia intelligo te vivere &
bellè valere lætatus sum, Deumque Opt. Max.
suppliciter oro, ut te totamq; honestissimam
familiam tuam, quam diutissime conservare
velit. Quod literas meas per nundinas Argen-
tinenſes postremas ad te datas, structuram o-
culi artificialis, tractatum Dn. D. PAULI LEN-
TULI de Inædiis, Confectionem Alkermes &
nonnulla alia, quæ miseram nondum accepe-
ris, vehementer doleo; & miror profecto, ubi
& à quo fasciculus interceptus vel suppressus
nunc hæreat: Argentinam tamen pervenisse,
& clarissimo viro, Domino D. IOHANNES
RUDOLFO SALTZMANNO, ibidem Me-
dicinæ Professore longè celeberrimo, fideliter
traditum fuisse ex suis quas ad me dedit literas,
intellexi: ipsum quoq; omnem diligentiam ad-
hibuisse,

hibuisse, minimè dubito. Interim tamen, quum ad meos redeam, quod (si Deo Opti. Maxim. ita visum fuerit) brevi fiet, Argentinam pervolare constitui, dum cuinam fasciculus traditus fuerit, ex ipso intelligam & ut tandem ad te perveniat, operam dabo.

MARCELLUM DONATUM à clarissimo viro DN. D. HORSTIO mihi dono missum, vna quoque cum tuis accepi.

Observatio.

Casus verè admirandus de vulnere faciei, quem communicasti, gratissimus mihi est, & locum non infimum in tertia Centuria Observat. mearum, quam prae manibus habeo, obtinebit. Res profectò mira, virum istum tantos dolores & cruciatus sufferre potuisse; & robustissima natura ipsum præditum fuisse indicat. Extremum autem hoc vinculum gladii (der Orthbandt) extra calvariam latuisse tecum, simul & cum Dn. D. HORSTIO sentio. Intra Calvariam enim si latitasset, graviora proculdubio subsequuta fuissent symptomata. Quod autem tam diu ibi inclulatum fuerit negligentiae & oscitantiae profectò Cheirurgorum, maxima ex parte adscribendum est. Si enim vulnus diligenter explorassent, faciliè vinculum istud ferreum adinvenissent. Deinde eorum emplastrum fodicationum valde mihi suspectum est. Labia enim vulnorum protinus adeo contrahit, ut vulnura superficietenus claudantur, & quæ in profundo latitant extranea, retineantur,

*Emplastrum
Fodicatio-
num, vulgo
Enappian-
in vulnerib.
non semper
tutum, &
qua de cau-
sa.*

NOVA-

novaq; symptomata procreant: cuius rei plura proferre possem exempla, si opus esset, unum tamen, quod singulare est, in prima centuria mearum observationū videre poteris. Virum istum, qui nunc senescit, adhuc optimè valere existimo: Superiori enim ætate cum essem in patria, ipsum apud Generosum & strenuum virum DN. WILHELMUM KETLERUM à Nesselrad, Dominum in Amboden &c. vidi, & allocutus sum: qui & cum admirandum huncce casum ex ipso intellexisset, ipsumque pristinae sanitati planè restitutum esse, vidisset, supramodum admiratus fuit.


Quam misisti delineationem instrumenti, non satis intelligo, ideoque ut ampliorem declarationem mihi communicare velis, obnixè rogo. Nunc quod tibi communicem nihil singulare habeo, ~~ne~~ tamen planè nudam mitterem Epistolam, exemplum de infelici successu unguenti sympathetici, siue armarii adscribam.

Genere & virtute verè nobilis matrona AN- *De infelici*
NA SIDONIA BREMSERINA, DE RÖ- *successu un-*
DESHEIM Nobilissimi ac strenui viri DN. *guenti ar-*
HERMANI A CRONBERG Lorcensis ad *marii.*
Mænum Præfecti prudentissimi conjunx, matrona juvenis, & optimo habitu corporis prædita, cum ante mensem feliciter peperisset, nescio quonam infortunio factum, quod decima die post partum vulnus ad latus papillæ sinistrae, versus sternum acceperit. Vulnus etsi non usque adeo profundum esset, sanguis

H 5 tamen

tamen copiosè effluxit. A Cheirurgo restricto sanguine, non vulnus, sed cultrum, quo inflitum fuerat, curabant, & tractabant cotidie, & quidem, ut par est, diligenter, Cito &, ut videbatur, satis feliciter & ferè absque dolore curatum fuit vulnus. Sed quid fit: vix cicatrice inducto, obtuso in profundo mammae oborto dolore, febre cum rigore, lumborum, & capitis dolore correpta fuit agra. Mox intumescit & indurescit mamma: maximo cum dolore, non solum mammae, verum etiam nucliae & scapulae, adeoque totius istius lateris. Iterum advocatur Cheirurgus, qui etsi omnem adhiberet diligentiam, symptomata tamen de die in diem magis magisque accreverunt. Tandem decima nona Aprilis, ego quoque accersitus, ad ipsam Oppenheimium perveni, & mammam supra modum tumefactam, ac undique ferè induratum offendi. Dolor maximus & pungitivus febrisque continua aderant. Cicatrix praecedentis vulneris vix apparebat: circa papillam livida erat cutis, ita tamen mollis, ut fluctuatio puris tactu facile deprehendi posset; quapropter suasi, ut incideretur vomica. Consensum porro quum dedisset agra, & adstantes negotium approbassent, scalpello incurvato atque hinc adumbrato abscessum incidi.

Pus.



Pus copiosè, & quidem cum impetu effluxit; hinc dolor mox sedatus fuit: reliqua quoque symptomata, veluti febris, nausea, capitis, nuchæ, & scapulæ dolor, vigiliæ & inquietudines, paulatim remiserunt; & subsequens non prorsus quieta fuit. Ab eo tempore multum puris effluxit; durities quoque paulatim remisit: interim tamen duobus aliis in locis, & quidem prope papillâ, per se exulcerata est mâma: nihilominus tamen omnia ita sese habent, ut sperem ipsam quamprimum pristinam valetudinem recuperaturam. Plura nunc non addo: dum enim hæc scribo, nobilissimi ac strenui viri DN. WOLFGANGI ADAMI à SCHWALBACH accipio literas, quibus cupit, ut illum, ante abitum meum invisam: Id si fecero (parebo autem volente Deo) de reliquis inter nos conferemus. Interim vale, Vir amplissime, cum uxore Lectissima, totaq; familia honestissima, meq; pro summa humanitate tua amare perge. Raptim
Wormatiæ 2. Maji.

1613.

Ad

*Ad eundem Virum clarissimum atque doctissimum DN. GEORGIUM FABRUM
Castri Imperialis Fridbergici Doctorem Medicum ordinarium atque celeberrimum cui Guilhelmus Fabricius
Hildanus iterum*

S. P. D.

POSTREMAS tuas benevolentiae tuae erga me plenas, vir Amplissime, juxta ac doctissime Nobilissimus vir DN. WOLFGANGUS ADAMUS ASCHWALBACH ante dies octo, Wormatiam transiens, & Helvetiam versus properans, mihi tradidit, Ex quibus, quantum T. Exc. simul & Generosus Dn. Burggraffius, alique viri nobiles apud vos de rebus meis solliciti sint satis superque video utinam vobis omnibus, pro amplissimis vestris erga me studiis reipsa respondere, gratumque me praeberem. Verum quae obstant, quae impediunt, te non latet. Interim tamen vobis omnibus ac singulis, gratias ago immortales, vestramque humanitatem, simul & in me benevolentiam, apud omnes quamdiu spiritus hos regit artus, celebrabo.

*Postscriptum
de affectu
Dn. à Cron-
berg.*

Cæterum dum ego nuperrimè apud vos in Wetteravia fui, affectus DN. A CRONBERG iterum recrudit. Dum enim in victus rationem peccasset, febre de novo, correpta fuit:
mox

mox intumuit mamma, idque non sine maximo dolore: humores quoque tam copiose affluerunt, ut novum abscessum versus axillam fecerunt. Hanc ob causam Nobilissimus vir I. N. A. CRONBERG de conjuge sua sollicitus magnopere à me petiit, ut iter meum per dies aliquod retardarem: parui, & symptomatibus quantum potui prospexi, ita quidem ut nunc iterum, Laus sit Deo, omnia salva esse videantur: ulcera tamen nondum coaluerunt, neque durities omnino emollita est. Vides qualem successum habuit unguentum armarium, quod nonnulli ad cœlum usque extollunt?

Porro in præcedentibus meis ad te litteris scripsi, ægram de dolore nuchæ, simul & scapulæ, totiusq; lateris conquestam fuisse, quod quidem ab initio morbi, donec inflammatio, febris, aliaque in præcedentibus recitata symptomata aderant, minimè mirum. In præsentia verò, etsi dolores isti omnes remiserint, quotiescunque tamen turundas ulceribus infigo, aut quovis alio modo affectum irrito, protinus dolorem sub ipsa scapula, & quidem è regione ulceris persentit: & prout dolo circa ulcus remittit, eodem quoque modo dolor circa scapulam retrocedit. Locum dolentem vix latitudinem thaleri excedere refert. Exterius tamen nihil apparet: & si manu tractatur scapula dolorem tamen non sentit: tam profundè & in corpore absconditus est: hæte-

nus

nus tamen, per Dei misericordiam nullum nobis excitavit symptoma. Tu quæ hujus sympathiæ verissima sit causa, expone nobis, quaeso. Ego enim nunquam tale quid, quod sciam, in aliis observavi, etiam si diligenter attenderem. Occasiones tamen ab eo tempore dum praxi incumbo, nunquam mihi defuerunt: neque etiam nunc desunt. Interim enim dum WORMATIAE apud Generosum ac strenuum virum DN. Eberhardum KEMERER von Worms/ genand von Dalberg moram traxi, matronam cancro exulcerato atque deplorato, in mamma dextra laborantem, una cum clarissimo atque doctissimo viro DN. D. HECTORE SCHLANNOWIO Medico WORMATIENSIS celeberrimo, & barbitonsore quodam quotidie invisi. Dolebat tibi quidem mamma, de dolore tamen scapulæ non conquerebatur. Nunc viduam quandam matronam piam atque honestam CHRISTINAM KÖFLER hic Oppenheimii cum clarissimo atque doctissimo viro DN. EMANUEL SCHRECKENFUCHSIO D. Medico & M. MOISE CANADEL barbitonsore tractandam habeo: habet & hæc ulcera plurima atque mirum in modum dolorosa, in mammilla dextra, imò & ad ipsam papillam (quo in loco ut plurimum dolorifica solebāt esse ulcera) nullum tamen dolorem circa scapulam se sentire, quotidie (quotidie enim ex ipsa inquirō, atque exploro) mihi affirmat.

Curationem cum genere & virtute verè nobilissima matrona tibi nota, ex voto succedere,

dere, tumoremq; mammae de die in diem de-
 crescere, E. nobilissio viro DN. WOLFGANGO
 à SCHWALBACH Wormatiæ, maximo
 cum gaudio intellexi: faxit DEUS Opt. Max.
 ut pristinam valetudinē brevi recuperare pos-
 sit. Loco cataplasinatis, quod præscripsimus,
 sequenti linimēto, quo ego maximo cum fru-
 ctu in tumoribus mamillarum utor, locus
 affectus inungi quoque poterit.

*Linimentū
 ad duritiem
 mamilla-
 rum.*

℞. Gummi Amoniaci ℥j.
 Ol. amygdalarum dulcium,
 Liliorum alborum,
 Pinguedinis gallinae an. ℥ij.
 Succi Cicutæ ℥iiij.

Aceti scyllitici ℥ij.

Misceantur maneatq; in infusione horas
 vigintiquatuor, idque in calido: postea coquā-
 tur secundū artē, colatura cum forti expressio-
 ne fervetur ad usum. In præparatione autem
 huius linimenti, danda est opera: ut lentissimo
 igne coquatur, neque humiditas succi & aceti
 omnino inter coquendum absumatur: nullius
 enim valoris esset Medicamentum. Singularē
 habet efficaciam in tumoribus, ex viscida ma-
 teria ortis, in quacunq; parte corporis fuerint.
 Linimento isto calidē inuncta mamma sequēs
 poterit applicari Emplastrum.

℞. Emplastri de Mucilaginibus &
 De Meliloto an. ℥ij.

Gummi Amoniaci dissoluti in aceto scylliti-
 co ℥j.℞. Misce fiatq; s. a. Emplastrum, addendo
 parum ceræ si opus est.

De-

Descriptionem ipsam pulveris serpentum, ut vocant, prout mihi à Generoso quodam cōmunicata fuit, ad te mitto, apographum mihi retinui. Non omnino approbo descriptionem illam; non est enim satis methodica & ab imperito quodam concinnatam fuisse apparet: tu facile illam corrigere & in meliorem ordinem redigere poteris.

Per dies forsan octo aut decem, propter affectum Dn. à Cronberg, mihi hic persistendū erit. Interim si datur occasio, rescribe & an fasciculum acceperis, significa. Sin minus per Mercatores Silbertinam ad nundinas proximas proficiscentes, ad Dn. D. SALTZMANNUM mitte literas: illum enim Deo volente in transitu salutare atque invisere constitui. Hicce vale vir Amplissime, & cum lectissima tua conjuge, atque liberis dulcissimis, quos tecum ex corde saluto, feliciter vive diu, meque pro innata humanitate tua amare perge. Pro croco metallorum transmissio, uti quoque pro insigni humanitate, quā me excepisti nuperrimè gratias habeo agoque maximas. Præparationem oleorum, quam conjunx tua ex me scire cupit, Germanicis verbis ad ipsam scripsi, literasque tuis inclusi, si qua alia in re tibi tuisque inservire possum, non deero officio meo. Generosum Dn. Burggraffium ex me quæso saluta plurimum. Iterum vale & millies. Dabam

Oppenheimii 8. Junii 1613.

OBSERV.

OBSERVATIO XXVI.

De mirandis effectibus fulminis
Historia singularis.

*Viro clarissimo atque doctissimo DN. GEOR-
GIO FABRO, Castri Imperialis Fridbergē-
sis VVeteravivorum, Doctori Medico ordina-
rio, & longè celeberrimo, amico suo in-
timo, Guilhelmus Fabricius Hil-
danus. S. P. D.*

E Tiam si corpore tibi absim, vir clarissime,
fautor & amice singulari studio colende,
æternum tamē in hoc pectore manebis: & me-
ritò quidem, præclara enim atq; insigni huma-
nitate tua qua toties me immerenti, amplecte-
re dignatus fuisti, me tibi devinctissimum red-
didisti. Et profectò, nihil optatius, nihilq; ju-
cundius contingere mihi posset, quam si ali-
quando non tantum verbis & officiis, verum
etiam beneficiis tibi respondere, gratumq; me
erga te exhibere possem, sed infelix illa distātia
locorum qua, proh dolor, sejungimur obstat.

Cæterum charissime mi Dn. frater, post redi-
tum meum ex Germania, tot adversa, totq; lu-
ctuosa mihi advenēre, ut nisi Deus singulari
sua gratia mihi adfuisset, jam dudum sub one-

re isto calamitatum succubuissem. Lausannam enim rediens, uxorem meam charissimam, & filiam duodecim annorum ætatis, peste laborantes, inveni. Convaluit quidem uxor: filia verò paulo post meum adventum pie in Dominum obdormivit. Post aliquot tempus, cum reliquos evasisse putaremus, Ecce filiola mea, filiulus, simul & ancilla, uno eodemque ferè tempore peste corripuntur. Filiola & ancilla naturæ satisfecerunt, filiulus verò per Dei misericordiam convaluit. Post menses ferè duos, cum domum jam mundam ut vocant, esse estimarem, & filius meus majoratu, quem superiori anno mecum videri, Geneva Lausannam redisset, peste quoque, & quidem gravissimè, conceptus fuit, qua & etiam nunc laborat. Sed morbus, Lausannæ Deo, in declinatione est & ipsum jam velut evasisse, spero. Menses itaq; jam elapsi sunt tres, à quibus pestis à familia mea nunquam deflexit, & domus more Gallico perclusa, societas quincem hominum familiae meae interdicta est. Hac amantissime mi Dom. D. quam me excrucient: & quam acerbè communes miseriæ (non tantum enim hic sed & in vicinia pestis ubique gravissimè grassatur, multosque è medio tollit) me conturbent, lachrimasque excutiant, vix exprimere possum.

In istis autem miseriis maximis maximum

num illud & incomparabile Dei auxilium, quo omnibus, qui ad ipsum refugiant, opemque ipsius implorant, succurrit, evidenter persentire potui, Ita quidem ut hucusque, per singularem misericordiam Dei peristam, & quæ humana mihi advenire, humanè & toleranter tulerim, Deus misereatur nostrum, justissimam suam iram à nobis avertat, spiritu quinetiam suo sancto, in omnibus tribulationibus, nos ita muneret, quo in fide stabiles ad finem usque perseverare atque persistere possimus. Tibi, amicorum optime, tuisque omnibus hæc, omniaque prospera, ex corde quoque opto.

Adversa hæc in causa fuere, quod nihil singulare in praxi observare potui: ne tamen litteras planè nudas ad te mitterem, De admirandis effectibus fulminis, exemplum singulare nunc tecum communicare visum est.

Genere & virtute verè nobilis Vir D^N. *Observatio*
 JOHAN. à ROSLE, ex antiquissima & nobilissima familia Solodurensi oriundus, quem *D: admiranda effectibus fulminis.*
 honori & reverentiæ causâ hîc nomino, cum ante annos aliquot Fridburgum Briscoviorum, studiorum causâ, proficisceretur, & unâ cum duobus famulis in via esset, tempestas maxima, tonitrua, fulgura, fulmina, & pluvix exortæ sunt. Et quia pro-

I 2 cul

cul à pagis essent, suavit famulus, ut uno eodemque pallio ambo sese, quantum possunt, obvelarent, ac contra tempestates sese defenderent. Propius itaque conjungunt equos, & ambo sub uno eodemque pallio progrediuntur ulterius. Cum ita progredierentur, & nobilis famulo ad sinistram esset, venit maximus ictus fulminis, qui nobilem, famulum, & equos ambos in terram projecit, & impetu quodam prostravit. Famulus, & equi ambo, in ipso momento mortem obierunt, Nobilis verò DIVINITUS CONSERVATUS FUIT, salvusque & incolumis evasit. In equis nulla externa deprehensa fuit læsio, uti nec in famulo, præterquam in pileo, in quo foramen satis magnum repertum fuit. Caput quoque paulo post intumuit, & nigrum evasit: ex quibus cerebrum gravissimè læsum fuisse, satis superque constat.

In ipso verò Nobile, quæ sequuntur, miranda, occurrerunt. Primò percussit ipsum fulmen circa cubitum sinistram, ibique manicam toracis, simul & indusii perforaverat, vestigium quinetiam, sive maculam nigram in ipsa cute, (circa tamen ipsius læsionem) relinquerat. Foramen autem hocce in manica, in externa parte, ubi intraverat parvum, ex interna verò parte, magnum erat. Inde descendebat materia fulminis, & globulos aliquot brachiorum (quæ ex corallis rubris erant) perfregerat irrupto tamen filo. Postea, quia sinistram

etram globulo ensis imposuerat, vaginam, quæ
ex holoserico, ingrella fuerat materia fulmi-
nis, ipsamque cuspidem ensis, non secus, ac si
ex plumbo fuisset, liquefecerat: in vinculo
quoque vaginæ, sive *Orthbandt* ex ferro fa-
bricato, sed inaurato, foramen rotundum, li-
quefaciendo, sibi pro exitu paraverat materia
illa. In utraque præterea poplite, maculæ ni-
græ, veluti si aliquid picis adhæssisset, repertæ
fuere, & etiam nunc aliquomodo apparent.

Porro erat, uti dixi, cum prædicto viro no-
bili, alius quidam in via, qui adjactum lapi-
dis, eques præcedebat, Is similiter, unâ cum
equo, in terram prostratus fuit: damnum ta-
men nullum inde contraxit, præter quâ quod
auditum ex parte amiserit.

Atque hæc est hujus historiæ admirandæ,
brevis, sed verissima narratio, quam ego An-
no 1609. non solum ex ore ipsius Nobilis ex-
cepi, verum etiam vestimenta ocreas & en-
sem, quæ veluti res pretiosas, in rei memoriam
conservat, ipsemet vidi.

Ex hac autem historia problemata quædam
propullulant, quæ tuo judicio, vir clarissime,
subjicio.

Primò cur ignis, aut materia fulminis, lique-
faciendo cuspidem ensis, & vinculum, va-
ginam ipsam, ex holoserico factam, non com-
bussit.

2. Cur materia ignita, quæ manicam circa

I 3

cubi-

cubitus perforaverat & globulos brachialiorum perfregerat, brachio ipso damnum nullum intulerat?

3. Cur materia illa fulminis, quæ in furis maculas nigras post se reliquerat, ocreas ipsas, multo minus cutem non læserat?

4. Alterum famulum circa caput quoque percussus fuisse, inde apparet, quod auditum ex parte amiserit. Cur igitur cerebrum & cor labe ista simul inquinata non fuerunt?

Flores sulphuris, natura producti.

Cæterum mitto ad te nonnihil sulphuris, aut potius florum sulphuris, non arte factorum sed natura productorum; qui ante annos circiter sex, Badenæ Helvetiorum in thermis reperti fuere. Reverendissimus enim Archiepiscopus Coloniensis ERNESTUS Dux Bavarie, &c. felicissimæ memoriæ, rerum naturalium curiosissimus, cum thermas istas, quæ ex copioso sulphure & exiguo alumine constant, inviseret, scaturiginem, quæ per multos annos detecta non fuerat, aperire iussit. Tecta autem erat scaturigo, lapide maximo; cui sulphur hoc copiose adhærebat. Ego cum ante annos tres, una cum illustrissimo Principe JANUSCHIO RATZIVILIO Duce in Birze Dubinski, ac S LUKO Pocillatore Mag. Duca. Lithvan. Borisoviens. &c. Capitan. Princ. Imperii, thermas hæc inviserem, flores hosce
ab a-

hamico quodam, qui ipsemet illos collegerat, accepi; quos ego eis qui arte fiunt, prætendos esse existimo. Tuam ramen sententiam, qui opinionem, hac de re, intelligere percu-
berem.

Generosum Dominum Burggraffium, utⁱ quoque Nobilissimum virum, Dominum SCHWALBACHIUM, & ipsius conjugem, ex me, quæso, saluta plurimum. Literas tuas avidè exspecto, & quoniam in statu sint res vestræ, summopere intelligere cupio. Vale vir clarissime, & æternum feliciter vive, cum lectissima tua conjugè, & filiabus, quas omnes tecum, ex corde saluto. Dabam Lausannæ Equestrium 12. Novembris Anno

DoMIne IesV nos sVscIpe.

OBSERVATIO XXVII.

De periculosa Anginæ post
Dysenteriam cura-
tione.

Ad clarissimum & doctissimum virum Dn.
ÆMILIUM PORTUM, FRANC. PORTI

I 4 Cre-

*Cretenfis F. Græcarum literarum luminis
longè præstantiffimum, & in Antiquiffima
Academia Heidelberg. Profefforem cele-
berrimum, amicum fingularem cui
Guilhelmus Fabricius Hildanus*

S. P. D.

QUod longum filentium meum exprobras
Vir clariffime, nulla profectò injuria me
afficis: quandoquidem ne amicitia: noftræ vin-
culum folvatur, fæpius ad te fcribere deberem,
Verum fæpiiffimè occafiones defunt, & occu-
pationes meæ, ne T. E. cel. in graviffimis fuis
occupationibus literis meis moleftus fim, im-
pediunt. Quum autem præfens tabellarius ad
vos cogitaret, abfque meis ad te literis eum di-
mittere nolui, tum ut per eandem te falutarem,
tum etiam (quia brevi ad nos fe reverfurum
pollicetur) ut per eundem de tua tuorumque
valetudine certior fierem.

Cæterum nihil profus abfuit quin Reve-
rendum & doctiffimum fenem Dn. JOH. ME-
RULAM pastorem noftrum fideliffimum, &
communem noftrum amicum fuperiori Autu-
mno amiferimus, Primò enim Dyfenteria per
menses duos graviffimè laboravit. Ex qua
quum ferè curatus effet, interim dum ego
Viviacum ad ægrum profectus fui, novo &
graviffimo morbo corripitur. Pustulæ e-
nim, quæ in fine morbi in labiis erumpere
folent,

solent, in ipso natura propter vitium imbecillitatem, (quæ cum ratione morbi, tum etiam ætatis, sexagesimum enim sextum annum prætergressus est, aderat) tam procul expellere nō poterat. Circumcirca uvulam itaque, radicem linguæ eruperunt, idque non sine dolore & inflammatione. Barbitonforem atque ineptissimum hominem in consilium adhibuit: Is quotidie ter aut quater pulverem pineris & croci gulæ faucibusq; insperisit ac insufflavit. Dolor mox auctus est, aucta & est inflammatio & febris, per intervalla quoque lipothymia supervenerunt. Tam ut optimum istum virum à morbo penitus liberaret, & ad Patres ablegaret, medicamentum, quod simul per superiora & inferiora operabatur (Antimonium fuisse arbitror) exhibuit. Ego advocatus cum celeriter ad ipsum ivissem, in mortis fere agone, eum reperi. Vix enim spirare potuit; inquietudines aderant maximæ, lingua quinetiam faucesque adeo intumefactæ erant, ut vix spiritum ducere, aut jusculum aliquod nonnisi summo cum dolore & agitationibus involuntariis & convulsivis totius corporis deglutire posset.

Curationem porrò quod attinet illam sic *Curatio.* institui. Os faucesque continuo ut lacte recens emulcto ablueret, jussi per intervalla quoque decocto hordei, rosarum, scabiosæ, melle rosato mixto, os colluebat: singulis quinetiam horis parum olei amygdalarum dulcium ex cochleari assumebat. Ter item quaterve inter-

I s diu,

diu, ac totidem noctu, collum, pectus, ac cervicem oleo liliorum alborum & an. ygdalarum dulcium inunximus, & lanam succidam calidè applicuimus. Enematibus item materiam quæ propter doloris vehementiam: fluebat, deorsum revocavimus. Cum ita per horas circiter triginta processissemus vomica in faucibus rupta est; ita ut materiam purulentam per os expueret.

Hinc imminuto mox dolore, facilius spirare & juscula sorbere cœpit. Tum continuo superiori decocto hordei os abluens, ac nonnunquam aliquid mellis rosacei ex cochliari lambendo assumens, nec non opima virtus ratione & medicamentis, vires refocillans, paulatim singulari Dei beneficio, pristinae sanitati præter spem atque expectationem omnium, miraculosè fere restitutus fuerit; ita ut in præsens, etiamsi septuagesimum annum ætatis intraverit, nihilominus tamen rectissimè valeat, & officio suo cum laude & hujus Ecclesiæ emolumento fungatur.

Hæc sunt, vir clarissime, quæ de valetudine & statu hujus viri (de quo te sollicitum esse sciam) tam probi, tamque pii, ad te scribere visum est: Deumque Optimum Maximum suppliciter oro, ut illum Ecclesiæ diu superstitem conservare dignetur. Vale vir clarissime & cum lectissima conjugē, ac liberis feliciter

liciter vive diu. Paterniaci Aventicorum 16.
Januar. 1608.

OBSERVATIO XXVIII.

De ligamenti sub lingua periculo
lola sectione.

*Ad clarissimum atque doctissimum virum,
DN. D. GREGORIUM HORSTIUM Phi-
losophum summum, & illustrissimi Land-
gravii Hassie Archiatrum meritissimum,
nec non in illustri Academia Giesena Medi-
cine Professore celeberrimum, amicum sin-
gularem, cui Guilielmus Fabricius Hil-
dan. S. P. D.*

Nulla, amplissime atque amantissime Do-
mine Horsti, Chirurgus committi ut ope-
ratio quam vulgus magis flocci facit, atque se-
ctionem ligamenti sub lingua, ita etiam ut ob-
stetricibus ut plurimum committatur, quæ li-
gamentum hoc, digito abrumpere solent:
quod mihi tamen non probatur: sæpissimè e-
nim vicinas partes simul lacerant atq; dilum-
punt. Hinc dolor & inflàmatio, ita ut pueri lac
fugere non possint: fiuntq; morosi, extenuan-
tur atq; debilitantur. Prudèter itaq; hac in ope-
ratione agendù est: neq; spernenda, etiã si mini-
ma omnium videatur. In primis autem explo-
randum

randum convenit, si ancyloglossus operatione hac indigeat, necne: multoties enim pueri aliam ob causam quam propter vinculum sub lingua vocem articulare ac proferre non possunt, nulloque ligamento lingua annexa est. In his sectionem periculosam esse sequens exemplum demonstrat.

● *Observatio.*

Rustici cujusdam hic in vicinia, in pago Corfellis, Petit yeux nomine, filius duorum annorum ætatis, superiori mense Majo 1608. ad ædes meas adductus fuit idque ad eum finem, ut sibi ligamentum sub lingua solverem, quandoquidem abscisso ligamento linguam officio suo fungi, infantemque brevî sermonem proferre posse, planè sibi persuasum habebant parentes. Porro aperto ore & elevata lingua, quæ crassa valdè erat, nullum inventum est nervosum vinculum. Quamobrem parentes cum infante remisimus, manumque adhibere recusavimus. Post mensem venit Empiricus & circumforaneus, cui idè adductus fuit infans, is linguam mediante ligamento nerveo durissimoque annexam esse, parentibus persuadebat & dummodo pecuniam numerare vellent, ut infans brevî sermonem proferret, facillimè se efficere posse audaèter ipsis affirmare ausus est. Numeratur pecunia: in sinum cujusdam matronæ collocatur infans, tum impostor linguam ex utraque & anteriori parte altè, ut mihi ab adstātibus relatū fuit, separavit. Sed quid sit puer iste, qui prius erectus incedere poterat,

ia

in ipso momento maximis & asperrimis prius
projectis clamoribus contrahitur, ita ut genua
versus inguina & brachia versus pectus retra-
herentur. Cæterum, quia dolores continui &
medicamenta adhibita non essent, valdè ex-
tenuatus atque debilitatus fuit infans: nunc
tamen aliquo modo meliusculè habet. Heri e-
nim 18. hujus mensis Julii, ipsum una cum do-
ctissimo Dn. Eman. Urstisio artium liberalium
magistro convictore meo, aliis quæ ex meis do-
mesticis ipsum adivi & ea, quæ recensui ex pa-
rentibus adstantibus quæ excepi. Hucusque ut
antea, ne verbum quidem proferre potest; cru-
ra, brachia quæ adhuc contracta sunt, quæ cum
vi extenduntur, protinus iterum contrahun-
tur; sed non ita ut antea nullo quæ modo ince-
dit. De dolore tamen non usque adeò conque-
ritur & appetitus rediit, ita ut paulatim vires
reficiantur, lingua crassa: caput verò tota quæ
constitutio corporis phlegmatica est. Ego, quia
pauperes, opem meam ipsis obruli: si accedunt
faciam quicquid in me erit & libenter videbo,
qualis erit exitus: Rarus enim est casus, si-
milem enim nunquam mihi observare contin-
git, ideo quæ eo magis T. Excell. cum commu-
nicare vnum est; quo ejusmodi summopere
eam oblectari sciam. Denique de Ancyoglof-
sis inter cætera exemplum unum non vulgare
habeo, quod hîc adscribere forsan T. Exc. non *Observatio*
ingratum erit. Est mihi frater uterinus, qui
cum infans esset, admodum valetudinarius
fuit.

fuit. Inter ceteros autem morbos, quibus obnoxius erat, ad quartum annum ætatis, ne verbum quidem proficere potuit. Ego, cum apud Chirurgum practicum versarer, & singulis ferè diebus sectionem hujus ligamenti feliciter administrarem & quadam die ad paternos lares pervenissem, linguam ipsius inspicere visum fuit. Tum mediante ligamento casso spissoque linguam adeò annexam inveni, ut ipsa vix dentes anteriores attingere posset. Ego eà quæ potui diligentia ligamentum hoc abscidi, posteaque singulis diebus ter quaterve locum affectum melle rosaceo inunxi. Duobus mensibus à prima abscissione elapsis, ligamentum aliquomodo iterum annexum inveni: Quapropter eodem modo, ut prius processit. Res, Dei beneficio ita feliciter cessit, ut brevi loqui inciperet, tandemque & hucusque, laus Deo, vocem optimè protrahere & articulare posset.

Vacata autem omni periculo operatio hæc, dummodo rectè administrata fuerit, præcipuè autem perspiciendum convenit, ne nimis profundè incidatur, ego elevata lingua, apice forficum ligamentum ut plurimum in duobus, nonnunquam & in tribus locis incido; sice nim difficiilius coalescit iterum, quam si uno tantummodo in loco incisio facta esset: incido autem tantummodo quicquid nerveum est, ita ut carnem vix attingam, quod si prima vice non satis abscissum, aut iterum annexum fuerit, poterit postea eadem operatio administrari;

strati; incisolo gamento jubeo ut nutrix sœpissime digito melle rosaceo, aut communi maderfacto, linguam blandè eleuet, sic enim agglutinatio atque consolidatio impeditur. Hæc ad te scribendi, vir amplissime atque amantissime, problemata tua medica, undiquaque doctissima, quæque maxime cum voluptate legi, ansam mihi dederunt. Vale, ex musæolo nostro 19. Julii 1608.

OBSERVATIO XXIX.

Ex inepta extensione vertebrarū
colli, veluti resolutio exorta.

Rusticus quidam ex alto in areā delapsus, collum & cervicē sibi contudit, absq; ulla tamen fractura aut dislocatione, ut postea demonstrabimus: inde dolor paulatim exortus est. Post dies aliquot, cū Empiricum quendā in cōsiliū advocasset, ipsum ægrum in terram collocat & rustico robustissimo, qui humeros deorsum deprimeret in scamnum ascendit, & ambabus manib. sub mandibulis inferioribus, apprehenso capite ægri ipsum ea, qua potuit violentia sursum ad se trahit, collumque supra modum extendit. Unde mox dolor vehemens, cum tanta colli imbecillitate, & veluti resolutione exortus est, ut caput ne erectum quidem, multo minus ex uno in alterum
latus

latus circumagere posset. Manibus itaque ambabus illud subinde suffulcire coactus fuit, alioquin aut in unam, aut alteram partem non secus, ac mortuorum capita flaccescebat; dolor tamen paulatim sedatus fuit. Cum in hac miseria ultra annum vixisset, & frustra medicamenta multa & varia à variis ei adhibita fuissent, venit ad me Lausannam, tum ipsum Dei beneficio ita restitui, ut caput erectum sine manuum auxilio gestare, imò ex una in alteram partem (imbecillè tamen) circumagere posset. Vetus itaque ratione calida sicca attenuante & pituitæ generationem prohibente instituta, primo sequentes pilulas exhibui.

℞. m. flæ pilular. aurear. &
cochiar. an. ʒ. ʒ.
trochiscor. alhandal. gr. vj.

Pilule.

Cum syrupo de betonica formentur pilulæ quinque, involvantur pulvere cinamomi & in aurora cum custodia exhibeantur. Postea,

℞. radic. petroselini
fœniculi
polipodii an. ʒ. j.
herbar. agrimon.
veronicæ
betonicæ
majoranæ
rosmarini
salviæ. an. m. j.
sem. anisi &

Apozema.

fœnicu.

fœniculi an. ℥ ij.

liquiritiæ ℥ j.

Coquantur in aqua, ut colatura redeat ad ℔.ij.

in quibus infundantur, coquantur ac mace-

rentur secundum artem

Foliorum senæ mundator. ℥ ij.

agarici recent. trochisc. ℥ iiij.

rhabarbari ℥ ij.

cinamomi opt. &

zingiberis an. ℥ ij.

Misce & fiat secundum artem Apozema pro
quatuor dosibus, interpositis diebus ut vires
conserventur, sumendis.

Intermediis diebus, sequentem potionem
ad nucham & nervos roborandos, tum matu-
rino tempore, tum etiam tribus horis ante cœ-
nam exhibui.

& aquæ puriss. ℔ x.

mellis opt. ℔ j.

Coquantur lento igne, & spuma auferatur,
postea adde

radic. angelicæ

pœoniæ

cariophyllatæ an. ℥ j.

herbar. betonicæ

rosmarini

majoranæ

salviæ

ivæ artheticiæ

flor. & fol. primulæ veris an. M. j.

Coquantur in aqua ad consumptionem tertiæ

K

partis,

*Potio corro-
borans.*

partis, sumat ut dictum bis in die ad $\frac{3}{4}$ vj. pro
haustu.

Toto ferè curationis tempore quotidie de
hoc decocto bibebat, & per intervalla pilulis
aureis, cochiis, aggregativis, de Euphorbio &
Agarico expurgabatur. Frequenter præterea
jejuno stomacho masticatoria sumebat. Se-
quenti item electuario non sine fructu ute-
batur.

Electuariū. ℞. conservæ florum betonicæ
primulæ veris
rosmarini
summitat. majoranæ an. $\frac{3}{4}$ ij.
extracti salviæ $\frac{3}{4}$ j.
ol. salviæ
rosmarini &
saturejæ chymica arte
extract. an. gutt. vj.
pulv. cinamo. opt.
radic. & sem. pæoniæ an. $\frac{3}{4}$ j.
Misce & cum syrupo de betonica, fiat electua-
rium.

Linimenta. Locum affectum scilicet collum, oleo de
therebintina, nardino, costino, laurino, lum-
bricor. vulpini, succo lumbricorum & simili-
bus inunxi. Nonnunquam quoque collum se-
quenti decocto fovi.

Sacculū. ℞. herbar. betonicæ
rosmarini
majoranæ
salviæ

ivæ artheticae

flor. primulae veris. an. M. j.

baccar. Juniperi ꝑ iij.

Incidentur & contundantur grosso modo, indanturque sacco, qui intersutus & vino coctus, calidè applicetur. Post fotum, collum, uti dixi prædictis oleis inunxi. His divino favore convaluit.

OBSERVATIO XXX.

Aliud Exemplum

De inepta extensione vertebrarum colli.

Matrona quædam Bernensis, genere & virtute nobilis, ex equo delapsa cervicem sibi contudit. Ab initio nullum symptoma, nisi dolor gravativus apparuit. Post dies tamen aliquot, dislocationem adesse sibi ipsi persuaserat. Et quia tum temporis Bernam ad agros vocatus essem, in consilium me adhibuit. Verum cum nullam dislocationem adesse, ipsi significassem, mea opera amplius uti noluit. Hanc postmodum in manus Empirici incidisse, & eodem modo, ut de rustico diximus, tractatam fuisse, similiq; planè modo nunc affici à nobili quodam ac fide digno homine mihi relatum est.

K 2

Admoni-

Admonitio ad Tyrones.

Ut mediocris & decens extensio in fracturis ac dislocationibus necessaria; sic nimis violenta periculosa est, & plurima maximaque incommoda infert. Ex nimia enim & violenta extensione membrorum dolor vehemens inflammatio, febris, phlegmone, convulsio & paralytis oriri solent. Nonnunquam & musculi divulsos fuisse, Galenus testatur. Ex minori vero, quam par est extensione, ossa inter se fricantur quidem, in naturalem tamen situm reduci non possunt.

Comment.
1. l. 1. Hippoc.
de fracturis.

Modus itaque & mediocritas observanda est, quæ ex membri & musculorum magnitudine ac robore sumitur. Quandoquidem ossa magna & musculi magni, quales sunt femori humeri, tibiæ, &c. validissimam extensionem requirunt. Sin ossa exigua & musculi parvi fuerint, mitior quoque extensio fieri debet, ut Galenus loco præallegato fusiùs monet. Et & rationalis ac fidelis Chirurgi officium est primis prænoscere, an membrum sit fracturatumve necne? sæpius enim evenit, ut ex levissima quavis contusione dolor & inflatio circa articulos oriantur, cum tamen nulla fractura aut dislocatio adsit. In his, quam periculosum sit membrum tractare atque extendere, in sequenti observatione ostendimus, quod ex præallegatis histo-

ri

his apparet. In his enim nullam adfuisse dislocationem vertebrarum, ut falso Empirici existimarunt inde colligere licet, quod primis diebus vix ullum symptoma, præter dolorem gravativum apparuerit, quodque motus colli non perierit. In quavis enim dislocatione si re completa, siue incompleta dolor protinus ut sequatur, necesse est. Os enim, quod suo loco amotum est, partes nervosas ex suis sedibus naturalibus reprimi. Spinæ vero verticillæ, (ut PAULI ÆGINETÆ verbis utar) si perfectam laxationem sustineant, celerrimam mortem inducunt. Neque enim levem compressionem spinæ medulla sustinet: quando sanè etiam nervorum solum ex ipsa exortus si comprimatur ad periculum inducendum sufficiat.

Est igitur luxatio vertebrarum spinæ (si perfecta & completa fuerit) ob nobilitatem medullæ, quam in se continent, PAULI aliorumque sententia, mortalis. Luxatio porro vertebrarum colli imperfecta siue incompleta, et si mortem momentaneam non adfert, collum tamen detorquet, faciesque fit livida cum vocis & respirationis difficultate, & nisi reponantur vertebræ intra triduum, CÆLISO attestante, moriuntur: Vertebræ enim, siue articulus capitis (VESALIUS auctoritate & verbis utor) adeò magni est momenti animalibus, ut omnium solus nō dicam luxationem magnam, sed ne deflexionem quidem, vel temporis mo-

K 3 mento

Celsus lib. 8.

ca 13. § 17.

Avicen. lib.

4. fen. 5.

tract. 1. c. 21.

Ambr. Pa-

raus l. 16. c. 5

§ 14.

Ro'and. lib.

2 cap. 18.

Chirurgic.

Institut. l. 1.

c. 20.

mento ferre queat. Repentè siquidem respira-
tione ac voce, motuque simul & sensu totum
privatur animal, ipsa nimirum radice affecta.
Cum vero ex toto loco mutantur, nulla etiam
restitutionis spes relinquitur, præcipitemque
mortem inferunt. Hactenus VESALIUS.

Cæterum, quia nullum horum symptoma-
tum in præallegatis ægris apparuerit, nullam
quoque dislocationem, sed contusionem tan-
tummodo, quæ extensionem non requirebat,
adfuisse sequitur.

Hæc recensere placuit, ut impostura simul
& ignorantia Empiricorum nonnullorum, qui
se mirabilia imò impossibilia in hujusmodi lu-
xationibus præstitisse gloriantur, detegantur
atque palàm fiat.

OBSERVATIO XXXI.

Nasus abscissus quomodo restitutus.

ANno 1590. Cum Dux Sabaudie Geneven-
sibus bellum inferret, incidit in manus mi-
litum, puella quædam casta ac pia Susanna N.
nomine, quam cum stuprare frustra tentassent,
atq; hac de re maxima ira perciti essent, nasum
ipsi absciderunt. Post annos duos venit Lausan-
nâ, ubi tunc degebat Dn. JOH. GRIFFONIUS Chi-
rurgus ut ingeniosissimus, sic & in praxi felicis-
simus,

imus, qui cum ipsam curandam & nasum restituendum, suscepisset, ita satisfecit promissis & nasum restituit, ut maxima cum admiratione omnium ipsum artificialem & factitium esse, vix appareret. Quemadmodum ego ipsemet non rarò vidi & observavi: Ad hunc enim usque annum 1611. Lausannæ apud piæ ac honestam matronam Dominam Judith Mace, viduam Domini JOACHIMI ROTHOLD. piæ memoriæ, vivit. Hyemis tamen tempore, cum frigus est maximum, apex nasi aliquo modo livescit: Ut reliquæ tamen partes corporis nutritur; & suo sensu est præditus. Prædicta puella (adhuc enim in cælibatu vivit) usque ad hunc annum 1613. Lausannæ degit, circa nasum post absolutam curationem nulla in pejus facta fuit mutatio.

Hujus operationis & curationis primus inventor fuit CASPARUS TALIACOTIUS in Bononiensi gymnasio medicinæ Professor longè doctissimus & celeberrimus, qui operationem hancce & curationem Chirurgicam nobilissimam, & tam à veteribus quam neotericis desideratam, primus scriptis posteritati reliquit. Dominus GRIFFONIUS verò, ex cujusdam peregrini Itali, Lausannam transeuntis, & à Domino D. TALIACOTIO curati, relatione nonnulla primordia habuerat: reliqua sua industria, etiam si talibus operationibus nunquam interfuisset, nec sciri potest. Dn. Taliacotii hac de operatione, extitissent

perfectit. Idque eo planè modo quemadmodum Dom. D. Taliacotius ipsum describit.

OBSERVATIO XXXII.

Fistularum inferioris maxillæ
compendiosa curatio.

Difficiles & longæ curationis ut plurimum sunt fistulæ inferioris maxillæ, præcipuè quæ post dolorem dentium accidunt, quomodo autem ego hæcenus feliciter eas curaverim paucis declarare non gravabor.

Exemplum I.

Loes auff dem Sande Hildenæ consanguineus meus, vehementissimo dolore cujusdam dentis molaris vexabatur. Adit barbitōsorem, qui fracta dentis eminentia radicem in alveolo reliquit, inde continuato dolore, exortus est abscessus circa dentis radicem, quo rupto exterius, paulatim remisit dolor, ulcus verò (quod nullo modo consolidare potuit barbitonsor, qui dentem extraxerat) in fistulam degeneravit. Ego post mortem præstantissimi viri, Dom. COSMI SLOANE præceptoris mei longè fidelissimi, ex aula Principis in patriam reversus, auxilium meum imploravit. Sed quia in Galliam proficiscendi jam animus mihi esset, curationem hanc,

hanc, quam verebar longam fore, aggredi non audebam.

Post meum itaque abitum, diversorum chirurgorum consilia imploravit: sed frustra: donec ego quinto post anno ad paternos lares reversus, curationem Dei beneficio infra scriptis remediis feliciter absolvi.

Instituta optima victus ratione, sequentem exhibui potiunculam.

℞. Pulveris passaphanti ℥. j. detur cum decocto betonicæ, salviæ, rosmarini & majoranæ:

Postridie venam in cubito incidi.

Deinde materiam in capite sequenti decocto præparavi, & leniter purgavi,

℞. Herbarum & florum betonicæ,

Scabiosæ,

Veronicæ,

Cuscutæ,

Agrimoniæ an. M. i.

Summitatum rosmarini,

Majoranæ,

Florum Salviæ &

Primulæ veris an. M. ʒ.

Sem. Anisi &

Fœniculi an. ℥. ij.

Liquiritiæ ℥. j.

Coquantur in aqua ad consumptionem tertiæ partis. Huius colaturæ, per triduum, in aurora calidè ad ℥. iij. melle despumato dulcoratæ exhibui,

Postea.

K 5

℞. Eius-

R. Ejusdem decocti colaturæ lb. j.
 Foliorum senæ mundat. ℥ij.
 Agarici recent trociscati &
 Rhabarbari elect. an. ℥ij.

Maneant in infusione horas duodecim,
 deinde iterum leniter calefacta, fortiter expri-
 mantur: Expressioni admisce syrupi de beto-
 nica & rosati solutivi, compositi cum Rha-
 barb. Agarico & Sena an. ℥j. Misce fiat
 potio pro quatuor matutinis. Tandem sum-
 psit sequentes pilulas.

R. Massæ pilularum aurearum &
 Aggregativarum an. ʒj. f.
 Trociscorum Alhand. &
 Diagridii an. gran. quatuor.

Cum syrupo de stœchade formentur pilulæ
 quinque, quæ diluculo sumantur.

Præparato satis corpore, radices dentis ef-
 fodi; Callositatem verò fistulæ, unguento
 quodam caustico, absumpsi, & ulcus unguen-
 to de succo Appii mundicavi, tandemq; cic-
 tricem Emplastro diacalcithecis, & pulvere a-
 luminis usti induxi, sicque curationem spacio
 triginta dierum feliciter absolvi.

Exemplum II.

Juvenis quidam Colonienſis, non ex obscu-
 ra familia oriundus, cum simili morbo labora-
 ret in manus barbitonſoris incidit, qui va-
 riis & per menses aliquot, frustra adhibitis
 remediis, tandem me consuluit, & quid-
 nam

nam amplius agendum esset, à me inquisi-
vit, cui præscriptam methodum fideliter
communicavi, qua & brevi sanatus fuit
ager.

Exemplum III.

Anno 1596. Genève puellam simili morbo
laborantem superiori methodo sanitati, Dei
beneficio, restitui.

Exemplum IV.

Anno 1599. Colonia in der Bechergassen/
in domo, cui gammarus pro insigni est, adole-
scentem decem annorum natum, & fistula in-
ferioris maxillæ laborantem curandum ha-
bui. Huic satis, & interpositis vicibus, ex-
purgato corpore, secundum prædominantis
humoris naturam, radices nonnullas dentium
extraxi. Deinde fistulam superiori methodo
brevi sanavi.

OBSERVATIO XXXIII.

Inveterata deplorataque inferio-
ris maxillæ fistula quomodo
sanata.

Nobilis matrona Basileæ, ex morbo acu-
to sanitati restituta, defluxione ad
dentes inferioris maxillæ, sinistri lateris, cum
per

per multos menses vexata esset, nec dentem, ad quem catharrus decumbebat, sibi extrahendam curasset, tandem circa radicem ipsius, exorta inflammatione, & dolore maximo, generatus est abscessus. Quo exterius rupto, remisit dolor: nisi quod inter masticandum & loquendum molestiam doloremque aliquem semper sentiret. Ulcus in fistulam degeneratum per annos quatuordecim apertum mansit. Interim etsi variorum Chirurgorum consilia, auxiliaque imploraret, multa tamen frustra tentavit. Nullus enim de extractione dentis cogitaverat, imò potius extractionem omnes dissuaserant. Ego cum Anno 1610. serenissimo Principi JANUTIO RADZIVILIO Lituaniae Duci, in difficili ac longo morbo operam meam impertirem, ad matronam quoque hanc (quæ jam sexagesimum annum ætatis prætergressa est) accersitus fui. Tum superiorem partem dentis, ad cujus radicem fistula erat, ad alveolum ferè usque erosum, inveni. Semel atque iterum expurgato corpore radicem dentis extraxi. Postea turundam unguento nostro ad callositatem absumendam, imposui, erosa callositate pulverem præcipitarum quotidie inspersi, & Emplast. palmeum applicui, nec medicamenta hæc mutavi, usque dum ulcus perfectè sanatum esset, quod intra mensem contigit. Radix autem dentis erosa, inæqualis, & materia quadam rapidosa per laminas disposita, obducta erat. Curationi quo-

quotidie interfuerunt Dn. Constantinus Ecclesiæ Gallicanæ, quæ Basilææ est, minister fidelissimus. Dn. Emanuel Urstius artium liberalium magister.

OBSERVATIO XXXIV.

Ex intumefactione & suppuratione strumæ, propter catarrhum, mors sequuta.

Reverendus Dom. JOHAN. CHRISINUS, ad divum Martinum, in præfectura Ebrodunensi, verbi divini minister fidelissimus, homo pius, & septuagesimum annum ætatis prætergressus, à juventute struma laboraverat, absq; ullo tamen incommodo, præterquam quod aliquando per dies aliquot raucus fieret, idque propter catarrhum, qui ad fauces, asperamq; arteriam defluebat. Circa principium mensis Octobris 1608. prius dolore aliquo capitis correptus, catarrhus copiosior, & cum majore molestia, quàm antea, ad collum strumamque ei defluere cœpit. Cum verò circa initium morbi, neque medicamentis, neq; revulsionibus uteretur æger, ac catarrhus continuò ad partem læsam, ac propter præcedentes

tes defluxiones debilitatam, deflueret, deglutitio cibi & potus paulatim impedita est. Interim tamen, quia vox atque respiratio integra manebat, officio suo concionando, fungebatur. Tandem cum malum suum de die in diem ingravescere videret, nec quicquam amplius ingerere posset, Lausannæ à clarissimo viro DN. ABEL ROSCIO Doctore Medico celeberrimo auxilium petiit. Is præterquā quod enema potiunculam laxativam, inunctiones & cataplasmata misit, me advocandum quoque suasit: ut quidnā mali, anq; aliquid, quod manulem operationem requireret, subesset, investigarem. Enema quidem, nec absque fractu, accepit: de potiuncula tamen ne guttulam haurire potuit. Quapropter ego septimo Novemb. accersitus, optimū ac piū istum senem supramodum debilem, cum pulsu intermittente inveni. A diebus enim quindecim nihil quicquam cibi aut potus, imò nec jusculū sorbere potuerat: cum primū enim epiglottidem prætergressa essent, non vomitu tamen, neque tussiendo, sed conatu aliquo modesto illa iterum expellere coactus fuit. Interim appetitus minimè depravatus erat, ita ut sæpissimè exclamaret: Heu me miserum, qui fame pereō. Ad latus asperæ arteriæ sinistræ partis, struma appendebat, quæ ovi strutii magnitudinem ferè adæquabat: non usque adeò dura neq; asperæ arteriæ adhærebat: quapropter nulla, neque vocis neque respirationis, aut loquelæ difficultas,

tas, nullus item dolor aderat. Speculo oris depressa lingua, circa uvulam & amygdalas nihil præternaturale animadvertere licuit: malū enim multò pfundius hærebat. Quapropter petiit æger, ut stylo argēteo investigare an obstaculū hocce œsophago eximere possē. Cathetere itaq; bene incurvato, cui spongiā annexerā, immisso œsophago, è regione principii sterni, ubi claviculæ annectuntur, obstaculū atq; tantā angustia offendi ut catheter non nisi violentia quadā intrudi posset. Immisso tamen, iterūque extracto materia quædā viscida glutinosaque & quæ laridū representabat sequuta est: non autē vomitu, sed eodē conatu molesto, uti prius de rejectione porus dictū est. Inde colligere licuit strumā, ista in parte, ad suppurationē pervenisse: similis n. materia ut plurimū in strumis cōtinetur. Catheterē ter quaterve immisimus ac singulis vicibus non nihil istius materiæ extraximus: hinc aliquo modo vinum, ac lac amygdalatū sorbere cœpit, Quapropter res suas jam omnino in tuto esse existimans, me à se demisit. Post meū verò abitum, quia jā propter præcednetem mediā, ad summā debilitationē extenuationemq; pervenerat œsophagus quineriā iterū, ut prius à materia ista larida clauderetur, non diu post, omnino corpore extenuato, extincto exhaustoq; ac absumpto, calore innato & humido radicali animam Deo placidē pieque reddidit.

O B-

OBSERVATIO XXXV.

De strumæ periculosa exci-
sione.

ANno 1596, una cum clarissimo ac longè celeberrimo viro DN. JANO ANTON. SARACENO medico regio Genevæ ad puellam unicam, decem circiter annorum natam, vocatus fui. Laborabat illa struma ex dextra parte colli, Illa, quia asperæ arteriæ & nervo recurrenti tenaciter adhærebat, respirationē ac vocem utcunq̃ue intercipiebat. Quapropter, ne in posterum deformitas aliqua inde exoriretur, atq; cum in matrimoniū collocanda, id ipsi dedecori esset, petiit mater ut strumam hanc exciderem; Idq; quia magnitudinem ovi anseris vix adæquabat, facilè & absque periculo fieri posse, sibi persuadebat, ego tamen simul ac clarissimus DN. D. SARACENUS in contraria fuimus sententia: manumq̃ue adhibere omnino recusavimus, Quandoquidem non solum hæmorrhagiam periculosa, verum etiam vocis ex parte depravationem, deperditionemq̃ue verebamus.

Venæ enim jugulares simul & nervus recurrens istius lateris, struma hac intertextus esse videbatur: dimisimus itaque ægram.

Non

Non diu post, temerarius quidam Tonno-
nienſis in urbem venit, cui adducta puella, fa-
cillime & absque ullo periculo ſtrumam hanc-
ce excidere ſe poſſe, audacter promittebat,
De precio cum ipſo conveniunt: numeratur
pecunia, ſed adhibita novacula, in ipſa opera-
tione ſpiritum Deo reddidit, maximo cum lu-
ctu ac dolore matris, quæ vidua, hanc unicam
habebat filiam. Temerarius Empiricus in
carcerem projectus, vix evaſit, tandem à
Magiſtratu mulctatus, dimiſſus fuit. Hæc
in gratiam tyronum recensere placuit: ut
in huiusmodi caſibus cauti ſint ac pru-
dentes.

OBSERVATIO XXXVI.

De vulnere pectoris cum pulmo-
niſlæſione.

GREGORIUS HORSTIUS MEDICINÆ
& Philoſophie D. & Illuſtriſſimi Principis
ac Domini DN. LUDOVICI LANDGRA-
VII HASSIÆ &c. Medicus ordinarius. Et
in Illuſtri Academia Giæſſena Medicinæ pro-
feſſor, Viro clariffimo & peritiſſimo Dn.
Gvilhelmo Fabricio Medico & Chei-
rurgo celebri. Dn. & amico ſuo

S. P. D.

L

Tam

Tam grata mihi fuit tua praesentia satis di-
 exspectata, vir peritiss. & clarissime ut nih
 magis in votis haberē, quam pro dignitate tibi
 quidpiā officii, & honoris exhibere, sed nomi-
 nis tui notitia nobis impedimēto fuit, quom-
 nus illo brevi tēpore voti mei cōpos fieri possē
 dū undiq; maximi ceteriq; confluerēt, tuum
 iudicium, in gravissimis affectibus expeterent
 Hinc factum, ut postpositis privatis publicisq;
 meis negotiis, ad aulam Illustriss. mei Principis
 Darmstadiū, atq; post Heidelbergā usq; te co-
 mitarer ob conversationē tuā amicā mihi per
 gratā Etū vero ab eo tēpore corporib. sejung-
 mur, animo tamen minimē nos sejunctos esse
 vel hac ipsa epistola testare volui. Cum n. ami-
 cus noster cōmunis Dn D GEORGIUS FABER
 occasione ad te scribēdi nascisceretur, penitu-
 alienū à nostra amicitia esse duxi, nisi per bre-
 ves etiā adderē. In primis autē te certiorē facio
 me pristina corporis animiq; valetudine, De-
 gratia, cū meis adhuc gaudere: de te, tuis, si re-
 ciproculū habeo nunciu nihil mihi gratius, Nov
 q; hac vice perscribā ad te, nihil habeo prāter
 quam, q; vir juvenis, nobilis ante mēse nobi-
 cū, à mirabili vulneratione superstes remanse-
 rit Et sensim optimē cōvaleſcat; cujus casus hi-
 storiā paucis accipe. Factum fuit in feriis Nati-
 vit. Christi, ut nobilis quidam juvenis, studio-
 rū gratia nobiscū vivēs, mihi conterraneus, no-
 eturno tēpore, civis cujusdā ædes aggredere-
 aliis in ipsa domo cōvitiis atq; comminationi-
 bus huic rei occasione prābetibus, & per janu-
 rima

Observatio.

simā gladio acutiori transfoderetur, introeūte
vulnere nō procul à sterno circa 3. vel 4. costā
superiorē, eodemq; rursus sub scapula, nō pro-
cul à spina exeunte. Vocatus ego circa horā 1.
pulsu maximè debili difficultateq; respiratio-
nis imminēte parū spei superesse putabā, totus
in ista opinione, quod sine gravi pulmonis atq;
fortassis etiā in lignē vasorū lēione talis vulne-
ratio fieri non posset, præsertim cū præter dictū
vulnus latiori gladio circa axillas etiā non sine
suspicionē transossarū venarū & arteriarū axil-
larium, vulneratus esset. Sed quid fit? vomitu
sponte succedente ē ventriculo graviora sym-
ptomata delierunt: vires sensim sese recollige-
runt, nihil sputi purulenti nihil tussis, nihil diffi-
cilioris respirationis, parum caloris febrilis, at-
que excedent s. sitis in prima tantū hebdoma-
de ab eo tempore fuit observatū. Vulnere more
solito per Cheirurgos tractavimus non pauca
puris optimè cocti copia quotidie pfluente, ut
fieri solet in morbis pectoris: interius præter u-
niversalia lavantia, in primis cassia recent. ex-
tract. cū Rhubar. pulv. pauca remedia adhibui-
mus: Interdū bezoardicis iterū atq; iterum pro
sudore pvocando, cordeq; corroborando p-
pinatis. His in hanc usq; horam æger optimè
sese habet, plenariā restitutionē brevi sperans.

Occasione præsetis casus dubitationes quedā *Questio 1.*
oriūtur, in quib. tuū iudiciū expeto: dubitatur
n. i. nū hæc vulneratio sine gravi pulmonis lē-
sione fieri potuerit. Ego quidē primadie totus
inea opinione fui, q pulmo quoq; necessario

L 2

gra-

graviter vulneratus fuerit, subsequenter autem diebus, nihil quicquam per signa colligens de modo vulnerationis cogitare cœpi, num etiam ejusmodi vulneratio possibilis sit absque gravi pulmonis vulnere. Mecum hac de re cogitans, motum pulmonis perpendere cœpi, simulque respirationis partes diversas considerando probabiliter statui, juvenem nunc in vehementissima expiratione cum pulmones penitus conciderent, fuisse transsolum. Quid autem ansam præbuerit huic expirationi vehementiori, vix invenire potui, quâ ob causam à vulnerato, quasi aliud agens inquisivi, quid nam ante domum egerit, eo ipso momento, quo fuit vulneratus: respondet ille promptissime, se clamore vehementiori suum adversarium provocasse. Cum autem vox intensior non aliter quam expiratione fiat, cumque per expirationem pulmones concidant, verisimile judico, pulmones hic minimè graviter, sed forte tantum respectu partium ad circumferentiam tendentium, adeoque non secundum vasa insigniora læsos fuisse.

*Secunda
questio.*

Sed mirabitur fortassis aliquis cur statim brevissimo hoc tempore spem consolidationis faciamus ægro, cum tamen non pauci sint in ea opinione, vulnera thoracis diutissime aperta esse debere: nimirum, quæ maximam puris copiam præ reliquis quotidie fundunt. Hinc igitur secunda dubitatio sequitur, an hæc vulnera diutius aperta esse debuerint? negativè respondeo, quia non necessarium esse videtur, diutius vulnera pectoris

etoris à consolidatione defendere, quando ni-
 hil purulentæ materiæ vel thromborû sangui-
 nis in cavitate pectoris continetur, quod plu-
 ribus domōstremus in Cent. prob. therap. dec.
 5. quæst. 5. Contrariū vero meritò concedimus
 tunc tēporis, ubi materia purulenta, in ipsa ca-
 vitate thoracis, etiā colligitur; in quo casu non
 tantū aperta retinenda sunt vulnera, sed simul
 etiā per injectiones digestivis, absterisivis, aliis-
 que medicamētis naturæ succurrendū esse pu-
 tamus. Hujus rei exemplū ante biennium hīc in
 vicinia quoq; habui in nobili quodam viro le-
 thaliter in pectore vulnerato, cui diutissimè
 decūbenti quotidie maxima saniei copia è vul-
 nere, non raro quoq; pulmonū particulæ par-
 væ, simul egrediebantur. Hic aliquādiu phthisi
 corripiebatur, omnibus signis cū ea conveniē-
 te, quæ alias ab exulceratione pulmonū fieri so-
 let interdū propter malignitatē putrescētis pul-
 monis cū sūma viriū imbecillitate febriliq; ca-
 lore cutis exanthemata rubra, more illorū, quæ
 petechialibus febrib. propria sunt, erūpebant.
 Tandē tamen cum diu satis apertum esset vul-
 nus, ipsumq; pectus atq; pulmones optimè ex-
 purgarentur, convalescere cœpit æger, adhuc
 hodie perfectè restitutus, vivens, quod naturæ
 ipsius vegetæ & sanguineæ potius adscribendū
 esse puto. Quocirca pro tertia dubitatione vi-
 des me eo inclinārē, pulmones cōsolidari pos-
 se, licet contrariū pateat ex eis rationib. quibus
 demonstrant authores classici, phthificos con-

*Vulnera pe-
 ctoris quan-
 do aperta re-
 tinenda.*

*De vulnere
 thoracis ob-
 servatio sin-
 gularis.*

Quæstio 3.

L 3 firma-

firmatos incurabiles esse. Sed alia est solutio continui, quæ fit diuturnitate tēporis ex continuis fluxionib. acrib. accedente plerūq; hæreditaria vel etiā ascititia pulmonū imbecillitate: & alia est ratio ejusmodi solutionis continui, quæ fit per vulnus in subiecto laborāte robustiori cōmodissimis medicamētis quotidie injectis ipsa que materia purulēta, per vulnus evacuata.

Questio 4.

*Felic. Wirtz
absurdissi-
ma opinio.*

*In pectore
vulnerato
ex negligē-
tia Cheirur-
gi turunda
ducta cavi-
tatem per-
venit.*

Verum dubitabis juxta FELICEM WIRTZ Cheirurgū Basiliensē, qui turundas in vulneribus pectoris penitus rejicit ipsāq; saniē, sanguinē, aliāve collectā materiā, per sudores, urinā, alvū, aliisq; modis cōmodē evacuari posse statuit. Etli verò nō negē plurimū periculi laborātibus impendere, cū imperiti cheirurgi turundas per peculiaria satis robusta fila non alligāt, sicuti annos ante 10. cuidam studioso accidit, cui in pectore vulnerato, duæ turundæ sati longæ, per negligentiam cheirurgorum, ad cavitatem pervenerant quas secum ultra biennium cum vitæ periculo gestavit, à quibus tamē tandem ne gry quidē alteratis casū potius quā arte fuit liberatus, ac postmodū plenariē restitutus: nō tamē video quomodo usus earū penitus rejici possit, cū alias natura, quæ adminiculū a b arte expectat, expurgationē videlicet superfluatorū minimē habere possit. Hoc est, quod pro dubitatione 4. subicere placuit, ut à te intelligi, quid de hac assertione sentias. Quid n. putas expectandū esse, si purulēta materia collecta circa cavitatem ibidem retineretur, tam diu

diu donec ipsamet natura viam expurgationis occultam sibi quæreretur? sed ne manum alterā impleat epistola, subsisto, tibi tuisq; felicissimum novi anni auspiciū, ex animo precor, teque, tuis, ac Reipubl. diutissimè valere cupio. Dabam raptim Gieslæ 26. Januar. 1613.

*IDEM AD EVNDEM.**Postscriptum.*

S. Menses aliquot abiēre, clarissime mi Dn. FABRICI, quo præsentēs has literas ad te dare volui, quas tamen ob denegatam perferendi occasionē, aliquandiu secum retinuit clarissimus vir Dn. D. GEORGIUS FABER amicus noster communis. Casus iste cujus descriptionem ad te dedi, felicissimum exitum habuit; et si n. vulneratus in secundo mense vulnerationis cōpleto, propter eminentē suffocationem cōsolidatis omnino vulnerib. externis, asthma te quasi præhēsus, periclitaretur, tussi, atrophia & hectica febris plurimū afflictus, abhibitis tamē cōvenientib. remediis, imprimis sulphuris balsamo terebinthinato, cū syrupo jujubino cōmixto, purulētę materiæ in ipsa pulmonum substantia collectę, mēsurā cū dimidia, per diē naturalē, rejecta fuit, quo factō, vires corroborando, palmonū exulcerationē detergendo & consolidado, ita cōvaluit, ut per mensem unū atq; alterum ab omnibus medicamentis abstinerit, & potius in culina quā penes medicos ulterius adjumentum quæsiverit, remittente

L 4 tussi,

tussi, purulenta rejectione similibusque symptomatis tabem producentibus, quam ob causam optimè restitutus, hac septimana ad suos abire decrevit. Vide quid possit natura juvenilis, & quam mirabilis sit Deus in operibus suis? Cæterū omnia tua ritè mihi tradita fuisse scias, quam ob causam tum pro structura oculi, tum etiam pro aliis transmissis, maximas habeo gratias, tibi que promptissimam meam observantiam rursus offero. Bene vale, & priusquam recedas à nobis, me de statu tuo primum certiorrem facias. Raptim Giessæ 30. April. 1613.

Tuus

Gregorius Horstius D.

OBSERVATIO XXXVII.

De mirabili quadam hæmorrhagia umbilici in viro quodā oborta, variis que inde subsequutis symptomatibus

Viro amplissimo atque doctissimo Dn. GREGORIO HORSTIO, Philosopho summo, Illustr. Landgravii Hassiæ &c. D. Medico ordinario, & in illustri Academia Giessena Medicinæ Professori longè celeberrimo, Guilh. Fabricius Hildanus. S.P.D.

Statue-

Statueram, vir amplissime, fautor & amice
 submisſe honorande, ex hiſce regionibus
 non diſcedere, niſi te prius Gieſſæ inviſſem.
 Cum vero ad nobiliſſimum ac ſtrenuum vi-
 rum, Dn. WOLFGANGUM ADAMUM
 à SCHWALBACH) qui T. Exc. peramanter
 ſalutat) perveniſſem, te ad thermas, cum Ge-
 neroſo viro Dn. PHILIPPO, COMITE SOL-
 MENSII proſectum fuiſſe, ex Dn. D. FABRO,
 communi noſtro amico intellexi. Doluit imo
 & etiam nunc dolet abſentia tua; interim tamē
 quia coram tibi aſſe mihi, proh dolor, nunc
 non licet hocce epistoſio, antequam ad meos
 reditem (quod volente Deo brevi fiet) te invi-
 ſere ſtatuī. Deum q̄ te Opt. Max. ſuppliciter o-
 ro, ut iter tuum felicem habeat exitum, omnia-
 que tibi ex animi ſententia ſuccedant.

Cæterum clariffimus vir Dn. D. GEOR-
 GIUS FABER, tuas mihi quoque obtulit li-
 teras, ex quibus ſtructuram oculi & quæ præ-
 terea miſi, tandem ad te perveniſſe, ſummo cū
 gaudio percepi: Incluſus caſus de vulnere pe-
 ctoris multum placet, ipſumq̄ue tertiæ centu-
 riæ, Deo dante inferam. Quæſtiones quas ex i-
 pſo proponis tu ipſemet doctè ſimul & eruditè
 ſolvis: itaque ut ego noctuas Athenas feram,
 ſupervacaneum imo & nūc propter penuriam
 otii, & quod longè à bibliotheca & adverſariis
 meis abſim, vix mihi licet. Ad primam tamen
 quæſtionem addo, ſuperficiem pulmonis tan-
 tummodo vulneratam neque vaſa magna, in

*Ad primam
 quæſtionem.*

L s nobili

nobilissimo laesa fuisse me tecum consentire. Superficiem enim atque extremitates pulmonis, uti quoque hepatis, aliquando absque mortis discrimine vulnerari posse, exempla quoque in observationibus meis reperiuntur.

*Ad secundam
questionem.*

Pro secundo quaeris. Vulnere pectoris aperta diu retinenda an sint nec ne. Ego eadem distinctione quam tu quoque proponis, utor; nimirum si sanum est corpus & vulnus recenter inflictum, neque sanguis aut pus ullum in pectore collectum, vulnus ut diu apertum maneat, minimè opus est. Interna enim viscera ab externo aëre facillè læduntur. In cacochymicis verò corporibus alia est ratio, in eis enim consolidatio vulnere & ulcerum pectoris, donec natura sese probè exoneraverit, minimè acceleranda est. Hoc modo Asthmaticum deploratum sanitati restitutum fuisse, Dusseldorpiæ apud præstantissimum virum, Dominum COSMAM SLO-TANUM observavi. Integram historiam cum primum ad Musas meas pervenero, tibi communicabo.

*Ad tertiam
questionem.*

Pulmones consolidari posse, tecum sentio, exemplum habes in prima Centuria observation. de homine quodam qui turundas per os rejecit, id quod absque exulceratione pulmonis fieri non potuit. Habes & exemplum in secunda Centuria, observatione de viro quodam, cui pars pulmonis abscissa fuit.

Opinio-

Opinionem FELICIS WIRTZ absur- *Ad quartæ
questionem.*
dam, & penitus rejiciendam esse, quis nega-
re poterit? Non solum enim vulnera pecto-
ris, verum & capitis, in quibus cerebrum de-
tectum est, uno & externatum partium vulne-
re, donec probè sint digesta, & partes læsæ ex-
purgatæ, aperta retinenda esse, experientia
docet, idque ego multis exemplis demon-
strare possem, sed jam prolixas scribendi li-
teras orum non datur. Si hoc modo inju-
riam aëris vitare cupit WIRTZIUS, non-
ne ex scylla in charybdis incidet? Sed &
aër ille, quæso, externus, nonne cum vulnus
detegitur atque curatur arte, quemadmo-
dam quoque sit in vulneribus capitis, ubi ce-
brum aut ipsius membranæ detectæ sunt,
facile emendare potest? De turundis nihil
dico; illæ enim quomodo in vulneribus pe-
ctoris adaptandæ & filo alligandæ, etiam ty-
rones in arte Cheirurgica norunt. Saniem aut
sanguinem in cavitate pectoris contentum,
per urinas aut alvum evacuari posse, tam ab-
surdum est ut nihil absurdius, nulla enim via
à natura ad id destinata est. Illam verò abs-
que mortis discrimine sibi parare non posse
naturam, quis quæso est qui ambiget? Verum
mirum non est WIRTZIUM hic graviter erras-
se, hæcque cōtra omnem rationem proposuisse,
plurimos enim eosque gravissimos, atque cum ty-
ronibus medicinæ atque Chirurgiæ, tum etiam
ipsis

ipsis ægris perniciosissimos errores liber suis continet.

*Observatio.
De hamor-
rhagia um-
bilici.*

Porro, vit amplissime ut par pari referam, exemplum de mirabili quadam hæmorrhagia umbilici adscribam. Sanguinem ex umbilico infantulorum recenter natorum aliquando nimis copiosè profluere, multoties observavi, uti ex observatione 52. Centur. primæ videre poteris. Vasa enim umbilicalia si post partum ab obstetrice nimis negligenter ligata fuerint, sanguinem maximo cum infantulorum damno & vitæ periculo profundū; uti loco præallegato ostendimus. In adultis vero, quia vena umbilicalis contrahitur & in ligamentum transit, sanguinem non amplius per eam naturaliter profluere posse, rationi consentaneum est. Verum naturam materia aliqua morbifica oneratam, aliquando iterum venam illam reſerate, per eamque serofos humores copiosè projicere, nōnunquam in hydropicis observavimus; quare vide observ. 47. Centur. 1. Sanguinem verò in adultis ex hepate per umbilicum adeo copiosè, ut in sequenti historia acciderit, profluxisse hætenus an observatum fuerit, nunquam me legere memini; ideoque casum ordine recensere non gravabor.

DN. DANIEL SCHERTLER Apothecarius Solodurensis Helvetiorum experientissimus, homo pituitosus, obesus & trigessimum sextum annum ætatis agens, amicus meus singularis, cum superiori anno 1612. circa festum
Divi

Divi Johannis Baptistæ ad Nundinas Argentinenses, negotiorum suorum causa profectus, ibique occupatissimus esset, ac quodam die supra modum incaluisse, apertus sibi fuit umbilicus, ita ut ad libram unam & semis sanguinis efflueret, per se tamen & nullo adhibito medicamento substitit. Miratus simul & perturbatus hac de re cum esset, Medicos eruditos, simul & Cheirurgum advocari jussit; qui hujusmodi medicamenta, quæ sanguinis fervorem refrenare solent, exhibuerunt & exterius applicarunt; sed ex quo cum fructu. Altero enim die & subsequenter, usque ad undecimum ex umbilico cotidie bis sanguis non quidem guttatim, neque in parva quantitate, sed cum impetu & copiosè erupit. Foramen adeo erat angustum, ut vix lentem excipere posset. Certis autem horis (quod probè notandum) nimirum præcisè inter septimam & octavam matutinam, & inter secundam & tertiam pomeridianam hæmorrhagia illa accidebat. Ut plurimum quoque hoc tempore singulis diebus semel hæmorrhagia narium patiebatur. Medici simul & Cheirurgi, etiam si omnem adhiberēt diligentiam, sanguinem tamen medicamentorum beneficio sistere nunquam potuisse, æger ipsemet mihi affirmavit; sed sponte & per se substitiisse. Hoc modo nimirum quotidie bis, totos undecim dies sanguinem profluxisse, & interim ad libras usque viginti septem emanasse à Medicis & ipso ægro observatum fuit.

fuit. Elapsa undecima die, ulcus umbilici accrevit, ex quo loco sanguinis materia purulenta per menses aliquot extillavit, paulatim tamen iterum coaluit.

Quaestio.

Cæterum quia quantitas illa sanguinis qui undecim dierum spatio, tam ex umbilico, quàm ex naribus effluxit, modum excedere videtur; & vix hominem tanta copia sanguinis prædium esse, credibile sit; adeo quæ rem fabulosam esse aliquis æstimare possit, quaestio suboritur; nimirum sanguis an purus fuerit, nec ne? *Solutio.* Ego ipsum non purum sed aliis humoribus, in primis serosis ichoribus, permixtum fuisse existimo.

Constitutio corporis phlegmatica & obstructions viscerum, quibus antea per annos aliquot laboraverat, fidem faciunt. Serosi enim humores isti beneficio naturæ exitum petentes, venam umbilicalem paulatim dilatarunt; tandemquæ una cum portione aliqua sanguinis per umbilicum eruperunt.

Ex maxima porro evacuatione ista, vires adeo prostratæ fuerunt, ut non nisi summa cum difficultate Solodurum reduci poterit. Ego 14. Novembris Anno 1612. ex patria rediens, cum ipsum inviserem omnia illa, quæ recensui ex ipsius relatione annotavi. Umbilicum extensum, rotundum & aliquantum elevatum, & instar vesicæ aquâ impletæ, mollem inveni; nec non fluctuationem quandam in ipso percepi. Dolorem præterea per interval-

la,

la, inprimis vero tussiendo & noctu decumbendo; ambulando verò nullum aut exiguum saltem deslere referebat. Venter extensus, durus, appetitus prostratus & sitis maxima aderant, parumque dormiebat. Postea vero quid cum p[ro]p[ri]o acciderit, ad meos redeundo & Solodurum transeundo, si intellexero, tibi volente Deo, per occasionem communicabo. Nunc propter festinationem plura adscribere non possum. Vale itaque vir amplissime, iterumque vale animæ meæ dimidium, sed & in æternum vive feliciter, meque ex præclara humanitate tua amare perge. Raptim ex Arce Hasel-
ek 14. Maji 1613.

*Ad eundem virum amplissimum atque
doctissimum Dominum D. GREGORIUM
HORSTIUM, &c. amicum in-
timum.*

STATUS rerum mearum domesticarum æ-
rumnosum, proh dolor, clarissime atque a-
micissime m[on] Domine D. HORSTI ex præ-
cedentibus meis intellexisti. Duæ ex filia-
bus meis peste obierunt; uxor vero & ambo
filii evaserunt. Ego per summam Dei miseri-
cordiam adhuc p[er]sisto.

Ex Germania rediens, & Solodurum tran-
siens,

fiens, iterum Dn. SCHERTLERVM ibidem Pharmacopæum, de cujus hæmorrhagia ante menses septem ad te scripti, invisi. Ille tunc temporis cum ipsum inviserem, non usque adeo graviter uti superiori anno laborabar. Præterita æstate se iterum aliquoties hæmorrhagia umbilici laborasse mihi retulit. Postea acidulis Griesbachcensibus usus fuit, idque maximo cum fructu. Obstructiones tamen maximas viscerum, etiam nunc adesse ex ipsius facie, & aliis circumstantiis facile colligere est. Aliquando quoque calorem quendam, cum pruritu e regione umbilici se percipere mihi retulit. Hæc ut promissis satisfacere, festinanti calamo ad te scribo. De tertia Centuria & nonnullis aliis excudendis, cum Dn. THEODORO DE BRY contraxi. Quod si Deus Opt. Max. vitam elargitus fuerit, hac hyeme manuscriptum exemplar ad ipsum missurus sum; quo proximis nūdinis prodire possit. Flores sulphuris quos ad te mitto, non arte facti, sed natura producti, Badenæ Helvetiorum ante annos tres cū thermas istas, una cum illustrissimo Principe JANUSCHIO RADZIVILIO, Duce in Birze, Dubinski ac Slucko Pocillatore Magn. Duca. Lithvan. Borisoviens. &c. Capitan. Princ. Imperii, inviserem, ab amico quodam dati mihi fuerunt. Ille ipsemet autem, cum jussu Reverendissimi Archiepiscopi Coloniensis, ERNESTI Ducis Bavariz, &c. scaturiginem fontis detegisset flores istos, lapidi quo scaturigo tecta erat

erat, copiosè adhaerentes reperit. Tu, vir amplissimè, ut data occasione flores istos experiri, & de eis iudicium atque sententiam tuam recribere non dedigneris, etiam atque etiam rogo. Vale vir amplissimè, & feliciter vive diu, Captivum Lausannæ Equestrium.

T. Exc. addictissimus & obsequentissimus

Guilh. Fabricius Hildanus.

OBSERVATIO XXXVIII.

Phthisis setacci beneficio sanata.

Viro clarissimo atque doctissimo, Dn. JOHANNI KUEFFER, Doctori Medico Argentinensi longè celeberrimo, amico singulari, Guilhelm. Fabricius Hildanus S. P. D.

S Alvus quidem & incolumis, vir clarissime, fautor & amice, æternum honorande ad meos redii. In quo statu vero familiam meam conveni, & quænam ærumnosa ab eo tempore mihi advenire, ex clarissimo viro Domino D. ALTZMANNO intelligere poteris; mihi vultus hocce etiam nunc cruentum præmœrore, nunc iterum fricare non licet. Statum familiæ uæ, & quomodo setaceum, quod nuperrimè

M appli-

applicuimus, succedit summo opere intelligere percipio. Non tamē dubito, ipsam inde maximum fructum capeffuram. Humores enim à capite ad pectus defluentes, mirum in modum ad se trahit seraceum; idque ego multis exemplis demonstrare possem; sed unicum hocce sufficiet.

Observatio.

Genere & virtute nobilis quædam matrona Freiburgensi Helvetiorum, per annos aliquot, destillatione ad pectus laboraverat; & ita quiddē vehemēter ut quāvis multis variisq; remediis, cum à medicis doctis atque eruditis, tum etiam ab empiricis præscriptis usa fuisset, exiguum tamen fructum inde acceperit. Tandem ulque adeo auctum fuit malum, ut non solum materiam purulentam copiosè, verum etiam sanguinem expueret; & in hecticam, cum totius corporis extenuatione & prostratione virium incideret. Ego tandem cum in consilium adhibitus essem, præter convenientem dietam, & exhibitionem medicamentorum, tam per os assumptorum, quam exterius applicatorum, nuchæ quoque seraceum adhibui, cujus beneficio, brevi maxima cum admiratione eorum, qui ipsam antea cognoverant, ita restituta fuit agra, ut etiam deinceps proles aliquot procreaverit: cum tamen antea per annos aliquot, & præcipuè ab eo tempore, quo destillatione prædicta laboraverat, utero non gestasset.

*De usua
cranii hu-
mani.*

Porro ea quæ promisi, nunc ad te mitto.

Primò

Primo usneam cranii humani, illam autem veram & legitimam esse, Deum testor, quandoquidem egomet, cum ante annos duos in Belgio essem, in cimiterio quodam, satis copiosè ipsam inveniatque collegi. Mitto quoque frustum cranii humani, cui usnea etiam nunc adhæret, poteris illud inter rara tua reponere. Sed quid quæso sentis de opinione eorum, qui utineam craniorum suspensorum tantummodo ex usu esse debere volunt? Ego quidem in illa aliquid magis virium, quam in ea, quæ in craniis morte naturali demortuorum colligitur, contineri, concedo; an vero usnea in craniis suspensorum, inveniatur valdè dubito: Nunquam enim illam reperire potui: & profecto, quomodo craniis in patibulo, ventis, pluviis, grandinibusque impetuosiss, expositis, usnea ad nosci possit, nondum video.

Mitto & specimen subligaculi, quo ego maximo cum fructu in herniosis utor.

Accipe quoque, quam promisi descriptionē emplastri, ad scrophulas & scirrhosos tumores emolliendos, resolvendos & discutiendos efficacissimi, & olim à clarissimo viro, Dn. LAMBERTO WOLFFIO, Illustr. Principis ac Domini Dn. GUILHELMI, Juliacensium, Clivensium & Montensium, &c. Ducis, Doct. Medico celeberr. & COSMA SLOTANO, ejusdē Principis Chirurgo præstâtissimo, pro Aulico quodā præscripti, maximoq; cū fructu, me præsentē, usurpati.

Radicum bryoniæ,

M 2 cycla;

*Empl ad
scirrhosos
tumores.*

cyclaminis

helenii

cucumeris agrestis an. \mathfrak{z} j.

Coquantur in vini albi & aceti an. q. f. Deinde
pistentur & per setaceum percolentur. Cola-
turæ admisce

pulveris radicum iridis

myrrhae

olibanii

masticis

croci

anistolochiae rotund. an. \mathfrak{z} j. \mathfrak{ss} .

florum chamomillae

meliloti

sambucii an. p. j.

opoponacis

lagapeni

ammoniacy

bdellii

Galbani in aqua vitae dissolutor.

an. \mathfrak{z} . \mathfrak{ss} .

gummi hederæ

styracis calamitæ an. \mathfrak{z} iij.

euphorbii \mathfrak{z} . v.

femini staphisagriae \mathfrak{z} ij. \mathfrak{ss} .

Argenti vivi saliva hominis

jejuni extrinset \mathfrak{z} ij.

olei liliorum

de vitellis ovorum

œsippi an. \mathfrak{z} v.

adipis anserini

anati-

anagini

fylli

medullæ cruris vitulian. $\frac{3}{4}$ j.

mucilaginis seminis lini,

fœugæci

radicum althææ an. $\frac{3}{4}$ j.

Misce & cum s. q. ceræ flayæ & therebinthinæ
 fiat emplastrum.

Plura nunc ut adscribam tempus non fert;
 quapropter vale, vir clarissime, & æternum fe-
 liciter vive, cum lectissima tua conjuge, quam
 tecum peramanter soluto; & pro summa hu-
 manitate, qua toties me excipere dignatus fui-
 sti, iterum quas possam, gratias ago maximas.
 præstantissimum virum Dn. JOHANNEM
 BREGENSERUM ex me, quæso saluta pluri-
 mum. Iterum vale & millies. Lausannæ 6. De-
 cembris 1613.

OBSERVATIO XXXIX.

Ex ulcere quodam empiricè cura-
 to pleuritis lethalis sequuta.

Viro ornatissimo atque doctissimo Domino

EMANUELI URSTISIO, *Artium libe-*

ralium magistro, Guilh. Fabricius

Hildanus S. P. D.

M 3

Non

Non levis est quæstio inter Chirurgos, Doctissime atq; amantissime Dn. URSTISI, nimirum, an ulcera diuturna & inveterata, absque periculo cicatrice obduci possint, nec ne? Nonnulli putant ea minimè esse consolidanda: & quidem eam ob causam, quod natura veluti per cloacam, à multis superfluitatibus, sese per ea exonerare possit. Quod quidem non simpliciter negandum; præcipuè in corporibus cacochymicis, & pravis succis refertis; & in iis qui universalibus, veluti decenti victus ratione, purgationibus non utuntur. Cujus rei exemplum non vulgare tibi communicare lubuit.

Quidam in agro Paterniacensi N. Comes nomine, vir pius & sexaginta circiter annos natus, cum per multos annos ulcere cacoete in crure sinistro, simul atque multis & magnis varicibus laboravisset.

Tandem Anno 1612. ulceris hujus causa me in consilium adhibuit, sed postquam omnia quæ sibi, tam in vitæ regimine, quam usu internorum & externorum medicamentorum observanda, necessaria à me intellexisset, sibi que processus iste atque modus curandi proclivior visus esset, à me discessit: & postmodum empirico empiricè curandum se commisit.

Ulcus quidem curatum fuit; sed post
mensēs

mensēs aliquot in sinistro latere, pleuritide cum maximis doloribus & febre correptus, intra paucos dies animam Deo piè reddidit, ea verò, quæ morbo durante expuebat, materiam, qualis antea ex ulcere emanare solita erat, referebant: Uiego, cum diebus aliquot ante ipsius obitum, ad ipsum vocatus essem, ipsemet v. di.

Hinc perspicuum fit materiam, quæ antea ad tibiam defluebat, quia expurgata non fuerat, ad pectus regurgasse.

Id autem quomodo fiat, AMBROSIVS PARÆVS libro decimo septimo, capite quinquagesimo primo, doctè & disertè ostendit. Quo in loco historiam annotatione dignissimam de Domino SARRÆO Secretario Regis narrat. Is ulcere ex ictu sclopeti in brachio, cum multis variisque symptomatis, laborans, pus aliquando per urinas excernebat, atque tum ulcus exsiccebatur: quamprimum verò ulcus decenter fluebat, tunc urinas iterum laudabiles, & nullo pure permixtas reddebat. Ille tamen sanitati restitutus fuit.

Sin autem corpus prius à pravis humoribus expurgatum, optima victus ratio observata, partesque nobiles corroboratæ fuerint, tum absque omni periculo ulcera, quantumvis diuturna & inveterata,

M 4 sanari

sanari posse, infinitis exemplis demonstrare non difficile esset: sed brevitatis causa unum aut alterum proferre non gravabor.

Exemplum I.

Anno 1602. Genevensis quidam quadragenarius, vir pius & magni animi, dum pro defensione strenuè & fortiter pugnaret, ictu sclopeti vulnus in humero dextro, cum maxima contusione & ossium contritione, recepit.

Unde variis & diversis supervenientibus symptomatis, vulnus in foetidissimum & sinuosum ulcus degeneravit. Post menses novem ab accepto vulnere, cum res planè deplorata videretur, me convenit. Tum circa humerum dextrum, claviculam ac lomoptatam ad spinam dorsi, & cervicem usque multa variaque ulcera putrida, foetida ac sinuosa, cum carie in ipsa clavicula offendi. Ex istis autem ulceribus pus copiosè adeo profluebat, ut totum inde corpus summo opere extenuaretur atque debilitaretur. Et quia pus, quod effluebat foetidissimum adeò, arbitrabantur fore cuncti, ipsum non diu superstitem, si ulcera cicatrice obducerentur; & materia illa foetida retineretur.

Ego contra, de sanitate recuperanda, bene sperabam: neque spes me fecellit. Quandoquidem

quidem præscripta optima victus ratione, purgatoq; per intervalla corpore, exhibitisq; medicamentis partes nobiles roborantibus, ulcera mundificavi, & felicissimè ad cicatricè perduxì. Vivit ille ad hunc usque annum 1613. bonaq; valetudine fruitur, nec ullum incommodum ob consolidationem prædictorum ulcerum patitur, sicuti tu ipsemet quoq; ocularis testis esse potes.

Exemplum II.

Quid vulgus de matrona illa sexagenaria in Gravo, cui Anno 1606. die 20. Octob. te præsentè, tibiam abscidi, sentiebat, tibi etiam satis cognitum est.

Quia enim ad annos triginta, istis ulceribus in tibia laboraverat, cuncti (si excrementis istis humoribus continuò ad ulcera copiosè fluentibus, via interciperetur) nihil aliud præter mortem subitanèam exspectandam rebantur, Convaluit tamen, & huc usq; optima fanitate fruitur Sed corpus hujus matronæ per mensem integrum ante operationem & per menses aliquot post eandem, tum optima victus ratione, tum multis ac diversis purgationibus, apozematibus, & medicamentis partes nobiles corroborantibus, præparatum fuerat.

Reticere tamen hinc minimè possum, me aliquando ulcera curanda habuisse, quæ nullis remediis, nullaq; arte aut industria adhibita fanari

M s nari

nari potuerunt: Multum tamen ægris ad amissam sanitatem recuperandam, profuisse, tandemq; etiam naturæ beneficio sanata fuisse: exemplo esse potest.

Exemplum III.

Asthmaticus iste, cujus historiam aliquando coram te recitavi, Is enim ab Asthmate inveterata, ulceris beneficio, quo in pectore, & quidem inter sextam, & septimam costam veram laboraverat, plenissimè convaluit. Et per multos annos deinceps sanus, & incolumis vixit. Natura enim per ulcus hoc, ab omnibus excrementis, quæ sibi molesta erant, sese evacuaverat: postmodum sua sponte, & absq. ope medicamentorum ulcus consolidatum fuit, ut alibi, Deo dante, fusius declarabo.

Exemplum IV.

Simile quid in juvene quodam Genevensi observavi, fuerat ille à teneris annis morbis valdè obnoxius, & valetudinarius. Tandè natura veluti per crisi, ad exteriora, sese exonerante, varia plurimaq; circa manuum & pedum digitos, item metacarpis, & circumcirca talos, exorta sunt ulcera, cum ipsorum quoq; ossium carie. Hinc factum ut per annos aliquot neque stare, multo minus ambulare, vixque manibus aliquid apprehendere potuerit. Multa ipsi variaque à primariis tam medicis quam chirurgis ejus urbis adhibita fuere remedia

dia: infinita quinetiam ossicula cariosa præstantissimus DN. GRIFFONIUS, me præsentē extraxit, & ut verbo dicam, nihil eorum, quæ necessaria videbantur, prætermisum fuit, sed ut ingenuè fatear, parvo cum fructu: Ulcera enim medicamenta omnia respuere videbantur. Ab initio quoque per annum integrum, & ultra vires multum imminuebantur: postea verò etsi pus quotidie copiosè efflueret, non propterea tamen prosternebantur, sed potius augebantur. Tandem adultiore factò, ulcera illa parvo cum negotio, & quidem sponte ferè sanata fuerunt. Articuli quinetiam adeo corroborati, ut postmodum absque scipione, ipsum non sine admiratione Genevæ incedentem viderim, sed hæc rara sunt, ex quibus tamen mira illa naturæ providentia, aut potius Dei summa misericordia in genus humanum elucescit, adè ut etiam in deploratis planè morbis, suam bonitatem atque clementiam ostendat, Atq; hæc amantissime DN. URSISI, quia annotatione digna, multumque ad prognosin faciunt, tecum scriptis communicare visum fuit. Tu omnia æqui bonique consule, & vale cum tuis omnibus, quos tecum ego, & uxor mea plurimum salutamus.

Datum 10. Januarii

1609.

O B-

OBSERVATIO XL.

Dolor lateris divinitus sanatus.

ANno 1595. Coloniâ ad Nobilem quendam, ex familia HATZVELDIORUM, graviter laborantem, vocatus fui. Verum post dies aliquot, cum domum rediens, in via solus essem, ex equo (pavido & malitioso) in terram projectus fui. Equo in fugam converso, iter duarum horarum, pedes conficere cogebar, Hinc cum supra modum incaluissem, posteaq; iterum frigore correptus essem, domum reversus, post dies aliquot febris & dolor circa costas notas superiores, sinistri lateris, exortus est.

ARNOLDO MANLIO in Academia Coloniensi medicinæ professore primario, atque celeberrimo, præceptore meo plurimum honorando, Ac JOHANNES SLOIANO apud Colonienses Medico doctissimo, in consilium vocatis, nihil eorum, quæ necessaria videbantur, ab ipsis prætermisum fuit: Corpus purgarunt, venam in sinistro cubito inciderunt, inunctiones, fomentationes, & cataplasmata anodyna, & discutientia præscripserunt. His per dies aliquot adhibitis medicamentis, febris quidem remisit, dolor tamen in eodem statu permansit: & præcipuè spirando & ambulando

do gravis erat, molestus atque pungens, cum maxima anhelitus difficultate. Exterius tamen in cute nihil in conspectum veniebat. At quia locus doloris palmæ latitudinem non excederet, de incisione cogitare cœpimus, ne vomica interius rupta pus in vacuum ventris, maximo cum vitæ discrimine, deflueret. Verum antequam extremum hoc præsidium aggredieremur, minus periculosa tentare visum nobis fuit. Inter nos itaque constitutum est, ut denuò leniter corpore purgato sequenti uterer sudorifero.

℞. Ligni guajaci minutim concisi ℥. x.
Corticum ligni ℥. j.
Ligni sassaphras. ℥. ij.
Herb. Agrimonix,
Veronicæ,
Scabiosæ,
Botrydis an. M. j.

Incidantur omnia macerenturque in libris decem aquæ claræ, in vase fictili vitreato, & bene clauso, nec non in loco calido collocato, horas 24. Deinde lento igne coquantur, ad consumptionem tertiæ partis, colatura servetur in ampulla vitrea:

De colatura sumpsi in diluculo ad uncias octo: postmodum in lecto coopertus, sudavi per horas tres. Tandem lintheaminibus calidis diligenter absterfo sudore, post horas quatuor pransus sum: sed parcè, & continenter. Pro potu ordinario, secundo utebar decocto.

A pran-

A prandio, quia in praxi tunc valdè occupatus fui, & aër temperatus esset, agros meos invisi, cœna mihi erat ex amygdalis, passulis, pane biscocto, & secunda decoctione ligni. Sequenti nocte melius me habui, anhelitus quin etiam, & respiratio liberior fuit: & postquam per dies quatuor, decocto isto, & victus ratione usus essem, collecta materia ista in latere, sudoriferis in halitum dissipata est, & Dei sola clementia atque misericordia, plenissimè & miraculi instar, convalui.

OBSERVATIO XLI.

Decatarrhi ad pectus compendiosa curatione.

ANno 1602. mense Martio. à Senatu Paterniacensi vocatus, cum in suppellectilibus transvehendis, occupatus essem, supra modum incaluissem ac denuò me aër ambiens refrigerasset, vehementissimo catarrho ad externas partes pectoris & asperam arteriam correptus fui, Catarrhus iste musculos respiratorii inservientes, asperamq; arteriam, ita occupaverat, ut non nisi cum difficultate respirare aut loqui possem. Verum, ut maturè, & antequam adveniret febris, prospicere rebus meis, altera die sequenti potiuncula me leniter purgavi.

℞. Rha-

R. Rhabarbari optimi & electi ℥. j.
Agarici recent troiscati ℥j.
Cnamomi ℥ f.

Intundantur in decocto pectorali, maneant-
que per noctem in infusione. In aurora facta
expressione addatur syrupi rosati solutivi com-
positi cum rhabarbaro, Agarico & sena ℥j.

Electuarii diaphœnici cum rhab. ℥ ij.

Misce fiat potiuncula, quæ septies alvum
clementer subduxit. De sequentibus tabellis
continuò in ore tenebam.

R. Specierum diatrag. frigidi, &
Diarridis an. ℥j.
Pulvis sem. cydoniorum ℥. j.
Florum tussilaginis &
Scabiosæ an. ℥. f.

Cum sacchari dissol. in aqua scabiosæ ℥ iij.
fiant tabellæ. Pectus, ventrem, scapulas, &
collum quotidie sequenti linimento bis calidè
inunxi.

R. Ol. liliorum alborum,
Amygdalarum dulcium,
Pingued. Anseris &
Humanæ an. ℥j.
Mucilaginis femin. cydoniorum aqua
Hysopi extractæ ℥j f.
Croci pulverisati. ℥. f.

Misce fiat linimentum. Sequenti die in cre-
pusculo matutino ℥j extracti cardui bene-
dicti, pane azymo involuti deglutivi & parum
aqua cinam. distillat. sine vino superbibi. Hinc
sequu-

sequuto sudore maximo, materia catarrhi per sudorem ad oē evacuata est, ut interim dum sudarem, maximum per sensum levamen. Ea die per horas tres aut quatuor sudavi. Deinde observata optima victus ratione : item quotidie bis inunctis supradictis partibus, & nris tabellis jamjam præscriptis, intra paucos dies sanitati, divino numine restitutus fui. Per dies octo, loco vini sequenti decocto utebar.

℞. agrimonie m.j.
veronicae &
botridis an. m.℥.
liquiritiae rasa ʒj.

coquantur in lbj. aquæ claræ, ad consumptionem quartæ partis, colatura dulcoretur melle despumato & saccharo. Ab ære quoque frigido diligenter me præcavi. Eadem methodo postea multos ex simili morbo feliciter curavi.

OBSERVATIO XLII.

De aneurismate, dysenteria & aqua chalybeata.

*Clarissimo ac præstantissimo viro Dn. GUILHELMO FABRICIO HILDANO Medico apud Paterniacens. ordinario, Cheirurgo exercitatis-
simo, Domino & amico suo observando Michael Doringius D. & in illustri Academia
Giessena Hassorum Medicinæ Profes-
sor. S. P. D.*

Gratias

Gratias tibi, clarissime FABRICI, pro communicatis, tam olei è floribus, quam emplastri Diapalma SLOOTANI descriptionibus, uti & pro novæ de hydrocephalo observationis inscriptione, ago singulares: Recturus posthac, si Deus vitam concesserit, uti sese occasio obtulerit. Mirum quam tuæ tuis beneficiis, propemodum oneres. Etoriar igitur ni aliquando re ipsa gratitudinem meam declarem.

Et si verò responsum meum ad observationem de uvulæ relaxatæ curatione urgeas, quominus tamen à me expediri potuerit, plura alia negotia impedimento fuerunt. Affectum est: sed non confectum. Quæso te hanc moram ne ægrè feras. Operam quippe recturus sedulam, ut id prima occasione ad te transmittam. Nunc enim, Deum testor, non cuit.

Ne vero vacuas literas ad te mitterem, D. Aneurismatis, Gorlitii *ri, mase.* ulationum observati, mecumque à doctissimo viro Dn. MARTINO SCHEFFERO Medicinæ candidato, Anno superiore communicati, subicere placuit. Aneurismatis insignis, insigne exemplum, inquit, nuper hîc oblatum, in cive quodam ad connexum claviculatum cum sterno, in collo. Tumor erat ori anserini magnitudinis, veloci cum pulsu. Angulares venæ & arteriæ plurimum erant distentæ. Multa à Dn. SCHWENCKFELDIO
N expe-

experiebantur sed frustra. Perge itaque tu, atque observationem illam, de curato simili aneurismate ocyus in lucem ede: ut hinc alii occasione habeant, felicius tales affectus tractandi.

De dysenteria.

Porro cum à me petieris, ut si quid rari in praxi occurrit, ad te perscriberem, nolui facere quin rarum hunc Dysenteriae eventum tecum communicarem. Hodie enim dum hæc scribo: septimus est dies, ex quo nobilis quidam studiosus, annos aliquot viginti natus, temperamento biliosus, de nocte Dysenteria corripitur, quæ ipsâ per 40. ad minimum vices dejecit. Altero die accessito collega meo bibit potionem, paratam è rhabarbaro tosto, syrupo rosato solutivo, & decocto hordei tosti chalybeato. Hanc cum vix ebibisset, vomitu statim reddidit. Præterea si quid esculenti, vel potulenti assumpsit, ventriculus nauseabundus singula extemplo averfatus est, ac eo prope modum quo accepit momento rejectavit & ut breviter dicâ, quicquid imbibit, aut admisit, reddidit, Dysenteria nihilominus acriter instante. Omnis ergo spes curationis, in clysteribus abstergentibus, atque astringentibus, residua esse videbatur: quos etiam non tantum libenter admisit sed & facillè tulit: Sed quid sit: Quarto morbi die, subitò remittit Dysenteria, excreta redeunt ad colorem naturalem, ingesta ventriculus benefert: Verum vires præter spem collabuntur, quæ ipsi ab ini-

tic

no statim morbi minus rectè constiterant. Quinto die & ego accersor. Ager facie mihi occurrebat à naturali plurimū immutata, pulsus erat maximè debilis: externa frigebant. Consulimus in medium, ac quia cor nobis in præsencia potissimum affici deprehendebatur, cordialibus unicè intenti fuimus: oculo tamen altero ad malignitatem, quam tacitè subesse suspicabamur, directo. Quoniam verò noctes præcedentes omnes insomnes egerat, & somnum commodis remediis promoverè, studuimus: nocte sequente, quæ erat initium diei sextæ, valde inquietus fuit: nil dormivit, lipothymias incurrit. Accersimur ambo media nocte. Exhibemus medicamenta cordis, ut dixi, corroborationi dicata: quibus subjunximus nonnihil narcoticorum, ut quiesceret, etsi enim non ignoraremus, ab horum usu naturæ alias periculi non nihil impendere, necessarium tamen atq; utile hîc esse rati Thucydidis consiliū, dum inquit, *ἀγχομένους πρὸς κινδυνόσους*. hoc est agentes aliquid, vel periclitari. Item vulgatum illud: Anceps remedium experiri satius est, quam nullum. Quibus enim alia ad salutem via præclusa est omnis, excepta una, eaque dubia, & periculi plena, necessarium esse arbitror, hac adversus pericula ire, inquit H E U R N U S lib. 3. praxi. general. cap. 1. sub finem. His ergo expeditis, tandem iterum abimus. Quievit per horas tres, quatuorve, sed somno

N 2 inter-

interrupto. Expergefactus lypothymis i
rum corripitur. Accerſimur denuo Inſtam
iisdem quibus ante cordialibus, adhibitis
ſuper ſotibus extremorum frictionibus. In
rim inter nos convenit de uſu lapidis Bezo
Præſcribimus igitur pulverem huius, eique a
miſcemus margaritas, coralloſ rubroſ, & ce
nu cervinum, præparata. Exhibemus de h
pulvere cum juſculo nutriente aliquid: po
cujus uſum aliquomodo reſectus putabat
Poſt quinque alias horas iterum nonnihil cu
ſyrupo acetoliſtatis citri inſundimus. Ab h
juſ demum uſu poſt aliquot tempus hinc i
de jaſtatur, delirat, manus livet, faci
ſudore frigido perfunditur, oculi caligant
vox intercipitur: ipſeque poſt horam tertia
à meridie, morbi die ſe. to expirat.

Ecquid ergo cenſeſ, clariffime FABRIC
verum eſſe illud Hippocratiſ oraculum, quod
habetur lib. 6. Epidemiorum comment.
t. 27. Mutationeſ eſſe vitandeſ, nempe ſu
bitaſ, & repentinaſ, ut patet Gal. Aphoriſm
51. Omne enim nimum nature morbum cum
Quod vero paulatim ſit, tutum, cum alias cum
vero, quando ab uno ad aliud faciendū e
mutatio, inquit, ibidem. Quæ etſi hoc loc
poſſibilem de mutatione, quæ à medico po
pharmaca inſtituitur, quemadmodū & illa qu
per diæam, vel victum ut monet 2. de ration
victuſ in acutiſ comment. 2. t. 18. 21. & ſe
quent. intelligenda ſint. Tamen in gener

d

olis etiam mutationibus, à natura quando-
factis, accipi debent. Hinc loco iam alle-
git 31. eandem sententiam generaliter
tulit, ubi hæc verba leguntur: Maxime mu-
tationes eorum, quæ circa naturam nostram
contingunt, maxime morbos
mittunt. Neque sane immerito, quan-
tum quidem ad præsentem casum attinet Ma-
teriam enim intercepta, ad nobiles partes, adeo-
ipsum cor præcipue per μεταστασιν delata
nium prædictorum symptomatum auctor
tit. Atqui talem materiam μεταστασιν præ-
taneum afferre periculum Galenus lib. de
institutione artis cap. 18. annotavit. Sed
de prædicto Lapidis Bezoar. successu cen-
Ego quidem cum ab ipsius usu omnia
viora facta fuisse viderim, hæc inde conjici-
: nempe ipsum cum materia maligna acri-
quidem congressum fuisse: tamen cum
ura luctæ isti sustinendæ impar omnino
rit, tandem naturam succubuisse.

*De lapide
Bezoar.*

Addo adhuc unum. Dum enim tecum
erem, memini te ad aliquot Medicos de u-
potus chalybeati in Dysenteria scripsisse,
eorumque de hoc medicamine iudicium ex-
catum esse. Nam cum præter propriam
perientiam CRATONIS etiam suffra-
o, quod habetur in consiliis à D. N. D.
CHOLTZIO editis conf. 201. edoctus
es, ab istiusmodi potus usu alvum turbari,
laxari, hoc remedii genus averfari cœpisti:

*Depotu cha-
lybeato.*

N 3 Ve-

Verum audi, quæ de hoc ipso hætenus observaverim.

Distinguendum enim omnino inter potum chalybeatum. Is enim qui à recente chalybe, quique nullam adhuc in aqua refectionem passus est, medicamentosus redditus, alvum movet; alter verò qui chalybe, jam ante crebrò in aqua refectione paratur, alvum sistit.

Ita decoctum hordei, quantumvis torrefacti, chalybeatum potenter alvum citare deprehendes. Ego si astringere animus sit, præstat primam aquam chalybeatam abjicere & novam substituere, in qua chalybs ignitus restingui possit; vel illa etiam servata extinctiones multiplicare, adeo ut ad 40. aut 50. ascendatur.

Quod ipsum Mercatus etiam fieri vult in præparatione cujusdam medicamenti ad obstructions viscerum tollendas utilis, atque illis exhibendi, qui alvo laxiore præditi sunt, ut habet libro secundo de recto artis Medicin. præsidiorum usu, capite septimo: atque hæc hætenus ad te perscribere licuit; alia occasione, eaque prima responsum ad observationem de uvulæ relaxatæ curatione certò accipies, affectus item mei parentis, piæ memoriæ descriptionem, alias à me expectabis. Vale cum tuis feliciter, & à me meaque cum tuis omnibus, amicissimè salve. Dabantur G I E S S Æ Hassorum

rum properante calamo, die 18. Septemb.
Anno 1609.

OBSERVATIO XLIII.

De aneurismate.

Ad Clarissimum atque Doctissimum virum
DN. D. MICHAELEM DÖRINGIUM
In Illustri Academia Giessena Hassorum
Medicinæ Professore longè celeberrimum,
cui Gvilhelmus Fabricius Hildanus S. P. D.

ANte paucos dies, Vir clarissime, literas tuas hîc Soluduri accepi: Per tres autem integros menses hîc apud nobilem virum Dn. JACOBUM WALLIER, ictu bombardæ gravissimè læsum, hæreo. Affectus fuit gravissimus, & difficilis, omnia ramen, Dei beneficio, ad votum succedunt. In curatione multa pulchra, & annotatione digna, occurrerunt: de quibus alias, forsan, plura,

Quæ communicasti de Aneurismate, dysenteria, & aqua chalybeata, meritò annotari debent. Nunc propter tēpotis angustia & quod schedas meas ad manus non habeā ad integrā

N 4 epi-

epistolam tuam respondere mihi non licet, cupio enim T. Exc. observationem, de gravissima quadam dysenteria communicare. De aneurismate tamen nunc singulare exemplum occurrit, quod quia ad primam historiam epistolæ tuæ non malè mihi quadrare videatur, illud in præsentia tibi communicare non gravabor.

Anno 1606. quum Bernæ puero cuidam, ex nobili familia calculum ex vesica extraxissem, & per mensem fere integrum ibi manerem, peregrinum quendam in Xinodochio aliquoties una cum clarissimo ac doctissimo viro Domino PAULO LENTULO ejus Reip. D. Medico primario, ac longè celeberrimo in visceribus aneurismate, quod totam sinistram partem pectus ad sternum & collum usque occupabat, afficiebatur. Pulsatio istius tumoris adeo citi, magna ac vehemens, ut etiam vestimenta e evaderet & exterius bellè conspici posset. Dolor nullus, maxima tamen respirandi difficultas aderat, mansit ibi aliquandiu nonnulla quinetiam remedia tam interna, quam externa ipsi à clarissimo viro Dn. D. LENTULO præscripta & adhibita fuere, frustra tamen. Tandem domum reversus est & qualisnam fuerit exitus, Dominus LENTULUS simul & ego ignoramus.

Nonnulli, quibus hoc genus morbi non satis cognitum fuerat, tumorem huncce incidissent; sed conatus eorum compressit Dominus D. LENTULUS & rectè quidem: quam periculosa

losa enim sit apertio aneurismatis, Dominus PARÆ is lib. 7. c. 34. exemplo ostendit. Observationem quam ego habeo de curatione Aneurismatis, in tertia centuria videbis. Secunda enim jam dudum completa & proprio parata est, sed quia typographus qui tibi notus, vigilias ac labores meos, libenter omninò in suum commodum atque utilitatem meumq; idamnum converteret. Exemplar itaque suppressum constitui, donec aliquis alius sese offerat, interim si Deus Opt. Max. vitam concesserit, tertiam quoque centuriam paulatim, ut & nonnulla alia parabo. Ante menses tres Paterni ac fortunæ tibi am abscedi; quæ & optimè convaleuit. In operatione ista nonnulla, annotatione digna, imò & in hujusmodi operationibus necessaria, (quorum in tractatu de gangræna fit mentio) observavi. Vale vir clarissime, cum lectissima tua conjuge quam tecum, uti & clariss. virum Dn. D. HORSTIUM peramanter saluto: Soluduri 10. Novembris 1609.

OBSERVATIO XLIV.

De aneurismate ex incisa arteria,
deq; ejusdem compendiosa, ne
dicam miraculosa curatione.

N 5

Ad

*Ad eundem virum clarissimum atque do-
ctissimum Dn. D. MIGHAELEM DÖRINGIUM,
&c. cui Guilhelmus Fabricius Hil-
danus S. P. D.*

Observationem meam, de curatione Aneu-
rismatis, clarissime & multis nominibus
charissime mi Domine DÖRINGI, jam dudum
tibi promississe profiteor; sed hactenus propter
varias causas fidem meam liberare mihi non li-
cuit: ne itaque moram ægre feras, obnixè rogo,
historia autem ita se habet.

Quidam NICOLAUS GESSEI nomine,
Ludimagister in Veulerans sub præfectura
Morgiacensi ad lacum Lemannum, cum anno
1604. propter scabiem ex humore melancho-
lico ortam, sibi venam basilicam dextram à
barbitonfore incidere curasset, arteria quoque
simul compuncta fuerat. Unde paulatim A-
neurisma exortum est, cui cum spacio mensis &
ultra medicamenta multa, (frustra tamen) ad-
hibita fuissent, Genevæ Medicos & Cheirurgos
nonnullos in consilium adhibere coactus fuit.
Hi cum rem in difficili esse, ac vix brachiū ser-
vari posse, ipsi significassent, ad me Paterniacū
venit mense Majo. Tum eo loci, ubi antea ve-
næ sectio facta fuerat, deprehendi tumorem,
magnitudine ovum anserinum adæquantem,
pallidum & utcunque durum, in quo pulsatio
non tantum digito per sentiebatur, verum etiā
oculis

oculis conspiciebatur: talis enim erat pulsatio, ut pulvillos & fascias circumpositas in altum protruderet. Brachium quoq; extendi non poterat. Dolor tamen non erat adeo ingens, nisi cum brachium extendere vellet. Ego, quū curatu difficillimum hunc affectum animadverterem, manum quidem admoveere recusavi; precibus tamen ipsius commotus, curationem sic aggressus fui.

Curatio.

Instituta primo optima victus ratione, applicatoque tumori duro emplastro nostro de cicuta, sequens infudi Enema.

Enema.

℞. radic. altheæ cum toto

folior. violar.

malvar.

parietar.

mercurial an. m. j.

flor. chamomil.

melil. an. m. ℞.

Coquantur in aqua ad consumptionem tertiæ partis. In ℥ j. colaturæ, dissolve benedictæ laxativæ ℥ j.

mellis mercurialis ℥ ij.

ol. communis ℥ iij.

salis p. j. Misce fiat enema.

Postridie pro digestionem humoris melancholici, qui in hoc corpore aliis prædominabatur, sequens Julapium exhibui.

℞. radic. lappatii acuti

radic. polypod. querc.

petrosel. an. ℥ j.

herbar.

*Julapiū seu
Apozema.*

herbar. agrimon.

veronica

cuscutæ

fumariæ

summitat. lupuli an. m. j.

trium florum cordial. an. p. j.

liquiritiæ rasæ &

uvar. passul. an. \mathfrak{z} j.

sem. anisi ac

fœniculi an. \mathfrak{z} β .

Coquantur in sufficienti quantitate aquæ ad
consumptionem tertiæ partis. Hujus decoctio-
nis colaturæ

\mathfrak{R} . lb j.

syropi de fumo terræ &

sy. de epithymo an. \mathfrak{z} ij.

aquæ cinam. \mathfrak{z} j. β .

Misce fiat

Julapium pro tribus dosibus, in aurora tepidè
exhibendis. Concocta materia, corpus à pra-
vis humoribus sequenti potione exonerare
cœpi.

\mathfrak{R} . decocti præscripti \mathfrak{z} viij.

In quibus infundantur & macerentur secun-
dum art.

Rhabarbari optimi \mathfrak{z} ij.

fol. senæ à stipitibus mundat. \mathfrak{z} j.

*Potio pur-
gans.*

In dimidia parte hujus infusionis colaturæ, dis-
solve

diaturbiū cum rhabarb. \mathfrak{z} j.

sy. rosat. solut. \mathfrak{z} j.

misce fiat Potio.

Altera

Altera die denuò haustum præscripti Julapii exhibui.

Emplastrum quoque excicuta, singulis diebus renovavi. Postea in altera dimidia parte infusionis th. barbari & feræ dissolvi

confectionis hamech ℥j. β.

extracti oric. & sulæ j. β.

aquæ cinam. ℥. β. F. potio,

quam tertio die post primam purgationem exhibui.

*Alia potio
purgans.*

Medicamentum hoc, cum violentia quadam humores noxios tum infernè, tum supernè eduxisset & expurgasset, spiritum & sanguinem in aneurismate contentum, ad interiora adeò revocavit, ut altera die nulla nobis nec appareret, nec sentiretur pulsatio, tumor quoque multum imminutus conspicebatur. Unde tum sequens emplastrum applicui.

℞. emplastr. diacalciteor ℥j.

pulver. mastich.

rosar. rubar.

myrtillor.

radic. symph. major. an. ℥j.

Emplastrum.

Cum sufficienti quant. ol. rosac. formeretur emplastr. Postea pulvillum, aut potius nodulum ex linteo, multoties reduplicato, formavi & tumori imposui, fasciæque firmiter ligavi, idque in eum finem, ut tumor reprimeretur, & sanguinis vitalis ex ipsa arteria, in externam membranam dilatatam influxus impediretur, atque his remediis brachium, Dei beneficio, brevi

brevi in integrum restitutum fuit. Sanationis hujus testes sunt, Nobilissimus & prudentiss. Dn. RODULPHUS AB ERLACH pro tempore Perfectus Morgiacensis vigilantissimus, ac Dn. JOH. CONRADUS ibid. Pharmacopol. exercitatissimus, multiq; alii cives Paterniacens.

*Causa a-
neurismatis*

Ceterum antequam finē hujus epistolæ faciam, de causa aneurismatis aliquid addā, Duplicitonica arteriam donatam esse, Galenus de Anatomicis dissectionibus lib. 6. testatur. Quarum exterior tenuis & mollis; ex rectis & obli-

De anat.

*dissectionib.
lib. 1.*

Vesalius l. 3.

l. 2. Caspar.

Bauh. lib. 2.

cap. 23.

And Lau-

rent. l. 4. c. 8.

quis fibris cōtexta. Interior altera ferè (eodem Galeno monente) quintuplo durior ac dērior est, in aneurismate itaque interiorem tunicam rumpi, exteriorem verò dilatarī verisimile est.

In hoc aut viro etsi ambæ tunicæ scalpello perforatæ essent, exterior tamē, quia tenuis & carni atq; venis proxima, mox iterū coaluisse m hi videtur. Interior autem cum propter motum

vehementem & continuum, nec non duritiem simul claudi non posset, sanguis paulatim per eam in exteriorem tunicam influebat, eamque extendebat. Credi enim vix potest (ut clarissimi FERNELII verbis utar) quod nonnulli com-

7. pathol.

23.

miniscuntur, in hoc affectu ruptam apertamq; esse venam aut arteriam, si enim sanguis è vena aut arteria profiliens, non amplius illis contineretur, mox corruptus putresceret: tumorq;

Observatio

ficeret generis diversi. Vidi ego civem Genevensem, cui ex aperta in brachio arteria, primò aneurisma, deinde inflammatio, gangraena & sphace-

sphacelus tandemque quoque mors supervenere, utilib. de Gangræna & sphacelo fusius declaravi. Exterior enim arteriæ membrana, quia aperta quoque remanserat, & sanguis continuo flueret, computruit & prædicta symptomata excitavit. Atque hæc sunt, vir amplissime, quæ mihi de causa aneurismatis, si non probabiliora, tamen verisimilia esse videntur. Tuam tamen hac de re sententiam summopere videre percuperem. Vale vir amplissime, & cum tuis feliciter vive diu. Raptim 10. Martii 1610.

OBSERVATIO XLV.

De gangræna, post hemicraniam, in pede oborta; ubi etiam an pruna & uvarecentia, dysentericis convenient, declaratur.

MICHAEL DÖRINGIUS D. & in illustri Academia Giessena Hassorum Medicinæ Professor ordinarius, Guilhelmo Fabricio Hildano
S. P. D.

Quas

Quas tu, clarissime Dn. FABRICI die 20.
 Aprilis Basilea ad me perscripsisti, cæran-
 dem die 6. Augusti, ad me pervenerunt. Qua
 sanè culpa ego quidem nescio. Verum quod in
 proverbio dicitur, sat citò; quia sat benè. Cum-
 que ad proximarum mearum literarum duo
 capita satis prolixè responderis; nec ego quod
 posteriori addendum censeam, facile aliquid
 inveniam; priori tamen quo periculosum in
 brachio venæ sectionis exemplum describis,
 quin simile quid reponerem; præsertim cū me
 hoc facturum proximè promiserim, facere nō
 potui. Pastorem enim ille septuagenarius, de quo
 nuper etiam ad te Anno superiore, messis tem-
 pore in agro honore ac frigore, corripitur; qui
 tamen calor febrilis non subsequitur. Ab hoc
 tempore æres frigidiusculum neut quam fer-
 re potuit; sed vel coactus sub sole versari, vel in
 calido hypocausto semet continere. Accessit
 hemictania sinistra, oborta corporis extenua-
 tio. Perstiterunt hæc symptomata trimestri spa-
 cio. Postea è capite naris quædam per sini-
 strum latus ad pedem sinistrum rectè defluxit,
 eumque totum occupavit, ac intensissima ge-
 lu specie imbuir. Quæ res cum ipsi non tantum
 insolens, verum etiam molestissima esset, de
 ejus amolitione quamprimum cogitavit. De a-
 liorum itaque consilio pedem primitus fover,
 in secum vini & aquæ communis dulcis parti-
 bus æqualibus calefactis. Nil verò profecit; in-
 ungit ergo pedem oleo spicæ ac similibus oleis
 calefa-

calefacientibus. Adhibet fofus alios calefacientes & digerentes; fed fimili femper fuffefu. Poft duas igitur feptimanas cum moræ moleftiæque pertæfus effer, Cheirurgum quendam vocat Grumbergenf. hominem, docente eventu ut fati truculentum, ita negligentem. Rogat, ut in fummo pede venam fibi incidat. Cum autem Cheirurgus fub vefperam adveniffet, & ob fenium minus valeret oculorum acie, venam non tetigit. Quo facto fectionem repetit; fed nec tum fanguinis quicquam effluxit. Hoc vifo tot in circulum fectiones inftruit, ut denarium numerum excefferint. Inftituiffet plures, nifi æger præ impatiëntia renuiffet. Quid fit? Coalefcit quidem maxima vulnufculorum pars; verum bina vel terna à coalitu abhorrent. Incipit cutis vicina rubere, dolere, tumere, fuma inflammatione corripitur. Accerfitur denuò Cheirurgus. Is, nefcio quid, loco dolenti de magmate, (ut mihi ab ægri filio narratum,) quod poft olei lini expreffionē relinquitur, imponit. Abit, negligit ægrū, nec per bene multos dies revertitur. Interim inflammatio in gangrenam vertitur; quā quia negligentius tractata, fphacelus fequitur; qui primum minorē digitū mox reliquos ex ordine depaftus eft. Cheirurgus dum digitū minorem fphacelo interiiffe videret, refecuit ipfum; fed qua fuit in fcitia? in parte corrupta. Cū itaq; de fomite fphaceli nō nihil reliquiffet, nec latius fependi occafionē ipfi præcidiffet, reliqui itē digiti ad unum omnes,

mnes, uti dictum de pasti & simili imperitia re-
 secti. Quo factū, ut totus pes ad talū usq; spha-
 celo tandē corripereetur; crus verò ad genu usq;
 multū contabesceret. In maximo ergo pericul-
 ipso ægro, Cheirurgo vero (qui alterū se multo
 imperitiorem demū sibi adjūxerat) summa an-
 xietate constituto, ego accersor, ut quid ratur
 sit de amputatione tibiæ, judicium corā expo-
 nam. Re itaq; omni, ut à me modo exposita, a
 ægro audita, sphacelo viso, virium ægri constā-
 tia deprehēsa, ægri voluntate imo prece cogni-
 ta, (nihil enim nunc sibi præter intolerabilem
 fœtorem æquē esse molestum dixit) suadeo, ut
 tibia sub genu amputetur; perpendens illud
 Hippocratis oraculum, quod habetur lib. 1. A-
 phor. 6. dum extremis morbis remedia exquisi-
 tē extrema opponere jubet: præsertim cum au-
 thore Celso lib. 7. cap. 33. nihil intersit, an salu-
 tutum sit præsidium quod est unicum; spes quæ
 dubia certa desperatione potior sit, ut idē Cel-
 sus loquitur alibi. Ad operationem postquam
 ventum, hīc tu vidisses hominis truculentiam
 hīc imperitiam in locando ægro, alliganda, fir-
 manda & abscindenda tibia truncoq; obligan-
 do. Crede mihi, ni Deus gratiā & clementia su-
 operationem istam direxisset, non mirum pro-
 fectò fuisset, si æger ætate alias provecta, inte-
 manus, ob tantam moram expirasset, sed tantū
 abfuit ut hoc eveniret, ut nec animo vel tantū-
 lum linqueretur, præscribo confortantia: im-
 pero victum convenientem; dico Cheirurgum
 qui

quid ab ipsis fieri debeat, ecce verò qua inflati fuerunt superbia, quaque turgidi inani scientiæ persuasione, monita mea spernunt, ægrum negligentius visitant, atque ita novo sphacelo truncum etiam in latere sinistro infici patiuntur. Petit æger denuò meum consilium, doctile, quale in tractatu tuo de gangræna & sphacelo legitur. Sed quid Cheirurgi? contemnunt id prima facie; quasi ipsos experientia dudum meliora docuisset. Verum an ea docuerit; casus, mehercle, præsens testis esse potest. Quia verò cum æger tum liberi, uxor & amici, instantur, ut meum consilium sequerentur, sponponderunt tandem se secuturos, verum qua fide, jam dicam. Nam cum uterque palàm quidem fidem pollicitus esset, clam tamen alter alteri in aurem inspirasse dicitur, hæc verba, Dicamus sanè nos facturos, quæ voluit Medicus; possumus tamen interim nostro arbitratu nostris uti, si non successerit, nobis imputari non poterit.

Ecce quæ iterum malitia? quæ pertinacia? Nisi igitur & hac in parte Deus vicissim suæ gratiæ ægro adfuisset, & sponte quasi sua natura, quod corruptum erat, à sano secrevisset, Cheirurgorum certè opera id nequaquam effectum fuisset.

Sed quid amplius fit? primo passi fuerunt carnem in apice trunci à pure negligentia sua depasci, ut postea ab ea radii truncus regi non potuerit, sed coacti sint

de novo à radio nonnihil ferrâ decutere. Dein de os qua parte sphacelus in trunco obortus erat, etiâ corrumpi passi fuerunt de cuius restitutione cū unicè dubitarent, tandem meum consiliū implorarunt, rogaruntq; utrum illā cauterio actuali, vel alia via tentare deberent. Rejicio cauterium & præscribo pulverem tum e aliis, tum præcipuè euphorbio: cuius usum salutarem fuisse, filius ægri ante festum Pentecostes mihi coram narravit.

Hæc igitur historia est, quā ideo tibi prolixius delineare volui, ut Chæirurgorum nostrorum imperitiā, fastum & negligentiam apertius detegerem, testari q; quanti intersit multos cur in his tum aliis regionibus tui similes habere. Quid enim alibi fiat res item loquitur.

- Problema 1.* Ex hoc autem casu jucunda quædā problema erui possunt. Primum est cuius naturæ fuerit humor ille, qui in pedem delapsus? Tui puitosum fuisse sine dubio dices, Pituita enim præ aliis humoribus frigidior. At cum pituita unius naturæ non sit, sed alia dulcis, alia falsa, alia acida, alia vitrea, quæsierim ergo iterum, quæ pituitæ species malum hoc excitavit. Vitream fortassis accusabis, cum ab hac etiam inæqualitatem frigoris & caloris in febre epialta in una eademq; parte existentem, vulgò deducere soleant, verum quomodo vitreus iste crassus, & glutinosus humor tam subito è capite sub cute ad pedem usque devolvi potuisset?
2. Secundum est, cur fotibus & inunctionibus calefa

calefacientibus ac digerentibus, æger nil profecerit?

Tertium est, utrum à vena in pede secta, (si pro voto sectio successisset, hoc est, si venâ sectâ sanguis ritè effluxisset) ægro levamen aliquod sperandum fuerit? 3.

Quartū est; cur plura vulnuscula coaluerint, duo vero vel tria saltem illa coalescere noluerint? Nil addo de magmatis impositione; nil de abscissis digitis in parte corrupta, nil de aliis. Hoc saltem addo & rogo ut ad proposita quatuor problemata proximè respondere velis. 4.

Respondeo vero & ego ad tuum problema, idq; brevibus, quæris quid sentiam de Medico-Chirurgi cujusdam paradoxo, quo ostendit & contendit, prunorum crudorum & uvarum maturarum esum eumq; copiosum & ad satietatem usque institutum, in dysenteria esse utilissimum. Ad hoc autem paradoxon stabilendum ratione utitur (quantum quidem meminisse possum) & experientia rationem ita informat, pruna & uvæ laxando alvum acres humores dysenteriam excitantes æquè ac myrobalani & rhabarbarum tostum educunt, ergo prunorum & uvarum usus in dysenteria minimè improbandus. Experientiam verò propriarum filiarum prætendit, quæ dysenteria correptæ, usu prædictorum fructuum cum emolumento ad satietatem usq; semet ingurgitarūt.

Rationem itaq; quod attinet, respondeo ad majorem, quæ deest & ita formandum.

O 3 Quodcun-

*De prunis
& uvis in
dysenteria.*

Quodcunq; alvum laxando, acres humore
dysenteriam excitando educit, illius usus mi-
nimè improbandus.

Vera enim hæc propositio non est, nisi ita
corrigatur.

Quodcunq; alvum laxando, acres humore
dysenteriã excitantes educit, vi roborãdi facul-
tatem intestinorum retentricẽ pollet, nec cau-
sæ morbificæ amplificationi convenit, illius u-
sus in dysenteria non est improbandus.

Atqui (ut etiam ad minorem respondeã) pru-
na & uvæ alvum laxando acres quidẽ humore
aliqua ex parte videntur educere, sed nimia fa-
cultate humectandi vim intestinorum retetri-
cem labefactant, excrettricem roborant, secus
quam à myrobalanis & rhabarbaro tosto fieri
solet, imo generationi amplificationiq; causæ
morbificæ, unicè inserviunt, docente id ann-
tempore; quippe cum dysenteria nunquã fer-
me magis sint familiares, quã ubi homines præ-
dictorum fructuum esui liberalius indulgent.

Ergo prunorum & uvarum usus in dysente-
ria maximè est improbandus.

Experientiam vero quod spectat, ut ea par-
ticularis est adeoq; evẽtui potius accidẽtali ad-
scribenda, ita etiam instituto probando minus
idonea. Quemadmodũ enim, si medicamento
aliquo videris sex aut septem homines purga-
tos, jam dicere certò nõ potest, omnes post hæc
similiter purgandos esse, inquit Galenus lib. 3
Aphor, comm. 11. ita idem de prunorum atque

UVA

uvarum usu in dysenteria etiā nec sperare, nec affirmare poteris. Rei itaq; ipsius naturam diligentius æstimantib. prunorum & uvarum recētium, ac crudorum usus non potest nō esse formidandus. Atq; hæc de præsentiparadoxo volante quasi calamo dicere libuit: quæ si tibi minus per omnia satisfecerint, monebis me proximè. Literæ adjunctæ ut ad Dn. D. PAULUM LENTULUM ET Dn. D. PHILIBERTUM SARACENUM commodè perferantur, tute pro nostro amore diligentissimè, sat scio curabis, ut proinde ab hoc officium diligentius te rogare, opus non habeam. His ergo cum tuis omnibus beatissimè vale. Dabam Giessæ Hassorum die 20. Augusti Anno 1619.

OBSERVATIO XLVI.

Quidam cum supra modum incauisset, & ipsius corpus aqua frigida perfusum fuisset, gangræna & sphacelo in tibia corripitur.

Viro clarissimo ac doctissimo Dn. D. MICHAELI DÖRINGIO in illustri Academia Giessena Hassorum Medicinæ Profess. ordin. atque celeberrimo, Guilhelmus Fabricius Hildanus. S. P. D.

O 4

Tardè

Tardè ad tuas, clarissime Dn. D. respondeo quandoquidem tardè eas accepi, uti ex eis quas ad clarissimum virum Dn. D. HORSTIUM communem nostrum amicum dedi, intelliges. Pergratas autem tuas mihi fuisse, Deum testor, sed quod propter locorum distantiam tam raro amicitiam nostram literis fovere nobis concedatur, ex animo doleo.

Casus quem cōmunicasti, rarus est & miror senem illum decrepitum, tātōs dolores sufferre, tandemq; evadere potuisse, Gangræna enim à digito pedis incipiens, ut plurimum lethalis est, uti apud Benivenium & Dodonæum in observationibus videre licet. Sed hujusmodi sanationes ad solam misericordiam, atque clementiam Dei, potius quam ad industriam scientiamque Cheirurgorum (quorum imprudentiam aut potius impudentiam non satis admirari possum) referenda esse, tecum sentio.

*Observatio.
De gangræna
ex perfusione
aqua
frigida.*

Cæterum antequam ad problemata tua respondeam, affectum gravissimum tibi communicare visum est. Superiori ætate cum Basileæ apud serenissimum principem ac Dominum JANUTIUM RADZIVILIUM, Litvaniæ &c. Ducem, per menses aliquot (uti ex præcedentibus meis ad te literis intellexisti) moram traherem, accidit noctu, ut in platea quæ ponti proxima est, domus quædam incenderetur.

Cum vero cives accurrerent, ac quidam juvenis viginti circiter annorum ætatis, robustus,
pletho-

plethoricus, & optimo corporis habitu præditus, tectum proximum conscendisset, ibique cum propter caloris, ab incendio vehementiam, tum etiam propter labores, supra modum incaluisset, rogavit socios, ut aqua frigida sibi corpus perfunderent: hoc enim nisi facerent, æstum maximum non amplius se sufferre posse, sed de vita periclitari aiebat. Affundunt aquam: eamque copiosè, ita ut vestimenta omnia ipsumque corpus undique madefactum esset. Quid sit? Corripitur horrore, ita ut vix ex tecto descendere, & ad ædes suas pervenire posset. Postero die, ac deinceps, etsi graviter laboraret, & maximum incendium internorum viscerum per sentiret, morbum tamen neglexit. Circa quartum natura cum per criticam expulsionem sese exoneraret, crus dextrum quoque intumuit, & inflammatione correptum fuit. Ad Xenodochium itaque deducitur ubi clarissimo ac æternâ laude dignissimo viro Dn. D. JACOBO ZVINGERO piæ memoriæ & Cheirurgis ordinariis commissus fuit. Post dies aliquot, cum inflammationem in tibia ad gangrænam tendere videret Dn. ZVINGERUS rogavit me, ut miserum quoque inviserem, Ad ægrum itaque me confero, tibiamque ad poplitem ferè usque, gangræna correptam animadverto.

Porro etsi vires prostratas, febrim maximam, tibiam quinetiam ad coxam fere usque supra modum intumefactam, ac proinde rem

O 5 in

in angustis positam esse, satis superque videmus, attamen quia sæpissimè, etiam in desperatis, Divina clementia atque potentia, præter spem atque opinionem medicorum sese patefacere solet, & semper (ut divinus Hippocrates lib. 2. Aphorif. 25. nos monet) omnia secundum rationem sint facienda, eius undique scarificavimus: unguentum Ægyptiacum, aliaque medicamenta, quæ prutredini adversantur, applicuimus: sed frustra, sequenti enim die, ad coxam regionemq; hepatis usq; livida reperta fuit. Lipothymia, frigus extremitatum & sudor frigidus aderant, & eadem die vitam cum morte commutavit.

*Ad problema
ma primum
responsio.*

Nunc ad problema tua paucis respondere conabor. Quæris primo, cujus naturæ humor ille, in pedem delapsus, fuerit? Ipsum pituitosum fuisse, tecum sentio. Frigus enim intensissimum & molestissimū, quod ad fuisse refers, hoc satis superq; indicat. Nisi tamen pituita illa, acrem quendam humorem sibi adjunctum habuisset, non tam facilè ad pedē defluere potuisset, sed & maligna qualitate præditum fuisse certum est, alioquin temperamentū & harmoniā partis, non tam citò vitiaisset, & destruxisset, sæpissimè n. accidit, ut materia aut humor excrementitius in parte aliqua corporis colligatur retineaturq; ad tempus: sed postquā acrimoniam malignitatemq; insignē acquisierit beneficio naturæ ad extremitates expellitur, ibiq; temperamentum partis destruit, gangrænam.

namq; inducit. A venenata n. & maligna qualitate insitum partis calorem præfocari, atq; extinguere, Doctissim. FERNELIUS lib. 7. cap. 7. de externis corporis affectibus, testatur. Hujus rei exemplū habes in tractatu meo de Gangræna, cap. de causa gangrænæ ex qualitate occulta.

Fotus & inunctiones non profuerunt, primo, quia materia morbi profunda erat, Vidi *Ad problemata. 2.*

ego sæpissimè abscessus ex pituita acri ortos, in quibus ossa carie contaminata erant, priusquam cutis exulceraretur. Ante annos aliquot una cum DN. D. ZVINGERO præ memoriæ Basiliensem invisi, cui etiamnum per intervalla abscessus in capite suboriuntur, in quibus cum primum apparent, cranium ad duram meningem usque erolum conspicitur. Ea in parte capitis dolor præcedit: qui tamen non usque adeo gravis est, sed diuturnus, tandem quoq; cutis in tumorem elevatur, paulatimq; suppuratur, Aperta vomica ossa carie ad eò contaminata inveniuntur, ut etiam absque difficultate ad meningem extrahi possint: Historiam integram ut adscribam otium non datur, videbis illam, Deo volente, posthac. Secundò non profuerunt inunctiones propter spissitudinem & densitatem cutis. Pedes enim & digitos pedis, callosa cute investitos esse omnibus notum est. Non potuerunt igitur medicamenta ad locum affectum usq; penetrare. Tertiò, quia inunctiones poros obstruebant: Olea n. etsi calida sint, semper tamen aliquid visco-

viscositatis sibi adjunctum habent, præcipuè autem ea olea, quæ per infusionem fiunt.

Venæ sectio in pede nihil prodesse potuit. Materia enim cum jam esset in motu, & ad pedem deflueret, per venæ sectionem copiosè attractam fuisse, quis est, qui ambigat? Potius itaque per alias vias educenda, quam ad extremitates, partes inquam, in quibus calor natus & humidum radicale jam antea labefactum & ferè extinctum, attrahenda erat.

Ad proble-

ma 4.

Coalescunt vulnuscula nonnulla, proculdubio quia superficialia, & tantummodo in cute erant. Duo verò vel tria coalescere noluerunt: cum profundiora, & partibus nervosis proximè essent: quapropter excitato dolore materiam, quæ ad reliqua affluebat vulnuscula ad se attraxerunt: ita ut reliqua exsiccarentur, & coalescerent. Quia tamen materia aliqua, ut antea quoque dixi, acris & maligna subesset, & propter dolorem humores continuò affluerent, sequuta est inflammatio, tandemque caloris extinctio. Hæc sunt vir clarissime, quæ ad tuas in præsens respondere potui, Addidissem hinc & inde observationes, & exēpla ad institutum nostrum facientia, sed occupationes, quibus hîc Bernæ obruor, id non concedunt. Quas ad DN. D. BAUHIUM & DN. D. SARACENUM misisti litteras, eas omnes tradendas curavi. DN. D. LENTULO (qui responsum promittit) suas tradidi, Clarissimum virum DN. D. SENNERTUM meo nomine quæso saluta

ta

ra plurimum. Vale amantissime DN. D. DÖR-
RINGI, & cum tuis omnibus feliciter vive diu.
Raptim Bernæ Helvetiorum 24. Aprilis
1611.

*Clarissimo & præstantissimo Viro Dom.
GVILHELMO FABRICIO HILDANO
Medico & Cheirugo apud Paterniacenses or-
dinario, Domino & amico honorando*

MICHAEL DÖRINGIUS D.

S. P. D.

Quid causæ sit, Clarissime DN. FABRICI,
quod annuo ferme spacio, nihil planè li-
terarum ad me dederis, non semel mecum co-
gitare cœpi. Quò fit, ut valdè vereor, literas
illas, quas ante menses septem ad te exaravi,
manus tuas non pervenisse. Id quod factum
nolim, adjunxeram enim alias, quas tum ad
clarissimum virum DN. D. LENTULUM, tum
DN. D. SARACENUM mitti cupiebam: ut &
cum ipsis literariam istam consuetudinem co-
lere inciperem, utut autem sit, nolui tamen
præsentem occasionem ad te scribendi negli-
gere ut scilicet intelligeres, nihil mihi posse ac-
cidere gratius, quam si crebro literas tecum
commutem. Ero autem pro temporis & alio-
rum negotiorum ratione brevissimus. Pro-
misi dudum me ad te perscripturum, in quos
affe-

*Dysenteria
Giessena, in
quos affe-
ctus desierit.*

*Ophthal-
mia*

*Fluxus hæ-
morrhoid.*

*Catarrhus
suffocativus*

Parotis.

affectus dysenteria illa, quæ ante annum sesqui-
alterū nos afflixit desierit, quinque autem à me
potissimum observati: Primum enim studio-
sus quidam natione Saxo postquam convaluit,
acerbissimam ophthalmiam incurrit, cui sana-
tæ defluxio ad talum dextri cruris successit. De-
inde amplissimi Dicafterii Giesseni Cancellaria-
rius JOHANNES STUPPIUS, à dysenteria
fluxu hæmorrhoidum, è quo antea nunquam
per totam vitam laboraverat corripiebatur.
Tertio Ianio quidam, quarta post dysente-
riam hebdomada, catarrho suffocativo peri-
mebatur. Quarto studiosus è Dania oriun-
dus, parotide sinistra & utriusque genæ in-
flammatione, quæ in abscessum etiam desit
affligebatur, qui ægrè etiam, ne facies turpi-
tudinem aliquam contraheret, Deo auxiliante
te, mea opera tandem restitutus, denique
rusticus quidam è vicino pago per semestre
cum dysenteria conflictatus est. Illud etiam
tunc deprehendi, cum quod à nimio potu æ-
gros sibi temperare, tum convalescentes à ni-
mio corporis motu sibi cavere oporteat, prio-
ris rei multa possem adferre exempla, si ne-
cessarium id esse ducerem, posterioris uni-
cum saltem addo, in studioso quodam West-
phalo, à me observatum, cum enim plenè à
me restitutus esset, animi recreandi gratiâ,
extra urbem egressus, ac paulò longius exspa-
ciatus, in recidivam incidit, à quo ægrius priore
dysenteria postea liberatus.

Illud

Illud etiam ex te quærere libet: utrum eos, qui primò insultu gravissimè statim à Dysenteria affliguntur, & creberrimas defectiones habent, facilè emergere posse credas? Contrarium enim cum ratio tum experientia evincere videntur. Ratio quidem, quod non tam materiæ copiam & malignitatem, quam viriû imbecillitatem portendat. Experientia verò utpote, quod non tantum Professore nostrum mathematicum, piæ memoriæ, Dom. M. NICOLAUM HERMANNUM, sed & quaternos studiosos, de quorum uno alias ad te scripsi, tali ratione extinctos viderimus. Hæc raptim ad te scribere placuit, ne nihil omnino literarum hac occasione à me acciperes, Vale cum tuis diutissimè & à nobis salve, Scribebam Gieslæ Hassorum die 12. Martii Anno 1611.

OBSERVATIO XLVII.

Ex haustu aquæ frigidissimæ, stupor dolorificus crurum, &
Dysenteria gravissima
sequuta.

Viro

*Viro Amplissimo atque Doctissimo Dom.
MICHAELI DÖRINGIO BRESLAVIENSI,
Philosophiæ & Medicinæ Doctori longè ce-
leberrimo, & in Illustri Academia Gies-
sena Hassor. Medicinæ professori ordi-
nario Amico singulari. Gvilhel-
mus Fabricius Hildanus*

S. P. D.

MEas quod non acceperis, clarissime mi
DN. DÖRINGI, vehementer doleo. In
scribendis enim ad te literis, quotiescunque
sefe obtulit occasio, & occupationes gravissi-
mæ non obfuerunt, minimè negligens fui, &
cur, quæso, non scripsissem? Amicitiam enim
nostram, quoad vixero, scriptis tecum fovere
cupio. Meas igitur ad te, uti quoque tuas ad
me, sæpissimè in tanta locorum distantia, ma-
lo quopiam fato intercipi, imo & prorsus inter-
ire, non est quod dubito.

Quæ de Dysenteria scripsisti, libenter legi;
mirum, profectò, post tantas evacuationes &
inanitionem corporis, tam graves, tamque
periculosos consequi posse morbos. Causam
ego potius ad qualitatem humoris peccantis,
quam ad quantitatem referendam esse arbi-
tror. In Dysenteria enim corpora humoribus
acribus & malignis onerata esse, omnibus in
confesso est. Si igitur natura, in fine morbi, ex-
cre-

crementum aliquod, ad partem aliquam corporis expellit, etiam si in minima fuerit quantitate, propter acredinem tamen atque malignitatem suam, gravissimos morbos procreat.

Dysenteria illa gravissima, quæ superioribus annis hic & in Vicinia multos è medio sustulit, varios quoque post se reliquit morbos. Reverendus Dom. JOHANNES MERULA, Ecclesiæ paterniacensis Verbi Divini Minister fidelissimus, communis noster amicus, cum à Dysenteria ferè curatus esset, angina gravissima correptus fuit. Historiam integram, nunc, ut adscribam otium non datur. Videbis illam in tertia Centuria observationum. Sed & multi post Dysenteriam doloribus articularum, & quidem gravissimis, excruciatifuerunt.

Puellus quidam, quatuor circiter annorum ætatis, & filius Dom. JACOBI DE TRIBUS Paterniacensis, post Dysenteriam, Lienteria simul & vomitu correptus fuit, ita ut quicquid ingereret, aut per superiora, aut per inferiora, indigesta rejiceret. Multa quidem, sed paucum cum fructu, adhibui medicamenta, tandem quum mater iterum enixa fuisset, suasi ut pro infantulo recenter nato nutricem quæreret: alterum verò, morbo confectum, & ferè consumptum, iterum lactaret. Paruit; neque absque successu. Intra breve

P enim

*Observatio
de puero liē-
teria labo-
rante.*

temporis spacium plenissimè restitutus fuit. Venter tamen & ventrem ol. nucum muscat masticis & menthæ inunxi, & emp. ex racamaca applicui.

Possem & alia quamplurima exempla, de malignitate Dysenteriae in mediū adferre: sed proli ascribendi litteras, occupationes nunc non permittunt. Unum tamen & quidem nō vulgate exemplum, antequam hujus epistolæ finem faciam, tecum communicare visum est, prius tamen ad quæstia tua tribus verbis, pro temporis angustia, respondere visum est.

*Ad 1. quæ-
stionem.*

Primò abundantia potus, dysentericis minime convenire tecum sentio. Intestina enim abluit, ac nimis lubrica reddit potus copia. Sint itaque poculenta aliquomodo spissa, & stipticitate quadam prædita: quo humectando, & nutriendo, etiam partes roborare possint.

Ad 2.

*lib. 4. Aph.
15.*

Motum corporis dysentericis adversissimum esse, quis negare ausus esset? Si enim medicamentum purgans, ut Hippocrates: & experientia ipsa testantur, & celerius, & copiosius educit si corpus movetur, segniter verò, & tardè, si somnus inducatur, quanto magis id in dysentericis, in quibus facultas retentrix viscerum, supra modum labefactata est, expectandum?

Ad 3.

Dysentericos qui statim ab initio morbi, gravissimè laborant, & creberrimas dejectiones

nes

nes habent, vix evadere posse, rationi consentaneum est. Materia enim quia acris, & maligna intestina vellicat, & dolores maximos inquietudines, & vitium prostrationem excuscat.

Ceterum historia de Dysenteria gravissima sic habet: J A Q V E S B U X E R Pater-
De dysenteria gravissima.
 niacensis, faber lignarius, vir juvenis & robustus, cum ex itinere, & violento motu corporis, supra modum incaluisse, & maximum haurtum aquæ frigidissimæ bibisset, in febriculam continuam incidit: ex qua tamen potius naturæ beneficio, quam medicamentorum, curatus fuit: Nullos enim adhibuit medicos. Sed quid sit? à febre vix curato, aliis & quidem gravissimis symptomatis (quæ cum morbo isto novo ante annos viginti in Hassia orto, *Krebelkrankheit*/multum conveniebant correptus fuit. Stupore enim dolorifico, & molesto, crurum cum agitatione aliqua convulsiva circa nervos, & periostium, vexabatur. ita quidem ut nonnunquam, crura à pedibus ad coxas usque formicis scaterere viderentur: idque maximis cum doloribus, atque nunc extensione, nunc retractione nervorum accidebat. Ego cum in consilium adhibitus essem, & in curatione morbi per mensem integrum paucò cū fructu occupatissimus fuisset dysenteria, quæ tūc apud nos grassabatur, correptus fuit. Dysenteria, inquam, adeo gravissima, ut nō
 P 2 solum

solum sanguinem & ramenta, verum etiam de substantia intestinorum maximis cum doloribus torminibusque excerneret. Febris aderat ardentissima, inquietudines magnæ, aliæque pessima symptomata. Fœtor indies adeo auctus fuit, ut tandem familiares & amici amplius cum ipso versari non possent. Vermes, quales in carne putrida procreari solebāt non solum cum excrementis copiosè rejecit, sed & spontè per secessum exserpsērunt. Ab umbilico usque ad pedes adeo resolutus fuit, ut excrementa alui, simul & urina, involuntariè & guttatim effluerent. Ego ab initio morbi corpus aliquoties rhabarbaro, myrobalanis, & similibus purgavi, & nihil quæ in Dysenteria curatione desiderantur, omisi, Astringentia tamen propter vermium abundantiā, & fœtoris vehementiam, (ne putrida, & venenosa illa materia in corpore retineretur) exhibere ausus non fui. Purgare quoque amplius propter virium imbecillitatem non potui, quapropter victu optimo vires quantum potui, retocillavi: & quæ putredini adversantur, partesque nobiles roborant, exhibui. Cum verò in quartum mensem circa ipsum ita occupatus fuissē, tandem Divino favore, tum à Dysenteria tum etiam à priori morbo plenissimè restitutus fuit.

Porrò, vir clarissime, quid, quæso, sentis de causa hujus dysenteria tam gravissimæ? Ego excalesfactionem corporis, & potum frigidum

gidum primariam omnium horum symptomatum causam exitisse arbitror. Ex potu enim aquæ frigidissimæ, sanguinem & humores repente, & præter modum refrigerati, & veluti coagulati fuisse, ac postea putredinem contraxisse, verisimile est. Ex illa porro putredine vapores maligni ad nervos pervenerunt, & dolorem istum convulsivum excitarunt. Eandem præterea materiam in parte aliqua corporis putrefactâ, acrem, & malignam redditam, nec non ad intestina delatam, dysenteriam reliquaque symptomata excitasse, mihi videtur. Tuam tamen hac de re opinionem, atque sententiam libenter intelligam. Vale vir Amplissime, & in bonum publicum feliciter vive diu. Raptim 24. Maji. 1611.

OBSERVATIO XLVIII.

Ex maximo haustu frigidaë febricitans eodem die extinguitur.

Maximus & frequens inter medicos celebres, in febribus est usus potus frigidaë aquæ, & à Galeno multis in locis celebratus, servatis tamen diligenter circumstantiis, à Ga-

P 3 leno

leno Method. med. lib. 2. & alibi, notatis. Qui secus faciunt, & indifferenter frigidam exhibent, ægris non remedium salutare, sed necem aliquando offerunt, ut idem Galenus libro de consuetudine exemplo Arionis Peripateticus restatur Huic enim, in febre exhibita frigida, subito exanimatus est. Non autem à Galeno ipso ut clarissimus D. RIOLANUS (procul dubio præter opinionem inopinateq; scripsit) sed ab aliis medicis exhibita fuerat.

Cuidam Ludimagistro Ebrodudi idem accidit, Ille cum febre ardenti laboraret, à Medico suo, viro pio, docto, atque in Hermetica medicina undiquaq; docto, vehementer postularet, ut tibi haustum frigida permitteret, concessit ipsi medicus, càm tamen lege, ut limites mediocritatis minimè transgrederetur.

Discesso medico, aqualem impletum frigida cum sibi à domesticis adferendum mandasset, ac haustum maximum, & quantum anhelitus sufferre potuit, bibisset, eadem die extinctus est.

Itaque antequam exhibeatur frigida, circumstantiæ, ac conditiones omnes illæ, quæ à Galeno Method. med. lib. 9. & 11. traduntur, expendendæ conveniunt. Apud Anth. Beniven. de abditis ac mirandis morborum causis

ac curationibus similis casus
reperitur.

O B-

OBSERVATIO XLIX.

Ex Aceti potu vir interimitur.

EX frigidissimo aquæ potu febricitantem interiisse superiore observatione declaravimus. Nunc idem ex aceti potu accidisse, addam. Juvenem sanum, ac robustissimū in Lindorff propè Düsseldorfum cognovimus Ratin-
giæ in Ducatu Montensium, vino inebriatus, domum rediit, ac cum itineris, tum potationis causa æstuans poculum cerevisiatum apprehēdit in culina: ubi cum, in seius, loco cerevisiæ ultra libras duas hausisset aceti, intra horas 24. expiravit.

Clarissimus Dn D. ARNOLDUS MANTHUS, *Observatio.*
vir doctrina atq; experientia verè insignis, & in Academia Coloniensi Medicinæ Professor longè celeberrimus, atque primarius, Præceptor meus plurimū honorāus, mihi narravit, se Comitis cujusdam novisse famulum, qui cū ex violentissima & celerrima equitatione supra modum incalisset, totumque corpus sudore perfusum esset, & maximum haustum vini frigidi bibisset, protinus mortuus in terram cecidit.

P 4

OB-

OBSERVATIO L.

Ex immersione corporis excalefacti, in aquam frigidam gravissima symptomata tandemque mors sequuta.

DIvini Hippocratis lib. 2. Aphor. 51. sententia ubi sic scriptum reliquit Plurimum & repente evacuare, aut replere, aut calefacere, vel refrigerare vel quovis alio modo corpus temere movere periculosum, verissimam esse quotidiana experientia, in praxi nos docet. Subitaneas n. mutationes, natura vix absque periculo sufferre potest, quod autem, inquit idem Hippocrates, sensim fit ac vicissim, periculi expers est. Porro quam periculosum sit internas partes in ardentibus febris aut aliquam aliam ob causam aestuantes, repente & intempestive refrigerare, ex duabus precedentibus observationibus apparet: in presenti vero observatione aestuosum corpus, ne extrinsecus quidem, absque maximo periculo repente refrigerari posse, exemplo demonstrare visum est.

Reverendus vir Dn. JOH DUMOLLIN, presbyter in Morins, haud procul Paterniacum, vir robustus & annum circiter 33. agens cum quadam die tempore messis, in agris supramodum incaluisset & post occasum solis domum rediret, in rivulo quodam sese immersit: imo & caput eadem aqua abluit. Verum interim dum se abluebat, forte fortuna subucula in rivulum decedit. Quum vero solus esset,

set, neq; palliū imo ne thoracē quidē penes se haberet, subuculā illā ita madidā induere coactus fuit. Hinc corpus antequam ad ædes suas perveniret, repentē & supra modum refrigeratum, & calor ille maximus externarum partium intempestivē, ad interiora repulsus fuit. Quapropter non diu post exorta est febris, dolor capitis; tussicula quoque sicca & hypochondriorum tensio, paulatim sequebantur. A febre quidem naturæ potius, quam artis (nullos enim adhibuit medicos) beneficio curatus fuit. Dolor vero capitis & tussis, ad finem usq; vitæ suæ, ipsum perpetuo comitati sunt. Ab initio morbum neglexit, postea vero quum videret, omnia in pejus rui, nunc Medicos eruditos, nunc empiricos adhibuit, sed frustra ita enim induratum erat hepar ipsius, uti ego hisce meis manibus aliquoties palpavi, ut lapidis duritiem ferè præ se ferret. Auctā paulatim duritiæ hepatis, hypochondriorum tensione & tussicula, febris hæctica quoque & appetitus prostratio supervenerunt. Tandem planè extenuatus, è vita discessit, Anno 1608. cum per duos integros annos vitam hancce calamitosam vixisset.

OBSERVATIO LI.

Hydrops, urinæ potu sanatus.

Quidam ex domesticis Nobilis viri JOAN.
FRANCISCI DE MARTINES, Domini de
P s Bouriod,

Bouriod, JEAN VASCHAUT nomine, natione Sabaudus, septuagenarius, sed robustissimus, morbisq; raro obnoxius, Anno 1597. tertianâ febre mirum in modum arefactus & extenuatus fuerat, ita ut post menses sex ab eadem curatus in ascitem inciderit. Quocirca corpore prius purgato, ex consilio prædicti Domini de Bouriod, singulis matutinis in aurora, unum vel alterum haustum propriæ urinæ ebibebat. Id cum spacio quatuor mensium continuasset, & interim hydragogis aliquoties purgatus fuisset, quin etiam optimam victus rationem observasset, tumor ventris & tibiæ paulatim subsidit, tandemq; plenissimè convaluit, qui cum ad annum 1604. prospera valetudine usus fuisset, tandem mense Decembri ejusdem anni propter catarrhum decumbentem, in phthisin incidens extinctus fuit.

OBSERVATIO LII.

Quæ in cadavere hydropici observatione digna, reperta.

ANn. 1596. 14. April. Cadaver cujusdâ quadragenarii ascite extincti, coram viro doctissimo ac celeberrimo Dn. Georgio Jenischio, Ladislai Welenii, Baronis Zerotini Medico ordinario dissectui, & quæ sequuntur annotatione digna inveni.

i. Par-

1. Partes musculosæ abdominis serosis humoribus refertæ erant.

2. Vacuum ventris aqua fœtida adeò repletum fuit, ut intestina planè ea innatarent.

3. Intestinis omnibus, à piloro, usque ad rectum, undique corpuscula alba, callota & pingua, magnitudinem pisi non excedentia, mediante tenuissimis fibris appendebant.

4. In mesenterio nulla, neque vena, neque arteria apparuit.

5. Hepar durum, inflatum & colore pallido erat, parumque in se continebat sanguinis: Renes ejusdem erant coloris.

6. Lien valdè exiguum, extenuatumque erat. Idque illam ob causam, quod scyrthus magnus circumcirca vase, cum illa, quæ lienem ingrediuntur, tum quoque quæ ex illo prodeunt, intumuerat. Scyrthus autem iste obstaculo fuerat, quod lien crassiorem & feculentio rem partem sanguinis, ad se ex venis mesaraicis non attraxerat.

7. Quia octiduo ante ipsius obitum è regione lumborum ruptus fuerat abscessus, multumque emanaverat purulentæ ac fœtidæ materiæ, visum fuit inspicere partem illam, incisa itaque cute, subjecta caro ad vertebrae & homoplasas usque sphacelata & putrida reperta est. Interim tamen color in extrema parte cutis vix mutata.

OBSER-

OBSERVATIO LIII.

Quidam cum deglutivisset Gammarum maximis cum doloribus moritur.

FAtuus quidam in aula cujusdam Principis Oesophagum adeò amplum habebat, ut crustam panis, etiamsi durissimam & magnitudinem ovi gallinæ ferè adæquantem, facillimè deglutire posset. Quadam die cum gammaros vivos in culinam attulissent, ex adstātium persuasionibus, ut gammarum vivum degutiret, incitatus atque inductus fuit, id cum parvo negotio fecisset, protinus dolor & cruciatus adeò maximus sequutus est, ut continuò ex una in alteram partem cum asperrimis doloribus se projiceret, multa ipsi à Medico quodam doctissimo & mihi amicitiae juncto, adhibita fuerunt præsidia, sed frustra; postquam enim ad quartum usque diem, doloribus istis maximis & continuis, febre, convulsionibus & deliriis excruciatu esset, finem vitæ suæ imposuit.

OBSER-

OBSERVATIO LIV.

De cohærentia præputii cum glande.

Iuvenis quidam viginti circiter annorum ætatis, cum juvenculam formosam satis duxisset, ipse verò ad congressum ineptus esset, paulatim disceptatio & dissensio domestica inter utrumque exorta. Unde ambo in Consistorium matrimoniale vocati, quæ dissensionis inter ipsos causa sit, inquiritur; unus atque alter suas, minus tamen validas adfert rationes. Illa de veritate aperienda & confitenda strenuè admonita, se à marito noctes di&que mirum in modum & absque ulla voluptate, imò ad pudendorum excoriationem usque defatigari indicaverat. Ut itaque quæ hujus rei causa esset innotesceret, decretum fuit, ut genitalia ejus à me inspicerentur. Tum præputium mediante ligamento, subter balano firmiter adhærentem animadvertēbam, ita quidem ut titillatione quadam facta, cum membrum virile erectum fuisset, balanus perinæum versus retraheretur, penisque planè reduplicaretur.

Incurvatio autem hæc atque reduplicatio membri in congressu difficultatis omnis causa fuerat. Purgato itaque corpore, & in cubito
venâ

vena incisa, ipsum in sedem collocavi, & ministris, qui brachia & crura tenerent constitutis, cultello separatorio, præputium à glande separavi, postea linteum reduplicatum, & albumine ovi madefactum, inter præputium balanumque imposui. Post primum apparatus, digestivum per dies aliquot, deinde verò exiccantia, cicatricemque inducentia applicui, moderatam item Venærem concessi. Sic divino favore curationem feliciter absolvi, ut deinceps nullum hac in re periret incommodum.

Annotatio.

Affectus hic, duplici de causa fit. Aut enim propter ulcus præputii & balani, aut ab ipsa prima formatione. In balani enim & præputii ulcerum curatione facillimè & præcipuè in pueris, ambo coalescunt, ita ut deinde præputium retrahi non possit, fiantque ad propagationem inepti. Quapropter in hujusmodi ulcerum curatione, Chirurgus ut diligentiam adhibeat, necesse est. Ego laminam plumbeam incurvatam & aliquo modo crassam imponere solitus sum: aliquando quoque pulverem aliquem exiccantem, veluti plumbi usti, lithargyri, cerussæ & hujusmodi copiosè inspergo. In hoc autè nostro ægro cohærentia hæc à prima formatione originem duxerat, quod & sæpissimè usu venire solet, ut plurimum tamen in juvenibus, quum libidinibus Venereis titillari incipiunt,

ripiunt, aut abrumpitur, aut propter frequen-
torem penis erectionem, ita distenditur atque
relaxatur, ut postea nullum vel exiguum sal-
tem inferat incommodum. Quum autem vin-
culum hocce abscindere necesse fuerit, dili-
gentia adhibenda est, ut id per medium fiat, ita
ut neque præputium, multo minus balanus at-
tingatur, præcipuè si vinculum non in infima
parte balani fuerit. Facile enim eo loci ductus
urinarius perfodi, indeque fistula consequi po-
terit, ex qua postmodum hæc incommoda se-
querentur, ut tam urina, quam semen per il-
lam efflueret. Potius itaque de præputio (nisi
aliter fieri possit) quam de balano abscinden-
dum. Etiam si enim præputium perforetur, in-
commodum tamen non est æquiparandum
perforationi ductus urinarii. Paulus Æginetia
tamen lib. 6. cap. 56. in contraria est sententia,
vult enim ut potius de glande, quam præputio
aliquid auferatur quod ego intelligendum ex-
istimo, quum coherencia in carnosissimis partibus
balani, veluti ad latera aut suprema parte acci-
derit. In infima verò parte id vix sine læsione
ductus urinarii fieri posse, certum est: scimus
enim ductum in illa parte tenui tantummodo
membrana vestitum esse, quæ incisa,
postmodum difficillimè
coalescit.

OBSER-

OBSERVATIO LV.

De partu monstroso Prægæ nato.

GREGORIUS HORSTIUS D. *Illustrissimi Landgravii Hassiæ Medicus, & in illustri Academia Giessena Medicinæ Profess. ordinarius, Guilhelmo Fabricio Hildano. S.P.D.*

SI vales cum tuis ex voto, præstantissime FABRICI gaudeo, tibi que significo me præter spem à Mosis meis Academicis diutius absuisse, qui ferè totam æstatem Prægæ consumpsi, quo in loco illustrissimo meo Principi à serviitiis medicis adfui, ut & in hanc usque horam hîc dimissionem ad meos expectare cogor. Quid de communi patriæ nostræ statu expectandum, & mihi & aliis incertum est, Deus ab Ecclesia & Rep. totius Germaniæ periculum imminens avertat. Ad literas tuas quod non responderim absentia mea in causâ fuit: nec enim adhuc hodie easdem legi, nisi quod intellexerim easdem apud collegam Dn. D. DÖRINGIUM custodiri. Licet autem ad manus meas non pervenerint, nihilominus cum amicus noster communis Dn. GOTSCHALKUS MONHEMIUS aliquid literarum ad te daret, nolui

nolui intermittere, quin una meis quoq; te salutarem, tuæque meditationi subsequenter historiam medicam subjicerem.

Pragæ factum fuit, hac ipsa præcedente æ- *Historia de*
state die 18. Julii, ut puer nasceretur, cui jecur, *Monstro*
intestina, ventriculus & lien, cum mesenterii *Pragensi.*
maxima parte, extra umbilicum propenderint, qui horas paucas vivens, vitam sat miserè vix incipientem, cum morte mox commutavit.

Monstrosus & miraculosus hic partus, postquam manifestaretur, protinus à quibusdam ex celebrioribus Medicis, aliisque viris doctis, de dissectione deliberatum fuit, ut non solum exterius viscera præter naturam propendentia, sed etiam interior corporis illius dispositio consideraretur. Qua de causa in præsentia Dn. D. GUILHELMI MAJORIS, Dn. D. THOMÆ MINGONII, Dn. M. JOHANNIS KEPLERI Mathematicorum Principis & aliorum, corpus paulò ante sepulturam aperiebatur. Interius in infimo ventre parvus inveniebatur jecoris lobus, ex quo vena cava sursum ac deorsum progrediebatur, qui continuus erat cum jecore externo, & peculiaribus membranis circumdatus, per umbilici foramen eidem iungebatur. Externum jecur plenariam jecoris formam habebat, venam portæ ex mesenterio externo quoq; recipiebat, & cum ventriculo vesicula fellea, liene, cæterisque partibus consueti modo coherebat. Ut aut per umbilici foramen gula quoque descenderet,

debat in ventericulum, sic intestinum postremum eodem itinere cavitatem infimi ventris petebat, & extremo gutteri inferiori jungebatur. Cætera interius quo ad renes vasa spermatica, cæteraque membra generationi dicata, iusto modo sese habebant. In reliquis membris nihil singulare observavimus, nisi quod ejusmodi oblata occasione, maximè sic urgente rem ipsam Dn. KEPLERO fundamenta monstraverim, quod infans in utero non propriam sed maternam tantum vivat vitam. Ex admiscenda vasorum cordialium unione, quatenus ad oculum tunc temporis exhibui anastomosin, qua jungitur vena cava & arteria venosa, & processum, cujus beneficio arteria magna, & vena arteriosa uniuntur, qua ratione pulmones in embione sanguinem immediatè ex cava, & spiritum ex arteria magna recipiunt, ab omni interim operatione corde quiescente. De quo vide plurima sufficientia argumenta, in libro secundo Exercit. nobilium, de corpore & anima, quæst. de vita infantis in utero.

Sed quæ causa fuit hujus deformitatis scire gestis? Externam quidem ex relatione matris tibi ref. ro. Quæ cum à Domino D. MAJORE & me interrogaretur num fortè partui tali quandam occasionem præbuisset, cum lachrymis respondebat; quod tribus mensibus ante partum, vitulum mactandum præter voluntatem detinere coacta, eoque partim aperto,

to, procidentibus illis visceribus, ex abdomi-
 ne quodammodo commota fuisset. Vide mi
 FABRICI quid possit imaginatio prægnan-
 tium, quam ego partus hujus monstrosi cau-
 sam primariam fuisse statuo. Quis enim nega-
 re potest, eandem in accidentium mutatione
 plurimum valere in prægnantibus, quod quo-
 tidie infantium maculæ, mori, lentigines, li-
 teræ, verrucæ, figuræq; partium restantur? quū
 nimirum phantasia spiritibus & humoribus im-
 peret, iisdemque motum diversum imprimit;
 quemadmodum plenius FERNELIUS, LAU-
 RENTIUS, PORTA & alii demonstrant. At
 verò & hæc varietas accidentalis tantum fuit,
 nimirum respectu situs, quam ob causam veri-
 simile videtur, imaginationem totum hoc ne-
 gotium peregrinasse, quatenus tunc temporis ritè
 quidē formata fuerint viscera, sed adhuc mol-
 lia, minusque firmis ligamentis coherentia &
 tenerrima cute vix circumdata. Adfuit igitur
 causa procatarctica, impellens phantasia, una
 cum causa sine qua non, ipsius scilicet materiæ
 patientis habilitate, embryonis scilicet molli-
 tie & imperfectione, cuius dispositio cærea,
 subtilisque facilimè depravata phantasiæ ma-
 ternæ, commotionem suscipit, quatenus in-
 fans in utero tanquam pars matris vivit, ean-
 demq; humorum spirituumq; commotionem
 cum eadē sustinet. Quod eo citius fidē apud te
 merebitur, ubi miraculum sequēs præsentī cō-
 iunges, ubi matris vehemēs imaginatioq; trib. tā-

*Observatio,
 de præputio
 inciso.*

Q 2 tum

tum à partu septimanis, simile quid tēavit: id
 que in puello filii Dn. KEPLERI Mathematici
 Cæsarii, qui ante biennium natus: ita præpu-
 ferē inciso & inverso, propter cogitationem ve-
 hementiorem matris, qua hospitem quēdam
 peregrinū tunc temporis observabat, qui, quā-
 modo matutinis illis horis circumcessionem J-
 daicam Pragæ per: etiam viderit, referebat. Sed
 difficilior est quæstio, quam ut plenariē à m-
 interturbas aulicas explicari possit. Compl-
 mentum à te exspecto. Vale & exemplar Ce-
 turix problematum, cui tuas aliquot episto-
 lās addidi, proxima occasione à me expecta, it-
 rum vale cum tuis & editiones tuarum obse-
 vationum matura. Raptim Colonia Agrippi-
 næ 8. Septembris 1610.

OBSERVATIO LVI.

De partu monstroso, exempla al-
 quot.

Viro amplissimo atque doctissimo Domino
 D. GREGORIO HORSTIO, Philosopho
 summo, & illustrissimi Principis ac Domini
 D. LUDOVICI Landgravi Hassiæ Medi-
 co ordinario, & in illustri Academia Giesse
 Medicinæ Profess. celeberr. Guilhelmus
 Fabricius Hildanus S. P. D.

NE de negligentia, in respondendo me accu-
 cules, vir amplissime, Dom. & fautor æter-
 num honorande eas, quas tu superiori anno 8.
 septemb. Coloniae dedisti. ii. hujus mensis die
 solummodo ad me pervenisse, scias. Ex q; mul-
 tis de causis mihi tam gratæ quam quæ gratissi-
 mæ fuere, in primis autem propter singularem,
 nem in eis mihi communicasti observationē.
 Confererem illam libenter tertiæ Centuriæ ob-
 servationum mearū, dummodo id tuo cū con-
 sensu si ri possit. Similem historiam apud Ju-
 lium OBSEQUENTEM me legere memini. An-
 no eam ab urbe condita 646. puerum à parte
 priore, alvo aperto, ita ut nudum intestinum
 conspiceretur, natum fuisse refert.

Causam præcipientem monstri partus, ima- *Gal. de hist.*
 ginationem fortem & phantasiā prægnantis *Philos.*
 esse, tecū cenſeo. Etiam si enim EMTBDOGLES
 monstra solum nasci dicit, si multum fuerit se-
 men, si paucum, si divulgum, si evanidum, si in-
 ordinato motu immisſum, si transpositum, aut
 uterus spiritu incluso distortus. Videmus ta-
 men rarissimè mōstra nasci, nisi imaginatio ve-
 hemens intervenerit. Imaginatio enim ut Lu-
 DOVICUS MERCATUS ex Divo Thoma refert
 vis quædam est in organo corporali, unde ad
 speciem imaginatam mutatur spiritus corpo-
 reus, in quo firmatur vis formativa, quæ opera-
 tur in semine: & ideo mutatio fit in prole ex i-
 maginatione parētis si sit fortis. Movent enim,
 inquit idem Mercatus, potentiæ superiores in-

Q 3 finas,

firmas, & aliquādo earum actus potentius perficiūt, quam ipsemet naturales, ut videre est in ira, timore, tristitia, ac cæteris animæ passionibus, quæ potentius & efficacius universum corpus turbare habent, & humores undiq; movere, quam ipsæ naturales, ex quo cōstat spiritum illum ab imaginativa potentia prædicto modo motum efficacius suas vires exercere, & formationis effigiem delineare, quam ipsa formativa quæ ex parentis membrorum conditione prodierat & in semine præfuerat. Hujus quoque sententiæ fuisse Plinium ex lib. 7. cap. 12. ipsius historiæ colligere est. Quid plura? Quum omnes vires ac naturales facultates, inquit LEMNIUS, totæ sint in formando fingendoq; fœtu, sit ut muliere aliquo modo perculsa, omnes humores ac spiritus, ad ima ferantur, atq; in uteri secessum confluant, quibus quum accedit inhærens, penitu q, menti infixæ, cōspectæ rei imaginatio, vis ipsa, quæ formationi insistit, eam formam ac speciem, quam animo concipit, effigiat ipsiq; fœtui inducit.

Gravida quædam, ut idem LEMNIUS scriptum reliquit, cum picturam pueris hydrocephalici spectasset & inde attonita fuisset, exacto gestationis tempore, non sine vitæ discrimine, infantem edidit fungoso, stupendæque magnitudinis capite.

Exemplum I.

Anno 1600. Nobilis quædam ac honesta matro-

*De occultis
naturæ mi-
rac. l. i. c. 4.*

matrona in Roſ, ad lacum Lemannum, quum primo utero geſtaret, & ſub initio ſecundi mēſis imprægnationis, ante crucifixum tranſiret, nec non latronis ad ſiniſtram pendentis crura conſracta, diſtortaq̃ reatrentè & nimis curioſè inſpiceret, eamq̃ue ob cauſam cum attonita atq̃ue commota eſſet, puellam ex dextro crure mirum in modum deformem poſtea procreavit. Ego 23. Februarii 1601. in conſilium vocatus, rotulam nullam inveni, crus quod valdè extenuatum, & cum altero crure proportionem nullam habuit, coxam verſus retractum fuit: neque extendi potuit. Oſſa enim cruris, oſſi femoris, ſecundum naturæ ordinem, ut articulum effingerent, non adjacebant; ſed ſuſum retracta, cavitatem illam quam inferiora femoris capita efficiunt adimplebant, ita ut os femoris aliquomodo prominere. Proinde os femoris verſus genu, latum depreſſum q̃ue, ut ſolet, minimè erat, neque duobus capitibus aut appendicibus, multò minus intervallo illo inter prædicta capita præditum, ſed aliquo modo oblongum & in acutum deſinebat. Pes ſimiliter verſus ſuram reſſeſtebatur; oſſaq̃; cruris ſimili modo, ut de oſſe femoris dictum eſt, prominebant, ut ex annexa figura videre licet.

Q 4 Porro



Porro etsi ambo articuli facilimè hinc & inde reflecti possent, in sedem tamen naturalem difficulter reponi, repositis verò retineri minimè potuerunt. Idque non solum ob ligamentorum impotentiam, verum etiam quod prædicta ossa cavitatibus suis atque extuberantiis, quorum beneficio se invicem recipiunt, carebant. Hanc ob causam quum malum incurabile esse cognovissem, manum adhibere nolui. Post meum abitum nonnulli alii vocati fuerunt, sed frustra, vivit adhuc puella ista, formosa & reliquis membris quam optimè constituta est; grallis quinetiam tam eleganter ac dextrè incedit, ut nihil supra.

Exem-

Exemplum II.

Illustris quædam gravida, cum quadam die crepidis incederet, & forte fortuna vacillaret, aliquomodo commota atque perturbata fuit. Puellum postea progeniuit, cui pes (si rectè meminimus) dexter ita distortus fuit, ut digiti versus talum anteriorem, totusq; verò pes suram versus reflecteretur. Itaque cum incederet, non planta pedis, sed potius malleolo exteriori, solum calcabat. Cum verò in hoc statu vitæ tertium annū ætatis prætergressus esset, & nonnulli absque successu tamen, in consilium adhibiti fuissent, tandem & ego accersor. Medicamenta multa, primò emollientia, jam enim omnia indurata erant, postmodum quoque corroborantia applicui.

Deinde Instrumenta ferrea adaptavi, quibus paulatim pedem, Divino favore, ita restitui, ut postea absque difficultate, & erectè quidem, & ornatim incedere posset, nullumque hujus deformitatis vestigium appareat. Vivit adhuc istum annum 1613. Generosus iste & 24. annum ætatis attingit.

Exemplum III.

Coloniæ Agrippinæ puellam novem annorum ætatis, formosam, & ex nobili familia oriundam vidi, cui collum uteri unà cum collo

Q 5 velicæ

vesicæ confusè propendebat. Urina continuò & involuntariè non sine maxima molestia, & dolore effluebat. Adjacētes n. partes sua acridine exulcerabat: quapropter ego aliquādo in consilium adhibitus, anodyna exsiccāria, aliaque quæ prodesse videbantur præscripsi.

Causa autem hujus mali, talis fuerat. Mater cum utero gestaret, accedit ad illā pauper-cula, eleemosynamque ab ipsa exposcit: simul & suæ paupertatis causam, & quod propter prolapsum uterum, operari non posset, exponit. Quum autem, quomodo affectus iste in difficili partu sibi accidisse narraret, commota & perturbata fuit prægnans, puellamque postea, uti dixi, defectuosam progeniit.

Exemplum IV.

Anno 1590. Nobilis quidam propè Hildenam, ex uxore sua puellam formosam accepit, ea quum ad tertium & quartum annum ætatis pervenisset, nec stare, multò minus incedere, aut urinam retinere potuisset, accersitus fui. Spina autem dorsi, in primis circa lumbos, & os sacrū, adeo lubrica, & laxa erat, ac si nullis ligamentis aut nervis præditæ fuissent vertebræ. Medicamenta multa cum interna, tum etiam externa, quæ partes nervosas roborant, præscripsi & adhibui, sed frustra uti & post me nonnulli alii & quidem viri docti manum adhibuerunt. Matrōna autem hæc, dum prægnans

gnans esset, quadam die ex scamno in dorsum cecidit, & quia ex casu isto supramodum commota atque perterrita fuerat, verisimile esse mihi videtur, puellam affectum suum inde contraxisse. Anno 1612. cum Hildenam profectus essem, puellam istam adhuc vivere, non tamen absq; suffulcris incedere posse, ab ipsius fratre mihi renunciatum fuit.

Ceterum imaginatio illa fortis pragnantium, ex terrore, aut maxima aliqua commotione animi concepta, non solum monstriosi partus causa existit, verum etiam si in malacia, & primis quidem gestationis mensibus, pragnanti, quodavidè concupivit, denegatum fuerit: imprimitur fœtui stigma rei expetitæ, & ut plurimum valetudinarius est. Nonnunquam quoque in utero moritur. Hujus non alia mihi ratio (LEMNI verbis utor) excogitari posse videtur, quam quod contracto merore mulieris animo, spiritus vitales immixti, atque humores fœtui alendo destinatos, alio averti, nec ad uterum deferri contingat: Sic ut infans alimento, quo ipsum mater expleri noluit, destitutus vel elanguescat, vel emoriatur. Anno 1608. hujus rei exemplum non vulgare mihi videre contigit, honesta matrona paterniacensis gravida cum esset & quadam die artolaganos, qui veluti vento inflato, extuberant, quosq; hic in convivis pro bellariis parare solebant, avidè nimis appeteret, ancillæ verò eos ut palato suo satis grati esset minimè parassèt, ne-

scio

scio quo mœrore, tædioque correpta fuerit prægnans: quamobrem reliquum tempus gestationis multis cum doloribus, ac molestiis contrivit. Tandem nimirum 20 Martii. puellam non tantum supramodum debilem, & extenuatam, verum etiam rei appetitæ signatam peperit. Quandoquidem è regione ossis sacri tuberculum habebat, quod horum artolaganicorum formam omnino præ se ferebat. Ad ovi anserini magnitudinem elevatum inæquale tamen, aqua & flatu repletum fuit tuberculum hoc. Membrana qua investitum fuit, adeo tenuis atque porosa erat, ut humor serosus copiosè per illam exsudaret, hinc vires adeò imminuebantur, ut quarta die ætatis expiraret.

Ante sepulturam quum præsentè patre & Dn. EMAN. URSTISIO partem affectam inspicerem, cavitatem ductumque inter quartam & quintam vertebam lumborum inveni. Non tamen in medio spinæ erat ductus ille, sed aliquomodo ad latus dextrum vergebat. Mater enim cum cibum hūcce avidè uti dictū est, appeteret, dextra locum illum fricaverat. Rotundus erat ductus ille, & communi peristio investitus: ejus magnitudinis ut minorem digitum facile exciperet.

Per ductum autè hūcce vas quoddam membranofum, suisque quoque venis capillaribus præditum ex ipso cavo hepatis, extra cutem (ubi dilatatum, extuberantiam illam efformaverat) descendebat. Ad latera præterea duo alia

lia vasa, quæ ex arteria magna proveniebant, tuberculo inferebantur. Hujus rei nonnulla alia exempla habeo, sed nunc plura adscribere non licet.

De statu APPOLLONIÆ SCHRIERE in postremis meis ad te literis prolixè scripsi, Vale itaque vir amplissime, & æternum felicissimè vive.

OBSERVATIO LVII.

Matrona parturientium doloribus tam vehementibus corripitur, ut intra horas viginti quatuor expiraret.

*Viro Clarissimo atque Doctissimo Dom.
ANDREÆ WEICHIO Medicinæ Doctō-
ri amico singulari. Guilhelmus
Fabricius Hildanus
S. P. D.*

Duturnum silentium tuum, clarissime atq;
amantissime DN. D. WEICKI, mole-
stum mihi fuit, ab eo enim tempore, quo Basi-
leâ discessisti, nihil planè literarum tuarum,
præter eas, quas 4. Martii Breslaviæ, dedisti, ac-
cepi. Ex quibus te vivere & bene valere magno
cum

cum gaudio intellexi Deumq; suppliciter oro, ut te quàm diutissimè incolumem conservare velit Familia mea laus sit Deo, optimè valet: Ego verò utcunque præteritam æstatem Basileæ apud illustrem quendam ægrum contrivi: ubi tantos habui labores, atq; vigilias, ut propriam meam valetudinem negligere coactus fuërim. Propter lōgam præterea absentiam meam Paterniaco, aliæ quoq; difficultates intervenēre. Hinc aucto in me humore melancholico, in quartanam (ab initio continuam) incidi. Febris quidem curata fuit, sed remanserunt obstructions viscerum, quæ etiam nunc molestiam maximam mihi adferunt, sed fiat voluntas Domini.

In praxi rara nonnulla, hoc anno, mihi occurrerunt. Lausannæ fœtum mortuum, cuius situs planè præternaturalis, aut monstrosus erat, feliciter extraxi. Misisssem delineationem nisi longè à bibliotheca mea abessem. Puerpera nunc optima valetudine fruitur. Ante mensem contrarium mihi videre accidit, rem tibi communicare non gravabor.

Vigesima quarta Maji Dom. Andreæ Morge Arcis Mons dicta (quæ inter radicem Jurati & lacum Lemani sita est) œconomi uxor, matrona pia atque honesta, & triginta annorum ætatis: cum quinto utero gestaret, & finem novi mensis attigisset, doloribus parturientium correpta fuit circa horam decimam matu-

matutinam, cum pro more, & quidem cum voluptate pransa esset, dolores tam acerbos, & motum fœtus tam vehementem ac impetuosum fuisse, ut vix unquam similes visos, adstantes referebant.

Quapropter vires protinus mirum in modum prostratæ fuere. Circa horam tertiam pomeridianam lipothymia & horrores maximi supervenerunt: quo tempore infantem in utero animam reddidisse verisimile esse mihi videtur. Dolores enim atque conatus ad parturiendum ab eo tempore cessarunt, nec fœtus percipi potuit. Ego accersitus, circiter undecimam noctis ad ipsam perveni Tum pulsus ferè nullus percipi potuit: extremitates frigidaerant: & sudor frigidissimus totius corporis aderat & brachiũ dextrum extra vulvam propendebat. Quapropter mortem proximam esse, prædixi: Ne itaque inventionem meam, quæ hætenus in multis feliciter mihi successit apud vulgus odiosam redderem, manum adhibere nolui, adstantium tamen & ipsius agræ precibus commotus, nonnihil confectionis alkermes aqua cinamomi parumque vini dissolutæ ptopinavi. Postea quia genitalia veluti arida erant (quandoquidem ne guttula sanguinis, profluebat) sacculũ, ex radicibus, herbis, floribus, & seminibus emollientibus, relaxantibus & dolorem sedantibus, applicui, unguento quinetiam emollienti, imum ventris, coxas, os sacrum, & genitalia inunxi. Tandem

Observatio.

dem inuncta manu eodem unguento, situm infantis expiscari cœpi: qui et si monstruosus esset, ut postea dicam, & brachium dextrum, uti dixi, extra collum matricis propenderet, caput tamen, quod pectori incubebat, (prius inuncto, & clementer intruso brachio infantis) versus collum matricis manu reduxi. Verum cum uterûs, & ipsius collum propter virium, & expultricis facultatem, summam imbecillitatem, supramodum clauderetur, adeoque constringeretur, ut manus mea sufferre nō posset: ab opere desistere coactus fui: brachiū mox iterum egressum est: Et sequenti die circa horam decimam matutinam naturæ satisfecit.

Ego admiratione captus, quænam possit esse causa, quod fœmina illa, alioquin sana, tam citò extincta fuisset, suali ut cadaver incideretur. Aperto itaque ventre ipsius vacuum sanguine seroso repletum, reperi.

Propter ingentes enim dolores, & violentum motum infantis, venæ nonnullæ in ipso parengimate hepatis, & circa os sacrum, ruptæ fuerant. Inde profusionem sanguinis & mortem subsequutam fuisse, nullum est dubium. Situs autem fœtus talis erat, caput collo matricis proximè adjacebat. Brachium dextrum, quod lividum, extra collum matricis propendebat.

Crura versus pectus & caput ita reflectebantur, ut pedes in vertice conjungerentur, manus

manus sinistra hypochondrio dextro ita erat imposita, ut brachium, crura versus poplitem, amplecteretur. Exempto fœtu scirrhum durissimum, qui magnitudinem capitis infantis ferè adæquabat, inveni. Ille autem utero non simpliciter adhærebat, sed ipsum corpus uteri in scirrhum concretum, atque induratum fuerat. Porro scirrhum huncce, causam fuisse mortis, nemo abnuere poterit. Quandoquidem uterus ratione huius scirrhi, ita angustus factus fuerat, ut cum mulieri adesset partus, sese extendere non posset. Et quia fœtus maturus & vegetus, talem impetum fecerat, ut venæ rumperentur, nec non hæmorrhagia & mors sequeretur. Simile exemplum habes in prima centuria observ. 67.

Porro periculofam & mortalem esse hæmorrhagiam internam, sequens exemplum fidem quoque facit.

Ante annos aliquod juvenis quidam, natione Sabaudus, in conflictu vulnus paulò infra umbilicum, acie gladii, recepit: ex quo intra paucas horas Laufannæ vitā cum morte commutavit. Ego cum ventrem defecissem, ipsū sanguine plenum reperiri. Venam. cava, è regione renum acie gladii vulnerata fuerat.

*Observatio
de hæmorrhagia
interna.*

Basileæ, laus sit Deo, pestis nunc omnino remisit: sed Paterniaci, proh dolor, vehementer grassatur. Apolloniam Schreieram post decennem in ediam, nunc iterum comedere, bibere, ambulare, excrementa excernere, actionesque suas

R suas

suas naturales habere, ad aures tuas pervenisse, non dubito. Centuria mea secunda futuris nundinis Deo volente, prodibit. Hæc Bernâ, inter multas occupationes, raptim ad te scribo, Vale doctissime atq; amantissime Dom. D. Weicki, & utere eo qui tuus est.

Amplissimum virum Dn. D. Kirstenium, reliquosque viros doctos apud vos, ut quàm officiosè meo nomine salutare non graveris etiam atq; etiam rogo. Iterum vale & millies. Bernæ Helvet. 10. Junii 1611.

OBSERVATIO LVIII.

Ex immodica & violenta sternutatione profluvium menstruorum gravissimum atque periculosissimum.

Nobilis matrona in agro Meldunensi quinquaginta circiter annorū nata, vidua, robusta, & plethorica, circa principium mensis Martii Anno 1607. absq; causa manifesta sternutatione violēta correpta fuit: ita ut per quadrantem horæ continuo sternutare cogeretur, vixq; anhelitum trahere posset: tam violenter concutiebantur interiora omnia. Cæterum in ista agitatione, & concussionē viscerum, maximos etiam sentiebat dolores è regione ossis sacri,

tri, & imi ventris: menstrua quinetiam simul eruperunt atque profluxere, & quidem non simpliciter, & secundum naturæ ordinem, sed per duos integros menses, absq; ulla ferè intermissione. Ab initio per diès quindecim fluxus non admodum copiosus erat, postmodum tamen vehementior factus, ad talem debilitationem pervenit matrona ista, ut lectum amplius egredi non posset. Tandem 12. mensis Maji, 1607. cum rem in angusto positam esse vidissent adstantes, me in consilium adhibuerunt.

Præscripta optima victus ratione, inunctis lumbis, & osse sacro, tinguento refrigeranti, & imo ventri applicato cataplasmate astringenti brevi convaluit, & adhuc usq; annum 1609. bona valetudine fruitur.

OBSERVATIO LIX.

Ex profluvio menstruorū in gravida abortus, aliaq; gravissima symptomata.

Menses aliquando in gravidis prorūpunt, & quidē, tam in matris, quā in fœtus, quē gestant, cōmodum. Ut plurimū tamen hujusmodi evacuationes periculo nō vacare, sequēs historia fidē facit. Hœnesta matrona & uxor M. Ludov. Webers, civis Moratēs cū anno 1608. 6. si bene memini, utero gestaret, cōtinuo mēstruali fluxu vexabat absq; tamē causa manife-

R 2 sta.

sta. Verum cum vix tertiæ mensis gestationis finem attigisset, & 25. Junii noctu parturientium doloribus correpta esset, protinus, & antequam matronæ accurrerent, fœtū cum multo sanguine, & humore seroso enixa est. Obstetrix cum advenisset, fœtumq; inter culcitrās, cum copioso sanguine coagulato invenisset, adeo perterrita fuit, ut de secundina educenda nequaquam cogitaret, putabat n. illam grummi sanguinis inhaerere. In lecto itaq; collocata ægra, secundina in utero remansit. Hinc factum est, ut continuo doloribus & conatibus magnis afficeretur. Dolore & torminibus ventris auctis, lypothymia quoq; nausea, & vomitus frequens supervenit. Ex partib. non solum genitalibus verum etiā ex ore fœtor maximus, qui totum cōclave, in quo decumbebat puerpera, adimplebat, exhalavit: in primis quotiescunq; evomebat, Post dies octo cum febris esset ardens, dolores, tormina, & conatus maximi vomitiones putridæ, & syncope, frequentes sudores frigidi, cum extremitatum frigiditate, & ut verbo dicam, cum omnes nihil aliud quā mortem proximam expectarent, venit ad me maritus, literis cōmendatitiis Dn. Petri Schnelli, ejus loci verbi divini ministri: instructus. Ego etsi de recuperanda valetudine penè desperarem, nolui tamen virum istum tam anxium, tamq; de uxore sua sollicitum, absq; medicamento aliquo, à me dimittere; Sequentem itaq; potiunculam præparavi.

R. Con-

℞. Confectionis alkermes ℥ij.

*Potius cor-
dialis.*

Aquæ cinamomi distillatæ absque vino ℥ij.

Syrupi papaveris erratici ℥j. ss.

Cornu cervi usti & præparati ℥ij.

Aquæ Boraginis & decocti agrimonie & veronice an. ℥iij. Misce fiat potio, de qua singulis tribus horis sumebat cochlearia tria. Vinum item decocto agrimonie & veronice diluebat. Prima nocte cum medicamento isto usa esset, aliquo modo meliusculè se habere, viresque nonnihil recolligere cepit. Sequenti die similiter de præscripta potiuncula utebatur: verum versus solis occasum, aucta fuerunt tormina ventris, supervenerunt & conatus, & parturientiū dolores maximi, quapropter cū præ dolore & anxietate è lecto descenderet, ecce secunda cum multo sanguine coagulato, ac putridissimis humoribus, simul & semel excidit. In lectum denuò collocata, usum præscriptæ portionis cōtinuavit, & victus rationem optimam observavit, sicq; restituta fuit, ut cum 8. Augusti Muratum venissem, illam in culina, circa domestica negotia sua peragenda sollicitam reperirem. Crura tamen, facies, totumq; corpus inflatum erat, inflatione œdematosa, pulsus undosus & urina cruda lymphidaque. Tussicula quoque & anhelitus difficultate vexabatur. Et quia noctu inquietudines maximæ aderant, nec somnum capere posset, frequentem potiunculam tribus horis postcœnam exhibui.

℞. confectionis alkermes ℥j.

R 3

Succi

*Potio ad
somnū con-
ciliandum.*

Succi papaveris albi ℥℥.

Cum aqua cichorii fiat potio.

Ea nocte satis bene quievit, multumq; amissa-
rum virium recuperavit: quapropter sequenti
die 12. nimirum Augusti illam hac potione
purgavi

*Potio pur-
gans.*

℞. pulveris nostri laxativi ℥.℥.

Syrupi rosati solutivi compositi cum rha-
barbaro, agarico, & senna ℥j. cum s. q. decocti a-
grimonia, veronica, cuscuta, seminis anisi, fœ-
niculi & liquiritiæ, fiat potiuncula, qua quin-
quies clementer expurgata fuit.

Decima tertia die nihil sumpsit, 14. verò &
15. ad semiunciam aquæ nostræ regiæ cum a-
qua fœniculi, & anisi propinavi.

Decima septima ipsam iterum purgavi, sed
extracto de rhamno, quo & postea aliquoties
per intervalla expurgata fuit.

Sequens quoque vinum medicatum præ-
scripsi. quo ad tempus usa est, per horam ante
prandium.

*Vinum me-
dicatum.*

℞. Radicum petroselini,
Fœniculi,
Liquiritiæ,
Hirundinariæ, cariophyllatæ,
Cinamomi an. ℥j.
Herb. Agrimonix,
Veronica,
Cuscuta,
Cardui benedicti,
Centaurii minoris.

Florum

Florum sambuci, &

Genistæ Hispanicæ, an M. j.

Incidantur omnia minutim liganturq; in saccu-
lum, aut projiciantur in dolium. Postea super-
infundatur vini albi, lb. xx. aut mensur. octo.

His divino favore ita restituta fuit, ut ad
hunc usq; diem 6. Martii 1609. quo hæc scri-
psi, optimè sese habeat.

OBSERVATIO LX.

Ex imperforato utero, gravissi-
morum symptomatum exem-
pla aliquot.

Exemplum I.

PUella Coloniae non ex obscura familia na-
ta, anno decimo sexto ætatis, singulis men-
sibus, vètris torminibus maximis, lipothymia,
vertigine & nonnunquam paroxysmis epile-
pticis per dies aliquot mirū in modū divexaba-
tur. Tandem quū sanguis per nares ipsi copiosè
erupisset, in pristinā rediit valetudinem, ita ut
munera sua domestica liberè expediret, donec
mese sequenti rursus similib. symptomatib. cor-
riperetur. Affectu hocce ultra spacium anni sic
durante in consiliū vocatus fui, symptomataq;
hec omnia ex retētis mēstruis pvenire, adstātib.
significavi. Postquā itaq; mihi puella hæc curā-
da cōmissa esset, omnemq; diligentia ad mēses

R 4 pro-

provocandos frustra adhibuisssem, ut viro nuberet suasi, quia præter naturalem huncce motum atque fluxum ad naturales vias in matrimonio diversum iri sperabam. Puella vero postquam omnib. modis matrimonium reculasset, & ego quidnam in causa reculationis hujus esset, diligenter investigassem, ad matrimonium se planè ineptam confessa est. Verum ut affectus nobis innotesceret, coram matre naturalia detegere coacta fuit, tum collum matricis subterpinnaculis mediante solida, validaq; membrana, clausum deprehendi. Suasi itaque, ut corpore prius preparato, membrana hæc incideretur, & pessaria ex spōgia ad id preparatis, & sanguinis appropriatis illicis infigerentur. Hoc enim modo viam hancce naturalem aperiri, & sanguinem, qui ad superiora regurgitare solitus, ad inferiora revocari facilè posse sperabam. Quū vero puella operationem hancce vehementer abhorreret, parētibusq; etiam si periculo omni vacaret suspecta esset, ipsam in hacce miseria reliqui.

Exemplum II.

Dom. LUDOVICUS HUBERTUS Regis Galliarum Chirurgus anno 1608. casum nō minus annotatione dignum mihi cōmunicavit, qui ita se habet. Aurifaber quidem Parisiis in pōte nummulariorū habitans, cum puellam honestam duxisset, sibiq; in cōgressu liber aditus ad illam nō daretur, quin etiā illa in congressu de dolore, & quod difficulter maritum admittere posset, cō-

quere-

quæreretur, post menses aliquot etsi illa se gravidam esse suspicaretur, de divortio tamen maritus cogitare cœpit. Ne tamen temerè atq; inconsultò quicquam tentaret, parentes ex una atque altera parte accerset, iisq; mentem suam aperit; quibus, ut collegum Medicorum atque Chirurgorum convocaretur, visum est. Congregati itaque fuere, M. Hieronymus de la Noë, Simon Petrus, Ludovicus Hubertus, Franciscus de la Leurie, omnes Chirurghi Parisienses jurati. His inspectis muliebribus, colum matricis mediante membrana dura atque callosa, clausum reperierunt, sed quod summo opere notandum, membrana illa hinc inde parvis exiguisq; foraminulis, ad menses expurgandos perforata fuerat. Communi itaq; consensu hancce membranam prædicti Chirurghi inciderunt. Postea pessaria unguentis appropriatis illita intromiserunt. Sic brevi ita restituta fuerat, ut de divortio non amplius loqueretur maritus. Post menses autem sex, ab incisione facta (res profectò admiranda & rara) infantem sanum ac maturum progenuit. Tanta enim in coitu matricis aviditas attrahendi fuerat, ut etiam sperma per exigua illa foraminula attraxerit.

Exemplum III.

D. BARTHOLOMÆUS CABROLIUS Chirurgus Monspeliensis longè celeberrimus sequentem historiam recenset, quam hic in gratiam

R s tiam

tiam eorum, qui Gallicam linguam non cal-
lent, brevibus annectere non gravabor.

Anno, inquit, 1592. Monspeli ad puellam se-
ptendecim annorum natam, & dolorib. partu-
rientium non absimilib. mirum in modum ve-
xatam accersitus fui. Mater hujus rei causa per-
territa (putabat enim filiam suam in castitate a-
liquid deliquisse) jam antea GERVASIAM ob-
stetricem urbis compellaverat. Illa quum affe-
ctum hunc ex arte sua minime esse agnovisset,
suasit ut M. NOEL TURTELIUS mecum in
consilium adhiberetur. Pudendis itaque inspe-
ctis, collum matricis planè clausum, cum san-
guine menstruali extra vasa sua in matricis ca-
pacitate novem mensium spacio, quasi gravi-
da fuisset, retento invenimus. Antequam ta-
men quicquam tentaremus, Dominum Doct.
SAPORTAM Universitatis Monspeliensis
Professorem celeberrimum, in consilium ut
advocaretur, authores fuimus. Deliberatum
itaque inter nos fuit, ut incisio recta, & prout
affectus nobis viam monstrabat, quatuor digi-
torum transversorum longa fieret, qua facta
à M. NOELE Chirurgo docto atque exper-
tissimo, statim circiter libras decem aut duo-
decim sanguinis crassi atque purulenti, & qui
potius faeces vini, quam sanguinem referebat,
effluxit. De recuperanda sanitate desperabat
ipsamet agra, post longum tamen tempus, in
pristinam sanitatem rediit, & etiam nunc opti-
mè valet. Hactenus Cabrollius. Similem fe-
rè

rè casum, lector apud ANTONIUM BENI-
VENIUM de abditis morborum causis, cap. 28.
videre poterit. Quomodo autem in apertio-
ne uteri clausi cum nobili puella processerim,
Lector in tertia Centuria observat. videbit.

OBSERVATIO LXI.

De colli matricis clausi apertione.

ANno 1607. die 16. Julii una cum D. Sæ-
BASTIANO MEYERO, apud Freibur-
genses Helvetior. Doct. Medico celeberrimo à
Nobili quodam in agro Aventicensi vocatus,
oblata ibi nobis fuerat semestris puella, cui o-
rificium colli matricis, mediante membrana
densissima clausum erat. Membrana autem il-
la undiq; nymphis sive carunculis cuticularib.
adhærebat, quæ superiori sua parte foramine
exiguo, per quod urinam excernebat, prædita
erat. Parentibus itaque auxilium nostrum im-
plorantibus, altero die puellam in mensam
collocavimus, deinde substrato pulvinari, re-
tractis item diductisque cruribus, sequentem
stylum exploratoriū, qui aliquo modo incur-
vatus, & ex una parte excavatus est per fora-
men supradictum immisimus, & deorsum
versus perinæum usque ad finem membra-
næ duximus. Tum cultello eoque parvo, &
in

In rimam aut excavationem styli imposito, membranam illam, absque ulla adjacentium partium læsione incidimus, quandoquidem acies cultelli excavationem styli egrediebatur. Incisa membrana, etsi hæmorrhagia nulla sequuta, turundam tamen ex stupis suavibus, albumine ovi cum pauca aqua rosar. admixta, imbutam imposuimus, linteam item reduplicatum & eodem liquore imbutum, doloris leniendi & affluxus humorum repellendi gratia applicuimus. Tandem turundam plumbeam, latam & crassam, unguento diapompholygos inunctam indidimus. Sic intra paucos dies feliciter curata fuit.

Styli excavati, & cultelli delineatio.



OBSER.

OBSERVATIO LXII.

Demonstroso tumore omenti.

*Clarissimo & experientissimo viro, Domino
GUILHELMO FABRICIO Medico & Chi-
rurgo celeberrimo, atque apud Paterniacen-
ses ordinario, Gregorius Horstius D. & Pro-
fessor medic. in illustri Academia Gies-
sena ordinarius S. P. D.*

FATO vel potius divina providentia factum
fuit, vir clarissime & experientissime, ut qui
hactenus admodum disjuncti fuimus, magis
conjugeremur, cum Gieſſa noſtra vix ſex mi-
liaribus à Francofurto diſtet. Eo lubentius vo-
cationem legitimam & honeſtam à Landgra-
vō LUDOVICO, Domino meo clementiſſimo,
mihi oblata ſuſcipiendam putavi, quod ſci-
rem hac ratione me tecum, & cum aliis viris
doctis inceptam amicitiam, ob locorum pro-
pinqvitatē eo melius, per literas continuare
poſſe. Reſponſum ad caſum tuum de Gangræ-
na te accepiſſe ſpero, una cum obſervatione
ſingulari Noctambulonis cujuſdam: ſi prælo-
dignum judicatur, per me licet, ut addatur par-
ti ſecundæ tuarum obſervationum. Jam nihil
novi, niſi quod Gieſſa noſtra, Dei gratia, opti-
mè ſoreat, cum in omnibus Facultatibus viros
habeat.

Observatio.

habeamus selectissimos, quorū nomina & labores, una cum *ευσάσσει* de scorbuto, cujus naturam & curationem ex principiis Hippocraticis & Hermeticis jam eruere conor. Hoc tantum singulare habeas : & profectò singulare, quod nuperrimè hīc in præsentia collegæ mei, & aliquot Chirurgorum, me dirigente, à Chirurgo nostro ordinario, mulier quædam figuli cujusdam uxor, post mortem aperta fuerit, in qua omnia viscera ritè constituta inveniebantur; excepto omento quod in tantam glandulosam molem excreverat, ut mulier, vivens adhuc, ventrem tantæ magnitudinis circumfertet, ut si summè esset hydropica : moles illa undique membranosa erat, sed interius glandulosa, adiposa & scirrhusa. In medio verò cavitas fœtida, sordidaque sanie repleta inventa est. Pondere librarum quinquaginta sex, absque læsione reliquorum viscerum eximebatur: & soli ventriculo adnata videbatur.

Quid tibi de generatione hujus tumoris videatur, candidè aperiās: Ego nihil aliud statuendum esse video, quam quod glandulæ omenti, quæ und quæ vasa frequentia per duplicem omenti membranā, hinc & inde disseminata fulciunt, in tantam molem præter naturam excreverint. Unde & in dissectione tumoris hujus cavitas ad palmæ magnitudinem inventa, forte à cavitate omenti relicta, quia tam interius quam exterius glandulosa substantia membrana obducta videbatur. Vale, & si quid per alia negotia

ta rescribendum esse videtur, Francofortum
celebri Palthenio transmittatur. Dabam ra-
ptim Gießæ 12. Septemb. 1608.

OBSERVATIO LXIII.

Demonstrosa umbilici prociden-
tia

*Ad clarissimum atque doctissimum virum,
D. D. GREGORIUM HORSTIUM, Phi-
losophum summum, & in illustri Academia
Giessena Hassorum medicinae Profess. longè
celeberrimum, amicum singularem, cui
Guilh. Fabricius Hild. S. P. D.*

TUæ, vir amplissime 12. Septemb. Gießæ da-
te 19. Octob. ad me perlatæ fuere: quæ gau-
dio maximo me affecerunt, præcipuè illam ob
causam, quod Deus Opt. Max. nos propius cō-
junxerit, & T. Exc. in florentissimam Academiā
constituerit, faxit Deus clemētissimus, ut voca-
tio illa tuā ad ipsius gloriā, ædificationē proxī-
mi, in primis familiæ medicæ utilitatē, tuiq; sa-
lutē plurimum conducat. Cæterū quod casum
de monstroso omento cōmunicatum attinet, is
mihi multum placuit: est n. profecto rarus, nec
unquā similem mihi videre contigit, superiori
tamen anno Bernæ matronā quinquagenariam
robustā, sanā, obesam & pinguem valdè, invisi:
Illa

Illa ante multos annos in difficili partu relaxationem umbilici contraxerat, ex qua relaxato peritonæo, paulatim exomphalos planè monstruosa facta fuerat, quandoquidem magnitudinem uteri, qui fœtum maturum gestat, umbilicus propendebat, vëter nihilominus suam servabat proportionem. Extuberantia vero illa umbilici, veluti ingens saccus ita propendebat, ut manum facillè inter ventrem & saccum istum imponere possem. Porro tumorem hūc ex omento prolapso, & sensim in istam magnitudinem aucto, prognatum fuisse verisimile mihi videtur: absque dolore enim, tactuq; mollis & undique æqualis erat: à naturali colore non discrepabat: murmur nullum persentiebatur, ut in hernia sit intestinali: in ventrem retrocedebat nunquam, etiam si alvum exoneraret, vel in dorsum ægra decumberet, sed semper in eodem permanebat statu. Ex quibus apparet fuisse omentum: idque in illam molem & magnitudinem auctum, sed hæc obiter quæ si non probabilia, verisimilia tamen esse videntur.

Cæterum etsi saccus ille ingens & ponderosus esset, ita tamen corpore erat valida atque sana fœmina illa, ut negotia sua domestica ipsamet administraret. De generatione vero tumoris omenti, cujus mentionem facis, nescio quam aliam adferre debeam causam, præterquam illam ipsam, quam tu quoque statuisti. Ludit enim aliquando natura, ut plus nutrimenti

menti ad partem aliquam, quam pro sua nutritione opus, amander. Hinc excrescentiæ præternaturales & aliquando monstrosæ fiunt.

Ante Annos 14. Domin. Johannes Griffo-
Observatio.
 nius Chirurgus præstantissimus, olim præceptor meus fidelissimus, Lausannæ cuidam viro robusto, & optimo corporis habitu prædito excrescentiam, ad homoplatam dextram, viginti sex librarum pondere, præsentè Domino CLAUDIO AUBERTO TRIUMCURIANO apud Lausannenses Doctore Medico longè celeberrimo, multisque aliis feliciter excidit, convaluit homo iste & forsàn hucusque vivit. Tota autem excrescentia ista, præter membranas nonnullas, ad ignem in pinguedinem optimam & ad usum idoneam resoluta est. Causam materiale hujus tumoris, putasne esse sanguinem aëreum, ibique per venas copiosè exsudatum, & à debili calore istius partis in adipem conversum? Sed finem faciam & responsum tuum ad observationem meam de gangræna reliquaque quæ promittis, avidè ab te expecto, Deumque suppliciter oro, ut T. Exc. ad Reipubl. utilitatem diu conservare dignetur. Catalogum Virorum doctorum vestræ Academiæ accepi; quos omnes ut ille, qui fons est omnium scientiarum, spiritu suo magis magi quæ illustrare, & in multos annos incolumes conservare velit, oro & efflugo: quæso ut illos omnes meo nomine demissè salutare non graveris. Vale, vir amplissime, & me ut
 S facis,

facis, amare perge. Paterniaci Aventicorum
21. Octobris 1608.

OBSERVATIO LXIV.

De ingenti umbilici procidentia,
historia altera.

*Adeundem virum amplissimum atque do-
ctissimum Dn. GREGORIUM HORSTIUM
Philosophum & Medicum summum, cui
Guilhelmus Fabricius Hilda-
nus S. P. D.*

ANte mēses aliquot, vir amplissime, fautor
& amice æternum honorande, ex Germa-
nia Lusannam rediens, nihil præter luctuosa
mihi advenerunt. Uxor enim mea, proh dolor,
simul & duæ ex filiabus meis peste laborabant.
Uxor quidem & filius meus minor natus, con-
valuerunt, filia verò ambo simul & ancilla na-
ture satisfecerunt.

Pestis etiam nunc hic & in vicinia gravissimè
grassatur, multosq. è medio tollit; per paucos
nim, quod summopere deplorandum restituun-
tur, non solum propter veneni sevitiam, verum
etiam, quia remedia uti necesse esset, eis adhi-
beri non possunt.

Ponò ante annos quatuor, de quadam mō-
strofa

strosa extuberantia umbilici ad te scripsi, scēmi
nam illam etiam nunc superstitem esse arbi-
tror. Ab eo tempore similem affectum in Ger-
mania, in nobilissima & singulari virtute prae-
dita matrona vidi. In illa tamen non umbili-
cus ipse, sed paulò supra ipsum peritonæum &
pars quædam abdominis, veluti in saccum ma-
ximum dilatata propendit. In isto autem sac-
co, non solum omentum, sed & intestinum a-
liquod continetur, aliquando enim murmur
in ipso percipitur: & tunc quoque dolor adest;
nunc vehemens, nunc vero remissior, pro fla-
tuum copia. Affectum huncce in difficili par-
tu se contraxisse, mihi affirmavit.

Cæterum quia huiusmodi procidentia um-
bilici aut abdominis, ratio in ventrem retrudi
possunt; aut si retruduntur, difficulter tamen
retinentur, maximasque molestias ægris pa-
riunt, dum propter pondus superiores partes
secum deorsum trahunt, fasciam quandam
sacculatam excogitavi; quâ extuberantia illa,
tam commodè sursum retrahitur, atque suble-
vatur, ut nullam ferè molestiam, aut incom-
modum pariat.


Primò autem ex tela reduplicata paranda,
atq; adaptanda est thorax, ita tamen ut ultra pri-
mam costam mendosam non descendat. Tho-
raci portò isti in dorso, & quidem è regione ho-
moplatarum, ex utroq; latere fascia, duos d. gi-
tos in latitudine positos, lata, & undiq; pfora-
ta annectenda est. Istis præterea fasciis parvis,
S 2 fascia

fascia magna & sacculata, beneficio lororū annectenda est. Elevatur autem & delabitur secundum necessitatem & voluntatem ægri, beneficio lororum & foraminum, quemadmodum ex sequenti figura apparet.

Fabricatur fascia illa, ex duabus particulis telæ, in exteriori parte A. A. A. notata confutæ; sic enim in medio, ubi B. notatur, sacculus efficitur, uti ex proxima figura videre licet. In qua C. C. foramina, quorum beneficio reliquis fasciis, uti dictum est, annectitur, denotant. Plura nunc, præ incertore ad te scribere non possum. Saluta quæso meo nomine clarissimum virum Dn. D. GEORGIUM FABRUM, & literatos apud vos omnes. Vale vir amplissime & æternum vive, meque pro summa humanitate tua, amare perge. Raptim Lau-
sannæ 13. Octobris 1613.

Figura

*Figura fasciæ sacculatæ, ad prominentiam
umbilici sublevandam.*



*Figura, in qua, quomodo prædicta fasciæ sac-
culatæ sit adaptanda & applican-
da, adumbratur.*

S 3 QBSER-



OBSERVATIO LXV.

Duplex vena emulgens in cada-
vere reperta.

*Ad amplissimum atque doctissimum virum,
Dn. D. GREGORIUM HORSTIUM
Philosophum summum, & illustrissimi Land-
gravii Hassiæ Archiatrum, nec non in illustri
Academia Gießena Medic. Professore longe
celeberrimum, & pro tempore Rectorem Ma-
gnificum, cui Guilielmus Fabricius
Hildanus S. P. D.*

POSTREMAS tuas, vir amplissime ac humanissi-
me Francofurti datas, ibidem paulò post
tuum abitum, à typographo Choüet mihi tra-
ditæ fuere. Rescripsissem maturius: sed de die
in diem ad meos redire, te quæ Gießæ in transi-
tu invisere posse, sperabam. Verum hætenus
frustra: diutius enim, quam putassem detineor:
& forsan per mensem unum aut alterum hîc
mihi persistendum erit. Postea verò redeundo
in Helvetiam, si Deo Opt. Max. ita visum fue-
rit, T. Exc. videbo.

Quæ de Sartoris uxore (quæ tribus ante par-
tum diebus incendio perterrefacta, filium edi-
dit toto corpore maculis igneis infectû) scribis

S 4 profe-

perfecto & annotatione & admiratione sunt dignissima, successum earum macularum, ut observare non graveris suadeo. Puella ista nobilis, de qua in observatione de partu nostro ad te scripsi, adhuc vivit & quidem hîc in vicinia, sed non nisi suffulcris incedere potest, tam efficax est prægantium imaginatio.

Speculum tuum humanum, quo ornare possem, nihil singulare habeo; ne tamen omnino nuda sit epistola hæc, observatiunculam de duplici vena emulgente addam.

Anno 1601. mense Martio, cum Lausannæ publicè hominis capite plexi cadaver disseca- rem, venam emulgentem duplicè inveni, quarum una paululum sub altera oriebatur. Naturalis autem vena emulgēs naturalem suum locum servabat, non tamen cum arteria emulgente, sed paulò infra renem ingrediebatur. Præter naturalis verò vena multò inferiùs è vena cava exoriebatur & naturalem venam emulgentem, crassitie & magnitudine, longè excedebat. Dividebatur autem in duos ramulos, quorum unus cum vena emulgente conjunctus, renem in sua basi ingrediebatur, alter verò ramus sub arteria emulgente ascendebat, sed mox ad anteriorem partem inflectebatur, & cum ipsa arteria emulgente in renem inferebatur. Hæc quia paulò obscuriora videntur, sequenti schemate adumbrare placuit.

Suppe-



Superioris figurae explicatio.

A. Venæ cavæ truncus, quem à trunco arteriæ magnæ paululum separavi atque disjungi, ut exortus venæ emulgentis præternaturalis melius appareret, atque conspiceretur.

B. Arteriæ magnæ truncus.

S S

C. Ar-

- C. Arteria emulgens.
 - D. Vena emulgens.
 - E. Vena præternaturalis emulgens, quæ
 - F. notata, è venæ cavæ trunco exoritur & arteriæ magnæ trunco succumbit,
 - G. Hîc dividitur in duos ramulos quorum unus.
 - H. notatus, ascendit sub arteria emulgente, & reflexus ubi
 - I. notatur, ingreditur renem, unâ cum arteria emulgente.
 - Q. Alter ramus, nonnihil inflectitur, & renem in sua basi ingreditur.
- Circa divisionem venæ emulgentis G. notatam, naturalis vena emulgens, cum hac conjuncta, unum ductum constituit.
- L. Vena seminalis.
 - M. Arteria seminalis.
 - N. Ureter.
 - O. Dextræ arteriæ emulgentis portio.
 - P. Vasa emulgentia dextri renis.

Reliquæ partes omnes, secundum naturam sese habebant, tamq; sanæ erât, ut vix unquam similes in cadaveribus viderim. Ita quidem ut homo iste procul dubio, ad summam senectutem pervenisset, nisi supplicio affectus fuisset. His vale vir Amplissime cum tuis omnibus quos tecum, una cum clarissimo atq; doctissimo viro Dom. D. Döringio, nec non Dom. D. Schonwald, ex corde saluto. Raptim Colonia 26. Martii. 1612.

O B-

OBSERVATIO LXVI.

Ex lapsu ab alto, retentio urinæ &
abscessus in vesica, absque ta-
men febre & dolore.

Ad virum nobilem D. PAULUM OFFRE-
DUM Doctorem Medicum, clarissimum &
doctissimum cui Guilielmus
Fabricius Hildanus
S. P. D.

INter tot homines, qui unquam in Medicina
claruerunt, vir clarissime atq; amice integer-
rime, ego Hippocrate unice admiror: videtur
n. inter homines excessisse humanū fastigium:
Hinc evenit, quod omnia quæcunque in praxi
occurrūt, doctrinæ ipsius adversantia (ex quo-
rum numero casus hic & admiratione & anno-
tatione dignissimus, quem Exc. T. postremis ad
me datis literis cōmunicavit, non infimum ob-
tinet locum) meritò sint annotāda. Porro quia
te circa res medicas simul & chirurgicas raro
contingentes studiosissimū esse video, casum
ex iis, quæ naturæ ordini, & Hippocraticæ do-
ctrinæ adversantur, non vulgarem, quem mihi
videre contigit, communicare non gravabor.

Verissimum esse Axioma Hippocratis, quod
scriptum reliquit lib. 2. aphor. 47. Dum pus cō-
ficitur

ficitur dolores ac febres magis accidunt, quàm confecto, nemo est qui possit in dubium vocare. Attamen Anno 1599. mense Januario, miles quidam ex præsidiis castri Kerpen, 36 annorum ætatis circiter, corpore robusto, & optima temperatura præditus, cum ab alto decem circiter cubitorum non sine lumborum contusione in terram decidisset, eadem die urinæ retentio sequuta est, adeò ut ne guttam quidem excernere posset.

Alterà die advocato Chirurgo catheteris beneficio vesica exonerata fuit.

Tertià verò die morbi, cum se Coloniam duci curasset, & me unà cum clarissimo viro Dn D. Johanne Slotano medico celeberrimo compatre meo plurimum honorando in consilium vocasset, catheterem immisi, ita ut urinā affatim reddiderit. Singulis quoque deinceps diebus, bis aut ter, catheterem immittere coacti fuimus, sine eo enim ne guttam quidem urinæ excernere poterat, & quidem ad decimū octavum usq; diem morbi. Interim ventrem, lumbos, & regionem vesicæ oleis idoneis inunximus, & cataplasmata applicuimus, uti etiam corpus interdum expurgavimus, potionibus nimirū per os exhibitis: Enemata enim ad intestina ascendere non potuerant, cum ea statim rejicere cogeretur. Febris tamen nulla, nec inquietudines aderant, neque de dolore ullo conquerebatur. Circa decimum sextum diem morbi incœpimus bis in die uti semicupio ex radi-

radicibus, herbis, floribus & seminibus emollientibus, relaxantibus, aperientibus, & urinam provocantibus. Hinc prima die, urina paulatim & guttatim extillare cœpit. Sequenti die cum denuò bis semicupio usus fuisset, sponte, & absque catheteris usu, non saltem urinam, verum etiam materiam adeò purulentam atq; fœtidam reddidit, ut fœtorem vix fufferre & in conclavi, in quo decumbebat, persistere potuerimus. Prima & secunda die materia fœtidissima erat, tertia vero & quarta minus fœtida tandem quinta fœtor omnino remiserat, sed pus per multos dies urina permixtum effluerat. Interim decoctiones aliquot pro absterfione & mundificatione vesicæ, syphone injecimus, corpusq; aliquoties cassia & therebintina lota, expurgavimus. Sicq; Divino favore brevi pristinae sanitati feliciter restitutus fuit.

Abscessum hunc, vir clarissime, in vesica ipsa fuisse, tam certum est ut nihil certius, cathetere enim obstaculum circa orificium vesicæ manifestè persentiebatur. Ex hoc denique tumore extensâ vesicâ, intestinum rectum cōprimebatur, adeò ut clyster ad colon ascendere minimè potuerit. Nonne igitur mirum est materiam hanc, quæ procul dubio ex sanguine concreto, & aliunde in vesicam delapso, generata fuit, absq; dolore & febre, in membra tam exquisito sensu prædita, procreatam fuisse? Hic verò quidnam intervenerit, quod naturæ ordi-

ordinem inverterit, scitu nō est admodum facile, quocirca tibi Ambrosiā Hippocraticā doctrinā imbuto explorandum atq; enucleandū propono: Interim verò te una cum D. Patre optimo ac pio, Deo Opt. Max. cōmendo. Valete & diu vivite Christo, & proximo. Paterniaci Aventicor. 25. Augusti 1606.

PAULUS OFFREDUS.

Viro doctrinā atq; longo rerum usu præstantissimo, Domino Guilhelmo Fabricio

Hildano, Chirurgo celeberrimo

& amico singulari S. P. D.

Ad miratione dignum omnino est, quod te observare dicis absoluta suppuratione abscessus in vesica citra febrē ac dolorē. Hanc tamen historiā, quā ita vis, an eo modo, quo narras contingere potuerit, attētius paulò cōsideremus. Suppuratio est opus mixtum, q̄ scilicet tam calori nativo, quā alieno acceptum fertur: hinc fit, ut in magni cujusq; abscessus suppuratione, ob utrumq; hunc calorē concurrentem, magna sēper adsit effervescentia, quē admodū notat Galenus super eo quem citas aphor: Materia porrò, quæ suppuratur, mediociter crassa esse debet, & ex semetipsa caloris & humiditatis particeps, ut ab utroq; eo calore agente possit in pus mutari: unde solus sanguis propriè ac per se i. suppuratur, alii verò humores, non nisi propter sanguinē. Quocirca per eam copiosè materia effervescentiā & ebullitionem, quæ in
sup-

suppuratione cōtingit, necessario fit, ut copiosi vapores calidissimi, per venas & arterias cor perant unde febris acceditur: ipsa verò suppurationis materia cū ob sui attenuationē à calore suppurante, majore spatio indigeat, membranosa quavis corpora partis, in qua residet distēdens & corū continuū solvens dolorē excitat, multoq; magis, si in parte fuerit exquisiti sēsus qualis est vesica, in qua nihilominus magni abscessus suppurationē sine dolore ac febre observasse te affirmas. Quē casum (ut ingenuē fatear) dū seria cogitatione mecū revolvō, ne ab Hippocratis & Galeni doctrina, tam alienus videatur aliter paulò explicandum reputo, cū præsertim tantus ille fœtor quē refers, veræ suppurationi in qua victrix est natura planē adversetur, ut notat etiā Galen. loco citato. Si quid igitur hac in re, satis alioquin abstrusā, decernere mihi liceat, existimo putridā illā & fœtentē adeo materiā referri debere partim in sanguinē è venis egressū, & per renes ob casū ex alto relaxatos dispersū, quiq; paulatim ibi putrescens, in vesicam tandem à roboratis renib; transmissus fuit partim in quosdam velut grumos sanguinis initio statim à laxis renibus in vesicam delapsi, qui grumi vesicæ orificium angustantes, ibique crassiori & magis fœculento lotio diutius retento admixti graveolentem adeo corruptionē, à legitima suppuratione lōgè diversā sensim concepere, quæ corruptio dū ita fieret, nec febrē inferre potuit, nec dolorē etiā nisi sub obscurū, & qui præ molestia illius stranguræ sen-

sum fugiebat: quod verò clysteres ager vix admitteret, vesicæ ob retētas materias præter cōsuetudinem extensa, & intestinum rectū comprimēti, tribuendum puto. Habes hic paucis, ornatissime vir, quam petisti à me super observatione tua sententiam, quæ si ariserit, opraro sine potitus ero, sin minus, meam saltem apud te παρρησίαν, veri amoris indicē, agnosces. Vale.

OBSERVATIO LXVII.

Globulus plumbeus ictu sclopeti in vacuum vesicæ immissus, post annos 30. calculosa materia obductus, tandem invenitur.

*A Viro nobili Dom. PAULO OFFRED.
Doctore Medico clarissimo annotata,
mihique communicata.
S. P. D.*

CHirurgica tua supellex, vir ornatissime, tam locuples est, & rerum pulcherrimarū varietate nitens, ut amicos tuos, quotquot ipse meritiò possides, nunquam adeas, nisi plenā manu,

manu, sive præsens, sive per literas: quod quidē
 eò gratius est, & laudabilius, quò rarius: cum
 præsertim hoc nostro seculo longè plura sint,
 ad amicitiae aram donaria nuncupantium vo-
 ta, quam exsolventium. Hanc eadem munifi-
 cētiam tuam, quod me itidem experiri volue-
 ris perrara observazione ad me missa gratias
 habeo, & ago maximas. Eam nō legi, nemo le-
 get sine fructu, & admiratione, illa ex accurata
 imprimis & methodica tua curatione, hæc ve-
 ro ex affectu partis natura, ejusdemq; sanatio-
 ne. Quoniam verò petis à me, ut si quid simile
 hîc se offerat, id tibi communicē: en casum u-
 ti revera contigit, vesicæ per multos annos gra-
 viter læsæ citrà manifestum incommodum.

Juvenis annor. 20. in bello ictus à globulo
 sclopetario ad coccygem parte dextra cum ali-
 qua ipsius ossis fractura curatus utrunq; fuit, *Historia.*
 & cicatrix admodum cava ibidem relict. Inte-
 rim prædicto globulo in corpore delitescēte
 (nec enim in ictu pervaserat, nec ulla ipsius in-
 curādo vulnere cura habita est) homo hic to-
 tos annos 15. citrà ullum quod perferiret in-
 commodum, trivit. His elapsis de dysuria, do-
 loreq; non exiguo ad vesicam conqueri cœpit
 adeoq; symptomata hæc indies aucta: ut tandē
 lotii reddendi beneficio privatus, ad dies plu-
 sculos, affectu scilicet remediis omnibus obsi-
 stente, morti quam proximus fuerit, quum op-
 portuna Chirurgi ope calculum è vesicæ collo
 quem ibi cathetere immisso, non exiguum de-
 T pre-

prehendit, removens ac detrudens perma-
gnā æger urinæ copiam excrevit, qua magno-
pere levatus, ita denuò cōmodam latis ad alios
annos 15. vitam traduxit. At verò anno superio-
ri à recurrentibus ibidem, & in regione renum
doloribus intensissimis cum æstu vehementi,
in intima pubis ac perinæi regionē, nec non à
febre continua plurimum divexatus, obiit. E-
jus ad aperto cadavere, calculus in vesica ovi
molem ad æquū, repertus est: quo propter in-
solitum ejus pondus, fracto, globulus ille
plumbens avellanæ magnitudine, apparuit in
medio, circa quem longo temporis decursu, sa-
bulosa materia, partim in vesica genita, partim
è renibus eò delapsa, sensim accreverat, eò usq;
ut tandem mole sua homini illi intolerabilis
evaserit: quinimò internæ externæq; ad vesicæ
partes, una ejus portione livebant: & ipse jam
per annos aliquod graviter in ea regione sole-
bat affici, ubi diutius paulò ambulasset, qua-
propter etiam domi ferè se continebat. Porro
tàm firmiter globulo adhærebat tophacea illa
materia, ut vix inde tota eximi potuerit, cujus
velut agglutinationis initium inde fuit, quod
prædictus globulus in vulnere faciendo ad os
illidens, eminētiam ac inæqualitatem recepe-
rat. Hic subliſto, teq; cum omnibus tuis divi-
næ clementiæ commendo Vale è Musæo, ca-
lend. Junii. Anno 1606.

Τὸν ἀνὸς δόλῃ

PAULUS OFFREDUS.

O B-

OBSERVATIO LXVIII.

Lapis olivæ magnitudine per col-
lum vesicæ excretus.

HOnesta quædam Matrona Paterniacensis,
sexagenaria acrobusta, ultrà annos duos
dolore punctorio è regione colli vesicæ non-
nunquã quoq; urinæ retentione, & stillicidio
laboraverat. Tandem cum præ maximis dolo-
ribus & inquietudinibus in febriculam incidit-
set, ego in consilium vocatus fui. Itaq; cum ex
doloris specie, aliisq; symptomatibus calculũ
adesse, probè cognovissè, hoc modo processĩ.

Primò corpus sequenti potiuncula purgavi.

℞. Radicum fœniculi ʒj.

herbar. agrimonix

Veronica,

Cuscutæ,

Herniariæ an. M. ʒ.

Flor. trium cordial. an. p. j.

Sem. anisi &

Folior senæ mundator. an. ʒiij.

Coquantur in aq. ut colatura redeat ad ʒiij.

In quibus dissolve syr. rosat. solut compos.
cum rhabarbo, agarico & sena ʒj.

Electuar. benedictæ laxat. ʒj.

Misce fiat potio.

Purgato corpore per dies aliquot, quatuor
T 2 horis

Potio purgans

horis ante prandium pro dosi \bar{z} j. aquæ nostræ diureticæ, cui parum aquæ cinam, sine vino distillatæ, admixtum erat, exhibui. Inguini verò sequentem sacculum applicui.

Sacculus.

℞. Radicum & folior. althææ

Malvarum,

Violar.

Parietariæ,

Herniariæ,

Nasturtii aquatici

Flor. Meliloti &

chamomel an. M. j.

Sem. Anisi

Fœniculi,

Petroselin. an \bar{z} j.

Fœnogræci,

Lini an. \bar{z} ℥.

Incidantur & contundantur omnia, deinde indantur sacculo triangulari, quo cocto in aqua, calidè imo ventris & pudendis applicetur.

Post fotum inum ventris, pudenda & perinæum oleo scorpionum interdum ter vel quater inungere curavi.

Hic per dies aliquot remediis adhibitis, calculum rotundum & asperum, ejus figuræ & magnitudinis, ut hic depictus, maximo cum conatu & dolore, parturientium doloribus nō multū ab simili ejecit. Postea Dei beneficio convaluit, & per aliquot annos supervixit.

Figur-

*Figura & magnitudo prædicti
lapidis.*



OBSERVATIO LXIX.

Lapides quam plurimi ex vesicæ
fundo extracti, & ulceris inde
relicti curatio.

Ad Virum nobilem D. PAULUM OFFRE-
DUM Doctorem Medicum clarissi-
mum & doctissimum.

Affectum animi in me, & amorem optimi
& doctissimi Parentis tui, vir clarissime,
natura tibi insitum esse, abundè profectò de-
clarasti, tum epistola tua humaniter ad me scri-
pta, tum etiã adjunctis tuis doctissimis in Hip-
pocra-

pocratis aphorismos, commentariis, qui mihi veluti Ambrosia & Nectar erunt tam Exc. T. quam ipsiusmet Hippocratis, venerandi senis (quē meritò extensis ulnis amplecti debemus) causâ. Ego si qua in re id promereri valeā, semper me promptum atq; paratum habebis.

Cæterum anno superiori casus mihi occurrit, quem ad aphoris. 28 lib 6. Hippoc. referre possumus. Hūc tibi doctissime atq; charissime D. OFFREDE offerre, operæ pretium duxi.

Historia.

Honestā quādam matrona Friburgi Avent. uxor M. ADAMI Schlineman/ Pictoris excellentissimi, ad finem 9. mensis gravida, parturientiū dolorib. per dies aliquot miserè cruciabatur. Huic cum multa ab obstetricibus & adstantibus ad fœtum expellendum medicamenta exhibita fuissent, tandem 5. die propinata validissima potiuncula, in qua (sicuti maritus & pharmacopæus suspicabantur) ingrediebatur nonnihil auripigmenti citrini magna cum violentia, maximoq; cum dolore & cruciatu, mortuū, aut potius semiputridū fœtū enixa est. Ego bimestri à partu nimirū die 1. maji anno 1605. cum D. Alberto Lapio, Pharmacopæo vigilantissimo atq; exercitatissimo (cujus bimestris spacio à partu continuis ac maximis doloribus è regione vesicæ, & stillicidio vrinæ laboraverat) vocatus ipsam decumbentem offendi. Dolores circa fundum vesicæ, ac collum ipsum matricis aderāt, & maximi, & continui, urina quoq; & quicquid syphone in vesicam infun-

infundebam, per collum uteri statim involun-
tariè effluebat. Ex quibus fundum velicæ in i-
pſius matricis collum uſq; exulceratum fuſſe
facile mihi cognoscere licuit. Instituta itaq; o- *Curatio.*
ptima victus ratione, doloris leniendi gratia,
ſyphone, ſequens injeci medicamentum.

℞. Sem. cydoniorum & fœnogræci an. ʒi. *Ii i.*

Macerentur per horam in ſſa j. ſſ. decocti
hordei, poſtea per linteum exprimantur, fiatq;
mucilago ſatis liquida, cui addantur.

ol. amygdalar. dule ʒij.

mellis roſati colati ʒ. Miſce fiat injectio;

De qua ſingulis horis parum, tum in velicam,
tum in os uteri ſyphone tepidè injiciebam. Et
quia alvus non ſatis lubrica erat, ſequens præ-
ſcripſi Enema.

℞. decocti capitis vitul. &

lumbricor. terreſtr. ʒx.

vitellor. ovor. n. ij.

ol. anethini & chamomel. an. ʒj. *Enema.*

Miſce fiat Enema, quo & poſtea uſa eſt, quo-
tieſcunq; neceſſitas urgebat.

Pectini verò hunc fotum applicui.

℞. Radic. altheæ ʒj.

Flor. chamomel.

Fol. malvar.

violar. an. M. j. *Fotus.*

Sem. cydonior.

fœnogræci an. ʒij.

aniſi &

fœniculi an. ʒj.

Coquantur in aqua, in qua madefactum lin-
teum reduplicatum (spongia enim propter sal-
fedine non convenit) calidè applicetur. Dein-
de sequenti linimento ventrem, coxas & geni-
talia, inungere curabam.

Linimentū. ℞. ol. amygdalar. dulc.
ol. de vitell. ovor.
Axungiae humanæ an. ʒss.
ol. lumbricor. &
Anethin. an. ʒj.

Misce, fiat linimentum.

Renes verò sapissimè hoc unguento inun-
gebantur.

Unguentū. ℞. ol. rosat.
Nymph. &
Violatii an. ʒj.
Caphuræ ʒj.

Cum albumine ovi, parumq; aceti rosat. mix-
tis simul in mortario plumbeo, fiat unguentū.

*Amygdala-
tum.* Pro cæna sequens amygdalatum exhibui.

℞. Amydalar. dulc.
Sem. 4. frigidor. maj. &
papav. albi an. ʒij.
decocti hordei.
aquæ nymf. &
Rosæ an. ʒij.
Fiat emulsio secundum artem, adde
Aquæ cinamo. destill. cum vino
Buglôs. & Borrag. ʒj.
Sacchari perlati ʒss.

Misce fiat amygdalatum.

Misce

His remediis adhibitis, dolor paulatim remisit, ita ut ea nocte melius quieverit quam antea. Sed quod mirandum per ulcus, quod in fundo vesicæ erat, infinitos lapillos contusi pumicis instar, filamentis & membranulis colligatos ac involutos, in collum matris excrevit, quorum ego quamplurimos forcipe extraxi, reliquos post dies aliquot in rima sese offerentes, maritus ipse me absente exemit. Horum lapidum ego adhuc quamplurimos, cum suis membranulis & filamentis, quibus colligabantur, exiccatos in Musæolo meo reservo, quibus projectis & maceratis in aqua tepida, denuò filamenta & membranulæ bellè conspici possunt.

Altera die, tertia nimir; Maji ipsam sequenti *Potiuncula*
potiuncula purgavi.

℞. herbar. agrimonix
veronicæ
cuscutæ an. m. ss
flor. trium cordiat. an. p. j.
liquiritiæ rasæ ʒ ss.
sem. anisi &
folior. senæ an. ʒ ij.

Coquantur in sufficienti quantitate aquæ, ut colatura redeat ad ʒ ij. In quibus dissolve cassiæ recent. extractæ ʒ ss.

Electuar. diaphœn. cum rhabarb. ʒ ij.

syr. violac. ʒ j.

Misce fiat potio.

Frequenter quoque matutino tempore ali-
T s quid

quid olei amygd. dulc. cum saccharo, in jussu-
lo carniū sorbere jussi.

Injectio.

Sedato dolore per multos dies sequens de-
coctum syphone in vesicam & collum matricis
injecimus. ℞. radic. consolidæ maj. ℥ j.

hordei integri m. j.

herbar. agrimon.

veronicæ

scordii

alchymillæ

faniculæ an. m. ss.

Coquantur in aqua. In tñ j. colaturæ dissolve
mellis rosæ. ℥ ij. Misce fiat que injectio. Quæ in
vesicam injecta, per collum matricis una cum
urina statim effluebat. Post injectionem turun-
dam longitudine quatuor digitorum transver-
forum, sed crassam satis, ex stupis & gossypio
concinнатam, inque sequenti collyrio madefa-
ctam, matricis collo infigi curavi.

Collyrium.

℞. mucilag. sem. cydonior. cum aqua

plantag. extractæ ℥ iiij.

cornu cervi usti,

lapidis calaminar. &

tutiæ præparatæ an. ℥ ss.

radic. consolidæ maj. subtilissimè

pulverisat. ℥ ij. Misce.

His brevi sic convaleuit, ut domesticis negotiis
paulatim vacare potuerit. Urina tamē cōtinuò
per collum uteri magna sui molestia effluebat.

Porro quamvis vulnera, ac multo magis hu-
jusmodi ulcera putrida, quæ fundum ipsius ve-
sicæ

icæ & collum matricis ingrediuntur, ut plurimum incurabilia cum Hipp. meritò sint cēfēndā, attamen ne de salute ipsamet ægra desperaret, ac impofterum corpore fimul & mente laboraret, fuafit ut primò uteretur optima victus ratione, & ab omnib. iis, quæ utinam reddunt acrem abftineret, deinde ut per vices corpus exurgaretur, quinetiam ut fing. lis maturinis medicamenta conglutinantia, qualia funt positiones vulnerariæ affumeret. Hæc cum religioſè & indef. ſè (magna enim in ea erat ſanitatſ recuperandæ aviditas) per mēſes aliquot obſervaffet, ſtillicidium urinx per collum uteri paulatim imminutum eſt, adeò ut partim per collum velicæ, partim verò per collum uteri, efflueret. Illa autem continuò uſa medicamentis (ut dixi) conglutinantibus, & per intervalla etiam purgantibus, intra mēſes octo, non ſine admiratione omnium eorum, quibus res cognita plenè curata fuit, adeò ut nunc Dei Opt. Max. gratia ne guttula quidem urinx involuntariè effluat, ſed à velica colligatur, retineatur & excernatur, non aliter ac ſi antea nunquam malè affecta fuiſſet, ſicuti idipſum ex ſequenti epiftola ipſius mariti ad me data, & ex Germanico in Latinum ſermonem translato apparet. Id quod etiam nuperrimè ex relatione matronæ, quam ejus mariti dum ipſam ſecunda hujus mēſis inviſerem, ipſemet intellexi. Hunc caſum, quum rarus ſit, ubi non

non ingratum fore existunaveram, obnixè rogans, quod si quid simile occurrerit, mihi communicare non graveris. Fasciculus, quem clariss. D. Doct. Lentulo transmisisti jam traditus est. Hisce vir clariss. vale, & me ut facis, amare perge. Paterniaci Aventic. 12. Maji 1606.

T. Excell. addictissimus

Guilh. Fabricius Hildan.

GUILHELMO FABRICIO HILDANO,
Medico atque Chirurgo apud Paterniacenses præstantissimo.

Minimè dubito vir clarissime, qu' n sum-
mopere scire desideras, quo in statu res
nostræ sint. Quocirca præsentì hocce epistolio
tibi significare placuit, conjugem meam cha-
rissimam, post tui abitum hinc, remediis illis
partim in officina Pharmaceutica à te præscri-
ptis, partim etiam à te sibi transmissis, maximo
cum successu usam fuisse, indeque ejusmodi
levamen persensisse, ut D.O.M. assiduò gratias
maximas reddere debeamus. Rursus enim do-
mestica sua negotia peragit, nullumq; amplius
dolorem persentit, urinam quinetiam optimè
retinere, eamq; pro voluntatis arbitrio reddere
valet: Malum vero illud (uti etiam à te nobis
plus satis significatum fuit) non protinus, sed
paulatim cessavit, ita ut à principio urinam nō
per

per naturalem ductum, sed per sinum pudoris excreverit. Natura quinetiam paucis ante susceptam à te curationem, elapsis septimanis per naturalem urinæ ductum excernere conata, adeo ut sensim paulò minus per ductum præternaturalem, plus verò per naturalem ductum effluerit, sicque urinam magis magisque retinere cœperit, ita ut illam nunc (quemadmodum modò dictum) eodem modo sicuti ante morbum naturaliter retinere, reddereque possit. Cujus sanè rei nomine Deum Omnipotentem maximoperè laudamus, quod medicamentis à te præscriptis & admotis, clementer benedixerit, eundem vicissim rogamus, ut gratiam suam divinam de die in diem tibi concedat, quo sic plurimis aliis ægrotis emolumento maximo esse possis. Alias enim uxori meæ, magno cruciatu & calamitate vitam cum morte commutanda fuisset, nisi D. O. M. beneficio artis tuæ, cuique instar instrumenti vitam illi prorogasset. Quæ omnia si aliquo gratitudinis officio promereri valebimus, nunquam tibi deerimus. Interim te cum conjugē tua, & prole charissima Omnipotenti Deo commendamus. Friburgi Aventicorum die 6. Januarii 1606.

Tibi addictissimus & obsequentissimus

Adamus Küneman.

OBSE-

OBSERVATIO LXX.

Lapides quatuor in vesica, & abscessus sub vena cava.

Senex quidam Coloniensis per aliquot annos dolore continuo circa regionem ossis sacri, præcipuè autem cum excrementa indurata exonerabat, ardore urinæ & mingendi difficultate vexabatur. Tandem anno 1599. cum totus decrepitus ex hac vita ad beatorum sedes migrasset, ego & clariss. D. Petrus Quintenus Doctor Medicinæ vocati, ut causam doloris huiusmodi & cruciatus maximè investigaremus, invenimus in vesica lapides quatuor præduros ac asperos, quorum unusquisque magnitudinem castaneæ adæquabat, circa regionem vel ossis sacri, ea nimirum in parte, ubi vena cava bifurcatur abscessum magnum, in quo materia foetida & sanguis coagulatus continebatur, offendimus: puse enim ramulos nonnullos venæ sacrae eroserat. Os sacrum ea in parte ita erat corrosum atque exesum, ut facillimè digitis minutatim extrahi atque conteri potuerit.

OBSERVATIO LXXI.

Incipiens calculus vesicæ, quibus remediis curatus.

Puer

Puer quinq; circiter annorum ætatis, natura imbecillis, à multis mensib. maximis tormi- nib. cū difficultate urinandi laborās, tandē cal- culum pīsi magnitudine, maximo cum dolore excreverat, inde tamen tormina & dolores in reddendis urinis minimē sedati fuere, quinetiā arenulæ in iisdem conspiciebantur, ex quibus colligere licuit, materiam calculi arenularq; in corpore adhuc delituisse. Quocirca die 7. De- cembr. 1605. in cōsiliū adhibitus, hoc modo cum ipso processit. Primo institui optimā v̄ctus rationem, nimirum ut esset calidus, panis be- nē fermentatus & coctus, non recens neq; ni- *Victus ratio.* mis durus. Jusculis utatur carniū cōstratorū pullorum, gallinarū aut caponum, quibus aliquid rosmatini, salviæ & majoranæ, nonni- hī quæ salis ratione saporis addi poterit. Radi- ces tæniculi, petroselini & quæcunque urinam insigniter movent, cibis minimē addantur. Dum enim urinam movent succum indige- stum simul ad venas mesaraicas ac hepar secum ducunt. Ex quibus obstructions viscerum, & materia calculosa augetur.

Viscidi, glutinosi, crassi & qui difficilis sunt digestionis cibi, veluti extremitates & in- testina animalium, caro item fumo & muria as- seivata, aves quoque in aqua degentes, tum propter supra dictas causas, nū quia stomachū gravant, nullo modo sunt offēda, uti nec sol- la, & quæ pipere zingbere, gariophyllis, rapha-
no,

no, capis & ejusmodi rebus conditi sunt cibi. Legumina quoque oryza, fructus crudi, pisces, caleus, lac & lacte confecta edulia, omnino pe-re vitanda. Vino utatur albo, tenui, minimè generoso, decocto agrimonie & veronice di-luto.

Postea corpus sequenti potiuncula expur-gavi.

Potio pur-
gans.

℞. radic. petroselinii
fœniculi
eryngii marini an. ʒ. ʒ. ʒ.
herbar. agrimonie
veronice
cuscute an. m. ʒ.

fem. anisi ʒ. j.

Coquantur in aqua ad consumptionem tertiæ partis. In colatura ʒ. ij. dissolve syrupi ros. com-positi cum rhabarbaro, agarico & sena ʒ. ʒ. Ele&tuarii diacarthami in tabell. ʒ. ʒ. Misce fiat potiuncula, sumenda quatuor horis ante prandium.

Purgato corpore sequentem præscripsi syru-pum magistralem, de quo singulis diebus dua-bus horis ante prandium ex cochleari sumebat ʒ. j. observata interim optima victus ratione, & per intervalla expurgato corpore, nunc præ-scripta potiuncula, nunc pulveris radic. me-choace scrupulis duobus, sumptis cum jusculeo carniū utebatur, syrupi autem hæc est descri-ptio.

℞. radic. fœniculi

petro-

*Syrupus
Magistralis*

petroselini
graminis
faxifragiæ
eryngii marini an. \bar{z} j.
herb. agrimonie
veronicæ
herniariæ
capill. Veneris
cuscute an. m. j.
flor. trium cordial.
genistæ &
chamomil. an. p. j.
sem. milii solis
bismalvæ
Anisi, &
sem. quatuor frigid. maj. an. \bar{z} ij.
liquiritiæ rasæ &
uvarum passular. exacinat. an. \bar{z} ij.

Fiat decoctio ad consumptionem tertiæ partis.
Colaturæ adde sacchar. miscellan. ℥ j. β . mellis
puri & despum. ℥ β . Fiat secundum artem syru-
pus, aromatizetur pulver. cinamomi electi \bar{z}
ij. Utebatur quoque in hebdomada bis aut ter,
tribus vel quatuor horis ante prandium aquæ
nostræ diureticæ \bar{z} β . pro dosi cum saccharo, &
nonnihil aquæ cinamomi destillatæ sine vino.
Per menses quoque aliquot, sequenti semicu-
pio ex radicibus, herbis & seminibus emollien-
tibus, laxantibus, lenientibus & flatus discus-
sionibus per intervalla utebatur.

V.

R. ra-

℞.

Radic. & folior. altheæ

radic. & folior. malv.

radic. fœniculi

apii

petrosel.

eryngii mariani an. $\frac{z}{3}$ ij.

herb. parietariæ

violar.

veronicæ

flor. chamamil.

meliloti

genistæ

sambuci an. m. j.

sem. fœnogræci

lini an. $\frac{z}{3}$ j.

sem. petrosel.

anisi

fœniculi

genistæ an. $\frac{z}{3}$ ij.

Coquantur in sufficienti quantitate aquæ pro semicupio. Ex simili quoque decocto, quotiescunque alvus non respondebat, addito vitello ovi, parumq; electuar. benedictæ laxativæ, & ol. rutacei, enemata præparavimus & exhibuimus. Imum ventris & perinæum non ei solum balneo egresso, verum etiam singulis diebus semel, aut bis sequenti unguento inunximus.

Unguentū

℞.

ol. scorpion.

amygdalar. amar. an. $\frac{z}{3}$ j.

lilior. albor. &

unguen-

unguenti dialtheæ an. ʒß.

Misce fiat unguentum.

His adhibitis remediis & observata illa, quæ præscripsimus victus ratione, Dei singulari beneficio paulatim convaluit, neque ad hunc annum usque 1608. quo illum invisi, nullum maius huius vestigium sensit.

OBSERVATIO LXXII.

Semen anisi & acini granorum alkakengi, cum urina excreti.

*Viro clarissimo atque doctissimo Domino
D. JOH. RUDOLPHO SALTZMANNO
in Academia Argentinensi Medicina Professori
celeberrimo, amico suo intimo,
Guilhelmus Fabricius Hildan.*

S. P. D.

COrpore quidem utcunq; valeo vir clarissime & amice plurimum honorande, animus verò dolet: idque propter adversa, quæ post reditum meum ex Germania, mihi advennerunt, Lausannam enim rediens, uxorem meam simul & unam ex filiabus meis peste laborantes inveni. Convaluit quidem uxor mea, filia verò, paulò post meum adventum,

V 2

pie

piè obdormivit, uti & nonnulli alii ex domesticis meis. Filius meus major natus, etiam nunc decumbit. Hactenus quidem gravissimè laboravit, nunc tamen ipsum veluti evasisse spero.

Cæterum pro maxima & insigni humanitate tua, qua ante menses aliquot Argentinæ me excepisti, in primis pro Platoniciis simul & Lucullicis cōviviis, quibus me decorare dignatus fuisti, gratias ago immortales. Utinam aliquando non tantum verbis, sed & re ipsa gratum me præbere possim. Interim tuus sum, & si qua in re tibi inservire poterò, promptissimus ero, & quidem quo ad vixero.

De alimentis viscosis in fracturis ossium.

De alimentis viscosis in fracturis ossium, tecum clarissimo viro DN. D. DÖRINGIO per litteras communicasse scio. Quæ nam hac de re sit mens DN. D. Döringi, me non latet: Tuam tamen opinionem libenter quoq; viderem. Ego in eadem sententia, quam observ. 92. Centur. I. protuli, adhuc persisto. De die enim in diem, experientia me edocet supervacaneum esse huiusmodi alimentis ineptis, quæq; quadratis, robustissimis & sanis corporibus, tantummodo conveniunt ægros aggravare; verum de his alias plura.

De diureticis.

Sed quid, quæso sentis, de diureticis? putasne illa cibis tutò permisceri posse? Ego iuscula ex radicibus, herbis, aliisque rebus aperitivis, non quidem rejicio, non tamen in ipso prandio sed per horam unam, aut alteram ante pastum ea exhibeo.

Si

Si enim aliis cibis commisceantur verendum est, ne chylum indigestum secum rapiant, & ad hepar ducant. Quanta enim diureticorum vis sit atq; potentia, ex sequentibus historiis videre licet, quatum primam apud Dn. PETRUM PIGRAY, HENRICI MAGNI, Chirurghi celeberrimum, lib. 10. cap. 20. De acidulis Spadensibus aliisque, similem vim habentibus, scribens, legimus his verbis.

Prima historia.

Quantum, inquit, ad vetus rationem, illa diligenter observanda est. Alimenta, quæ facile concoquuntur eligenda; quæ vero difficile & humorem melancholicum, saccumque crudum procreant vitanda. Vino interdiciendum non est, sed mediocriter diluendum; non tamen aqua acidula, ut plerique facere consuevere, illa enim propter metum, ne cruditates ad renes & vesicam transvehant, cibis minimè permiscenda. Quandoquidem tanta hujus aquæ vis est atq; proprietas, ut quicquid sibi obvium venerit secum rapiat. Id quod mihi una cum classico atq; celeberrimo viro, Dn. D. MARTINO Medico Regio, ac Dn. BASINO Doctore Med. viro probitate & virtute excellenti, observare licuit. Is enim cum acidulas biberet, semine aniso condito, ad flatum discutiendos simul utebatur. Cæterum aqua illa acidula, semen anisi integrum, per venas mesaraicas, hepar emulgentes & renes ad vesicam usque secum ducebat; ita quidem ut ipsum semine anisi una cum urina excerneretur. Res pro-

*Aqua acidula
vinum non est
sed diluendum
ostenditur.*

fectò, quę nobis notatu digna visa fuit: ex quib. constat aquam hanc ex usu esse minimè debere, nisi corpus, à pravis atq; excrementitiis humorib. prius probè atq; diligenter expurgatum fuerit. Huiusmodi enim humores aqua illa, æquè ac semen anisi, ad prædictas partes duceret, &c. Hactenus PEGRAY.

Altera historia hæc est.

Civis quidam Friburgensis Helvetior. DAVID COING nomine, vir prob. ac honestus, retentione urinæ correptus, postquā ingētes dolores atq; cruciatus per dies aliquot passus esset multa q; medicamenta frustra sumplisset & exterius adhibuisset, tandem expurgato prius corpore, cancos nostrates sive gammaros contusos; grana item alkakengi contusa, ex vino albo sumpsit. His urina ita cōmota fuit, ut acini granorum alkakēgi, una cum urina, maxima cum admiratione adstantium excernerentur. Idq; non sine maximo dolore atq; conatu. Interim tamen paulatim pristinae sanitati restitutus fuit.

Ego quidem curationi non interfui, verum quum Anno 1610. decima Martii, Friburgū ad virum probitate & prudentia egregium Dn. NICOLAUM GRIBOLETUM Reip. Friburgensis cōsiliarium meritissimum vocatus essem, ipsemet David Coing, præsentē prædicto viro, Dn. GRIBOLETO, necnon Dn. NICOLAO PACODO Reip. Freib. Doctore Med. ordinario & celeberrimo, multisque alijs, illa quæ jam jam recensui, & quidem in ædibus Dom. Griboleti, narra-

narravit; & rem ita sese habere, bona fide affirmavit.

Porro, vir clarissime, etsi radices aperitivæ, veluti fœniculi, petroselini, asparagi, &c. non eandem vim diureticam, quemadmodum acidulæ habeant, nihil tamen ab acidulis, aliisque diureticis differunt, nisi secundum magis aut minus. Hæc ego perpēdens ea, quæ urinam vehementer ducunt medicamenta, quatuor aut ad minimum tribus horis ante prandium, & prius expurgato corpore exhibeo. Juscula verò ex prædictis radicibus, ut per horam unam ad minimum ante prandium sumant, ægis meis suadeo. Tuam tamen sententiam hac de re intelligere quoq; percupio. Inclusas quas ad Dn. GREGORIUM HORSTIUM & alios scripti, ut curare velis obnixè rogo. Hisce vale vir clarissime, cum lectissima tua conjugē, & in bonum publicum feliciter vive diu. Raptim Lausannæ 28. Novemb. Anno:

IVbII ClaMV s nos Deo.

*Clarissimo & experientissimo viro, Domino
GUILHELMO FAFRICIO HILDANO,
Medico-Chirurgo celeberrimo, Domino &
amico suo singulari, Iohannes Rudol-
phus Saltzmannus, Med. D.*

S. P. D.

V 4 Salvum

SAlvum te quidem, vir clarissime, amice & fautor observande, ad tuos à nobis rediisse, primo tibi tuisque, deinde vero & mihi, pluribusque aliis, tua ope indigentibus, gratulor, quod autem uxorem tuam dilectissimam & filiam suavissimam, minus felices inveneris, & hanc quidem paulò post amiseris, amicus sanè condoleo, & cum potissima tibi pars, uxor scilicet supersit, filio etiam nunc, uti spero & precor convaluerit, non habes, cur nimium contristeris, præsertim cum eam non amiseris, sed ad æternam beatam, cœlestem, omni dolore & squalore vacuum vitam, & eam præmiseris, quam nos omnes aliquando, temporaneis his molestiis, & misera hac vita exuti, videre optamus & desideramus; ne ergo ob leve aliquod & momentaneum, quod tibi creare potuisset gaudium, æternam ipsi felicitatem inideas, sed de his quid multa, cum ante tibi vel me tacente, notissima sint, Deus Optimus Maximus in posterum te tuamque familiam protegere ac defendere & ab ulteriore infortunio, & malo liberare ac custodire dignetur.

Ad tertium ergo literarum membrum accedo, secundum lubens prætereundo, tantam enim, quæ à me tibi præstita sunt officia, gratiam non merentur; hoc saltem addo si vires voluntati non responderunt, boni id æquæ que consulas, & mea tibi officia semper prompta & parata scias. *Duo autem sunt, quæ in tertio epistolæ*

stolæ membro continentur, *genere* quidem eadem, *specie* verò diversa.

Primum est de diætâ fractorum ossium: *De diætâ fractorum ossium.*
utrum scilicet alimenta conducant crassa & viscosa,
an verò tenuia ac subtilia: de hac quæstione cum
 Dn. D. Döringio literis contuli, & adhuc ipsi
 responsum debeo, solverem autem lubens, si
 modo ubi terrarum hæret, scirem: in ea autem
 semper fui, & adhuc sum opinione crassos, vis-
 cosos cibos, quales à quibusdā præscribuntur,
 crassiores scilicet, & viscosiores, quique facile,
 & mesaraicarum & hepatis venarū obstruccio-
 nes causare possunt, ut habet Gal. cap. 10. libri
 de cibis boni & mali succi, & primò de diffe-
 rentiis febrium cap. 3. ipsis nullo modo conve-
 nire, quemadmodum etiam nimium tenues:
 qui sanguinem subtilem admodum generare
 valent, calli generationem saltem non promo-
 vent: media ergo incedendum mihi viâ vide-
 tur, ita tamen, ut subjecti semper seu patientis
 ratio habeatur: facilius enim hic crassiores ci-
 bos concoquit, & minus inde læditur, infeli-
 cius verò tenuiores, ille hos felicius, infelicius
 illos conficit, quod & voluisse videtur Gal. di-
 cto libro de boni & mali succi cibis, Quæ di-
 stinctio si adhibeatur, videtur non usque adeo
 malè ab iis dictum, qui cibos crassos & visco-
 sos non absolutè, sed respectivè, ad subiectum
 præscribunt: hac tamen additâ & observata
 cautelâ, quam idem Gal. dicto lib. cap. 10. pro-
 ponit, primò ut non sit continuus ipsorum u-
 sus,

V s

sus, deinde ut immisceantur, ea quæ hoc incō-
modum obstructionem scilicet vasorū remo-
vere possunt, quod idem reperere videtur, de
sanit. tuenda c. 8. ad calli enim generationē re-
quiritur talis aliqua materia, quæ visciditatē &
crassitiem quandam habet, qualis quidem in
ossium cavernulis tanquam in promptuario
reperitur, de qua tamen natura ita est sollicita
ut etsi de ea aliquid depromat, eam tamen
mox iterum refarcire studet, materia autem ad
id apta denegata, ægrius ex penu suo quic-
quam depromit.

Alterum de diureticis quæritur: *Utrum scili-
cet ea cibis sint permiscenda nec ne?* Negativum
suadere videntur historiæ ambæ in literis reci-
tate & rationes quoque adductæ.

At videtur & in his quoq; distinctio adhi-
benda, tum ratione virium diureticorum, tum
ratione quantitatis, ea enim, quæ mitiora sunt,
tantum abest, ut cibis permixta noxam corpo-
ri inferant, ut potius plurimum prodesse vi-
deantur ad renes, ubi delata ipsorum virtus
fuerit, siquidem forte crassius eo devenerit,
moram ibi trahere non sinit, nec etiam metus
est fortioris attractionis, cum diuretica vel sint
mitia, vel minore quantitate vel rarius exhi-
beantur, sed dices petroselinum, cerefolium,
nasturtium, sem. anisi, fœniculi, carui, gran.
juniperi, & alia non raro cibis miscentur, quæ
continuatione malum aliquod causare posse
viden-

videntur. Respondeo, frequentiore ipsorum usum, nimium scilicet, non probandum, præsertim si simul majore quantitate usurpentur: quod si verò debito modo sumantur, etiam si aliquandiu continuentur, propter preparationem tamen & aliorum admixtionem, virtus ipsorum non parum immutatur: ita ut tanta materiæ ad genes derurbatio metuenda non sit, atque ita tutò exhiberi possint. Adde quod naturæ interdum medicamento ita assueant, ut non modo inde non officiantur, sed potius id in corporis nutrimentum vertant, quemadmodum Insubras papaveris semina innoxie & quidem copiosè devorare dicuntur: de fortioribus diureticis idem non affirmarem, neque ego hæcenus ea cibis permiscere solitus sum, corpore præsertim existente impuro: & hæc ad rationes. Ad historias, quod attinet ea ut particulares universaliter, & necessario non concludūt, adde, quod fortiorum diureticorum vel etiam mitiorum in majore quantitate, & diuturnus usus sine dubio accessit.

Incidit non ita pridem in Damascenum veterem illum Medicum inque ejus inter cætera aphorismum, quo, si à capite vel alia aliqua remotiore parte purgare volueris, pilulas post cibum exhibere jubet. Cum autem pugnat methodus nostra medendi, quæ purgantia præsertim, quæ electivè talia dicuntur, jejunò ventriculo, vel si fortissima sint præsumpto
saltem

saltem aliquo brodio propinare suadet, rationes hic nō addam, cum tibi sint notissimæ: experientia verò hoc Damasceni præceptum cōfirmat: sæpius enim à primariis nostris Medici pilulæ post cœnam, in ejusmodi casibus felicissimo cum successu exhibentur, quos & ego secutus, jam sæpius etiam exhibui, & ut verum fatear, in expurgando cerebro, ab humoribus superfluis, nullum præsentius remedium hactenus observavi: & quod mirum est, multò minore dosi exhibentur, quam quæ mane jejuno ventriculo deglutiuntur: sumuntur autem una vel duobus horis à levi cœna superdormiendo circa 4. 5. vel sextam matutinam operatio subsequitur, lenta & citra ullum grave symptoma nauseam scilicet, vomitum, dejectionem appetitus, & virium tormina, & alia, & reiterantur plerumq; aliquoties sub sequentibus, vel alternis vespertinis; atq; hac ratione, plures ex parva dosi jam fuerunt purgati, qui ante dupla mane exhibita, & jejuno ventriculo commoveri non potuerunt. De hac re quid tibi videatur proximè, si per negotia licet, aperias quæso. Ego interim de superioribus ulterius etiam cogitabo, & prolixius fortè scribam, nunc enim ob impendentia nundinalia & alia negotia superficialiter saltem rem attingi. Si ubi Dom. D. Döringius moratur nosti, fac, quæso, sciam, habebis me vicissim ad omnia paratum. His vale, cum omnibus tuis domesticis diu felicissimè novoque hoc curren-
no

io fruiere placidissimè, à me meaqué costa plurimum & officiosè salutatus. Argentinae 3. Non. Januar. 1614. festinationi quæso ignosce.

OBSERVATIO LXXIII.

Quam incertum & fallax sit iudicium ab urinis desumptum, sequentibus 4. exemplis demonstrabitur.

Exemplum I.

ANno 1595. Mense Octobri Hermannus Monchemicus, civis Coloniensis, vir probus, sexagenarius, & hepatis calidioris dum febris cōtinua Francofurti correptus esset, & Coloniā adductus, 16 die morbi placidè & piè decessit. Ego quotidie cum Clariss. Dn. D. Johanne Breitenbachio Medico celeberrimo ipsum invisens, ejusq; urinam inspiciens, observavi eam ab initio usq; ad finem morbi, sanorum semper persimilem fuisse, neque unquam colorem aut consistentiam mutasse.

Exemplum II.

Urina nigra maximam putredinem humorum

rum, febris perpetuò conjunctam, indicari, omnibus medicis in confesso est. Ego honestissimam matronam Coloniae Underfesser in dem Kotten Dörsen/cognovi, quæ per spacium trium hebdomadum urinas obscuras reddidit quasi atramento fuissent permixtæ, sedimento nigro ac spisso. Nulla tamen aderat febris nec renum dolor, nec quicquã, quod intemperiem, aut affectum præter naturam internarum partium argueret.

Exemplum III.

Anno 1601. 3. Aprilis vocatus ad Dominam in Mex prope Lausannam, ætat. 40. circiter annorũ, quæ subitò dolore capitis correpta fuerat, & in ipso momento defluxio, comitata febre Ephemerâ, & dolore vehementissimo brachia, hypochondria, coxas ac tibias invaserat. Hæc urinam ad tertium usq; diem colore atramento, sedimentũ verò fuligini dissolutæ, persimilem reddidit. A tertio usq; ad 14. diem nigredo paulatim mutata est in albedinẽ, & dolores remiserunt, adeò ut brevi convaluerit, & ad hunc usque annum 1609. integra fruatur valetudine.

Exemplum IV.

[Nobili cuidam Danieli de Chalon nomine, enterocèle laborãti, cum intestinum in scrotũ decidisset & gravissima symptomata excitasset, urina q 10 q; ad sextum diem morbi usq; simul retenta fuit, quicquid tamen excreverat, sub-
rubi-

rubicundum erat. A sexto autem morbi die ad undecimum usque, qui eum è medio sustulit, urinam tam colore, tum consistencia sanorum planè similem reddiderat,

OBSERVATIO LXXIV.

Infans immoderato fluxu urinæ primò, postea vehementissimo dolore colico, cum fluore alvi, tandemque urinæ retentione corripitur, & decimo septimo die ætatis è vita discedit.

Ad Nobilem virum DN PAULUM LENTULUM Illustrissimæ Reipub. Bernensis civem & Poliatrum celeberrimum, cui
Gvilhelmus Fabricius Hildanus
S. P. D.

POSTquam à te discessi, Vir amplissime fautor & amice plurimum honorande, Deus Optim. Max. nos & gaudio, & mœrore eodem ferè tempore simul affecit: gaudio, quia vigesima sexta Junii, nobis filiū largitus est: mœrore verò, quod brevi post natiuitatē morbo gravissimo, & morte correptus fuit. In ipsius morbo

rara

rara nonnulla occurrerunt: quæ T. Excel. (quæ
 hujus studii genere oblectatur) communicare
 placuit. Mox igitur postquam in lucem editus
 esset, uxor mea & quæ circa eam erant matro-
 næ, in ipso infantulo appetentiam multo ve-
 hementiorem, quam pro ætate conveniebat
 animadvertierunt: ita ut lac matris quantum-
 vis satis abundaret, non tamen sufficeret. Ap-
 petentiam hanc immoderatam causam fuisse,
 quod novem mense in utero materno nō ab-
 solverit existimo. Tercio die ætatis, correptus
 fuit immoderato fluore urinae: ita quidem ut
 singulis diebus linteamina & involucria, qua-
 ter aut quinque mutare necesse esset. Et quæ-
 vis continuo fere ejularet & exclamationes vio-
 lentas, nec pueris consuetas (quæ dolorem a-
 liquem internorum viscerum subesse argue-
 bant) effunderet, aviditate tamen magna in-
 terim lactebat, nutriebatur quin etiam & cre-
 scebat. Decimo vero quarto die ætatis vehe-
 mentissimo dolore colico, cum vomitu fie-
 quenti, & (quod multò rarius) alicui fluore
 correptus est. Excrementa prima die semivi-
 ridia, postea tamen crocea, biliola & spumosa
 conspecta sunt. Decimo quinto die ætatis, uri-
 na planè retenta fuit, ita ut ne guttulam qui-
 dem emitteret. Atque in ea miseria, & maximis
 doloribus continuisque clamoribus 17. die æ-
 tatis è vita discessit. Ego doloris leniendi gra-
 tia, statim ab initio oleum amygdalarum dul-
 cium recens extractum, cum decocto seminis
 anisi,

Anisi, & saccharo per intervalla exhibui, eodemque oleo totum ventrem inunxi. Sacculum item ex floribus meliloti, Chamomillæ, seminum anisi, fœniculi & fœnogræci, aqua coctum calidè applicui. Nonnullos etiam clysteres anodynos, & flatus discutientes injeci. Omnia tamen frustra, flatus enim adeo tenaciter inhærebant intestinis, ut per totum tempus morbi, ne semel quidem efflatum crepitumque ventris emitteret.

Post mortem cum cadaver aperire curas. *Quæ post mortem observatione digna reperi-
ta.* sem, inspecta sunt, primò intestina omnia (cæcum excipio) flatibus extensa, non secus ac laniones intestina quadrupedum, cum illa cōservare student, inflare solent. Nulla tamen aderat obstructio aut retentio excrementorum in intestinis.

Intestinis undique humor partim pituitosus, & viscidus, partim biliosus adhærebat. 2.

In gibbo hepatis, ubi vena cava exoritur, insignis inflammatio, cum nigredine inventa est, nunquid hæc causa retentionis urinæ esse potuit? Renes enim ureteres, & vesica, (quæ omnino vacua) secundum naturam se se habebant. 3.

In inferiori parte splenis inflammatio quoque erat non exigua. 4.

Stomacho undique humor atrabilaris adhærebat, nonne ille appetentiæ præternaturalis causa fuit? 5.

Annon mirum est, & rarum quid, vir do-

X Etissi-

et illine, tot tantaque graviora symptomata in
 infantulo, ex matre alioquin optime tempera-
 ta, quæ & per totum gestationis tempus nun-
 quam ægra corpore fuit, simul concurrere?
 Quomodo autem flatus sive seorsim, sive cum
 excrementis, quantumvis & attractione per
 clysteres facta non emisit. Præcipue cum
 nulla esset excrementorum retentio, nondum
 satis intelligo: nisi id ad imbecillitatem facul-
 tatis retentricis referre velimus. Sed facultas,
 quæ excrementa expulit, nonne multò faci-
 lius flatus simul expellere potuit? Tu, vir do-
 ctissime, solve nodos, tuamque sententiam
 nobis communica. Vale cum lectissima tua
 conjuge, quam tecum ego & uxor mea per-
 amanter salutamus. Ultima Julii 1603.

OBSERVATIO LXXV.

De miranda constipatione alvi in
 Infante, & variarum rerum per
 alvum excretionem.

ANno 1590. Hildenæ in patria praxin ex-
 ercens, ad rusticum puellum, decem circiter
 mensium ætatis graviter laborantem, voca-
 tus fui. Ad quem cum pervenissem, ventrem
 præ-

prædurum ac inæqualem, veluti si hinc inde lapides inclusi fuissent, reperi. Tormina & dolores maximi, inquietudinesque continuæ aderant: sugere quoque parum appetebat, Ego cum ex matre cognovissem infantem à quindecim diebus, ventrem non exonerasse, sequens enema infudi.

℞. Radicum altheæ cum toto ℥j.
 foliorum malvarum
 Violarum
 florum chamomil.
 Meliloti,
 Lumbricor. terrestrium lotor. &
 incisor. an. M. ℞.
 Semin. lini
 fœnograci an. ℥ ℞.

Coquantur in aqua ad consumptionem tertiæ partis. In ℥iij. colaturæ dissolve vitellum ovi, ol. liliorum & pinguedinis gallinæ an. ℥ ℞. Misce.

Rejecit mox enema hoc, sine excrementis. Quapropter eadem die, circa vespertam, aliud infudi, ventri quoque sacculum emollientem & anodynum, ex supradictis radicibus, herbis & seminibus, continuò calidè applicui, & sequenti linimento inunxi:

℞. Ol. liliorum alborum,
 Pinguedin. gallinæ,
 Axungia humanæ an. ℥ ℞.
 Ungu. dialtheæ ℥j.
 Misce fiat linimentum.

Linimentum.

X 2

Cum

Cum secundo isto enemate, non nihil excrementorum, supra modum induratorum, excrevit. De tribus quoque in tres horas parum olei amygdalarum dulcium recens extracti, exhibui. Altera die iterum enema præscriptum infudi, sacculum continuo applicui, ventremque inunxi: hinc dolores & inquietudines multum imminutæ faere. Post dies aliquot cum usum horum medicamentorum continuassem, singulisque diebus enema unum aut alterum exhibuissem, diversas res, veluti plumas, lapillos, filum & stramen, per alvum, quotiescunque ipsi enema exhibebatur, excrevit, idque per dies multos. Tandem cum præstinæ sanitati restitutus esse adstantibus videretur, nec amplius me accerserent, mater quinetiam circa regimen vitæ, & applicationem medicamentorum præscriptorum non satis diligens fuisset, è vita discessit.

Annotatio.

Etiam si aliquid præternaturale in hoc affectu subesse videatur, meo tamen iudicio, hæc quæ excrenebantur, per os ingesta fuisse, verisimile est.

Quandoquidem mater rudis, & de infante patrum sollicita, cum circa domestica, & rusticana sua negotia occupata esset, multo-

ries

ties interim dum illa perageret, infantem, jam inter pulvinaria, jam ad finem & in horreo inter stramina assederat, & solam reliquerat, & quia infantes ea, quæ apprehendant, protinus ore excipiunt, gingivæ quæ conterunt, atque deglutiunt, facile huiusmodi ingerere potuisse, rationi congruum videtur.

OBSERVATIO LXXVI.

*Prolapsum intestinum rectum
quomodo reductum.*

ANno 1605. Mense Novembri, quinquagenarius quidam ex pago prope Paterniacum, cum multo onoratus, ex oppido domum rediens, in via alvum exonerare veller, ac sese inclinaret, prolapsum ipsi est intestinum. Et quia tunc ær frigidiusculus erat, exortus est dolor maximus, ita ut ulterius ad suos progredi, neque ad oppidum redire posset. Verum fortè fortuna à prætereunte quodam semianimis repertus, Paterniacum mihi adductus fuit. Tum intestinum rectum prolapsum & ad magnitudinem ovi struthii tumefactum reperi, Dolor ingens aderat, & excrementa continuò eaquæ liquida & viscida, effluebant. In curatione sic processi. Primò protinus sequens applicui fomentum.

X 3

R. FO-

℞. Foliorum & florum verbasci albi,
 florum meliloti,
 Chamomillæ
 Radicum & foliorum
 altheæ an. M. j.
 Seminis lini
 scœnogræci an. ʒß.
 Anisi ʒj.

Coquantur in lacte vaccino, recens emul-
 cto. In decocto isto linteamina reduplicata
 intinxi, & per horam integram calidè applicui.
 Deinde toti intestino sequentem inspersi pul-
 verem

℞. Rosarum rubearum,
 Corticum granatorum,
 Nucum cupressi,
 Masticis,
 Thuris,
 Croci martis
 Plumbi iustian ʒj.
 Misce fiat pulvis.

Tandem caput ægri in terram inclinavi, pe-
 des verò ut in altum, à duobus viris fortibus
 elevarentur, operam dedi, mox indice meo
 dextro, linteo molli & suavi involuto, & de-
 cocto præscripto intincto, nec non in centro
 eius quod prolapsum fuerat posito, intestinum
 in locum suum feliciter reduxi. Altera die
 os sacrum & coccigis sequenti linimento in-
 unxi.

℞. ol. lumbricorum

rosæ

rosarum an. $\frac{5}{2}$ j.ol. ex floribus $\frac{5}{2}$ β.

Misce. Sequenti die syrupo rosato soluti-
vo composito, cum thabaib. agarico, & seu-
na corpus leviter leniterq; expurgavi, venam-
que in brachio incidi.

Sic in pristinam sanitatem restitutus fuit,
nec postea amplius prolapsum est intestinum.
Plura de hoc affectu lector videre poterit in
tractatu nostro de dysenteria.

OBSERVATIO LXXVII.

De miranda agglutinatione os-
sium in ipso cubito.

Viro Reverendo ac Clarissimo Domino
D. ANT. FAYO S. S. Theologiae apud Ge-
nevenses professori celeberrimo, Guil-
helmus Fabricius Hildanus

S. P. D.

POstremas tuas, vir Reverende, & æternum
mihi colende, à DN. ABELO VITELLIO
Soluduri accepi. Affectus ejus gravis est, in
ipsa enim cubiti flexura circa musculos, &
nervos, materia quædam in scirrhum concre-
ta, extensionem, flexionemq; cubiti impedit,

X 4

præ-

præscripti medicamenta varia, fomētationes, inunctiones & emplastra emollientia, resolvētia & corroborantia; quæ si ritè & cum diligentia adhibita fuerint, non dubito, quin maximum emolumentum inde capessurus sit. Domi meæ si fuissē libenter, uti petiisti, ipsum apud me retinuissem, omniaque ipsemet diligēter adhibuissem; id verò quia fieri non potuit in patria, quid ipsemet per famulum, efficere possit, tentabit.

Cæterum quia T. R. circa res medicas raras & speculatione dignas, curiosam esse sciam, mirabilem quādam structuram & dispositionem ossium circa cubitam nūc adscribere visum est. Habeo in Musæo meo ossa sinistri brachii, hominis consistentis ætatis, quæ mihi ab amico data fuēre, quæque Dn. PAULUS OFFREDUS, & Dn. ANDREAS TOXOTIUS (qui has tibi traditurus est) Medicinæ Doctores hisce dieb. non sine admiratione apud me viderunt. In eis autem ossibus cubitus non flectitur; sed mediante callo omnino & undique, veluti si continuum esset os, agglutinatus atque conjunctus est. Quæ verò hujus affectus fuerit causa, me latet, in cimiterio enim reperta fuēre. Arbitror tamē fracturam & ulcera circa cubitum adfuisse; idque inde conjicio, quod etiam nunc callus extuberans in ipso humeri seu brachii ossi appareat, fracturam hācce sequutam fuisse inflammationem & affluxum humorum maximum, nec non circa cubitum abscessum verisimi-

risimile mihi videtur. Hinc ab humore acri, qui propter doloris vehementiam, ad articulos fauciatos cum impetu fluere solet (quemque Chirurghi Germani, Langii verbis utor, ineptissimo vocabulo *Glidwasser* / hoc est aquam articulorum vocant) ligamentis erosis ac putrefactis, humor ille lentus, qui articulis inest effluxit. Postea quoque à prædicto humore isto acri crustulæ illæ cartilagineæ, quæ appendices ossium tegunt, similiter erosæ fuerunt, ita quidem ut partes spongiosæ apophysium, tam ossis humeri quam etiam radii minoris, & facilis majoris sese adinvicem attingerent: inde ex nutrimento ad utrumque os delato, callum productum fuisse censeo. Ab ipso porro callo articulus, uti dixi, veluti vinculo ferreo colligatus fuit.

Ex his, vir clarissime, miradam naturæ providentiam conspiciamus. Erosis enim ligamentis & deperdito humore viscido crustulis item cartilagineis consumptis, articulus absque dolore moveri nunquam potuisset, præstabat itaque ægrum non movere articulum istum, quam movendo cōtinuò doloribus affici. Reverendus Dn. JOH. MERULA T. R. quam officiosè salutat, præteritis diebus morbo & quidem acuto, correptus fuit: nunc tamen paulatim, Laus sit Deo, vires suas recolligit. Vale vir clarissime cum tuis omnibus, quos tecum ego & uxor mea salutamus peramanter. Paterniaci

Ayenticorum 23. Novemb. 1609.

X 5

OBSER-

OBSERVATIO LXXVIII.

Ex intempestivo usu repellētium
ad emunctoria applicatorum,
mortis periculum sequutum.

Lib. 6 a-
phor. 25.

PRæclara est sententia, quã Hippocrates scri-
ptam reliquit, inquiens, Erysipelas ab exte-
rioribus ad interiora verti, non est bonum. Id-
que non solũ in Erysipelate & inflamationi-
bus, verum etiam in reliquis omnibus abscessi-
bus, præcipuè si in ipsis emunctoriis, aut circa
eadem fuerint, ut plurimum observare licet,
uti quoque Avicenna, Mesues, Guido, Vigo &
alii monent. Emunctoria enim cum partes sint
raræ, molles, laxæ, spongiosæ ac debiles, mate-
ria ab illis faciliè ad partes nobiles, quæ eis sunt
proximæ, repellitur. Exemplum Coloniae in
quadam matrona honesta observare licuit. Il-
la quum à marito suo, ad humerum baculo
percutta, indeque pars affecta in tumorem ele-
vata fuisset, Cataplasma ex bolo armeno, fari-
na hordei, aceto & albumine ovi confectum,
sibi applicuit. Post dies tamen aliquot, cum
morbum ingravescere sensisset, me accersivit.
Tum ipsam febre, dolore lateris, tussicula quin
etiam & respirandi difficultate laborantem in-
veni. Ex quibus materiam propter intempe-
stivum

stivum repellentium & refrigerantium usum, ad pectus, pleuram & musculos respirationi inservientes defluxisse, facile colligere potui. Curationem porrò sic aggressus fui. Instituta optima victus ratione, injectoq; enemate cōmuni, venam eadem die & quidem in ipso brachio malè affecto incidi, & sanguinem ad uncias circiter octo extraxi, plethorica enim erat, viresque constabant. Totum item pectus, scapulam, humerum & brachium sequenti linimento inunxi.

℞. ol. lilior.

violar.

amygdal. dulc.

pingued. gallinæ an. ʒj.

pingued. humanæ, (valde enim dolores lenit.) ʒʒ.

unguenti dialtheæ ʒj.

croci ʒj.

Misc. fiat linimentum.

Liniment.

Sequenti quoque electuario continuò utebatur.

℞. specier. tragacanth. f. g. ʒij.

specier. diareos ʒj.

pulver flor. scabiosæ & tussilaginis an. ʒij.

Electuariū.

Cum s. q. syrupi de liquiritia & violar. fiat electuariū. Circa vesperam enema reiteravimus.

Altera verò die, ut materia ex pectore ad emunctoria & cutem propelleretur, sequens sudorificum propinavi.

℞. the

Sudorificū

℞. theriac. opt. ℥ ij.
lapidis bezoard. gr. 6.

Cum aqua scabiosæ & cardui benedicti F. portio, exhibeatur in crepusculo matutino.

Sudor ista die copiosè promanavit. Hinc dolor lateris, tussis, febris, omniaque symptomata protinus imminuta fuere. Et quum per dies aliquot electuario, ac unguento præscripto usa fuisset, Dei beneficio convaluit. Contusionem præterea brachii & humeri sequenti cataplasmate restituiimus.

Cataplasma.

℞. farinæ fabar. &
lentium an. ℥ ij.
pulv. flor. chamomil.

meliloti

sambuci

absynth.

rosar. &

baccar. myrtillor. an. ℥ j.

sem. scænegræci, &

anisi an. ℥ ij.

sapæ ℥ ij.

Cum vino rubro fiat cataplasma, quod calidè applicetur, bis in die. Ante cataplasmatidis verò applicationem, totum brachium, humerum & scapulam oleo nostro ex floribus calidis inunximus.

OBSERV-

OBSERVATIO LXXIV.

Scirrhi gravissimi ad carpum curatio.

Matrona quædam nobilis Bernæ, cum nimis violenter sibi cōtuderet manum dextram, circa carpum exortus est dolor, cum totius manus inflatione, varia adhibuit remedia, tandem remansit scirrhos, qui etiam à viris doctis incurabilis judicatus est: videbatur enim aliquid malignitatis in se continere. Post annos aliquot ad me venit Paterniacum, tum ad carpum dextrum ex interna parte brachii, scirrhū prædurum & magnitudinem ovi gallinacei æquantem inveni, digitos inflectere non potuit, quandoquidem scirrhos iste musculo, qui digitos flectit, & eo quidem in loco ubi in quatuor carneas distribuitur partes, tenaciter inhærebat. Adhibitis universalibus, quemadmodum in præcedenti observatione diximus, cauterium potentiale applicui, ablata eschara per dies aliquot materia tenuis extillavit, postea profundius escharoticis erosa carne, materia crassa, viscosa & aliquo modo flavescens sese offerebat, quam vi quadam exprimere cogebar, spongulis tamen prius dilatato ulcere. Materia autem illa postquam per aliquot horas aëri exposita esset, lapidis instar concrevit atque indu-

induruit. Multum huiusmodi materiae, & quidem diversis vicibus extrahi: inveniebatur enim ductus ab ipso ulcere, quod erat ex superiore parte carpi cubitum versus, usq; in ipsam palmam manus, subter ligamento transverso, & inter extuberantias illas quinti & octavi ossis carpi palmam intrans. Medicamentis ipsis mundificato ulcere, cicatricem feliciter induxi.

Reverendus Dominus Nicolaus Viretus verbi divini Minister, cum in juventute non satis rectè ex parotide curatus esset, durities ex dextra parte remansit, & paulatim in scirrhum induruit, qui postea Anno 1606. propter affluxum aliorum humorum, & causam aliquam procatacticam, ad suppurationem pervenit. Ego in consilium adhibitus abscessum aperui & materiam intus, lapidis ferè instat, induratum & membranz inclusam, atque tenacissimè adhærentem reperi.

OBSERVATIO LXXX.

Ulceris pudendorum, cum erosionem testiculorum curatio.

Juvenis quidam robustus, & viginti annorum circiter ætatis, natione Sabaudus (cujus nomini parco) ulcus, ex lue venerea, in parte

parte decliviori scroti contraxerat, cum capitis & articularum doloribus nocturnis, aliisque signis certissimis luis veneræ. Venit ad me Lausannam Anno 1601. tum dimidiam partem scroti, simul & testiculorum exesam reperi. In palato quoque ulcus, cum ossis carie erat. Instituta optima victus ratione corpus sequentibus pilulis purgavi.

℞. mass. pilularum aurearum,
Aggregativar. &
de fumo terræ an. ℥j.
Trocisc. alhandal. &
Diagridii an. gran. quatuor.

Cum syrupo de betonica fiant pilulæ quinque, involvantur pulvere cinamomi, denturque in crepusculo matutino, cum custodia. Postridie basilicam sinistram incidi, & sanguinem ad uncias septem extraxi, sinistram autem propterea eligere visum est, propterea quod caput ipsi maximè in illa parte doleat, & ulcus in palato præcipuè ad sinistram mandibulam vergeret.

Deinde sequens apozema exhibui.

℞. radicem cichorii toto,
radic. polypodii
lapat. acuti
corticum interior. radic.
fran. an. ℥j.
scabiosæ
veronicæ
Betonicæ an. m. j.

Passu-

Passular. enucleatarum

Liquiritiæ rasæ an. ℥j.

fem. anisi &

fœniculian. ℥β.

trium florum cordialium an. p. i.

Coquantur in s. q. aquæ purissimæ, ut colatura redeat ad ℔ ij. quibus infundantur, macerentur & coquantur s. a.

foliorum senæ à stipitibus repurgat. ℥ij.

agaric. recent. troiscat.

hermodactylorum

rhabarb. optim. an. ℥. β.

cinamomi ℥ij

Zingib. ℥j.

Maneant in maceratione horas octo, inq; loco calido orificio vasis bene clauso. Deinde iterum leviter calefacta omnia, fortiter exprimantur addanturq;

syropi de epithymo

rosarum solutivian. ℥ij.

Misce fiat apozema pro quinque dosibus, in aurora sumendum. Porro, quia à primo & altero haustu mediocriter purgatus fuit, per diem unam aut alteram quievit: Denique reliquam partem sui apozematis sumpsit, postremæ dosi, ut violentius ipsum evacuaret, drachmas duas conf. Hamech admiscui. Interim dum corpus ita præpararem atq; expurgarem, nihil eorum quæ circa ulcus necessaria videbantur, omisi. Deinde juncturas, cubitos scilicet carpos, genua, pedesq; unguento ex mercurio usq; dum dolor

dolor & inflammatio gingivarum, & expuitio pituitæ sublequeretur. Hinc dolor capitis & juncturarum remisit, ita ut à Lue venerea simul & ab ulcere scroti & testium feliciter curatus fuerit, & ad hunc usque annum 1608. quo hæc scripsi, sanus & incolumis vivat, prolesque ab eo tempore procreaverit, ex ulcere palati tenuis excidit squama ossis, quod idem postea curatum fuit.

OBSERVATIO LXXXI.

Ecchymosis insignis partium genitalium cum maxima intumefactione scroti & testiculorum feliciter sanata.

Paterniacensis quidam ex primariis, quadragenarius, vir pius, robustus & sanguine adusto crassoque præditus, cum in celerissimo cursu equestri, una cum equo in terram corruisset, genitalia & inguina sibi supra modum contudit. Denuò tamen conscenso equo iter suum absolvit. Altera die retentio & dolor exortus est, interim nescio quonam medicamento usus fuerat. Ego quarta die accersitus, scrotum & virgam aliquo modo tumefactam, sed carbonis instar nigram reperi, nulla tamen aderat durities, nec dolor admodum
Y gravis.

gravis. Primò itaque instituta victus ratione, totum inguen rosaceo inunxi, & sequens cataplasma calidè applicui.

℞. farinæ hordei &
fabarum an. ʒ ij.
pulver. rosar. ʒ j.

Coquantur vino rubro, parumq; aceti ad formam cataplasmatidis: tum admisce ol. rosacei parum, vitellumq; ovi cum albumine. Sequenti die sequens pharmacum propinavi.

℞. pulveris nostri laxativi ʒ ij.

tyrupi rosar. solut. compositi cum rhabarbaro, agarico, & senna ʒ j. Cum s. q. decocti agrimoniz, veronicæ, cuscutzæ & sem. anisi, fiat porio, quæ clementer ea die purgatus fuit. Postridie à purgatione venam, in brachio sinistro incidi, sanguiniquæ uncias septem circiter extraxi. Præscriptum cataplasma per dies quatuor aut quinque quotidie bis applicui, partemq; oleo rosaceo inunxi. Deinde sequentem facculum ipsi præparavi,

℞. radicum althææ ʒ j.
absynthii vulgaris
rosarum
origani

Agrimoniæ, valet enim à tota proprietate inflammatione testiculorum, ut M. Joh. Tiengius Amstelrodamensis expertus est.

florum chamomillæ
meliloti, &
sambucian. m. j.

femin.

sem. anisi

cumini &

fœnigræci an. ʒ. j.

Incidantur & contundantur, indanturque sacculo, quem intertextum & vino rubro cum aqua incoctam, calidè ter quaterve interdiu applicare iussi. Post fotum partem affectam, sequenti linimento inunxi,

℞. ol. chamomil.

Anethini, &

Lumbricorum an. ʒ. j.

fatis subtilissimè pulverisati ʒ. ij.

Misce fiat linimentum. His divino favore curationem intra paucos dies feliciter absolvi.

OBSERVATIO LXXXII.

Quidam cum ipsi excidendus esset tumor scirrhusus, ex interna parte femoris, in ipsa operatione animam Deo reddidit.

Quàm utilis, ne dicā necessaria, Cheirurgo sit cognitio Anatomix, etiā si ex præcedēti operatione satis superq; appareat, aliud exemplum non minus memorabile, quam funestum in gratiā juniorum Cheirurgorū annectere visum est. Germano cuidā magni nominis viro, ex frequentiequitatione, aliisque causis tuberculum ex interna parte femoris ortum fuerat.

Y 2

Quod

Quod ab initio & quidem per multos annos
 ipsi non usq; adeò molestum fuerat. Tandem
 verò, provectus aliquomodo ætate, cum dole-
 re accrescere que cœpisset tumor iste, extirpa-
 tionem tentare voluit æger. Empiricum itaque
 audacissimum, in operationibus tamen Chei-
 rurgicis exercitatissimum, rerum verò anato-
 micarum planè ignatum advocari iussit. Is cum
 illustrem Dom. ægrum ad scamnum ligasset,
 nulla que insignis istius rami venæ cavæ, qui ex
 interna parte femoris, poplitem versus descē-
 dit, habita ratione, novaculam nimis profectò
 audacter, nimisque profundè infixit, ramum-
 que prædictum venæ cavæ abscidit. Cum verò
 nullum in promptu haberet cauterium actua-
 le, ac sanguis copiosè & cum impetu efflueret,
 protinus æger piè placidèque mortem cum vi-
 ta, maximo cum luctu subditorum suorum,
 commutavit.

OBSERVATIO LXXXIII.

De cucurbita monstrosa.

*Clarissimo ac celeberrimo viro Dn. CASPA-
 RO BAUHINO Illustrissimi Ducis VVirte-
 bergici & Comitæ Mompelgardi, &c. D. Me-
 dico nec non Anatomico, & Botanico in cele-
 berrima Academia Basiliensi, celeberrimo,
 Guilb. Fabricius Hildan. S. P. D.*

Quod

QUod natura aliquando monstra & prodigiosa, vir clarissime, procreet, id in homine, propter imaginationem vehementem mulieris dum utero gerit, minus rarum est; in plantis verò rarissimum. Hinc T. Exc. ut quæ cum Anatomicis, cum Botanicis totam sese consecravit studiis, præsentem delineationem cucurbitæ monstruosæ non ingrata fore arbitratum sum. Monstruosæ inquam. Extenuissima enim radice, quæ crassitiem pollicis vix superabat, talis excrevit planta, ut cunctos in sui admirationem rapuerit. Caulis à radice altitudine octo pedum rotundus erat, postea sese paulatim in tantam latitudinem extendebat, ut superior pars, quæ in sex diversos sarculos divisa fuerat, latitudinem duorum pedum cum dimidio excederet. Crassitudo caulis erat duorum digitorum, in latitudine positorum, longitudo verò viginti novem pedum. Cavus item erat; & ab inferiore parte ubi incipiebat, in latitudinem excrecere, usque ad superiorem exiguis, & elegantissimis plicis exornabatur. Undique folia ex caule prominebant, eaque non confuso, sed optimo quodam ordine; ut plurimum enim in uno ordine sex, nonnunquam quoque octo, vel decem numerabantur folia. Dicti ordines, spithamæ circiter longitudine inter se distabant, ita tamen ut in medio, inter utrumque ordinem folia duo, aut tria propenderent. Flores hinc inde multi, lutei, exsurgabant, fructus tamen nullus provenit, ego plan-

Y 3 tam

nam hanc exsiccatam habeo, in qua hæc omnia
etiam nunc bellè observare licet.

Crevit autem anno superiore 1608. Pater-
niaci in Dn. JOHANNIS BONDY ibidem Tribu-
ni plenius prudentissimi horto, qui ad Brojam
fluvium, locum satis humidum situs est. Id ta-
men admiratione non vacat, nec T.E. specula-
tionibus indigna quæstio est. Nimirum quo-
modo ex simili semine, & ex una eademq; cu-
cubita exempto monstrosa hæc, & aliæ quæ
naturæ ordinem observabant, eodem anno &
in eodem horto simul provenerint? Delinea-
tionem ad vivum (quantum quidem fieri po-
tuit) factam, tibi in Botanicis exercitatissimo
transmitto; quam ut hilari fronte excipere nō
dedigneris etiam atque etiam rogo. Vale vir
amplissime & me, ut facis amare non desine.
Soloduri ex ædibus nobilissimi viri Dn. JACO-
BI WALLIER, ubi etiam nunc circa filium e-
jus ictu bombardæ gravissimè læsum occupa-
tus sum, die 28. Octobris Anno
1609.

Delinea-



Y 4

De cu-

De cucurbita monstrosa

D. CASPARI BAUHINI *Doct. Medici*
ad Guilhelmmum Fabricium Hilda-
num responsio.

S Debebam equidem, præstantissime D. Fabrici, dudum tuis respondisse, sed negotiis, occupationibus & peregrinationibus adscribas, rogo.

Respondebo ad Cucurbitæ monstrosæ Historiam paucis. Legitur apud Plinium libro decimo nono, capite octavo, & quidem ex Theophrasto de Lactucæ generibus, ubi monet unum dici laticaulem, adeò ut ostiola olitoria ex his factitari prodiderint. Et sanè mirum non videtur, quod de Lactuca laticauli scribitur, aliquando ejus caules ob amplam latitudinem hortorum valvis utilem esse: vidimus enim ejusmodi plures plantas, maxime Echium vulgò dictum, quod caule fuit latitudinis digitorum quatuor, paucis ex eo foliis prodeuntibus, ad bicubitalem altitudinem, quod hîc Basiliæ collegimus: dein Lingonis ad me missum fuit: tum Bernæ mihi à Dom. D. Lentulo tanquam planta indicta ostensum fuit.

Vidimus & Betam laticaulem in historia
Lugdu-

Lugdunensi depictam : sic & Hieracium Sabaudum Lobeli, Rutam caninam, Tithymallum Cyparissæam, & nonnullas alias. Verum quodcumque caulis in spaciosam latitudinem crescit, tunc pauca folia obinet, utpote nutrimento in caulem absumpto, quod huic quoque cucurbitæ contigit, & pluribus aliis contingere potest : sic ergo mirum non est, fructum nullum successisse. Nunc ad Historiam Anatomicam.

Quod de emulgente duplici scribis, novum non est, cum etiam triplex aliquando reperitur, ut Bartholomæus Eustachius in opusculo suo de renum structura aliquot figuris varietatem vasorum emulgentium expressit.

*Responsio
ad venam
emulgentem
duplicem.*

Habet etiam Botallus in libello de Catarrho, miram figuram, renum quatuor in unam molem concretorum, cum variis emulgentium propaginibus. Et sanè si qua in parte corporis humani ludit natura, id fit circa venas renum, vasa spermatica, venas brachii, & venæ azygos implantationem.

Ostendit mihi D. M. Ustius effigiem plantæ Granadillæ ; de fructu prius legeram apud Monardem, & in Historia Lugdunensi, sed utrum figuræ non accesserit aliquid fictitii, valdè dubito, præsertim quod is qui plantam describit, clavorum non meminert, qui fortè figuræ affictæ : miror unde sumpserit coronam Christi ex tot spinis se-

*Sententia
Casp. Bauhini de Plā-
ta Grana-
dilla.*

Y 5 ptuagin-

ptuaginta duabus, quod recenset, constituisse. Audio hanc figuram cum addita descriptione publicè vendi Parisiis, ita referente mihi D. Solinandro, qui nuper Lutetiâ venit: venditur etiam in Italia sermone Italico: expectabimus, donec aliquis ipsam plantam adferat. Optarè intelligere, tibi ne notus sit ille D. Claudius Chapius: si tibi sit notus, rogo, ut ex eo cognoscas quis sit ille Witeles, qui nuper Peruvianam historiam scripserit, cujus ipse meminit, quâ linguâ sit editus, & ubi impressus: item quis sit ille Monsier Duré, cujus librû scribit Lutetiæ impressum, ubi impressus, quâ linguâ, & an figuras habeat. Tandè scripsit ante paucos dies ad me D. D. Philibertus Sarracenus se tibi communicasse observationes suas circa lapidem Bezoar in Dysenteria, ut abs te exemplar ejus Epistolæ peterem: rogo ergo vir præstantissime, ut ad me mittere digneris, scis enim me de lapillo Bezoar, diversorum clarissimorum viro- rum opiniones inquirere. His valè vir præstantissime & amicissime. Ocyus,

Basileæ 17. Martii

1610.

CLA

CLARISSIMO AC CELEBERRIMO VI-
RO DOM. CASPARO BAUHINO
*Illustrissimi Ducis VVirtembergici, & Comi-
tis Mompelgardi &c. D. Medico, nec non A-
natomico & Botanico in celeberrima Aca-
demia Basiliensi ordinario, & longè ce-
leberrimo Guilhelmus Fabricius
Hildanus S.P.D.*

Quæ ad cucurbitā monstruosam respondisti
Vir amplissime, accepi, & pergrata mihi
fuere. Echium, de quo scribis, non ita pridem
Bernæ à Dn. D. PAULO LENTULO mihi
ostensum fuit; Betam laticaulē habeo quam
Dn. Mag. Ulfius mihi communicavit, Supe-
riori anno hic in saliceto sarculus salicis, latus,
& monstruosus profectò repertus fuit, illum e-
go inter rara mea reservo. Habeo & plantam
fumarie exsiccatam, quæ mihi in horto crevit,
quamque Reverendus vir DOM. AMANDUS
POLANUS, non sine admiratione apud me vi-
dit, quæ octo pedes longa est. Sed cucurbita
mea omnium rarissima est planta, & naturam
in plantis, æquè ac in hominibus monstra pro-
ducere, testis esse potest. Effigiem Granadil-
læ Augustæ Vindelicorum cum descriptione
Germanica impressam Nobilis ac strenuus vir
Dn. Laurent. Arecker Solodurēsis consul pru-
dētissimus ante paucos dies dono ad me misit.
Sed

Sed suspecta mihi est delineatio illa. Neque DOM. CHAPUSIUM virum egregium, qui-
que multas regiones peragravit, omnino illam
approbare, ex ipsius annotationibus in plan-
tam hanc, satis apparet. Ille autem de facie mi-
hi notus, & per literas familiarissimus est. Nu-
dius tertius ad ipsum scripsi, ut qui nam WI-
TELES É DVRE fuerint, ex ipso intellige-
rem. Responsum cum primum accepero illud
ad remittam.

Observationes Clarissimi viri DOM. D.
PHILIBERTI SARACENI circa lapidem
Bezoar non accepi. De Dysenteria gravissi-
ma, quæ superiori anno Lugduni multos ho-
mines è medio sustulit, quidem ad me scri-
psit. Lapidis tamen Bezoardici nullam ha-
buit mentionem. In Belgio in frequentiusu
est, illumque multoties felici cum successu, ex-
hibui, uti proculdubio ex DOM. D. DÖRIN-
GIO (cui ego plura, quæ circa hunc lapidem
observavi, communicavi) intelligere potui-
sti: Vale vir Amplissime & me quod
facis, ama. Raptim Paternia-
ci 10. Aprilis.

1610.

O B-

OBSERVATIO LXXXIV.

De cancro gravissimo Linguae.

VALENTINUS RULANDUS DOCTOR
 & Medicus Palatinus ordinarius Dn. Guil-
 helmo Fabricio Hildano, Medico &
 Cheirurgo præstantissimo
 S. P. D.

VERè dicit Seneca; clarissime DN. FABRI-
 CI, amicum tardè acquiri, sed citò amitti,
 Hoc malum ne nobis contingat, amicitiam
 nostram, nuper hîc contractam, quamvis ab-
 sentes, literis tamen conservare studebimus:
 Ego te amicum, & tardè acquisivisse memini
 adhuc. Annus enim nunc tertius venit, quo
 Athenis Rauracorum vivens tua erudita scri-
 pta, à Doctissimis magnopere commendata,
 legendo, summæ humanitatis quasi quodam
 sale perspersa, vidi: ut nihil nûc dicam de expe-
 rimentorum tuorum historiis, bona ibi fide,
 descriptis, & publicitus communicatis quibus
 Cheirurgiæ politioris curationibus: humano
 generi consultum cupis maximè, unde meritò
 cum talis quilibet sit mihi Ἀλλος ἐγὼ te mihi
 amicum exoptavi. Attamen votî compos
 non factus ibi, summæ medicæ artis Docto-
 ris honoribus & privilegiis in me, ex incly-
 to

to DN. D. BAUHINO, sub Magnifici DN. D. FELICIS PLATTERI Decanatu susceptis Basileâ quidem discessi, spe aliquando me te visurum, & allocuturum: Fortuito ergo in aciculis Überkingensibus cum Illustri Dom. Barone à Rochberg obambulando, de Illustri DN. GEITZCÖFFLERI à GEILENBACH &c. calculoso vesicæ affectu colloquens, tui, (uti veritas jubet) honorificam mentionem feci, teque cheirurgum, non experiētia solum, verum medicis insuper præceptis illustratum, ita laudavi, ut ope verè Illustri illius ac venerandi senis suasu, ab Illustri Domino GEITZCÖFFLERO cum aliis vocatus, illum ipsum (adhuc benevalentem) & à calculo, sectione optimè liberaveris, & te mihi in variis rebus, præsertim cheirurgicis, exoptatum amicum præstiteris.

Ut autem sentias præstantissime Cheirurgorum, animum erga te, meum, adhuc fervere, en, ne te citò amittam, cancroſi istius affectus, quem præsens vidisti, veram & à me rogatam delineationem: cujus transmittendæ moram, oro ne ægrè feras: secundò enim navigantium flumine incuria factum, quod nostræ epistolæ Viennam usque translatae, in reditu primum oblatae fuerint: inde modo cursu publico, fratris mei MARTINI, Medici Cæsarei literas, hic, tibi exaratas Pragâ acceptas mitto.

Ratio-

Ratione officii à Serenissimo Principe, ac Domino, DN. PHILIPPO LUDOVICO Comite Palatino Neoburgico, &c. mihi in Patria demandati, inter alios alumnos Illustris Scholæ Lauinganz, mense Februario curâdus ad me venit amicus, meus consanguineus SEBALDUS AGRICOLA Superintendentis Neoburgici piæ memoriæ filius, adolescens pius, doctus, sanus alias, aspectu & corpore robustissimus, sed nimia severitate alter Cato: hæreditario quasi malo sermonem nunquam articulatim explicabat, lingua crassa, ex copia humoris affluentis ab humidioris cerebro, ob quod etiam pater ipsius p. m. continuis distillationibus obnoxius, neglecto consueto ligni Guajacini decocto feliciter alias usurpato tandem Apoplexia mox perculsus obiit.

Filio prædicto (sequētia omnia fideliter referenti) in extremitatis linguæ magis dextrâ parte, ineunte æstate, tuberculum valde exiguum, ab initio erupit. Mox ad cicer s, postea fabæ, tandem neglectum, ad castaneæ minoris, majorisque quantitatem, absq; omni dolore, insigni tamen duritie sensum excrevit, ita tamen ut fili instar majoris hujus tuberculi radicem, per linguæ compressæ substantiam ego cum cheirurgo tacta sparsam deprehenderim.

Eadem magnitudine Mense Februario subsistit. Præcedentibus autem ineuntis hyemis mensibus, non solum bubo frigidus
indo-

indolens, & induratus, (ovi instar anserini magnitudine, qua erupit, eadem quamvis remediis exceptus, ad ægri usque vitæ finem pertinax quævit: æquè cum scrophulis forsan cancrofa malignitate rebellis, futurus fuisset, si vitam longius æger pertraxisset) verum etiam in glândula post aurem dextram sita parotis frigida at mollis prominebat. Uno & altero die sensim amandata, ad emunctoria dictæ saltem partis sub mādibula inferiore, & musculis ossis hyodis ac linguæ, sensim longa serie in χορδαὶ & scrophulas terminabantur, Hoc modo singulis ferè septimanis incuntis hyemis, ad incuntem, in qua obit æstatem, in primis Luna crescente, parotis recens, frigida, mollis iterum, tandem ad emunctoria, sub mandibula in scrophulas semper deflavit, tam induratas ut in calculos abuisse materiam, tacta putasses, tamque ingentes, ut cum scrophulis sinistræ partis ex eisdem parotidibus enatis, sibi que obviis, tandem totam illam cavitatem, quæ est in colli totius, sub mento ambitu impleverint.

Crescentibus sic in dies scrophulis, suæque valetudinis curandæ negligens, demum coactus mēse Februario me consuluit: illius naturalis linguæ & colli tumoribus aliisque ex ægri relatione consideratis, statim suspicabar tubercula hæc cancrofa produisse: mihi enim tunc in mentem veniebat venerandi illud Galeni: Cancrofa scilicet esse omnia, quæ ab atrabilario

io succo induruerint. Propterea non esse
vulgares, sed malignos tumores pronuncia-
bam, atque prius alteri Medico quoque ordi-
nario, hoc ipsum malum dijudicandum offe-
rat, ipsi mandavi. Illo tum peregrè absente, ali-
quandiu, ne nihil agere videar, aliquid reme-
diis leniendo coactus egi: ob intensissimum e-
nim frigus, quod tempore Bachanaliorum du-
ravit, malum indies augebatur, cum scrophu-
lis lingua in magnum tumorem suffocationis
periculo non solum elevabatur, verum illud i-
psum tuberculum linguæ cancerosum, eodem
die vidi cum pustula, prope venam, sub lingua,
raninam dextram atro sanguine turgente,
quam æger sæpius exerendo linguâ tumidam,
dentibus fricando, aperuit, quâ evacuatâ, ne
instante nocte omnia augeantur, avertēbam
humorum affluxum: inde etiam ex præscripto
colutorio & irrigatione oleo ligni juniperini
seu corylini facta, sicque per os derivando ma-
teriam, paucis horis lingua planè detumuit.
Altero die Syrupus cum decocto diasenæ ex-
hibitus, ut & sudorifera sequentibus diebus
assumpta, feliciter, ac magno ægri levamine o-
perabantur. Postea alter Medicus MERCLINUS,
me absente (cujus tamen adventum ad
veram & methodicam hujus ægri curam sus-
cipiendam præstolabor) contemptis temerè
meis remediis, ferè per mensem præmissis et-
iam purgationib. linguæ tuberculo imposuit
digestivum, sed omne incassum, sic enim di-
Z gerent

gerendo ulcusculū, indies latius serpsit. Quare
meus collega suum patientem incurabilem,
nisi malum sectione auferatur proclamabat, &
absq; ullis remediis desperatum, neq; unquam
attingendum putabat. Eodem tempore astans
ego Marti ob filium suum medica ope, per
meum collegam exclusum, ejus lanti nō modo
rogatus, verum imprimis *συμπαραδεία* Christia-
norum (qua membris fide & dilectione nobis
annexis omnibus, ad mortem usq; opem ferre
jubemur, cum in desperatis admirabilem fa-
nando Deum viderim) commotus, mea pauca
& certa remedia petii. Erat n. cancrōsus ad-
huc lacertosus, & viribus validus, bene & cō-
edebat & dormiebat. Quapropter ex præsentibus
signis quā minimē curatio eradicatoria cer-
to sit speranda, prælagiens, curam palliativam,
quā canceri augmentum prohiberi, aliaque
symptomata demoliri queant, amplectendam
suasi. Ustioni aut sectioni, quam senior meus
Collega suadebat, semper meritō contradixi,
ab Hippocrate & Galeno sect. 6. Aphor. 38.
fideliter admonitus, pars enim aff. cta nun-
quam gangrænosa manifestē apparebat, quam
alter Medicus suspicabatur, ut jam de hoc cu-
randi modo præsertim hīc periculosissimo, &
calumniis exposito, nihil dicam, quo saltem
ulcus ablatum fuisset, latente per amputatæ
linguæ substantiam maligna radice.

Decimo ergo Martii rogatus primum præ-
scripsi

scripsi convenientem diætā: dein cum sufficientissime à nobis binis Medicis perpurgatum corpus fuisset, talibus evacuationibus supersedi, leviores tamen, jubente ægri natura, non negligendo. Deinceps venam salvatellam aperiri jussi: postea sudorifera, occulta virtute cācro inimica alternis diebus (quod tempus si neglexit recens parotis statim erupuit) citra molestiam præbui.

Sequebantur colutoria optimè partes oris carcinomati vicinas defendentia. Deniq; ex ulcerato linguæ cancro aquam absterforiam ex stillatitiis plantaginis, carduib. & ligni Heraclini, nec non pollinem ulceri inspergendum ex carduobenedicto, nicotiana, & trochiscis è viperis, magno emolumento ægri ordinavi, Præterea adhibitis prædictis, post horam cataplasma ex saccharo cando, floribus sulphuris & theriaca, cum oleo ligni Heraclini ad justam consistentiam redigendo, nunc ficibus, nunc panno cerato ulceratæ linguæ imponi, & per famulum aut cheirurgum usutpari curavi: qui ambo in administratione remediorum diligentissimi erant, bis enim plerumque singulis diebus si non peregrè advocatus affectum tangendo ipsis adfui. Miror autem sæpius Berckmannum, famulum quo meliorem nunquā apud egrotos optarem mihi noctu patienti accumbendo, interdiu cancrosa industriè meis remediis, tractando,

Z 2 tam

tam ingentem foetorem sustinere potuisse absque manifesto damno.

Sic indies, Clarissime DN. FABRICI cataplasmatibus operatio mihi arridebat, cujus vim in his & similibus aff-ctibus admirandam, ori-ri puto ex oleo ligni Heraclini sive corylini, hujus virtutem nobilem indies curando laude experior: quod tamen Merclinus meus collega, odore judicans saltem, aquam fortem ignarus turpiter pronuntiabat quem hujus diaboli livoris & mendacii, vobis praesentibus arguebam: offerendo vobis illud ipsum oleum apud agrum, tunc & ad servatum, & usurpatum cunctacum? cur ab hoc mendacio te non libera-vit? Sed post pauperanacula, agrotantem co-gnatum visitans, hujusmodi liquores distillan-di admodum, imo collega meo magis gnara, & dijudicandi peritior, nihil aliud esse quam oleum a se etiam saepius per descensum (uti vo-cant) ex ligno coryllino paratum comproba-vit, meique collegae malam erga me mentem magis detexit.

Intante Majo, cancer exulceratus in dies omnium admiratione tumore mollior, foedo & sordido ulcere mitior imo labris, primum crassis, tumidis, duris, postea etiam nodosis, in-versis, elatis, ac profecto, aspectu horridis, sub-sidens & evanescens apparuit: ita, ut interim nunc sanguinem Melancholicum (arper ali-quot intervalla) guttarim ad libras duas: nunc saniem ichorosam foetidam, & cadavero-sam

um, at quandoq; atram eructaverit: venulis
 atro cruore & melancholica fere deoneratis,
 tumor evanuit: ac malignitate extincti, ulcus
 aniem laudabilem fuit, in exulceratæ linguæ
 avirate deteratâ, caro non livida, sed rubella,
 roba, & sana sensim succrevit: ita ut jam ci-
 atrice obducenda foret, nisi rimulam literæ
 iustar C. admodum parvam, cum natura
 etiam studio apertam aliquantulum reli-
 querim.

Quum sic rem in vado esse sperassem, in la-
 eris ejusdem scrophulæ sub mandibula infe-
 riore, quas indies auctas antea scripsi, tumore
 serpentes intro ad linguam sese insinuarunt
 ibiq; sub lingua in cancerum manifestum ter-
 minabantur, quem dudum metuebam quem-
 que foras elicere, & aperire summo studio, præ-
 fertim cum colore in rubro nigricante id simu-
 laverit, laborabam, at hic funis (ut in prover-
 bio) nihil attraxit, sed linguæ frenum partim
 exedendo, labro albicâte, nodoso, sensim ma-
 gis inverso, demû cruento, tandem exulcera-
 to, paucis diebus ita rebellis factus est, ut sibi
 incumbentem & sanescentem linguæ extre-
 mitatem, cataplasmate insuper interposito ta-
 men per ligamentum & venâ raninam furiens,
 Iterum non quidem magno, aut manifesto, ut
 antea, ulcere inquinaverit: atque totam lin-
 guâ, præsertim te discedente, magno & perti-
 nacitumore, oris fere cavitati adæquaverit, ge-
 minum ac contiguum malum, quasi datatim

Z 3 alte-

alternis vicibus, materiam sibi administrans, repullulando cito, latè admodum germinabat: hypochondrium utrumq; inprimis dextrum, valdè prominebat, quodque principio initæ curæ solum prominens accusabam, at canctosus idem quasi ipsi sit congenitum & absq; dolore excusabat: pectus elevatum, tuberculis nodisq; totum cum tumentibus venis perspergebatur. Dolor prius dextri; dein utriusq; hypochondrii, primum sub acutum austerus homo nolebat, rogatus etiam, mihi, illum suspiranti, indicare: postea tam vehemens, ut cruciatum diutius absq; leniente remedio, se ferre nō posse clamaverit. Dolorem n. acutissimum pungentium, velut acicularum sensum inferentem nunc unū, nunc utrumq; hypochondriū nūc ad clavas usq; interioresq; homoplatas, & humeros, etiam frequenter brachium, coxendicem & totum pedem, ejusdē scilicet & dextri lateris pervadere æger conquestus est, à quo tamen vacationem sæpius habebat, ob mitigantia à me miserante, præscripta. Miserabiliter n. dolore agitata, tremula membra vidi. Tandem in dies fluxu aucto nec avertendo, nec derivando cessante, prius uvulam inflammata, ferè æquè malignitate cancrofa infecta aspeximus. quo aspectu prohibiti, quamvis strenuè, ego & cheirurgus ubiq; laboraverimus, tamen otis cavitati adæquata, tumida lingua, ob vestigia, sibi à dentibus impressa, ita secundum dentium seriem planè exulcerabatur, ut superiores

periores dentes per exesam linguam inferiori-
bus conjuncti fuerint: Omiserandū spectacu-
lum, o ingentem fetorem quem toleravimus.

Tecum omnes suffocationem metueba-
mus, quam tamen Deus prohibuit. Tan-
dem cum nullo alimento frui posset, & potu
vires vix reficiebantur, succedente frequenti
λειποθυμία, unde horis antemeridianis illum
vitam cum morte commutaturum putaram, à
meridie bis alvū citò exoneravit, post magno
deliquio animi commotus illius curator reci-
tabat orationem dominicam, quam agonisans
patientissimus Job, qualitercunque mussitan-
do ad finem usque sequens, voce Amen clau-
sit & confirmavit, atq; sic placidissimè in Chri-
sto salvatore 3. Junii solis die obdormivit.

Vesperī suadebam tecum sectionem cada-
veris, cum prius sæpissimè matri explicuerim,
te mihi consentire malignitatis hujus cancro-
sæ radicē ex hepate (omnib. signis sic annuen-
tibus) & germinasse, & propterea viscera inspi-
cienda esse, at illa cum suis mulierculis hac de
re, quasi hoc committere planè iniquum foret
ineptientib. rigidè denegādo, me amandavit.

Nobilis matrona Bavarix negligit curationē.
Sed nobilis noster admodum bene valet. Ts
n. discedēte præmissi, magna cū salute ægri, pur-
gationē convenientissimā, ita ut nunc pulmo-
nes à distillationib. immunes sint: deinceps ca-
put tū pectus roboravi, demū utiliter thoracē
ferreū ita cōmodè aptavi, ut obstipitatem &

gibbositatem adolescentis corrigat, & fractam
costam non lædat. Vale optimè Clarissi-
me Dom. FABRICI, meque tibi ami-
cum serya. Lauingæ, 24. Julii Anno
1610.

OBSERVATIO LXXXV.

De monstroso & scrophuloso
collo.

Viro Clarissimo & Doctissimo Domino
VALENTINO RULANDO *Serenissimi*
Principis ac Domini DN. PHILIPPI LU-
DOVICI Comitis Palatini ad Rhenum, Du-
cis Bavarie, &c. Doctori Medico, a-
mico singulari Gvilhelmus
Fabricius Hildanus
S. P. D.

TAm diuturnum silentium tuum, clarissi-
me atq; amantissime DN. D. RULANDE,
summopere me contristavit. Ab eo enim tem-
pore quo Lauingâ discessi, nihil literarum à te
accepi, præter eas quas superiori anno 24. Julii
Lauingæ dedisti, quæque 14. hujus mensis mi-
hi traditæ fuere, nunc verò quia inceptam a-
micitiâ nostram, scriptis te fovere video, ite-
rum

rum gaudio afficior. Casus quem communi-
casti, observatione dignus est. Vidi ego ante
annos aliquot juvenem quendam hîc in vici-
nia, cui uvula in eam magnitudinem excreve-
rat, ut totum os adimpleret, uti in secunda Cē-
tura observationum Obs. 19. fusius videbis: u-
bi & de ingenti tumore scirrhoso ad radicem
gurgulionis exemplum habebis. Nunc verò
de scrophuloso collo historiam singularem
hic adscribere visum est.

Nobilis quidam Austriacus 20. annorum
ætatis, & Aureliæ in Galliis, studiorum gratia,
degens, scrophulis nonnullis in collo corre-
ptus cum esset, Medicos & Cheirurgos adhi-
buit, qui, quum omnia frustra tentassent &
scrophulæ indies accrescerent, Lugdunum
Gallorum se contulit; ibique Medicos atque
Cheirurgos in consilium vocavit; qui similiter
multa variæque, tam interna quam externa
absque successu adhibuerunt medicamenta.
Tandem Basileam pervenit, ubi clarissimo ac
longè celeberrimo viro Dn. FELICI PLATTE-
RO sese curandum commisit. Et quia ego tum
temporis Basileæ, serenissimo cuidam principi
operam Cheirurgicam præstando vivebam, si-
mul quoque accersitus fui. Affectus, profectò
monstruosus, simul & horrendus erat. In tan-
tam enim magnitudinem excreverât scrophu-
læ, ut circumferentia colli sese ad spithamas fe-
re quatuor extenderet; nec solum cavitatem
illâ quæ sub mento est, adimplerent scrophulæ,

Z s verum

verum etiam cutem ad aures futurâ Lambdoi-
deam mediamque partem sterni extenderent.
Præduri, lividi, inæquales, & hinc inde venis, a-
tro sanguine repletis, circūdatæ erāt scrophulæ.

Instituit & Dn. D. PLATTERUS curationem
methodicam, summamque diligentiam adhi-
buit; sed absque successu. Quapropter quum
thermas Badenas Helvetiorum invisere vellet,
à Dn. D. PLATTERO prius expurgato & præpa-
rato corpore, ad ipsas dimissus fuit Ego cum ad
thermas Piperinas invisendas, cum prædicto
Principe Rhetiam versus proficiscerer, misellū
huncce Badenæ in thermis vidi, nōnulla quin-
etiam ad morbum palliandum, præscripti me-
dicamēta, verum enim vero quum per duos fe-
rē integros menses thermis absque fructu usus
fuiſſet, iterum Basileam rediit, ibiq; tandem (ut
ex literis Dn. M. EMANUELIS URSTIS ad me
scriptis, intellexi) suffocatus obiit.

*De Apollo-
nia Schreie-
ra.*

APOLLONIA SCHREJERA, post longam i-
stam inediā, iterum comedere & bibere incœ-
pit, prima scil. die hujus anni. Ambulat, excre-
menta quinetiam excernit, actionesq; suas na-
turales habet, ab initio cibum parcè sumpsit,
verum non diu post, mente cum capta esset, o-
mnia linteamina, lodices, imò & cultros devo-
rare tentavit. Nunc crura aliquo modo intum-
efacta sunt; reliquum verò corpus multò ma-
gis quam superioribus annis extenuatum est,
qualis autem tandem exitus erit, multi mecum
videre percipiunt. D. Paulus Lentulus Reip.

Bernen-

Bernensis D. Medicus longè celeberrimus, amicus meus singularis, omnia quæ circa puellam hancce occurrunt diligenter observat, & prioribus suis observationibus, hac de inedia scriptis annectit. His vale clarissime & amantissime Dn. Rulande & me tuum cense. Raptim Lausannæ Equestrium 24. Februarii 1611.

OBSERVATIO LXXXVI.

De cancro quodam occulto.

Viro clarissimo ac doctissimo Dn. ANDRÆ TOXOTIO Serenissimæ Regine Daniae, &c. Doctori Medico ordinario atque celeberrimo, amico suo plurimum honorando, Guilhelmus Fabricius Hildanus
S. P. D.

ANte octiduum, clarissime Dn. D. Toxoti literæ tuæ (quæ mihi tam gratæ quam quæ gratissimæ) Bernæ mihi traditæ fuerunt. Meas verò quod nondum acceperis, vehementer doleo: iterumque misissem apographum nisi occupationes obfuisent. Prolixè enim scripsērā, & observationem de gangræna gravissima ex morfu equi progenita transmiseram. Quod si tamen intellexero observationem illam ad T. Exc. non pervenisse, eandem iterum, post hac me missurum promitto.

De

De gibbo.

De gibbo ex luxatis vertebra contracto, super quem opinionem meam intelligere cupis, quid certi respondere possim non video. Ad plenior enim cognitionem morbi, ampliore delineatione opus erit. Ex quibusdam tamen circumstantiis affectum non esse recentem cōjicio, quod si ille inveteratus & flexibilis ut dici solet, ætas prætergressa fuerit, aquam è pumice postulabit, quicumque curationem tentaverit.

Post tuum à nobis abitum continuò ferè Soloduri apud nobilem virum Dn. WALLER hæsi. Curatio, laus sit Deo, feliciter successit & nunc absque baculo audacter & firmiter incedit. Multa pulchra & egregia in ista curatione observavi; quæ post hac, si Deus Opt. Max. cœptis favorit, ordine videbis.

Superiori mense Octobri una cum viro clarissimo atque doctissimo Dn. ANDRÆ WEICKIO Medicinæ Doctore, convictore meo gratissimo, Soloduri matronam, non ex obscura familia oriundam die Frau von Arx nomine invisi, laborat illa cancro occulto in mamma dextra, quem ante annos quadraginta, cum infantem ablacaret, ex lacte in grumos concreto contraxit. Supervenerat autem tum temporis ex abundantia lactis, nec non retentione mēsum inflammatio, qua sedata tuberculum, ad magnitudinem fabæ remanserat. Quod neglectum ab initio per annos ferè quadraginta in ipsa mamma delituerat, absque tamen

men dolore aut ullo incommodo. Nunc verò ante annos tres, cum decrepita ætas appropinquaret, ita accrescere & dolere capit, ut tandem non solum totam mammam occuparet, verum etiam sub axillam usq; sese extenderet. Tumor iste non usq; adeo elevatus, inæqualis tamen est, & undique nodulos durissimos, ac lividos, venuli quæ infinitis nigricantibus, circumdatos habet. Tumor ac noduli isti, adeo sub axillam versus vergunt ac retracti sunt, ut papilla (quod notandum) ferè sub ipsa axilla recondatur. Hinc fit ut brachium quoque dextrum propter musculum brachium pectori adducentem, in consensum trahatur. Totum enim brachiū imo & manus ipsa, tumore præcipuè ex pituita, cui tamen multum bilis atræ admixtum (œdema scirrholes appellat medici) ab initio morbi per annos fere quadraginta, uti dixi, nullus fuerat dolor in ipsa mamma, nunc tamen continuus est; qui quidem jam acutus & pungens, mox verò remissior: in ipsum tamen brachium, mediante prædicto musculo sese extēdit. Dolorem autem ac intumescensionem brachii, venæ sectio ab imperito barbitōfore in ipso cubito, ante menses octo facta non parum auxit. Cum enim antea dolor brachii esset exiguus, post venæ sectionem adeo auctus est, ut brachium nunc officio suo fungi amplius non possit tantopere attraxit venæ sectio.

Ego etsi affectum in decrepita hacce matrona (septuagesimum enim annum ætatis prætergress-

tergressa est) planè incurabilem esse, adstantibus significaverim, quia tamē agra, post Deum spem maximam in medicamentis, quæ adhibiturus essem posuit, nonnulla morbum palliandi causa præscripsi. In primis verò optimam virtus rationem institui. Deinde corpus sequenti potiuncula expurgavi,

℞. radicū lapa. acuti
 scrophulariæ majoris
 Polypodii q.
 cortic. interior. radic. frangulæ an. \mathfrak{z} β .
 herb. cuscutæ
 fumaris
 scabiosæ
 ceterach an. M. β .
 sem. anisi &
 fœniculi an. \mathfrak{z} ij.
 foliorum senæ \mathfrak{z} j. β .
 liquiritiæ rasæ \mathfrak{z} β .

fiat decoctio in aqua, ut colatura redeat ad \mathfrak{z} viij.

Hujus colaturæ accipe medietatem cui admisce syrūpi rosati solutivi comp. cum rhabarbaro, agarico, & sena \mathfrak{z} j. Misce fiat potio, detur in crepusculo matutino, leniter hac potione expurgato corpore postridie venā malleoli dextri incidi, sanguinem (revulsionis causa) ad uncias circiter quatuor extrahi, & postquam per diem unum aut alterum à venæ sectione quievisset, alteram dosin præscripti decocti, cui conf. hamech \mathfrak{z} ij. syrūpi rosati solutivi compos.

compos. \bar{z} j. admixta erant, propinavi. Brachium autem ut sequentibus oleis, quotidie bis inungeretur jussu.

R \bar{z} . ol. lumbricorum
vulpini an. \bar{z} ij.
ol. scorpionum \bar{z} j.
de vitellis ovorum, &
amygdalar. dulcium an. \bar{z} j. β .
spicæ \bar{z} β .
Misce

His usque nunc maximo cum fructu utitur oleis, dolor enim & intumescitio brachii remittunt, mamma in eodem statu persistit; tumor non accrescit, nec dolor adest. Sequens tamen emplastrum applicat

R \bar{z} . [empl. diapomphol. \bar{z} ij.
diapalm. \bar{z} j.
plumbi utri, & loti
lapidis calaminaris an. \bar{z} β .

cum s. q. olei rosacei & succi geranii fiat s. a. unguentum.

Porro, clarissime Dn. D. Toxoti, vix credas Ungu. Ægyptiac. in
quam exitiosum in cancris ulceribus, sit unguentum Ægyptiacū, ego expertus loquor, super cancris ulceribus exitiosum.
perioti n. anno 1606. ad matronam, hic in vicina cancroso nec non foetidissimo ulcere in
mamma dextra laborātem, vocatus fui, Chei Observatio.
rurgus, qui curationem susceperat, ut foetorem istum castigaret, & carnem quæ in cancris ulceribus continuo excrescit, absumeret de
tertio in tertium diem, aut etiam alternis diebus,

bus, unguentum Ægyptiacum applicuit, inde
 ulcus incōtinenti ad eò malignum factum est,
 ut intra breve temporis spacium mammam ad
 costas usque eroderet: ægramque exstingeret;
 integram historiam suo loco quoque videbis.
 Blandè itaque hujusmodi ulcera sunt tractan-
 da. Demum quamdiu cum tuis Generosis Lu-
 gduni sis mansurus ex te scire percipio: Rescri-
 be itaque prima data occasione. His vale vir
 clarissime, & me jugiter amare non desine. Sa-
 lutant te amici, & domestici mei omnes. Pa-
 terniaci Aventicorum 5. Januarii 1610.

OBSERVATIO LXXXVII.

De cancri occulti periculosa cu-
 ratione.

Clarissimo atque doctissimo viro, Domino
 SEBASTIANO MEYERO *Reip. Freibur-*
gensis D. Medico ordinario atque celeberr-
mo, Guilhelmus Fabricius Hil-
danus S. P. D.

QUOD promissis meis non satisfecerim, &
 maturius ad nos redierim, clarissime atq;
 amātissime Dn. D. merito mihi exprobras, iter
 quod in Burgundiam feci, laboriosum profe-
 ctò & molestum in causa fuit. Deinde quoque
 per

per dies ferme quindecim Bernæ hæsi. Interim
amen si quid in te peccaverim, id mihi ut con-
donare velis obsecro. Doct. ssumū quod misisti
et sponsum de morfu canis rabidi, omnino mi-
hi satisfecit. Pilulæ item ex radicibus gentianæ,
edoariæ, hirundinariæ, angelicæ & similibus,
heriaca, & methridatio oblitæ, & ulceribus
impositæ, summopere mihi probantur, quod
quidam nunc nihil occurrit; huic igitur disputa-
tioni finem ut imponamus, tempestivum est.
Verum ne mutua nostra colloquia scriptis ne-
gligerem, alia tuis speculationibus non indi-
gna, occurrit materia: De cancro scilicet occul-
ti periculosa curatione, in qua Aphorismus 38.
libro sexto Hippocr. Cancros occultos melius
est non curare, &c. perpendendus. Non enim
omnes, qui in Aphorismum istum commenta-
ti sunt, omnino mihi satisfaciunt. Interim ta-
men particularem meam de isto Aphorismo
opinionem, divulgare nolui, nisi prius illam
tibi communicassem, sententiam quinetiam
ac mentem tuam intellexissem. Primo au-
tem quam periculosa sit canceri occulti curatio,
historia quadam demonstrabo. Deinde quid-
nam Hippocrates verbis istis: Cancros occultos
melius est non curare, &c. meo quidem judi-
cio, intelligere voluit, paucis annectam. Histo-
ria autem illa sic se habet.

Matrona hic in vicinia, ex nobili familia
oriunda, postquam quinquagesimum annum
ætatis prætergressa esset, nec amplius utero ge-
staret,

*Historia de
canceri oc-
culti pericu-
losa cura-
tione.*

Aa

staret,

staret, menses quinetiam subsisterent, tuberculo ad papillam dextram correpta fuit. Tuberculum hoc, etsi ab initio durum, & aliquo modo molestum esset, attamen quia exiguum & indolens, neque ipsa ægra, neque adstantes hac de re usque adeo solliciti erant. Anno verò ineunte 1606. quum accresceret, & dolere cepisset, Cheirurgus quidam in consilium accersitus fuit. Is cum emollientia, & pus movendis per mensem fere integrum adhibuisset, paulatim aucto dolore ruptum est tuberculum sed nihil præterquam aliquid saniei, loturæ carnis instat extillavit. Mox vero malignum, dolorificum, fœtidumque ulcus sequutum est, ego 6. Julii ejusdem anni cum advocatus essem, matronam hanc supra modum extenuatam & debilem inveni. Ulcus, quod fœtidissimum adeo erat malignum, ut totam mammam ad sternum & sub axillam, costasque ferè usque eroderat; idque spacio quatuor mensium, nimirum à principio mensis Martii (quo tempore ruptum fuerat tuberculum) usque ad mensem Julium perfecerat. Dolor item maximus, inquietudines, febricula, continua nausea, & cibi fastidium aderant. Ex quibus omnibus, quum ipsam in evidentissimo mortis periculo versari cognovissem, manum adhibere recusavi, domum quæ redi. Non du post meum discessum, animam Deo piè placideque reddidit.

Ex recitata autem historia vir clarissime,
ver,

veritas doctrinæ Hippocratis, cancos occultos habentes, melius est nō curare; curati enim cito pereunt, non curati verò longius tempus perdurant, elucescit. Hanc enim matronam citò periisse, hinc apparet, quod cancer ipsius à mense Januario, usque ad medium Julii, totum cursum suum absolverit, ipsamque necaverit, quum tamen si curatio tentata non fuisset, in longum tempus vivere potuisset: idque multis exemplis demonstrare possem, sed unum aut alterum sufficiet.

Matronam, cancro occulto ad ovi anseris *Observatio.* magnitudinem, in mamma laborantem, Dusseldorpiæ cognovi. Illa quum præstāissimum virum Dn. Cosinam Slotanum, præceptorem meum plurimum honorandum, in consilium adhibuisset, certis quibusdam medicamentis, cum per os exhibitis, tum etiā exterius admotis incrementum tumoris ita retardavit, ut ipsam absque dolore, & insigni incommodo per multos annos, & quidem ad finem usque vitæ suæ, patienter tulerit; neque unquam ad exulcerationem pervenerit.

Dominus Polerius, civis Lausannensis, vir *Observatio.* ingenio & virtute præstans, in summa senectute cancro occulto, circumcirca papillam sinistram laborans, cum aliquando quam periculosa sibi esset vera curationis methodus, usu atque experientia edoctus esset, & tandem ab ipsa planè abstinuisset, ad multos annos, & usque ad funera morbum huncce in sinu fovit,

Aa 2 qui

qui proculdubio citò ipsum trucidasset, si curatio vera administrata fuisset. Integram historiam pete ex observat. 89. Centur. primæ, ubi & alia ejusdem argumenti invenies exempla.

*De cancri
curatione.*

*Gal de arte
curat ad
Glauc. l. 2. c.
10 & aut.
Æg. de re
med lib. 4.
cap. 26.*

Cæterum ut de cancri curatione aliquid addam, & quidnam Divinus Hippocrates verbis præallegati Aphorismi, meo quidem judicio, intelligere voluerit, tibi aperiam. Cancrum (qui ut Galenus & alii docent, in omnibus partibus corporis nasci consuevit) sic distinguo. Aut enim in partibus penitioribus, veluti in palato, sede, sinu occulto muliebri, hepate & splene, aut in summa aliqua parte corporis hæret. Qui externas partes corporis occupat, iterum duplex est, aut enim exulceratus, aut non exulceratus, quem Galenus quoque, loco jam citato occultum nominat, reperitur.

*De cancro
internarum
partium.*

Porro cum cancer sit tumor durissimus, aut medicamentis emollientibus, resolventibus & discutientibus, emolliendus, & inhalitum aut ad suppurationem reducendus, vel cum suis radicibus excidendus esset. Hæc vero quomodo in palato, sede, aut sinu muliebri administrari possint nondum video. Ideoque Galenus cancos, qui in prædictis partibus nascuntur, non immerito insanabiles pronunciavit; nec eos curare tentavit. Ego cancos circa uvulam, in hepate, splene, & collo matricis vidi; à quibus tamē ægri extincti fuere, quæris causam? A medica-

medicamentis emollientibus exasperantur, & maligniores fiunt, quemadmodum ex observ. 89. Centur. I. videre licet, sed onem vero vel inustionem, quis quæso in huiusmodi partibus adhibere velit?

Nunc ad cancerum externarum partium redeo quia ut exulceratus, aut (ut antea dixi) non exulceratus siue occultus est. Exulceratus duplicia requirit medicamina; quia enim labra habet prætumida, callosa ac dura, calida humidaque, & quæ insigniter emolliunt, desiderat remedia. Contra ulcus, quia inæquale sordidum foetidumq; abstergentia & mundificatia, ut applicetur necesse est. Abusu autem horum medicamentorum, cancri maligniores fieri, & radices suas longè lateq; dispergi, etiam quotidiana experientia fidem facit. In cancro enim, inquit doctissimus JON. HEURNIUS duplex esse venenum observatum est. Unum putrefactivum: alterum corrosivum, si igitur ei admoveas calida & humida remedia, quæ pus promovere solent in apostematibus ac ulceribus, peptasmi capacibus, inde in altam putredinem degenerabunt, cunctæque vicina putrilagine cõtaminabunt. Quod si illam sordiditatem causticis castigare volueris, surget alterû, quod in cancri venenum est corrosivum, ac vicina cuncta exuret; Hactenus Heurnius: quorum verborum veritatem in prædicta matrona mihi observare licuit. Ex applicatione enim medicamentorum pus moventium, protinus fa-

*De cancro
exulcerato
externarum
partium.*

*Comm 38.
l. 6. Aphor.
Hippocr.*

Aa 3 cum

*Ungu. Ægyptiac. in
cancrosis
ulcerib. ad-
versissimū.*

*Gal. meth.
med lib 14.
Avic. lib 4.
fen 3. tract.
2. cap. 16.*

Observatio.

Etum est ulcus fœtidum; Fœtorem porrò hunc, quum Cheirurgus ille, cui curatio demandata fuerat, unguento Ægyptiaco (quod in cancro-
sis ulcerib. adversissimū) castigare vellet, sum-
ma malignitas in ulcere exorta est; vicinasque
partes sanas celeriter invasit, atq; maximo cum
dolore & cruciaru erofit. Quid igitur, inquires,
agendum? Profectò si quis, quicquid ita affectū
est, extirpare voluerit, meo quidem iudicio à
via recta non aberrabit. Dummodo malum, ut
Galenus & alii monent, radicitus & in parte
sana excindatur. Idque mihi non rarò feliciter
successisse uno atque altero exemplo de-
monstrare non gravabor.

Anno 1600. Vetula Laufannens. cancro ex-
ulcerato, ad concursum futurarum sagittalis &
lambdoideæ laborans, in consilium me adhi-
buit. Ulcus dolorificum, sordidum, fœtidū, in-
æquale, labia verò dura, & ad pugni magnitu-
dinem elevata erant. Præparato corpore, cum
optima victus ratione, tum purgationibus &
venæ sectione, præsentē Reverendo viro Dn.
JOHAN. RHETERIO in Schola Laufannensi
linguæ sanctæ Professore longè excellentissi-
mo, Claudio Marione, Dav. Clerico multis-
que aliis, abradis crinibus, totam istam exulce-
ratam massam, & quicquid nobis malignitate
ista contaminatum videbatur, ad cranium usq;
excidi. Cranium quinetiam, quia cariosum,
post dies aliquot scalpris abradi. Dein pulve-
rem catagmaticum quotidie inspersi, vulnus-
que

que more aliorum vulnerum capitis, cicatrice obdixi, convaluit, & multos annos supervixit: tandemque planè decrepita peste obiit.

Quidam prope Lausannam, cui membrum virile in fungum cancrum, ac planè monstrum excreverat, nec non exulceratum fuerat, cum auxilium à me petiisset, membrum virile, & quicquid ita infectum, in ipso abdomine abscidi. Hic similiter convaluit, & ad multos supervixit annos, ut suo loco fufius videbis.

Alia observatio.

Sequitur nunc de curatione cancri nō exulcerati, aut occulti externarum partiū, cujus curatio, aut est legitima, vera & methodica, aut est violēta. Methodica curatio secundum Hippocratem, Galenum, omniumq; medicorum doctrinam cōtrariis perficitur. Quicumq; enim morbi, inquit Hippocrates, ex repletione fiunt, curat evacuatio: & quicumque ex evacuatione, curat repletio, & aliorum contrarietas; & alibi: quæ refrigerata sunt, ea excalefacere oportet, &c. & ut Galenus docet, quod resiccatum atq; induruit, quemadmodum scirrhus atque cancri tumores, medicamentis calidis & humidis relaxare, atque quicquid ita induruit, relaxare & emollire convenit. Et contra, quib. pars aliqua corporis, præter modum relaxatur, uti herniosis, & eis quib. intestinum rectum, uterq; prolabitur accidit, eis frigida & quæ insigniter exsiccant constringuntque, applicare oportet; summa, ut breviter cum Hippocrate dicam: cōtraria contrariorum sunt medicamina,

De curatione cancri nō exulcerati, externarum partium.

Curatio methodica quid.

l. 2 Aphor. 22 & de Dietalib. 3. mihip. 120.

li. 5. Aphor.

19.

De simp. Med. facultat. l. 5. c. 5.

Lib. de flatibus.

Aa 4 five

*Methodo
Med. l. I. c. 4*

sive causam morbi, sive morbum ipsum quis inspicere velit. Causa tamen omnis, ut doctissimus FERNELIUS rectè docet, prius quam affectus excindi & submoveri debet. Causa enim persistente, manet affectus, & contra sublata causa, tollitur & (ut plurimum) effectus. Ut plurimum, addo, sunt enim morbi nonnulli, qui non curantur, etiam si ipsorum sublata fuerit causa antecedens. In quorum numerum, & cancer occultus, præcipuè inveteratus, recenseri potest. Adeo enim crassus est, ut Ægineta lib. 4. capite 26. testatur, & tenaciter adhæret humor iste, ut neque repelli, neque discedi possit, imò ne totius quidem corporis purgationi cedat, sed topica quoque sua requirat præsidia.

*De arte curat.
ad
Glauc. l.
2. c. 10. &
Meth. Med.
lib. 14.*

Porro quum ex Hippocratis omnium quæ medicorum placitis, quemadmodum antea dixi, morbi contrariis curentur, ac cancer tumor sit durus, ex atræ bilis recremento, ut Galenus testatur, progenitus, si quis methodicam ac legitimam curationem adhibere velit, is ut medicamenta calida, humida, atque insigniter emollientia adhibeat, necesse est. Hæc autem quam periculosa sint, cum ex recitata historia, tum etiam ex observ. 89. Centur. primæ dilucidè apparet; quod & Galen. de simplicium medicamentorum facultat. lib. 5. c. 8. disertè testatur, his verbis: quæcunq; inquit, ex atrabilario humore induruerunt, cancrosa sunt omnia, & à medicamentis emollientibus exasperantur.

rantur. Recrementum enim istud humoris atrabilarii, quia visis, ut Galenus scriptum reliquit, dum impetum est, affatur, fitque spacio temporis acre & malignum. Cæterum medicamenta emollientia, & in primis puri moventia, quia calida & humida, ob eorum usum impacta illa materia magis que incalescit, putrescit, si quæ malignior accione, ita ut tandem omnia exulceret ac erodat. Et quia circumjacentes partes ab emollientibus medicamentis simul relaxantur, dilatanturque, facillime postea dissipantur, & vicinas partes invadit corruptio atque malignitas illarum, estque fermenti instar, quod sanguinem & humores, qui ratione doloris, ad locum affectum continuo conflant, inficit & sibi similis, malignos scilicet, & acres reddit. Hæc porro quum videri isti summo, ne dicam incomparabili, incognita minimè fuerint, merito decretum hoc celum posteris reliquit. Melius scilicet esse caneros non exulceratos sive occultos non curare, intellige curatione Methodica, legitima atque ab Hippocrate passim tradita, quæ, uti dixi, contrariis perficitur: quamque curationem Hippocrates, ut ego planè cenſeo, hoc in Aphorismo, nequaquam autem sectionem, vel unctionem, quæ sola, ut Galenus testatur, sunt remedia canerorum, intelligere voluit. Sic enim curari scilicet per medicamenta emollientia, quia protinus exasperantur cancri, quemadmodum experientia docet, ægum citò è

*Methodo
med lib. 14.*

*Montagn.
de carcinom.
mibi sol.*

61

*Comm 38.
lib. 6 Aph.
Hipp.*

Aa 5 medio

medio tollunt. Non curati verò (iterum addo) curatione methodica ac legitima, quia nō exacerbatur malum, in longum tempus perdurare possunt, uti ex historia Matronæ Düs-selporpenfis & Domini Polerii, apparet. Ante paucos annos matronam Soloduri vidi, quæ per annos quadraginta cancro occulto, in mām dextra absque tamen insigni incommodo laboraverat.

Vide observ. huiuscenturiæ. De violenta curatione. Per violentam porrò, aut, ut Galen. potentem curationem, intelligo illam, quæ non medicamentorum, aut naturæ, quæ morborum est mediatrix, beneficio, sed motu quodā violento artificis perficitur. Est autem tumoris,

Qua ante excisionem canceri observanda,

cum omnibus suis adjacentibus radicibus, extirpatio, atque excisio: quæ, ut ita dicam, periculo vacat, dummodo corpus prius optimè, tam victus ratione, quam purgationibus, venæ sectione, & similibus præparatum, malum quinetiam in aliquo fuerit loco, ubi cum suis radicibus extirpari possit, neque vasa maxima arteriarum aut venarum in se contineat.

lib. 2. cap. 11.

Circa cervicem verò, collum, & guttur, inquit Albucasis, quia nervi, arteriæ, & venæ sunt plurimæ, ab incisione & inustione est abstinendum, uti & in interna parte femoris: si ramus iste insignis venæ cavæ, qui ad poplitem descendit, tumori intertextus fuerit, sæpissimè enim operationes in huiusmodi partibus mortales esse, alibi exemplis demonstravi: ideoque nunquam in prædictis locis excisionem tentare

lib. de Gang. & Sph. cap. 10. observ. huiuscenturiæ.

rate volui: nisi tumor superficialis, & à prædictis vasibus liber esset.

In reliquis autem partibus, operationem hancce feliciter mihi successisse, neque malum rediisse, & mortem, quemadmodum Celsus lib. 5. cap. 28. scribit, attulisse, exemplis & observationibus nonnullis nunc demonstrare visum est.

Anno 1600. Vetulæ cuidam Lausannensi *Extirpatio-
rem cancri
absque peri-
culo fieri pos-
se.*
de qua ante quoque mentionem feci, quæque *Exemplum*
sexagesimum annum ætatis tunc prætergressa
erat, cancrum in occipite feliciter excidi. Nul-
lum nobis supervenit symptoma molestum,
& curatio ad votum successit. Convaluit: ne-
que rediit malum. *I.*

Anno 1601. Cuidam ex domesticis Nob. *2*
viri Dn. DE ROSA, Dn. in Prilli, Cressi, &c.
Bernhard Penevaire nomine, cancrum in in-
feriori labio, præsentē Reverendo, ac Doctis-
simo viro Domino JOH. RHETERIO, CLAU-
DIO MARIONE, DAVID CLERICO
multisque aliis excidi: curatio similiter ad vo-
tum successit, & adhuc usq; annum 1613. o-
ptima sanitate fruitur. *3*

Anno 1605. Cancrum, qui integram mam-
mam dextrā occupabat, in quadragenario Pa-
terniaci, præsentē Reverendo viro Dn. JOH.
MERULA, feliciter extirpavi, convaluit & illa,
nec ullum incommodum hac de re hucusq;
persensit, & prolem procreavit, uti suo loco
videre poteris.

Anno

Anno 1600. Laufannæ cuidam membrum virile, in monstrosam massam carnem exsertum & undiq; exulceratum, in ipso abdomine abscondi. Convaluit, & ad hunc usque annum 1611. bona valetudine fruitur. Integram historiam pete ex observatione hujus centuriæ.

Possem & alia exempla similia hic in medium adducere, sed ne nimis prolixus sim, his contentus ero. Ex quibus excisionem canceri (dummodo omnia, quæ ante operationem requiruntur, methodicè administrata, operatio quinetiam dextrè peracta fuerit) absque insigni periculo fieri posse dilucidè apparet.

Sed cur, quæso, in excisione canceri hæmorrhagiam tantopere formidamus? Nonne post extirpationem canceri, ut multum sanguinis, quemadmodum Avicenna & Mesues, monēt, effluat, necesse est? & cur, iterum repeto, hæmorrhagiam in excisione canceri adeo formidamus? nonne in abscisione cruris, aut brachii majora vasa artetiarum & venarum occurrunt quam non (ut plurimum) in cancerosis tumoribus sese offerunt? nec propterea expertus Cheirurgus in gangræna, aliisque ulceribus putridis abscisionem membri differt.

Sed respondes, forsan, hujusmodi operationes, cū impetu, & celeriter fieri, & propterea minus sanguinis profluere, In cancro verò quia sæpissimè multa separanda occurrunt, plurimum interim sanguinis emanare. Rectè quidem

*Avicenna
lib. 4. Fen.
3 Tract. 2.
cap. 16. Mes-
ues particu-
la 4 sect. 2.
cap. 2. De
Cancro.*

quidem sentis, sed Cheirurgus, qui vasorum venarum scilicet & arteriarum, qui tumori inseruntur, notitiam habet, periculum hoc facillimè evitare potest. Primò, ut, si vas aliquod in ligne venarum aut arteriarum tumori insertum est, id ante operationem, parum supra tumorem, acu incurvata, & filo reduplicata circumcingat, & firmissimo nodo constringat.

Deinde ut digitis præcipue, quæ separanda, separet. Sic enim minor erit hæmorrhagiæ metus, quam si cultro separatorio, aut novacula fieret. Hæc mihi cum alias, tum præcipue in matrona illa, cujus mammam abscidi feliciter successit.

Sed ut finem faciam concludo: Hippocratem in prædicto aphorismo caneros occultos in penitioribus partibus corporis veluti in palato, sede muliebri, &c. existentes, minime intellexisse. Illi enim cum planè, ut Galenus & experientia fidem faciunt, sint insanabiles, nõ erat opus de illis decretum aliquod proferre, superflua enim, inutilis, & tanto viro indigna fuisset locutio. Manualem quoque operationem, sive extirpationem canceri externarum partium, quæ sit novacula, quia, ut sciunt practici, & prædicta exempla fidem faciunt, absq; ingenti periculo fieri potest, non intellexisse, verisimile est. Alioquin de aliis quoque operationibus, in quibus sanguis multò copiosior, quam in excisione canceri, profluit, simile quid scriptum reliquisset.

Sequi-

Sequitur itaq; Hippocratem de curatione vera, atque legitima cancri, quæ fit contrariis, loquutum fuisse. Hujus quoq; opinionis fuisse Galenum, ex suis, quos in prædictum aphorismum scripsit commentariis, colligere licet. Cum enim de cancro exulcerato scribit, hæc habet verba.

Tunc enim, inquit, nimirum si adest exulceratio, est necessarium, ut si nō aliud agamus, saltem sapienter abluamus, humido aliquo utētes, non quocunque, sed vel per experientiam, vel per indicationem invento, quod neq; putrefacere, neque irritare partem patientem sit natura aptum. Ab hac itaq; curatione neque abstinere convenit, neque illi, qui sunt sine exulceratione cancri indigent ea. Hæcenus Galenus: quibus verbis curationem methodicam in cancro rejicit. Non enim partem affectam putrefacere debere disertè scribit, emollientia autem & pus moventia, qualia sunt calida & humida, putrefaciunt. Nam quæ verè putrefacientia sunt, Galeni verbis utor, humectant simul & calefaciunt: non sunt itaque, secundum mentem Galeni in cancriosis tumoribus applicanda. Ad majorem enim suæ opinionis confirmationem, addit: Neque illi, qui sunt sine exulceratione Cancris, indigent ea.

In eodem porrò commentario Galenum curationem violentam aut potentem approbare, apparet. Scribit enim sectionem aut ustionem sola esse remedia cancri,
Non

*De simpl.
medic. fa-
cultat. lib. 5.*

Non tamē in quovis cancro, sed in illis solummodo, qui in summa aliqua parte corporis hærent, adhibēda esse monet. Quod enim addit; illi, qui sunt in partibus penitioribus, talia remedia non desiderant itidem: experientia docet, & paulo post: Tales cancros nullo modo curare tentemus.

Hæc tibi vir clarissime, non contradicendi, sed discendi, & genuinam mentem venerandi senis, indagandi studio, in præsens communicare placuit.

Vehementer rogans, ut omnia æqui bonique consulere velis. Vale cum lectissima tua conjuge, quam tecum ego & uxor mea salutamus peramanter, ex musæolo meo 12. Martii Anno 1611.

SEBASTIANI MEYERI
Med. Friburgens.

De cancri occulti periculosa curatione.

*Ad præstantissimum & celeberrimum vi-
rum Dom. Guilhelmum Fabricium Hil-
danum medicum & cheirur-
gum clarissimum,
Responsio.*

Quin

Quin doctissime usuperitissimeq; tam rationibus firmissimis, quam experimentis observatu dignissimis, quam plena periculi sit canceri nondum ulcerati, nondumque a venenato humore corrofi & aperti curatio, per quam luculenter ostenderis, non est quod quisque dubitet, FABRITI clarissime. Verum aliud nunc agi, aliud investigari mihi videtur, videlicet, an hunc ipsum cancerum Hippocrates in proposito Aphorismo indigitare voluerit. De sensu, inquam, divini sensus, laborari mihi videtur.

Ego vero, neminem equidem, ne Apollinem quidem, præter unum ipsum Hippocratem, certos nos reddere arbitror posse, quin hæc in Aphorismo, occulti canceri, quæ deinde curatio accipienda. Tantum abest, ut ego hac in causa, idoneus disceptator esse queam. Verum ut morem geram, tuæ, amicissime, voluntati, quamvis ardeat Interpretatio tua, præ cæteris ubi tamen soliditas ejus eluceat magis diluenda prius videntur, quæ contra eam obijci possint.

Interpretaris Cancros occultos, sine ulcere non ulceratos, eamque interpretationem exemplo nobilis matronæ, quæ si curatio canceri ipsius hoc modo, occulti & necdum ulcerati, tentata non fuisset, in longum tempus vivere potuisset.

At Galenus Antesignanus noster, primum an eos hoc loco Hippocrates intelligat, qui in
summa

summa corporis parte hærent, absque ulcere: incertum esse, quantum ex verbis Aphorismi conjici possit, rectè asserere videtur.

Deinde ipsemet occultos cancos accipit eos, qui sunt in partibus penitioribus, in ore, palato, sede, sinu muliebri. Suamque acceptionem haud secus, atque tu Experientissime Fabrici) ipsa quoque stabilit & illustrat experientia, ut sectionem uersionemve in hujusmodi partibus adhibitam, illis seculis, nemo negare possit. Equidem scio, inquit, omnes qui hujusmodi cancos curare tentarunt, magis illos irritasse, & brevi homines interimisse.

Nam & qui cancrum in palato constitutum & in sede, & in sinu muliebri, vel uulnerunt, vel secuerunt, non potuerunt ulcera ad cicatricem perducere, & homines in curatione afflictos & maceratos usque ad mortem detulerunt: qui, si curationem non adhibuissent, longiore tempore, cum minori molestia transigissent. Tales igitur cancos (concludit Galenus) nullo modo curare tentemus.

Quamobrem cum Galeno, pro intelligentia hujus Aphorismi, hunc in modum argumētari liceat. Hippocrates, procul dubio hoc in Aphorismo, de cancris loquitur, quos non sine exitio ægrorum quidam curare aggressi sunt.

Sed ejusmodi sunt Cancra absconditi, non apparentes, in palato, in sede, in sinu muliebri, constituti. Ergo, &c.

Bb

Cur

Cur vero non & ipse Galenus, tum periculosas cancerorum non ulceratorum curationes methodicas quas vocas, observavit? aut, si observavit, de iis hoc Aphorismo, non præcipue monuit?

Curationem enim quod attinet, non violentam (quam Galeni interpretes potentem vocat) nempe excisionem, sed methodicam illam & legitimam, quæ contrariis perficitur, improbare censes.

At illam curationem improbare videatur, à quâ plerique alii etiam, sanè magnæ quoque authoritatis medici, illis seculis vehementer abhorruerunt. Sed hæc est excisio illa, uti constat ex Galeno, hoc loco.

Successus illi tui felices in excidendis canceris, non obscure sanè insignem peritiam, & dexteritatem tuam, ac insuper hanc chirurgicam operationem, non quidem in omnibus, sed in aliquibus, certè tutam restantur.

Fides interim profectò non omnino deroganda Celso, referenti, excisa carcinomata, etiam post inductam cicatricem, tamen revertisse, & causam mortis attulisse.

Sic mulieri Veneræ, cum hoc modo curatus fuisset mammillæ cancer, non multos post menses, iterum sponte exulceratum esse locum, (nulla alioquin præstita illi rei occasione,) neque amplius ulcus curari potuisse, sed tandem mulierem extinctam, suo de tumoribus

buſtraſtatu, Viſtor Trincavellius, memoriae reliquit.

Modum demonſtras, quo minus ſanguinis in exciſione profluat, & vas firmiſſimo nodo ligare jubet. Cum Galenus ad Glauconem: ſi laqueis intercipias vaſa, conſortii jure, alias partes afficiendas, moneat.

Ex quibus omnibus merito videri cuiſpiam poſſit, à Galeno, nec non cæteris tam antiquiſſimis quàm præſtantiſſimis etiam Medicis, hunc Aphoriſmum de cancriſ occultis, hoc eſt, non de aliis, quam de iis, qui internum & latentem aliquem locum, in ore, intra nares, in utero, aut in ſede, occuparunt, tum etiam de potenti curatione, ſive manuali operatione & exciſione, rectiſſimè intellectum, & interpretatum fuiſſe.

Quæ quidem uno veritatis enucleandæ ſtudio, oppoſita tibi pro amicitia, non dubitabis. Ac, ſiquidem, nihil ea, tuæ interpretationi obſtare docueris, tranſibo libens ad partes tuas dicturus liberè.

Amicus quidem Galenus, longè tamen amicior veritas: Interim libens ex te cogniturus id etiam: Cur non ſenex noſter, ſi hoc Aphoriſmo, per occultos intellexit, necdum ulceratos cancriſ, cur non, inquam, & ipſos ulceratos jam, quibus non minus curationem Methodicam adverſari, ipſe

Bb 2 con-

confirmas, adeoque in genere cavendos omnes monuerit?

Sincere concludo, Tuam observationem, propter singularem universæ rei medicæ scientiam in ea satis conspicuam, mihi hand exiguæ admirationi extitisse. Rector igitur mundi quam diutissimè te, unà cum tuis, præsertim in illis motibus, quæ belli, quæ pestis) servet incolumem. Nolle Laconismum meum scribendi loquendūque. Quare valebis, Vir præstantissime. Friburgi Helvetiorum, ineunte anno 1613.

OBSERVATIO LXXXVIII.

Verruca in summo balani existēs,
tandem in horrendum fungū
cancrosum degeneravit: ubi de
abscissione mēbri virilis agitur.

*Ad Virum præstantissimum Dominum
CLAUDIUM CAPUSIUM Cheirurgum
celeberrimum, cui Gvilhelmus Fabri-
cius Hildanus S. P. D.*

Quam misisti historiam admirandam, de
sectione Cæsarea, præstantissime mi DN.
CAPUSI, accepi: pergrata mihi fuit, & ut
inter

iat̃er scripta mea honestũ locum habeat, ope-
ram dabo. Planta quam addidisti mihi in-
cognita est. Utinam illam integram, cum suis
floribus, & radice habere possimus: non enim
dubito, quin ex clarissimo viro Domino D.
BAUHINO plenissimam notitiam nancisci
possimus.

Porro quum hisce diebus in tertia centuria
versarer, eamq; ad prælum adornarem, ac ob-
servationem hancce de abscissione membri vi-
rilis, præ manibus haberem, in tractatum tuũ
de cancro iterum (antea enim ipsum quoque
legeram) incidi. Placet, profecto, methodus,
placēt & remedia, in extirpatione tamen can-
cri, non facile tecum cōsentire possum. Quan-
doquidem erodentia in cancro, siue is occul-
tus, siue ulceratus fuerit, adeo mihi sunt suspe-
cta, ut eis uti non auderem.

Ex usu enim eorum malum irritari, sæpissi-
mè edocuit experientia. Verum subsisto, ne-
que experientiam tuam refutare conabor:
Ego quomodo aliquoties canculos, feliciter
extirpavi ex observatione præcedenti videre
poteris.

In qua & de periculosa cancri occulti cura-
tione agitur, & Aphorismus 38. lib. 6. Hippo-
cratis exponitur. In præsentia autem per-
pendendum tibi proponere visum fuit. Ni-
mirum an extirpationem cancri, membri vi-
rilis (quem tibi mox ob oculos ponam) ip̃eci-

Bb 3 fto

fico tuo caustico, tutò fieri potuisse existimes? Ego ut ingenuè fatear, propter ductum urinarium, & quæ ex ipsius obstructione suboriri potuissent symptomata, eo, quantumvis approbato, uti nunquam ausus fuisssem. Sed tuâ hac de re sententiam intelligere cupio. Ego quomodo in abscissione membri virilis processu, nunc, ne nudas ad te mitterem litteras, tibi communicare, constitui.

PIERRE PERROD faber ferrarius, ex pago Cresciacensi prope Lausannam: ætate quadragenarius, vita rusticus, temperamento melancholicus, à teneris annis verruca in summitate glandis, lentis magnitudinem vix excedente, laboravit: ex qua in cœlibatu, non nisi aliqua collisione facta, dolorem non sensit. In matrimonio autem propter confricationem, quæ fit in coitu, magnum & continuum cœpit sentire dolorem: ita ut per tredecim annos, à congressu uxoris abstinuerit. Successu verò temporis, accrevit dolor, & verruca in monstruosum cancrum, magnitudine infantis capiti, recenter nati, nihil cedenti, degeneravit. Penis in carnis massam inæqualem & lividam transformatus erat. Fœtor tantus aderat, ut familiares & amici, consortium ipsius ferre nequiverint. Ulcera etiam non pauca, è quibus urina hinc inde effluebat, hunc fungū cancrum circumambiverunt.

Morbo itaque indies in deterius vergente, tam empiricos, quam rationales adhibuit medicos,

dicos atque cheirurgos: sed absque fructu: Ab
iis omnibus cum æger tandem planè pro de-
sperato atque incurabili, judicatus esset, in
maximo quinetiam discrimine vitæ versate-
tur, & cuncti ad commiserationem commo-
verentur, ut sibi opem porrigere vellem, pe-
tiit; Reverendus itaque pietate simul & do-
ctrina ornatissimus senex Dn. PETRUS PA-
GESIUS verbi divini minister fidelissimus, au-
thor fuit, quod, facto prius prognostico coram
amicis, & adstantibus, curationem aggressus
sim.

Affectum autem cum diligenter examinaf-
sem, in extremo esse, deprehendi. Cancer e-
nim radices suas, jam ad ipsius abdominis mu-
sculos usq; fixerat: quapropter extremum re-
medium, hoc est, ipsius membri abscisionem,
potius tentare malui, quam hominem, tanta
calamitate fractum atq; afflictum, in ejusmo-
di miseriis diutius derelinquere.

Quod igitur ipsam curationem attinet, hoc
modo processi. Primò institutâ optimâ vi-
ctus ratione, corpus sequenti potiuncula levi-
ter purgavi.

℞. Herbarum fumarizæ,
Scabiosæ,
Cuscutæ,
Ceterach,
an. M. ℥.
Sem. anisi, ʒ. ℥.
Foliorum senæ ʒiij.

Potio pur-
gans.

Bb

4

Fiaꝛ

Fiat decoctio, ut colatura redeat ad ℥ iij.

In quibus dissolve.

Confectionis Hamech ℥ iij.

Syrupi rosati solutivi compositi cum
Rhabarbaro

Agarico & sena,

Aquæ cinamomi distillatæ absque

Vino an. ℥ j.

Misce fiat potio, detur in crepusculo
matutino.

Venasectio.

Postero die venam brachii sinistri incidi, &
uncias sex sanguinis extrahi. Deinde ad ma-
jorem humorum præparationem & evacua-
tionem, sequens Apozema exhibui.

Apozema.

℞. radicum cichorii cum toto,
Radic. Lapatii acuti,
Petroselini,
Polypodii,
Scrophulariæ majoris,
Corticum thamarisci &
Interiorum radicum frangulæ an ℥ j.
Herbarum Agrimonix,
Veronicæ,
Scabiosæ,
Cuscutæ,
Ceterach,
Politrichi,
Geranii an. M. j.
Trium florum cordialium,
Genistæ, &
Sambuci an. p. j.

liqui-

liquiritiæ, &

uvarum passular. exacinar. an. ℥ j.

Fiat decoctio in f. q. aquæ, ad consumptionem
tertiæ partis, in f. j. β. colaturæ infundantur &
macerentur, f. a.

foliorum senæ mundat. ℥ ij.

rad. elleborinæ, hoc est,

Saniculæ fœminæ Fuchii,

polypodii an. ℥ j.

agarici recenter troiscati ℥ ij.

rhabarbari optimi ℥ ij.

fiat f. a. potio pro quatuor matutinis.

Hiscæ expurgato corpore, & exonerata vesica
decima Julii Anno 1601. ægrum in sedem col-
locavi; & præsentē clarissimo & doctissimo vi-
ro Dn. JOHANNĒ RHETERIO, in Schola Lau-
fannensi, Hebraicæ linguæ Professore celeberrimo,
Claudio Marione pharmacopæo exerci-
tatissimo, David Clerico aliisque multis, qui
etiam nunc vita fruuntur, membrum virile in i-
pso abdomine, abscidi. Postea pulverem meū,
ad sanguinem sistendum stupis, albumine ovi
madefactis applicui; ac linteis reduplicatis &
oxycrato imbutis, inguina & scrotum involvi,
falciisque colligavi. Quibus factis servos con-
stitui, qui per vices manu madefacti oxycra-
to, stupas cum pulvere continuo continerent,
ne sanguis erumperet. Cauterium enim actua-
le hoc in casu summè periculosum est; tum
quod meatum urinarium obstruat, tum etiam
vesicæ, & circumjacentium partium inflam-

*Cauterium
actuale cur
in abscissio-
ne membri
rilis non ad-
hibendum.*

Bb 5

maio

mationem facillè excitet. Vulnus sic in hoc primo apparatu ligatum, in alteram diem usque intactum reliqui. Tum primis diebus applicato digestivo, ventre circumjacentibusque partibus vulneris, ol. Rosarum & Myrtillorum inunctis, item applicato defensivo imo ventris; vulnus curavi more solito. Sic Dei beneficio plenissimè convaluit.

Pro urinæ autem canali hoc subsequens instrumentum, ex AMBR. PARÆO lib. 23. cap. 9. substitui, quo tam commodè statim post absolutam curationem utebatur, ut parum imo nihil vel obstaculi, vel doloris inde sentiret, vitæ etiam suæ munia feliciter, & firma sanitate obiret; ita ut omnes, qui ipsum antea viderant admirarentur.

Porro quum nonnulli cancrum, in una parte excisum, in altera renasci existiment, notandum est, hominem huncce per multos annos vixisse, & corpore ita validum fuisse, ut negotia rusticana & opificium suum, absq; ullo impedimento exerceret, urinam quoque liberè, & quidem sine fistula illa, qua in principio usus fuerat, non solum redderet, verum etiam ipsam non secus ac si virgam sanam & integram habuisset, longè expelleret. Retulit præterea mihi aliquoties, se sæpissimè ad venerem incitari. Obiit tandem circa finem anni 1611. dum ego in Belgio essem, qualis autem fuerit postremus suus morbus, latet me.

Figur-

Figura fistulae.




Sequens

Sequens delineatio, formam hujus fungi cancrofi tantummodo indicat, magnitudinem verò, propter penuriam spacii, adumbrare non potui; visitur illa in Musæo meo.

A. Superior est pars membri virilis, quo in loco ventre excisum est.

B. Corpus erat callosum, fusci coloris; reliquum verò hujus massæ cancrofæ, coloris rubicundi, lividi, obscuri ubique ulceribus profundis & putridis, ex quibus urina promanabat, scatens, conspiciebatur.

Figur-



Porro antequam finem hujus epistolæ faciam aliud exemplum de ablatione penis, subungere visum est.

In bello inter Ducem Sabaudia & Geneveses, cuidam militi in velitatione, membrum virile ictu sclopeti ablatum fuit. Genevam deductus à Dn. Johanne Griffonio, Cheirurgo longè celeberrimo, feliciter sanitati restitutus fuit, sed in isto viro hæmorrhagia non utique adeo magna sequuta fuerat; alioquin propter profusionem sanguinis, hujusmodi operationes periculosas esse exempla non desunt; sed nunc ea addere, tempus & occupationes non permittunt. Vale itaque mi Dn. Chapusi, & feliciter vive diu, cum lectissima tua conjuge, quam tecum peramanter saluto. Dabam Laufannæ 16. Februarii, 1613.

OBSERVATIO LXXXIX.

De periculosa membri virilis abscissione.

PRæcedenti observatione de felici successu abscissionis membri virilis egimus. Nunc vero periculosas esse ejusmodi operationes, si minus rectè administrentur, duabus subsequentibus historiis planum faciemus.

Historia I.

Anno 1581. cum rusticus quidam à Filtin à la Marcha Gallia civitatem penus sibi comparandi gratia,

gratia, profectus fuisset & crumenam pōderosam collo appensam gestasset, à manticulario quodā exploratus erat, qui quū de modo crumenam illam abscindendi deliberasset, id imprimis notavit, quod corpore antrorsum inclinato, crumena in caligis propenderet, eodem vero corpore rursus erecto, denuò sursum versus regionem umbilici retraheretur. Hæc cum manticularius probè observasset, ac rusticum ante officinam quandam merces perlustrantem conspexisset, clam accedit & per fissurā caligarum manu crumenam, & membrum virile apprehensum, simul & semel abscidit. Miser verò ille rusticus in terram procidens, illico animam efflavit. Historiam hancce ex ore Humberti le Page civis Lausannenses, viri pii ac fide digni, compatris mei plurimum honorandi, hujusque rei testis ocularis, excepi.

Ann. 1582. Cum quadragenarius quidā Hildenzæ in patria mea, ulcere quodam fœtido ac *Altera historia.* maligno in ipso balano laboraret, in manus Chirurgi non usq; adeo imperiti incidit. Is abscisso balano, nec pulveribus ad sanguinem sistendum, validis satis instructus, interim dum ferrum quoddam, quod primo illi in culina ad manus erat, calefaceret, tanta subsequuta hæmorrhagia, ut æger paucos post dies è vita discederet: ex tãta enim sanguinis profusione vires ad eò debilitatę fuerāt, ut in integrū restitui amplius nō potuerint. Ex quib. summā in abscissione mēbri virilis diligentia providentiam-

400 OBSERV. CHIRURG.
tiamque adhibendam esse, tyrones faciliè col-
ligere possunt.

OBSERVATIO XC.

De fractura quadam brachii in
decrepito, ipsiusque curatio-
ne, in qua de præstantia, & ge-
neratione ossifragi lapidis agi-
tur.

*Viro præstantissimo Dn. CLAUDIO CHA-
PUSIO Chirurgo celeberrimo, Guilhel-
mus Fabricius Hildan. S. P. D.*

Menses fere elapsi sunt septem, præstantif-
sime atque experientissime mî Dn. Cha-
pusi, à quibus adjunctam observationem de
Verruca in summo balani existente conscripsi.
Cum vero tabellarium expectaré, ecce Wor-
matiam Vangionum ad Generolum virum,
Dominum EBERHARDUM Râmmerer von
Worms/genandi von Dalberg vocor, ita qui-
dem ut ætatem ferè integram in Germania cō-
sumpserim. Observationem porro prædictam
quod attinet, illam sub tuo nomine, Centuriæ
tertiæ inferere decrevi, ut esset veluti monu-
mentum amicitiae nostræ. Tibi si quid ad ipsam
respon-

respondere libuerit, fac, quæso, ut id maturè ad me mittas. Quandoquidem centuriam illam tertiam prælo quamprimum subicere constitui.

Cæterum mitto ad te uncias aliquot lapidis ossifragi, quem nonnulli osteocollam, ostitem, tabulosum, & Germani Weinbruch & Bruchstein appellant; idq; non immeritò; quantum enim valeat in fracturis ossium, non rarò expertus sum: cujus rei exempla habes in prima centur. observ. mearum, nunc tamen & aliud non vulgare tecum communicare visum est.

Ante annos circiter sex, cum apud Paternia-
censes Medicinâ facerem, accidit, ut septua-
genarius quidam, à vicino quodam suo circa
carpum, baculo percussus fuerit, cum manife-
sta, & quidem completa fractura. Erat autem
senex ille corpore extenuatus & decrepitus;
sed & ante multos annos, paralyti ejusdem la-
teris, cujus fractum fuit brachium, laborave-
rat, neque unquam à paralyti penitus restitutus
fuerat, ita quidem ut non nisi maxima cum
difficultate & innixio baculo incedere posset.

Ego in consilium cum accersitus essem, ossa
in locum suum, eâ quâ fieri potuit diligentia, re-
posui. Et quæ in hujusmodi affectibus requi-
runtur remedia, applicui. Subsequentibus
diebus, ut symptomata præcaverentur, cor-
pus à pravis humoribus aliquoties expurgavi.
Post dies verò aliquot, cū mihi Solodurum ad

Cc nobilem

nobilem virum Dn. VVALLIERUM proficiscendum esset, curationem domesticis meis absolvendam reliqui. Post mensem cum domum reversus essem, & fracturam diligenter inspexissem, omniaq; perpendissem, callum nondum factum esse ex collisione ossium fractorum, bellè apparuit. Brachium enim, uti & totum corpus, adeo extenuatum erat, ut ossa, etiam tunc temporis inter se, uti & ab initio morbi, disjuncta esse, facillimè perciperentur. Adeò ista in parte calor nativus simul & humidum radicale deficiebant. Venerunt tunc in mentem egregiæ illæ operationes, quas ex usu lapidis Osteocollæ sapissimè observaveram; quapropter curationē hoc modo institui.

Iterum infusione rhabarbari, foliorū senæ & agarici, clementer expurgato corpore, illam victus rationem quæ multū nutrit, (omissis tamen cibus viscosis, qui mihi in fracturis, mirum in modum, ut in prima centuria obs. 2. declarauimus, suspecti) sanguinemq; optimum procreat, calidum nativum & humidum radicale instaurat, præscripsi. Singulis quoque diebus, jejuno stomacho ad drachmas duas sequentis pulveris, ex jusculo carnis recentis exhibui.

℞. Lapidis ossifragi diligenter præparati ℥j.

Cinamomi electi ℥iij.

Sachari ℥ij.

Misce fiat pulvis tenuissimus.

Brachium

Brachium vsq; ad scapulam sequenti lini-
mento quotidie bis inunxi.

℞. Ol. lumbricorum ℥ij.

Ol. granorum juniperi ℥ij.

Succi lumbricorum ℥j.

Misce fiat linimentum.

Post inunctionē sequens applicui Emplastrū.

℞. Emplastri Vigonis ad fracturas ossiū ℥ij.

Emplastri oxycroc. ℥j.

Lapis osteocollæ præparati ℥j.

Lumbricorum præparatorum, & in sub-
tilissimum pulverem redactorum ℥j.

Cum s. q. olei lumbricorum fiat empla-
strum. Fracturam de tertio in tertium aut de
quarto in quartum diem solvi, & medicamen-
ta renonavi; reliquum brachium verò quoti-
die semel aut bis, ut dictum est, ad scapulam,
& nucham usque, inunxi. Hisce adhibitis re-
mediis, callus intra paucos dies, usq; adeo pro-
creatus fuit, ut collisio illa ossium non amplius
perciperetur Et brachiū intra septimanas qua-
tuor restitutū fuerit. Vides, mi Dn. Chapusi,
quomodo natura in hoc decrepito, veluti as-
sopita expergefata, & calor natus, ferè ex-
tinctus, iterum beneficio prædictorum medi-
camentorum, accensus fuerit? Quantum præ-
terea valeat lapis ille, in fracturis ossium, inde
quoque videre poteris.

Porro illum, quem ad te mitto, lapidē, supe-
riori æstate, ipsemet in Germania collegi. Cum

*De genera-
tione Lapi-
dis ostio-
enim collis.*

CC 2

enim collis.

enim Menſe Aprili, ad Nobiliſſimum, ac ſtrenuum virum, DD. JOHANNEM HENRICUM à HEUSENSTAM, Reverendiſſimi Archiepiſcopi & Electoris Moguntinenſis Mareſchalcum & Conſiliarium meritiſſimum, nec non ſatrapam in Dieburg vigilantiffimum vocatus eſſem, & per dies aliquod moram apud ipſum traherem, in campum quendam ampliſſimū, & arenofum, fructiferum tamen, prope DARMSTADIUM me conducere curavit. In ipſo porro agro lapidem hunc copioſè, non ſolum in ipſa terra abſconditum, verum & in ipſius ſuperficie, aëre expoſitum, inveni. Qui extra terram reperitur, nullius eſſe momenti, prænominaſſe ille nobilis (qui hujus lapidis cognitionem habet) mihi affirmavit. Illos tamen inter ſe, ſive formam. ſive colorem, inſpicere velis, vix diſcerni poſſe, ac proinde, qui venales circūferuntur, ſæpiſſimè ſi non adulteros, nullius tamen efficaciz eſſe, ex adjunctis facile cognoſces; de uno enim atque altero, ſeparatim ad te mitto. Ille qui in viſceribus terræ invēitur, cum primò erutus fuerit, altero mollior eſt, friabilis & fuiſci coloris; aliquam diu ve: d' imò per diem unum aut alterum ſolummodo aëre expoſitus, paulatim indureſcit, & albeſcit quoque.

Opinionem porro nobiliſſimi, ſimul ac Doctiſſimi iſtius viri HEUSENSTAM irrationi contentaneam eſſe planè mihi perſuaſum habeo. Ob frequentes enim pluvias, & ſolis ardorem,

dorem, substantiam illam viscidam, & bituminosam, quam (cùm primò ipsum è terra effodi) in ipso observavi, absumi, ac proinde virtutes suas ex parte deponere, & nihil, præter id, quod maximè in ipso terrestre est, remanere, planè verisimile esse, mihi videtur. Generatur nihilominus tamen & ille, qui in superficie terræ reperitur, etiam in ipsis visceribus terræ, sed diuturnitate temporis, paulatim erumpit. Deinde, aduenientibus pluviis, & superficiem terræ, quia sabulosa, abluentibus, in conspectum venit. Alter pedem vnum, vel etiam duos, trèsvè, imo etiam octo, profundè, diversarum figurarum, ut ex adjunctis videre poteris, reperiuntur. Nonnullos ex basi quadam, veluti rami arboris ex radice prodeuntes inueni. Ille qui profundo terræ reperitur, ut plurimum mollis est, friabilis, & limosus, facileque in aqua dissolvitur, aut inter digitos conteritur: Erutus tamen cùm fuerit, mox, uti dixi, indurescit, & inter colorem album, & fuscum medium quid obtinet. Eiusdem tamen coloris etiam nonnullos extra terram inveni lapides; quos ego non omnino improbo. Non enim ipsos aëri diu expositos fuisse existimo. Alii præterea solidi sunt; alii fistulosi, in quibus materia aliqua nigra, mollis tamen friabilis, & aliquo modo limosa, medullam ossium repræsentans reperitur. Ubi forsàn primus hujus medicamenti author respexit, illumque in ossium affectibus, singulare quid

Cc 3

præstare

præstare posse, inde collegit. Plura si de hoc lapide videre cupis, consule Matthiolum, Quercetanium, Anselmum Boëtium de Boodt, & alios. Ego, & si ipsum in fracturis ossium præstantissimum esse, in controversiam vocare, minimè contendam, attamen intra tam paucos dies, uti scribunt Mathiolus, & Quercetanus, ossa fracta, sanare posse, non facile mihi persuadere possum: tibi quid hac de re videatur, rescribe. Vale vir præstantissime, & cum conjugè feliciter vive diu. Raptim Lau-
sannæ 30. Augusti 1613.

OBSERVATIO XCI.

De ingenti fractura brachii, in qua ossa disjuncta remanserunt.

*Ad eundem Virum præstantissimum Dn.
CLAUDIUM CHAPUSIUM, cheirurgum
excellentissimum, cui Guilhelmus
Fabricius Hildanus
S. P. D.*

IN postremis meis ad te literis, vir præstantissime, curationem quandam singularem fracturæ brachii ad te scripsi; Observationem quoque de membro virili, in fungum cancerosum

sum excretum, simul mihi; fac, quaeso, ut quamprimum intelligam, an literas acceperis.

Porro ante menses duos, ex Germania rediens, Basileæ fracturam, observatione dignam, in quadragenario vidi. Hujus autem viri brachium sinistrum, quum ante annos decem, rota molendina apprehenderet, inter cubitum & carpum ossa in transversum adeo confregit, ut omnino inter se disjungerentur, cutis quinetiam & muscoli, mirum in modum dilacerarentur. Dolor supervenit maximus; inflammatio ut intumefactio totius brachii; non solum ob magnitudinem morbi, verum etiam, quod ossa in propriam sedem reposita non fuerant; carnemque continuò compungerent. Multū puris per menses aliquot effluxit, multaq; olsicula, à cheirurgo extracta fuere; Tandem remiserunt symptomata, & consolidata fuerunt vulnera, sed ossa disjuncta remanserunt; & ita quidem, ut eo in loco, veluti alterum articulum constituerent, Manum enim dextram si adhibet, sinistrum brachium, antrosum, & retrorsum ducit, non secus, ac si naturalis in loco prioris fracturæ, articulus esset; idque sine vlllo dolore. Ossa se invicem non attingunt; sunt enim ipsorum extremitates, callo obductæ. Brachium aliquomodo extenuatum est. Cubitum quidem mover, sed difficulter; quapropter brachium ferè inutile est.

Cæterum quid causæ sit, cur ossa in hoc viro per callum connexa non fuerint, profectò,

*Methodo
medendi*

*lib. 6. Art.
med. c. 68.*

*Observatio
de duabus
costis in
medio per
callum con-
glutinis.*

me later; nisi forsan proprium nutrimentum ossis, ex quo, teste Galeno, callus procreatur, in pus conversum, vñâ cum pure effluxerit, aut caro vel membrana aliqua inter utramque extremitatem ossis interciderit. Alioquin natura adeo est provida atque diligens, ut extremitates ossium fractorum, licet levissimè se contingant, statim conglutinet atq; jungat; uti ex sequenti exemplo apparet. Habeo in Museo meo duas costas, quæ in medio, mediante callo, quemadmodum ex sequenti figura apparet coherent. Verisimile autem mihi videtur, fragmenta nonnulla acuta, vñus atque alterius costæ musculos intercostales, perforasse, ac se invicem attigisse, & beneficio naturæ per callum firmissimè connexa fuisse. Quòd autem homo iste, cujus antea facta fuit mentio, doloris expers sit, & brachium nulla intemperie vexetur, admiratione non vacat. Ego etsi in Belgio & alibi infinitas propemodum fracturas viderim, nunquam tamen tale quid me vidisse memini. Tu, qui exterar quoque regiones peragrasti, multumq; observare potuisti, simile quid, si observaveris, id ut in bonum publicum communicare velis, obsecro. Pestis hîc, & in vicinia vehementer grassatur; & multos è medio tollit. Deus pro sua misericordia per unigenitum filium suum Jesum Christum, iram suam justissimam à nobis avertat. Tu si singulare aliquod remedium, contra morbum huncce tam gravissimū habes, id, ut nobis

nobis communicare velis, obnixè rogo. Vale,
vir præstantissime, & cum lectissima tua con-
juge feliciter vive diu. Dabam Lausannæ 9.
Septembris 1613.

*Delineatio duarum costarum, in me-
dio, per callum connexarum.*



OBSERVATIO XCII.

Ex improvida & incauta inūctio-
ne argēti vivi, mors consequuta.

Quibus laudibus hydrargyrū in lue vene-
rea ab omnib. ferè chirurgiæ practicis ce-
lebri extollatur quamq; præsentaneū sit in e-
jusmodi affectibus remediū etiā chirurgiæ ti-
ronib. in cōfessio est. Cautè tamen & summa cū
prudētia adhibendū esse, omnes monent vi-
ri docti. Non n. unum idemq; remediū diver-
sis morborū generibus adaptari debet, sicuti
pleriq; artis chirurgicæ impostores, empirici
atq; carnifices, qui hoc remediū in omnib. ferè
scabiei speciebus, ulcerib. aliisq; affectibus cu-
raneis, imò etiā in quibusdā dolorib. arthriti-
cis, quos ipsi suo fictitio & inusitato apud ratio-
nales Medicos vocabulo *die faste lāme* vocāt,
applicare ausi sunt, idq; maximo cum dāno æ-
gtorū. Quandoquidē corpore non purgato i-
psos in locū angustū atq; calidū includūt, mox
juncturas unguento ex hydrargyro inungere
non cessant, donec phlegma copiosè per os ef-
fluat dētesq; vacillēt. Hinc pessima ut plurimū
sequuntur symptomata, quibus æger destrui-
tur atq; præcipitatur, ut mox exemplis duobus
declarabimus. Est igitur morbi habenda ratio,
quandoquidē hoc remediū genus, requirit ma-
teriā suā particularē, in qua tanquā in proprio
subiecto vim suam exercere possit. Ita q; ut chi-
rurgus

rurgus ante omnia plenissimam notitiā morbi & rationē viriū habeat, necesse est. Habet n. hydrargyriū particularē facultatē, quā pituitosos humores etiam ex infimis corporis partibus ad os & fauces mittit atq; expellere cōtat. Id quod ego sæpissimè nō solum in hydrargyro crudo, verū etiam in ejus pulvere calcionato expertus sum, dum ipsum ulceribus, quantumvis extremitatū veluti tibiarum, & manūū præcipuè in corporib. tenellis & delicatiorib. insperſi, quādoquidē ægri nō sine molestia de dolore dentium, & inflatione gingivarū cōquerebantur.

Porrò dum humor ille pituitosus & lentus vi hydrargyri ex omnib. partib. corporis impetu quodā sursum fertur ad os, fieri nō potest, quin maxima ejus portio in laxos ac porosos pulmones feratur illi q; insidiatur. In primis autē pulmonib. hoc evenit pericuū natura ægri debili & lāguida existente, ut viscosam hanc pituitam expellere non sit potis. Hinc sequitur inflammatio, respirandi difficultas, & tandē suffocatio atq; mors. Aliquādo quoq; tam copiosè pituita hæc ad os confluit, ut exincto calore nativo, gangræna sphacelus q; sequatur. Cui rei quam plurima exempla percensere possim, sed tria, quæ sequuntur, sufficiant. Ex quibus tyrones admonitos velim in applicatione hydrargyri cautè procedendum esse.

Exemplum I.

Helvetius quidā 16. annos, aut circiter natus, ex militia rediēs, tū propter itineris & tēporis incom-

incommoditatem, tum etiam viatici inopiam, planè extenuatus ac defessus Lausannā venit, ac quia de dolore juncturarū & lassitudine cōquerebat, chirurgi potius hospitio, quā diversorio publico frui maluit, quo simul & eodem tēpore defatigatū ex itinere corpus exhaustas, que vires reficere interim quoq; articulorū dolorib. curā adhibere possit. Sed infelici omine in manus imperiti & imprudētis empyrici incidit. Is nulla, neq; vitium, neq; morbi ratione habita, statim juncturas omnes, etiam corpore nondū expurgato unguento ex hydrargyro inunxit, non secus ac si lue venerea graviter infectus fuisset. Unde viribus omnino prostratis in gravissimam lienteriam incidens, paulò post à morbo die faste & ante appellato, per obitū plenissimè liberatus fuit. Vocatus ego, ut corā clarissimo D. *Abelo Rosio* apud Lausannēses medico celeberrimo, & *Claudio Marione* Pharmacopæo vigilatissimo, cadaver aperirem, pulmones lividos, & humoribus pituitosis instar spōgiæ madefactæ repletos, cor verò molle flaccidum & exangue deprehendi.

Exemplum I I.

Nobilis vir *Baptista Mallarda* in Rue, Helvetiorum *Freiburgensiū* Reipub. pago 66. annor. ætatis suæ nodosa podagra extenuatus, scabie ex phlegmate falso laboravit. Incidit hic quoque in manus imperiti empyrici, qui nullis adhibitis universalib. ipsum primum unguento ex hydrar-

drargiro, deinde in balneum ex herbis calidis immisſam, totū etiā copus aqua vitæ inunxit. Paulo poſt humores pituitoſi ex omnibus corporis partibus ad gingivas tam copioſe confluxerunt, ut inde inflatio oris, inflāmatio & dolores non leves, ſpirandi item difficultas, ſyncope aliq; graviora ſymptomata ſequuta ſint. Die 29. Junii 1598. accerſitus, gingivar, genas, linguam, omnesq; oris partes, ſphacelo infectas offendi. Alligata itaq; baculo ſpongiola inq; gargarifmate madefacta, dum os abluere vellem, dentes, partesq; linguæ & gingivarum ſimul exciderunt. Ob hæc ſusigitur ſphaceli ſævitiam ſequenti die ē vita diſceſſit.

Exemplum III.

Mulier ulcere in cruce, abſq; ulla tamen ſuſpicionē luis venereæ laborans, cum chirurgo ſe curandā commiſſet, unguēto ex Mercurio inuncta fuit. Poſt dies aliquot inflāmatio gingivarum pro more ſequuta eſt. Quæ neglecta, ſequutum fuit ulcus putridum, adeoq; malignū, ut gingivas, malas, naſum, totamq; partem faciei infra oculos eroderet. Vixit in hac miſeria mēſes circiter duos, deinde naturæ ſatis fecit. Hæc mihi anno 1608 .d. 11. Martii præſente D. Emanuele Vaſtiſio Artium liberal. Magiſt. à viro quodam pio & fide digno, qui affectum hunc ſuis vidit oculis narrata fuere.

OBSER-

OBSERVATIO XCIII.

Nobilis quidam ex febre acuta
curatus protinus gangrænâ
corripitur.

INter omnes gangrænæ species, illa, quæ ex
occulta & venenosa qualitate accidit, meri-
tò omnium periculosissima & exitiosissima est
cēsenda. Raro n. ex ea sanitati restituuntur ægri,
uti in tractatu nostro de gangrænâ & sphacelo
suo loco fusius declaravimus, ut plurimū n. et-
iam si membrum ea in parte, quæ nobis sana, &
luc ista minimè infecta esse videtur, abscinda-
tur, revertitur tamen malū, truncū rursus inva-
dit ægrūq; protinus è medio tollit. Tanta n. est
hujus veneni sævitia atq; malignitas, ut muscu-
los, venas atq; arterias, quæ in centro partis af-
fectæ latitant, primò & antequam in cute in
conspectū prædeat, occupet, per easq; sese lon-
gè lateq; dispergat, & adjacentes partes infi-
ciat, idq; ut plurimum antequam signa gan-
grænæ in cute appareant, perficit. Hæc etiam si
ego non raro in aliquib. observaverim, ad ma-
jorem tamen rei declarationem, non abs re
neque tyronibus infructuosa erit sequens hi-
storia, quam clarissimus ac doctissimus Dom.
JANUS DE BURGO Burgi Segusianorum
Doctor medicus longe celeberrimus, diligen-
ter

ter ac doctè annotavit, quamq; mihi cum Anno 1609. mense Aprili Burgum, ad nobilem virum Dom. JACOBUM WALLIER ictu scloperi graviter læsum vocatus essem, & per mensem ferè integrum familiaritate atq; amicitia viri istius tam docti, tamque humani, fretus essem, communicavi. Historiam autem illam sic descripsit nobilis Petrus Dhazard natione Gallus.

Gangræna in pede sinistro nulla præcedente inflammatione nullo ulcere nulloq; alio sensibili vitio affecto aborta, à venenata, malignaque qualitate profecta censetur, huicq; cum tibia paulò infra poplitem in parte scilicet sana amputata esset, ii. ab amputatione die, gangræna reliquum crus, totumque sinistrum latus, præter omnium expectationem rursus occupante in oppidulo Segusianorū sancto Triverio sacro extremum vitæ diem obiit.

Anno Domini 1605. Calend. Januarii cum nobilis Petrus Dhazard apud sanctum Trivarium Bressiæ Segusianorum oppidulum ob acutam febrem decumberet, propter magnam mutuamque familiaritatem qua vicissim fruebamur, me ab eo vocari & ad morbi curationem, qui tunc malè eum exercebat, adhiberi contigit, cui cū accommodatā profligando morbo victus rationē undiq; præscripsissem, præsidiaque omnia, quæ huic depellendo affectui idonea fore conjiciebā, summa diligen-
tia

tia administrassem intra quatrīdū affectum quo antea immanissimè devexabatur, affulgēte divina ope, pro voto & animi sententia curavi. Verū cum in integrū restitutus planè videretur, & sese jā ad cōsuetā munia trāsferre vellet, quo id ipsum sequenti die facilius consequeretur, & lectulo, ne ita torpesceret, corpus surgere decrevit. Per cubiculū autē cum moliter deambulare, sinistru pedē sibi mirū in modū degravari, tantoq; dolore percuti sensit, ut cum inter se deambulandū sustinere non posset, in humum quasi vi excussus decidere coactus fuerit: quare ad eum ministrantes illi famuli subito accurrunt, ipsumq; in pedes, quo staret, erigere conantur, sed frustra: progredi enim ipsum non posse animadverterunt; altero scilicet pede eoq; sinistro motum corpori nullum præbente: quapropter ad cubile ipsum deferunt, vestimentis exuunt, supinum componunt, sicq; collatum, ut à me inviseretur, ultro fatagunt. Accersor ad hominem quem jacentem intueor, & præ dolore atrocissimisq; cruciatib. magno clamore ac ejulatu divinam opem implorantē audio: mirari statim subit, quid nā rei tāti doloris malo occasione ita celerem præbuisset: quare ab eo sciscitor, num jam diu ita excrucietur, in quave corporis parte dolorem persentiret: qui mox se ita esse affectum, ac dolorem, sinistro tantum pedi se incedere respondit.

De doloris specie, & qualis ille esset, interrogatus

gatus, inflammationi similem, & talem quidē qualis suppositus pedi ignis ardens efficeret, esse expressit.

Quibus auditis partem dolore obsessam detego, attracto, & si quæ in ea labes subesset deprehendere cogito, sed tantum abest ut in eadem admota manu incendium illud grave de quo conquerebatur, observarem, quin potius pedē universum maximē autē plantā ejus intenso admodū frigore rigentem tactu deprehendo, & nisi mutata naturalem figuram sitūve conspexissem (erant n. reclinati in seipsis digiti, pesq; quasi extrusus, ad demortuæ partis instar immobilis permanebat) sanam nulloq; vitio inquinatam judicissem partem illā, maximē autē quod nec tumor ullus, nec ulla sensibilis mutatio coloris intervenisset, me extēpore, qui aderant interrogāt, & à me quid tam acerbis dolores significarent, sciscitantur, quib. sanē futuram gangrænam, si jam accersita non esset indicavi respondit. Et si enim partem illam nulla inflammatione teneri, nec ulla alia manifesta intemperie affici, ob quā calor natus obtrui ac extingui posset, satis mihi perspectum erat, eum q; tamen ingenitum partibus humani corporis calorem ob alias etiam causas extingui posse in mentem venit. Est enim docta FERNELII sententia cap. 7. lib. 7. suæ pathologiæ; à venenata atq; maligna qualitate insitum partis calorem præfocari extinguiq;. Verum apud me Gvilhelmi Fabricii Hildani exercita-

Dd

tissi-

tissimi Chirurghi testimonium multò pleniorē fidem faciebat, ut quod tractatum magna arte ac methodo exstructum, de gāgræna & sphacelo inscriptum, nō longo ante tempore edidisset, ubi omnes gangrænæ causas tam universales, quam particulares enumerans, tandem tractatus sui caput quartum huic particolare gangrænæ, quæ occultam & malignam qualitatem pro exitus sui causa agnoscit, dicavit, tamque apertis exemplis rem confirmavit, ut omnem dubitandi occasionem omnium animis eripuerit, Hæc occulta deleteriaq; qualitas non actione manifesta, sed cæca vi, & ut inquit author idem, modo quodam mentibus nostris inpervestigabili, corporis substantiā corrumpit, devastat ac depopulatur. Nec abs re quidē contrariis enim legibus quam natus ipse calor regitur & gubernatur: quo fit ut perpetuas invicem inimicitias exercentes, bellumq; perpetuum contra se gerentes, alterum in prælio occumbere necesse sit, deficiente q; nativo calore, proprio temperamēto partis everso, gangrænā ac sphacelum, nisi humor cui maligna illa qualitas tanquam subiecto infidet, foras evocet, necesse quoq; sit in generari, partemq; ad internecionem penitus deduci. Hoc maximo suo malo expertus est æger ille, qui cū gangrænā secundum sinistrum pedem correptus esset, ex nulla manifesta causa originem trahente, ab occulta malignaq; qualitate nativo calore lethalem vim inferente in eandem incidisse censetur.

Quæ.

Quænam autem esset deleteria illa qualitas quòve nomine designaretur, neminè esse, qui exprimere possit, existimo, alioquin manifestam & apertam dicendam fuisse potius quàm occultam qualitatem, rationi magis consentaneum esse arbitror. Verum quonià quandoq; extrinsecus advenire, quandoq; autem corpori innasci consuevit, num hoc, nūmve illo modo acciderit, disquisitione mihi dignū esse videtur, sed cū nulli rei extrinsecus corpori occurrenti eum fuisse obnoxium sciam, tanti mali causam internam esse ingenuè fatebor, ac in parte affecta non momento quidem temporis sed magno dierum num. succrevisse dicere audeo. Ille namq; toto antea triennio sensisse se, nescio quid doloris ac incōmodi in pede affirmabat, cujus merito & solito incaleſcebat magis, & plus æquo gravabatur pars affecta, Si n. quandoq; bibebat aliquīdve auctu frigidū sorbebat, ad pedē (quod ridiculosū erat) ilicò de ferri sentiebat, communicato nescio quo frigoris sensu. Medicos de hac re consulere coactus sæpè fuit, qui cum affectus huiusce causā ignorarent, parvi momēti rem imaginationi q; potius quàm veritati suppositam esse dicebant. Hinc videre est quamdudum secum mali causam circūtulerit, quamq; diu nativus calor antequā occumberet & exingueretur proſus præliū sustinuerit. Hīc aug. ſcente in dies maligna illa labe, & venenata qualitate, cum ejus vim ac impetū diutius perferre nō posset extin-

Nota

Dd 2 ctus

ctus est, ac evanuit, sicq; partem proprio calore eoq; vivifico pauperatam jacere demortuam tandem necesse fuit. Sic illi omnia ordine contingerunt, tantoq; dolore (nō quod penē sphacelo percussus doloris sensum haberet, sed quod vicinae partes serpente ad eas a ura venenata insita earū calorem devastante vim paterentur) ut mori se potius quam vivere præ illo exoptaret. Acutus n. adeo ac ferox erat, ut nullis admotis præsidis demulcere ne minimū quidem ponerit, & quantūvis affecta pars sanguine exonerarerit superfluo, ac intus recōdito, nihilo melius se habere fatebatur: nec se quicquā solatii unquam fuisse consequutū, dicebat, quā ubi diu multumq; pars tibi q; recēti lacte bubulo & repente perfunderetur. Combuti sibi partē illā dicebat, sed qua occasione nō habeo quod dicam, nisi fortē sensus ille à maligni vaporis proprietate, aut à multitudine sanguinis & spirituum quos eo tolens provida que natura in afflictæ partis subsidium mittebat, esset invecctus.

His in angustiis biduum commoramur, donec tandem translata ad exteriora gangræna, coloris mutatio in cute appareret: Ex eo tibiam amputandi consilium iniritur, Chapusius præstātissimus Chirurgus, qui nō longē aberat, vocatur, hic tibiā magna dexteritate amputat: sed ātur symptomata omnia, quies accersitur, & de salute hominis bene speratur: Interea de discessu cogito ægrūq; regēdū Chapusio com-

committo. Verum quia malè constitutum erat corpus, putrilagine, quæ quandam ac pravam dispositionem ex lue venerea contractam (qua vix ullo medicamentorum usu hydrargyri crebra inunctione curari potuit) per totam sui substantiam sparsam habebat, effectum est, ut ne parvum quidem vulnus, ex abscissione relictum medicamentis detergeri potuerit, sed invalescente magis, ulterius quæ serpente putredine, gangræna corripitur, ægrum quæ undecimo ab amputatione die interiore, magno adstantium amicorum fletu acciderit. Hæc vera est gangræne ab occulta causa profecta imago, quam quidem, quia effectum de se prompsit omnibus admirandum, occultam ac incognitam dicere non pudebit: In pedio enim affecti pedis, quantum pollice tegi posset ita cutis non divulsa affecta erat, ut splenderet, & perspicuitatem vitri modo adepta, subjectorum tendonum, venarum, arteriarum quæ substratarum intuitum non impediret.

OBSERVATIO XCIV.

De gangræna & spasmo post curatam luem veneream.

ANno 1608. civis quidam Burgi Segusi-
anorum opificio sartor, sibi digitum auriculari inter primum & secundum articulum

Dd 3 confre-

confregit: cum carnis quodam dilaceratione, fractura à Mag. ANTONIO CHALY Chirurgo, rectè & ut artis erat, reposita fuit. Sequenti nocte exortus est dolor maximus: quapropter cum altera die fascias solvere coactus esset, digitū jam gangræna & sphacelo correptum esseprehendit. Convocatis medicis ne malum ulterius serperet, & vicinas partes invaderet, quicquid ita affectum, ut abscinderetur, ratum fuit. Abscisso digito feliciterque mundificato, & ferè sanato vulnere, ita ut etiā denuò ea negotia, quæ sui erant opificii, peragere posset, cum quadam die exspaciaretur, & aëni frigido sese exponeret, protinus spasmo cum maximis & immanissimis doloribus & cruciatibus correptus fuit. Caput enim versus scapulas adeò convellebatur, adeoque retrorsū contrahebatur, & inflectebatur spina, ut caput poplitibus incumbere videretur, atque in his doloribus maximis animam Deo reddidit.

Ceterum cum gangrænam hanc, tum etiam spasmodum ex occulta & venenata quadam proprietate originem suam traxisset, nō est ut quispiam ambigat. Laboraverat enim æger iste antea lue venerea: cujus veneni & malignæ qualitatis (procul dubio) fermentum aliquod in parte aliqua corporis diu absconditum, tandēque ex hac causa externa, in effectum actūque productum fuerat.

Historiam hanc cum Anno 1609. ad Nobilem virum Dn. Jacobum Waller Burgum Segusiam.

gusianorum vocatus essem, mihi communicavit Dn. Janus de Burgo ibidem Medicus longè celeberrimus, qui & omnia, quæ narravi, suis viderat oculis.

OBSERVATIO XCV.

Degãgræna & sphacelo ex occulta venenataq; qualitate post curatam pestem.

IN præcedentibus observationibus de gangræna ex qualitate occulta post luem veneream orta egimus: Nunc post curatam pestem aliosq; acutos morbos idem accidisse, uno aut altero exemplo demonstrabo.

Exemplum I.

Anno 1582. Puella rusticana ad Dũsseldorpiũ, peste gravissima laborabat, Quæ cum nullos adhibuisset medicos: tandem nihilominus singulari Dei beneficio, ita curata restitutaq; fuit, ut ipsã jã penitus evasisse cuncti arbitrarentur, febris n. nulla amplius aderat, bubones sub axillis, & anthraces in brachiis sanati erãt: ambulabat, negotia domestica peragebat: cõedebat & bibebat pro more. Verũ cũ jã plenissimè se evasisse existimaret, accidit ut quadã die dolore acutissimo in utriusq; pedis digitis correpta fuerit. Unde ilico inflãmatio & sphacelatio digitorũ pedũ sequuta est. Ad ultimã tamẽ articulationẽ abscissis digitis, cõvaluĩt, ex his apparet materiã quãdã malignã à peste in corpo-

reremanſiſſe, ipſamque veluti per criticam expulſionem ad extremitates pedum naturæ beneficio expulſam fuiſſe.

Exemplum II.

Anno 1597. Puero 6. annorum nato in pago Avernier, ad lacum Neocomenſem Helvetiorum, Daniel Courtaillio nomine idem accidit, cui peſte correpto bubo in inguine ſiniſtro, anthrax verè circa talum ejusdem cruris, exorta eſt. Tandem quoque ſequuta gangrena & ipſi celo, tibiam ad poplitem abſciderunt. Convaluit & hinc uſq; vivit, annum nunc 18. ætatis prætergreſſus, ab eoque tempore morois raro obnoxius fuit. Uti ego anno 1609. cum ex Burgundia redirem, ex ipſomet adolescente intellexi.

OBSERVATIO XCVI.

Affectus graviffimus circa genu quomodo fanatus.

PUella 18. annorum ætatis, ex domeſticis Magiſt. Georgii von der Sulz civis Coloniensis, viri pii, obæſa & plethorica, cum in terram cecidiſſet, & genu ſibi contorſiſſet, inflammatio totius genu, cum maximis doloribus exorta eſt. Ab initio emplaſtrum ex argilla fornacum, bolo armeno, farina tritici, aceto & albumi-

albumine ovi ipsi applicuerunt; hinc paulatim inflammatio & dolor cessarunt: tumor tamen circa rotulam remansit magnus & durus; quapropter nisi innixa baculo, incedere non potuit. Post annum venit Coloniam ad prædictū Magist. Georgium sororium, tum ego in consilium adhibitus, totum genu prætumidum, & ita rigidum inveni, ut illud absq; maxima difficultate, & dolore incurvare non posset: extendebatur autem illud facillimè. Hinc materiam aliquam circa rotulam collectam esse, facillè intelligere licuit, curationem itaque sic institui. Primò ut sanguis & humores diminuerentur, minusque ad locum affectum affluerent, victum tenuem atque exsiccantem ipsi præscripsi; deinde corpus sequenti minorativo expurgavi.

℞. herbarum & florum betonicæ,
scabiosæ
cuscutæ
agrimonix
veronicæ an. m. ss.
sem. anisi ʒj.
fiat decoctio in aqua ʒiij.

Colaturæ dissolve pulver. passavanti cum rhabarbaro ʒj.

syrupi rosar. solut. ʒj.

Misce fiat potiuncula. Postridie venam in brachio, quæ magis conspicua incidi, sanguinemque ad uncias circiter decem extraxi. Deinde,

℞. radicem cichorii

Dd s petro-

petroselini
 fœniculi
 polypodii
 corticum interiorum radicum frangulæ
 an. \mathfrak{z} j.
 herb. hetonicæ
 agrimonie
 cuscute
 scabiosæ
 iuæ arthetice
 chamedridis an. m. j.
 florum primulæ veris
 summitatum majoranæ
 rosmarini an. m. ss.
 sem. anisi &
 fœniculi an. \mathfrak{z} ij.
 liquiritiæ &
 uvarum passularum an. \mathfrak{z} j.

Coquantur in aqua, ut colatura ad tertias co-
 cta, redeat ad lb ij. de qua singulis diebus in
 crepusculo matutino sumebat ad \mathfrak{z} vj. Inte-
 rim dum apozemate hoc utebatur, corpus per
 intervalla, nunc pulvere passavanti, cum rha-
 barbaro, nunc quoque pulvere ex hermoda-
 ctylis, & extracto corticum esulæ expurgavi,
 genu sequens applicui cataplasma,

R. farinæ hordei &
 fabarum an. \mathfrak{z} iiij.
 pulv. rosarum rubearum
 baccarum lauri

myrtil

myrtillorum an. \bar{z} j.

pul. florum chamomil.

sambuci

iuxæ arthericæ an. \bar{z} β.

fimicaprini \bar{z} ij.

Cum vino rubro fiat cataplasma, addendo in fine sapæ \bar{z} iij. Applicetur calidè bis in die. Cataplasma hoc per septimanas tres applicui, interim quoque utebatur apozemate præscripto & per intervalla, ut dixi, expurgata fuit. Ab usu horum medicamentorum & victus ratione, dolor omnis cessavit, præterquam flectendo genu; intumescitio quoque tota evanuit, præterquam ex inferiori parte roturæ: ibi enim manifesta durities sentiebatur. Illa quia partim ligamento rotulæ subiacebat, inflexionem genu impedire potuit. Duritiem porrò hanc, ut emollirem omnem diligentiam adhibui, sed frustra. Tandem cum nullam subesse malignitatem, satis superque cognovissem, de apertione hujus tumoris cogitare cœpi. Mētem meam adstantibus aperui, qui postquam consensissent, ac iterum expurgata esset ægra cum pharmaco, tum venæ sectione, cauterium meum potentiale ad inferiorem partem rotulæ, & latus tendonis applicui, altera die superficie escharæ excisa sequens linimentum imposui.

℞. Unguenti basilici
butiri recentis sine sale an. \bar{z} j.
ol. amygdalar. dulc. &

do

de vitellis ovorum an. \mathfrak{z} β .

ol. rosac. \mathfrak{z} j.

Misce fiat unguentum addendo vitellum unius ovi, croci \mathfrak{z} j.

Post casum escharæ, unguento meo escharotico, quod reliquum erat carnis, paulatim erosi. Tandem materiam crassam, viscosam & durissimam ad inferiorem partem rotulæ, & quidem inter os & tendonem patellæ invenimus. Materiam hanc paulatim extraxi, applicando nunc unguentum aliquod escharoticum, nunc pulverem præcipitatum, aliaque similia. Interim diligenter prospiciendo, ne tendo læderetur, satis mundificato ulcere cicatricem induxi, postea ex sequentibus herbis pro corroboratione partis affectæ, fomentationem applicui.

\mathfrak{z} . florum & folior. salviæ
rosmarini
primulæ veris
majoranæ
ivæ artheticæ
hyperici
origani an. m. j.

Incidantur & sacculo indantur, eo intersuto vino rubro coquatur, applicetur calidè bis in die: post forum genu, coxamque ol. ex floribus Slotani inunxi, his divina clementia in pristinam sanitatem restituta fuit.

Cujus curationis & sanationis successus, tam
foeliciſſimus, cum ad aures cujusdam civis Col-
lonien

onienſis quinquagenarii, cujus nomen non amplius occurrit perveniſſet, me in conſilium vocavit. Laboraverat autem ille ſpacio quindecim annorum, tumore ad patellam dextrâ, quapropter absque baculo incedere ipſi non licuit. Antemenſes tamen duos antequam ad me veniret, tumor iſte ita accreverat ut puſa aperta, & quidem in diverſis locis circum circa genu palpano digitis perſentiri poſſit. Manum adhibere reſuſavi, ſciebam enim incurabilem eſſe affectum hunc. Tandem nihilominus ipſius precibus obtemperare coactus fui, tum aperto abſceſſu per dies aliquot, materia ſubtilis, &c. inſtar ſeri lactis, copioſè ſatis effluxit: absque tamen dolore. Poſtea materia craſſa viſcida & alba, ad inſtar lactis coagulati aut caſei recentis apparuit, atque ſimiliter per dies non paucos emanavit. Demum veritas eorum, quæ prius ipſi prognosticaveram apparuit, os enim carioſum deprehenſum eſt. Et quia iſta in parte caries abradi non licuit quandoquidem profunda erat, ſequutum eſt ulcus incurabile & fiſtuloſum, ita ut in poſterum, uti & antea absque ſcissione incedere non poſſet.

OBSERVATIO XCVII.

Balsama indiscretè applicata, periculosa.

Uſum

Usum emplastri stiptici Paracelsi indoctè applicati periculosum esse, Centur. primæ observ. 98. exemplo monstravimus, idem & de balsamis cū naturalibus, tum artificialibus cēsendum esse, tam certum est quam quod certissimum, cuius rei fidem facit historia sequens.

Anno 1598. Lausannensis quidam Claudius nomine, habitans in suburbio Matteres, vir robustus & quadragenarius, secure prope rotulam dextram sese fauciat. Vulnus profundū non erat nec aderat dolor, quapropter se ex cōfilio cuiusdam amici sui, nescio quo balsamo, curare tentabat. Diligenter itaq; bis in die balsamum hoc, calidè vulnere filamentis imponebat. Hinc brevi labia quidem vulneris coaluerunt: sed altè collecto pure, non diu post tantus exortus est dolor, tanta inflammatio febrisque ex lipothymia, ut de vita periclitaretur. Ego una cum Dn. CLAUDIO MARIONE pharmacopœo longè peritissimo vocatus, totū genus prætumidum inveni, ex vulnere fungus sive fungosa caro, quæ magnitudinem ovi gallinæ adæquabat, excreverat. In fungum hunc cum stylum immissem exploratorium, ultra libras duas aquæ lymphidæ, quā Germani *Blidwasser* Jo: quinus DALHEMIUS verò, qui Chirurgiam Paracelsi latinè reddidit, *Sinoniā* appellant, effluxit. Nō solum ea die, verum etiam per triduum copiosè emanavit aqua hæc. Postea sensim mutata est in materiam purulētā.

Curationem sic aggressus sum, instituta o-

prima

ptima victus ratione, purgato iterum corpore, incisâve vena in cubito dextro, & applicatis topicis convenientibus, paulatim sedatus est dolor, inflammatio, quin etiam lipothymia, quæ frequētes aderant & febres cessarunt. Sed quia articulus humore isto aqueo & purulento imbutus fuerat, in diversis circumcirca genu locis, quin etiam in ipsa sura, partim naturæ, partim artis beneficio factæ fuerunt apertiones atque exulcerationes.

Tandem maximo cum labore sanatus fuit, sed quia tendones ligamenta & appendices juncturæ, ratione ichoris & puris exesæ & corruptæ essent, reliquum viræ suæ claudicavit.

Quidam Genevensis vulnus ictu sclopeti recepit. Huic à Chirurgo alioquin industrioso, & optimè exercitato applicatum fuit balsamum, cujus beneficio cum labia vulneris coaluisse videbantur, collectum denuò est pus in profundo vulneris, ex quo postea sinuosa, & penè incurabilia facta sunt ulcera. Ego tandem illum maximo cum labore sanitati restitui.

Admonitio.

Suadeo itaque omnibus medicinam atque chirurgiam exercentibus juvenibus, ne temerè quicquam cum hujusmodi balsamis incipiant: præcipuè in nervosarum partium vulneribus. Non enim citò, sed turò ægrum velle sanare, expedit.

OBSER-

OBSERVATIO XCVIII.

Dolor vehementissimus in ipsa calce pedum, applicatione cauterii potentiali sedatus:

CUIdam Colonienſi in ipſa calce pedum adeo acutus, vehemens & continuus, cum febre, exortus eſt dolor, ut neque nocte neque die quieſcere poſſet. JOH. SLO-TANUS, apud Colonienſes Medicus celeberrimus, compater meus plurimum honorandus, in conſilium adhibitus corpus aliquoties cum per ſeceſſum, tum in primis revulſionis gratia, per vomitum evacua- vit, venam in brachio incidit, anodyna applicuit, nec quicquam eorū, quæ hīc neceſſaria videbantur, prætermiſit: abſque fructu tamen, cum dolor ab huiusmodi potius augeri videbatur. Pars tamen affecta vix in tumorem elevata erat, idque propter denſitatem cutis, tandem loco dolenti cauterium potentiale applicuit. Poſt horas aliquot novacula ſeparatâ eſcharâ, guttula una aut altera ichoris exilavit, dolor mox ceſſavit. Ulcus poſt caſum eſcharæ, per dies aliquot apertum retinuit, & pulverem præcipitatum inſperſit. Deinde inducta cicatrice pleniffimè convaluit. Hiſtoriam & curationem hanc, prædictus Dominus

D. Slo-

*Hippoc aph.
l. 6. aphor. 59*

D. Slotanus mihi communicavit, & æger ipse, quum anno 1612. Coloniam Agrippinam pro-
fectus essem mihi recitavit, & ab eo tempore
nullum dolorem isto in loco se sentisse affirma-
vit.

OBSERVATIO XCIX.

De gravissimo affectu plantarum
pedum ex variolis.

ANno 1599. Puellam ex nobili familia Co-
loniæ Agrippinæ adeo graviter à variolis
corruptam, ut totum corpus à vertice usque ad
calcem una & quidem continua crusta obte-
geretur, curandam habui. Febris continua &
ardens, inquietudines, nausea, lipothymia, &
deliria, dolor quin etiam totius corporis, præ-
cipuè plantarum pedum, maximus & continuus
iderat. Ego omnibus symptomatibus, quantū
potui repugnavi, neq; absq; fructu. Dolor ta-
men plantarum pedum (qui una cum tibiis ad
genua usq; præter modum in tumorem elevati
erant) indies auctus pungens & continuus fa-
ctus est, cujus leniendi causa, anodyna & pus
moventia applicui. Tandem diversis in locis
ruptæ sunt plantæ; purulenta eaq; fætidissima
emanavit materia. Inde dolor cessavit, reliqua
symptomata simul remiserunt, ita ut penitus
convaluerit. Sed tota illa pars pedis à calce usq;
ad digitos pedum, quæ propter deambulationem
Ee nem

nem callosa est, integra abscessit. Quas deinde in festula ad memoriam miseriæ suæ & divinæ liberationis, ex tam gravi morbo, præter omnium expectationem reservavit.

OBSERVATIO C.

De periculosa plantæ pedis inflammatione?

CUn plantæ pedis partes sint nervosæ, ac proinde exquisitissimo sensu præditæ, atq; in parte decliviori sitæ, non leviora symptomata ex ipsarum inflammatione oriri solent, ejus rei exempla aliquot in gratiam tyronum hæc in medium adferre non gravabor. Juvenci cuidam Colonia, viginti circiter annorum ætatis, ex domesticis Generosi viri Dn. Guilh. de Flodoiff. Dom. an Leod Wel, &c. cum ex nimis violenta deambulatione, dolor in ipsa planta pedis exortus esset, & ab initio remedia nulla adhibita fuissent, auctus est dolor: mox quoq; sequuta est inflammatio. Ego vocatus totum pedem in tumorem elevatum & phlegmone occupatum inveni: Dolor aderat maximus, & ad coxas usq; sese extendens, febris continua & ardens: inquietudines item delirium & lipothymia. In curatione autem hunc in modum processi. Infusa viæ is ratione tenui, sequenti potiuncula corpori purgavi.

℞. elect. de luco rosar. ʒij.

pulver.

pulver. passivanti cum rhabarb. \mathfrak{z} j. β .
 syrupi rosati solut. \mathfrak{z} j.

Cum decocto agrimonie, veronicæ, radicum
 appar. acuti, corticum inferiorum radic. frangu-
 æ & sem. anisi fiat potiuncula. Quæ clementer
 expurgatus fuit. Eadem die post cœnā per duas
 horas ipsi ad grana sex Laudani exhibui, quie-
 vit ea nocte, viresque aliquo modo refocillatæ
 fuerunt; quapropter post idie venam brachii
 arteris laborantis incidi, & sanguinem ad un-
 cias decem extraxi: erat enim plethoricus &
 robustus, hinc febris, dolores & inflammatio
 nultum imminuta fuit. Statim quoque ab ini-
 tio coxam, genu, & quicquid ab inflammatione
 liberum, sequenti linimento inunxi.

℞. ol. rosacei \mathfrak{z} ij.
 ol. lumbricorum &
 axung. human. an. \mathfrak{z} ij.
 misce.

Loco verò affecto, quia pinguis ex Galeni do-
 ctina lib. 5. de simpl. medic. facultat. admo-
 venda non erant, sequens applicui cataplasma.

℞. sem. cydoniorum
 fœnogræci
 althææ an. \mathfrak{z} ij.

Pulverisentur & macerentur aqua calida, per
 duas horas, deinde admisce farinæ hor-
 lei \mathfrak{z} ij.

pulver. rosar. \mathfrak{z} β .

Coquantur cum s. q. aquæ ad formam cataplas-
 matis, postea admisce vitellum ovi, cum albu-

Ee 2 minc,

mine, applicetur & renovetur quotiescunque opus videbitur.

His adhibitis medicamentis, dolor multum cessare cœpit, & locus materiæ apparuit, cui emplastrum basiliconis, toti verò pedi callosa plasma præscriptum applicui. Et quia pars interior pedis maximè callosa, lacte calenti, in quo senecio, fœnogræci, folia malvæ & violarum incoctæ bulliant, diligenter fomentavi, deinde novacula callositatem illam abradi, quemadmodum consuevit. 97. Centur. primæ, in curatione paronchyæ scripsimus. Sic brevi in ipsa planta perforata vomica feliciter evasit. Interim dum curam hanc curacionem atque sanationem hanc occupatus eram, aliquoties mihi narravit generum Domina de Leud, quendam ex suis consanguineis ex simili morbo intra paucos dies extirpatum fuisse. Quod mirum nemini videri debet, cum locus iste ut antea dixi, sit nervosus & exquisitissimo sensu præditus, ut proinde gravissima symptomata accerferet.

INDA



I N D E X

OBSERVATIO-
NUM ET EPISTOLARUM
hujus Centuriæ.

Fungus scirrhusus ex aure propullulans, quomodo
sanatus. Ad virum amplissimum, atque do-
ctissimum Dominum Petrum de Spina, Serenissi-
mi ac potentissimi Principis ac Domini, Dom. Fri-
derici V. Comitis Palatini ad Rhenum, S. R. Im-
perii Archidapiferi, atque Electoris, Ducis Bavaria,
&c. Medicum ordinarium atque celeberrimum.
Epistola

Observ. 1

De hamorrhagia narium, & purulentis auribus. Ad
amplissimum virum Dn. Gregorium Horstium Phi-
losophiæ & Medicinæ Doctorem. Et illustrissimi
Principis ac Dn. D. Ludovici Landgraffi Hassiæ
Medicum celeberrimum, epistola

2.

De purulenta aure, ad eundem virum amplissimum
Dom. D. Gregorium Horstium Philos & Medicum
summum, epistola

3

Nucleus Cerasi in auris meatum intrusus, natura be-
neficio suppuratione expellitur.

4

Ex sonitu campanarum surditas sequuta

5

Ee. 3

Ex

- Ex ictu bombarde surditas sequuta Observ. 6
 Ex casu ab alto surditas 7
 Matrona videns epilepticum cadentem, infantem postea
 epilepticum progenuit. Ad virum amplissimum at-
 que doctissimum, Dn. D. Gregorium Horstium, &c.
 amicum singularem, epistola 8
 Ex commotione cerebri gravissima symptomata 9
 De periculoso catarrho suffocante 10
 Ex consueta hamorrhagia narium suppressione, apo-
 plexia. Ad clarissimum atque doctissimum virum,
 Dn. Joh. Jacobum Craftium, apud Neocomens. Do-
 ctorem Med. ordinar. epist. 11
 Autographum ad Dn. Guilh. Fabricium Hildanum,
 Medicum & Cheirurgum solertissimum, amicum
 intimum, transmissum à Joh. Jacobo Craftio Ba-
 sil D. 12
 De curatione manie in juvene quodam 13
 De falsis imaginationibus quae supervenire solent eis,
 quibus membrum aliquod abscissum est. Historia
 prima. Ad clarissimum atque praestantissimum vi-
 rum Dn. Guilh. Fab. Hildanum, &c. Michael. Dö-
 ringii epist. 14
 Historia altera de falsis imaginationibus, quae superve-
 nire solent eis, quibus membrum aliquod abscissum
 est. Ad clarissimum atque doctissimum virum Dn.
 Mich. Döringium epist. 15
 Phrenitis cum sudore frigido curata 16
 De periculosa hydrocephali apertione, ad clarissimum
 atque doctissimum virum Dn. D. Michaellem Dö-
 ringium epist. 17
 Artificiosus hydrocephalus De

- De monstroso hydrocephalo 19
- De dolore gravissimo ac diuturno, cum capitis & vetriculi, tum etiam omnium serè corporis partium, ad clariss. atque doctiss. virum Dn. Joh. Jacobum Crafftium epist. 20
- Ex depresso cranio in puero alioquin ingenioso stupiditas ingenii sequuta ad virum nobilem Dn. D. Paulum Offredum epist. 21
- De capitis periculosi vulneris, cum cerebri concussione, in matrona gravida curatione 22
- De nubecula curatione 23
- De vulnere quodam faciei inflato, observatio rara & admiranda viro humanissime & doctiss. Dn. Guil. Fabr. Hildano, Medico & Cheirurgo felicissimo, à Georgio Fabro D. Medico communicata 24
- De infelici successu unguenti sympathetici sive armarii. Ad virum amplissimum atq; doctiss. Dn. Georgium Fabr. castrì imperialis Fridbergens. Doct. Medicum ordinar. epist. 25
- Ad eundem virum clarissimum Dn. Georgium Fabr. epist. ibid.
- De mirandis effectibus fulminis, historia singulari, ad virum clarissimum atq; doctiss. Dn. Georgium Fabrum Doctorem Med. epist. 26
- De periculosa Angina, post dysenteriam curatione, ad virum clarissimum atque doctissimum Dn. Aemilium Portum, Francisci Porti Cretensis filium, epistola 27
- De ligamenti sub lingua periculosa sectione. Ad clarissimum atque doctissimum virum Dn. D. Gregor. Horstium, epist. 28

- Ex inepta extentione vertebrarum colli, veluti resolutio sequuta Observ. 29
- Aliud exemplū, de inepta extēfione vertebrarū colli 30
- Nasus abscissus quomodo restitutus 31
- Fistularum inferioris maxillæ, compendiosa curatio 32
- Inveterata deploratāque inferioris maxillæ fistula, quomodo sanata 33
- Ex intumescēfione & suppuratione struma, propter catarrhum, mors sequuta 34
- De struma periculosa excisione 35
- De vulnere pectoris, cum pulmonis lēfione Gregorii Horstii. D. Medici ad Dn. Guilhelmum Fabricium Hildanum epistola 36
- Idem ad eundem postscriptum ibid.
- De mirabili quadam hamorrhagia umbilici, in viro oborta, variis que inde subsequētis symptomatibus, ad virum amplissimum atque doctissimum Dn. Gregorium Horstium epistola 37
- Ad eundem virum ampliss. Dn. D. Horstium epist. ibi.
- Phthisis setacei beneficio sanata, ad virum clarissimum atque doctissimum Dn. Johannem Kuffer Doctor. Medicum Argentinensem 38
- De ulcere quodam empiricē curato, pleuritidis lethalis sequuta, ad virum ornatissimum atq; doctissimum Dn. Emanuel. Urstium, Artium liberal. Mag. 39
- Dolor lateris divinitus sanatus 40
- De catarrhi ad pectus compendiosa curatione 41
- De aneurismate, dysenteria & aqua chalybeata, Mich. Döringii ad Guilb. Fabr. Hildan. epistola 42
- De aneurismate, ad clariss. atque doctissimum virum Dn. D. Michzelem Döring. epistola 43
- De

De Aneurismate ex incisa arteria, deque ejusdem compendiosa, ne dicam miraculosa curatione, Ad clarissimum atq; doctissimum virum Dn. D. Michaelem Döringium epistola Observ. 44

De Gangrena post hemicraniam, in pede oborta, ubi etiam, an pruna, & uva dysentericis conveniant, declaratur. Michaelis Döringii, ad Gvilh. Fab. Hil-
danum epistola. 45

Quidam cum supra modum incaluisse, & ipsius corpus aqua frigida perfusum fuisset, gangrena & sphacelo in tibia corripitur, Ad clarissimum atque doctissimum virum Dn. D. Michaelem Döringium epistola, 46.

Milhaelis Döringii ad Gvilhelmum Fabricium Hil-
danum epistola ibid.

Ex haustu aqua frigidissima, stupor dolorificus crurum & dysenteria gravissima sequuta. Ad virum Amplissi. atq; Doctiss. Dn. D. Michaelem Döringium epistola, 47.

Ex maximo haustu frigida, febricitans eodem die ex-
tinguitur. 48.

Ex aceti potu, vir interimitur. 49.

Ex immersione corporis excalescenti in aquam frigidam, gravissima symptomata, tandemq; mors se-
quuta 50.

Hydrop. urinae potu sanatus 51.

Quae in cadavere hydropici observatione digna reperta 52.

Quidam cum deglutivisset gammarum vivum, maxi-
mis cum doloribus moritur 53.

De coherencia praeputii cum glande 54.

E e 5. De

- De partu quodam monstroso Praga nato, Gregorii
Horstii, ad Gvilhelmum Fabricium Hildanum e-
pistola Obs. 55.
- De partu monstroso exempla aliquot, ad clarissimum
atq; doctissimum virum Dn. D. Gregorium Horstium
epistola 56.
- Matrona parturientium doloribus, tam vehementibus
corripitur, ut intra horas 24. expiraret, ad virum
clarissimum atque doctissimum Dn. D. Andream
Weickium epistola 57.
- Ex immodica & violenta sternutatione, profluvium
menstruorum gravissimum, atq; periculosum 58.
- Ex profluvio menstruorum in gravida abortus, aliaq;
gravissima symptomata sequuta 59.
- Ex imperforato utero gravissimorum symptomatum
exempla aliquot 60.
- De colli matricis clausi apertione 61.
- De monstrosotumore omenti, Gregor. Horstii ad Gvilh.
Fabr. Hildanum epistola 62.
- De monstrosa umbilici procidentia, Ad clarissimum
atque doctissimum virum Dom. D. Horstium
epistola 63.
- De ingenti umbilici procidentia, ad eundem virum
clariss. Dn. D. Horstium. 64.
- Duplex vena emulgens in cadavere reperta, Ad am-
plissimum atq; doctissimum virum Dn. D. Grego-
rium Horstium, epistola 65.
- Ex lapsu ab alto, retentio urina, & abscessus in vesica
absque tamen febre & dolore, Ad virum nobilem
Dom. Doct. Paulum Offredum epistola 66.
- Pauli Offredi ad Gvilhelmum Fabricium Hildanum
epistola ibid. Glo-

Globulus plumbeus, ictu sclopeti, in vacuum vesica immis-
sus, post annos 30. calculosa materia obductus,
tandem invenitur. Pauli Offredi ad Guilh. Fab.
Hildanum epistola 67.

Lapis olivæ magnitudine, per collum vesica excretus
68.

Lapides quamplurimi, ex vesica fundo extracti, & ul-
ceris inde relictis curatio, Ad nobilem virum Dn. D.
Paulum Offredum epistola 69.

Adami Kienemann ad Guilh. Fab. Hild. epistola. ibid.
Lapides quatuor in vesica, & abscessus sub vena cava
70.

Incipiens calculus vesica quibus remediis sanatus 71.
Sem. anisi & acini granorum alkakengi, cum urina
excreti, Ad virum clarissimum atque doctissimum
Dom. D. Joh. Rudolphum Saltzmanum epistola
72.

Quam incertum, & fallax sit judicium ab urinis de-
sumptum, quatuor exemplis demonstratur 73.
Infans immoderato fluore urina primo, postea vehe-
mentissimo dolore colico, cum fluore alvi, tandem-
que urine retentione corripitur, & 17. die ætatis
è vita discedit. Ad virum nobilem Dom. Paulum
Lentulum epistola 74.

De miranda constipatione alvi, in infante, & variarum
rerum per alvum excretionem 75.

Prolapsus intestini directum quomodo reductum 76.

De mira agglutinatione ossium in ipso cubito Ad reve-
rendum ac clarissimum virum Dn. D. Antonium
Fayum, Theologum summum epistola 77.

Ex intempestivo usu repellentium ad emunctoria
applica-

- applicatorum, mortis periculum sequutum
observ. 78.
- Scirrhi gravissimi ad carpum curatio 79.
- Ulceris pudendorum curatio 80.
- Ecchymosis insignis partium genitalium, cum maxi-
ma intumescione scroti, & testiculorum feliciter
sanata 81.
- Quidam, cum excidendus esset tumor scirrhusus ex in-
terna parte femoris, in ipsa operatione animam
Deo reddidit 82.
- De cucurbita monstrosa. Ad amplissimum & doctissi-
mum virum Dn. D. Casparum Baubinum, Illust.
Principis Wirtembergici, &c. Medic. Epistola
83.
- De cucurbita monstrosa Caspari Baubini, ad Gvil-
helmum Fabricium Hildanum responsio ibid.
- Ad Amplissimum atque doctissimum virum Dom. D.
Casp. Baubinum Gvilhelmi Fabricii Hildani epi-
pistola pag.
- De cancro gravissimo lingua. Valentinus Rulandus
ad Gvilh. Fab. Hildanum epistola 84.
- De monstroso & scrophuloso collo, Ad virum clarissi-
mum atq; doctissimum Dn. Valentinum Rulandū
Med. Doct. epistola 85.
- De cancro quodam occulto, ad virum clarissimum at-
que doctissimum Dn. Andream Toxotium Medici-
nae Doctorem epistola 86.
- De cancri occulti periculosa curatione, Ad clarissimum
atq; doctissimum virum Dn. Sebastianum Meye-
rum Med. D. epistola 87
- Sebastiani Meyeri, ad Gvilhelmum Fabricium Hilda-
num


I N D E X.

445

- num de cancri occulti periculosa curatione respon-
sio ibid.
- Verruca in summo balani existens, tandem in horren-
dum cancrum degeneravit: ubi & jam de abscisio-
ne membri virilis agitur, ad virum prestantissimū
Dn. Claud. Chapusium cheirurgum epistola 88
- De periculosa membri virilis abscisione, 89.
- De fractura quadam brachii in decrepito, ipsiusq; cu-
ratione, item de prestantia, & generatione lapidis
ossis fragi, Ad D. Claud. Chapusium epistola 90
- De ingenti fractura brachii, in qua ossa disjuncta re-
manferunt. Ad eundem Dn. Chapusium epist. 91.
- Ex improvida & incauta inunctione argenti vivi mors
consequuta. 92.
- Nobilis quidam ex febre acuta curatus protinus gan-
græna corripitur 93.
- De gangrana & spasmo post curatam luem vene-
ream 94.
- De gangrana & sphacelo, ex occulta venenataq; qua-
litate. post curatam pestem 95
- Affectus gravissimus circa genu quomodo sanatus 96.
- Balsama indiscretè applicata, periculosa 97.
- Dolor vehementissimus in ipsa calce pedum, applica-
tione cauterii potentiāli sedatus 98
- De gravissimo affectu plantarum pedum, ex variolis
99.
- De periculosa planta pedis inflammatione 100.

F I N I S.

EPI



EPISTOLA

De nova, rara & admiranda

HERNIAE UTE-
RINÆ, ATQUE HANC
JUSTO TEMPORE
subsequentis

PARTVS CÆSAREI
HISTORIA


Cum aliis nonnullis scitu uti-
libus scripta

A D

GVILHELMVM FABRICIVM
*Hildanum, Medicum & Chei-
rurgum clarissimum,*

à

MICHAELE DÖRINGIO
Breslaviensi Philosophiæ ac Me-
dicinæ Doctore.





GUILHELMO
FABRICIO,
HILDANO, MEDICO
ET CHEIRURGO CLA-
RISSIMO S. P. D.

MICHAEL DORING.
*Breslaviensis, Philosophie &
Medicine Doctor.*

Annus elapsus est, volvitur mo-
do alter: ex quo, clarissime FA-
BRICI, pro more ab aliquot an-
nis continuato literas invicem
permutavimus nullas. Ultimæ n. fuerunt tuæ:
quas die 10. Aprilis anni præteriti 1611. ad me
perscripsisti. Ultimæ verò meæ: quas eodẽ ejus-
dem anni mense ad te exaravi. Eas num un-
quam videris, legeris, vel saltem de iisdẽ quic-
quam huc usq; inaudiveris, ego equidem sum
nescius. Neq; enim ad ipsas responsi aliquid à
te accepi.

Ff

Respon-

*Causa inter-
missa/crisi-
pionis.*

Respondissem ipse etiam dudū ad tuas ultimas: nisi superiore Autūno certissima spes mihi facta fuisset, quod è Patria rediēs Giesā transi-
turus, nosq; inibi invisurus esses. Quod ipsum si nobis effectū dedisses: ne tuus adventus nobis jucundissimus, pariter fuisset & gratissimus: Et mihi quidē prę aliis, quā exoptatus advenisses, tute ex amore, quo te hucusq; colui sanctissimē, non difficulter æstimabis. Æstima bis verò vel ex eò etiā, quod ob tantā, quā jam disjungi-
mur locorum intercapedinē, omnis propē tecum in posterum unquam colloquēdi occasio mihi erepta ac præcisa esse videtur. Quæ res quam acerbè animum vellicet meum hīc non eloquar. Feram interim patienter: quod mutari vix licet prudenter. Neq; enim dubito, quin graves causę te detinuerint: quominus tam tuę illi quali quali promissioni, quam seriæ nostræ expectationi tunc temporis satis faceres.

*Causa scri-
pta epistola.*

Ipse igitur post quā ob causas multas & ponderosas resignato munere, quo hactenus Giesā per Dei gratiam functus fui, proficiscor, atque humilimē impetrata ab Illustrissimo & Cel-
sissimo Principe ac Domino DN. LUDOVICO Hassia Landgravio, comite in Catzenellenbogen, Diez, Ziegenheim & Nidda, &c. Domino meo clementissimo, clementissima dimissione: superatis quę itin-
ris satis longinqui non exiguis molestiis, feliciter tandem ductu & auspiciis divinis in Patriā dilectissimam appuli: nihil mihi visum fuit anti-
quius, quā si amoris nostri igniculos, qui ob
inter-

ntermissam nonnihil literarum communio-
nem semisopiti quasi fuerūt, redintegrato scri-
endi officio suscitarem.

Cogitanti verò mihi attentius de idoneo li-
terarum argumento: ecce occurrit, ut nova, ita
ara *Hernie uterinae* & hanc subsequenti partus *Casa-*
li Historia. Novam dixi: ut quæ vix decurso biē-
io accidit. Raram & quidem verè raram: ut quæ
ix simile exemplū in mundo unquam habuit.
Ecce itaque mihi facere visus sum, si eam pro
valentis epistolæ argumento non seligerem
olum, sed & constanter retinerem.

*Epistola ar-
gumentum.*

Sed quares tu ex me, quid causæ habuerim, *Causa edita*
quod typis publicis exscriptam publicè ipsam *epistola.*
ibi nunc inscribam? Dicam brevissimè: & dicā
mul planissimè, Amor erga te meus hāc mihi
centiā extorsit. Amor erga alios nō nostri tā-
am, sed ordinis literati, rerū atq; observatio-
ū novarum & rararū cupidi, homines in uni-
ersum istā scribendi qualem cunq; sive licen-
ā dicas, sive audaciā, excussit. Amor quidem
erga te meus, ut qui jam à sexennio cœpit, & ad
unc usq; temporis articulum illibatus permā-
t. Amor verò erga alios: ut quos tam mirabile
ei opus diutius latere nolui.

Accesserunt deinceps & aliæ, sed meo judi-
o aliquanto leviores causæ, inter quas ista nō
meritò princeps dici potest: ut scilicet præ-
sentis epistolæ editione pro secundæ tuarum
observat. cheirurg. centuriæ observationis 21.
quæ est *De uvula relaxata curatione*, publicā
Ff 2 inscri-

inſcriptione, publicum aliquod (quam quã leve, & tuis in me meritis non ſatis congruum gratitudinis ſtatuerẽ monumentum. Ad quam obſervationem me jam dudum reſpõdere debuiſſe confeſſor. Aſt interveniunt ſubinde alia eaq; non contemnenda, de quibus tecum per litteras colloqui hæcenus placuit.

IV.

Invitavit me deinde ad ejuldem epiſtolæ conditionem, loci, quo invicem nunc diſcernimus

V.

partim longinquitas, partim ejus in quo jã forte ſubiſtiſas, incertitudo, quod igitur ſcriptarum duntaxat, non verò impreſſam ad te miſiſſem facile profeſſo evenire potuiſſet ut alicubi intercidere, nec ad tuasmet manus perveniſſet quod quã crebro fieri ſoleat, præſertim in tanta locorũ diſtãtia: exẽplares docet quotidianæ

VI.

Addo ſuperpondii loco cauſã adhuc geminã: una eſt, ut me apud meos lectores, propter ſuſpẽſam *Terti de medicina & medicis libri reſiſti* publicationem aliquomodo excuſatẽ: Tam etſi n. in votis nihil habebam prius, nihil etiam poſterius: quam ut fidem publicẽ datam publicẽ quamprimũ ſolverem: tamen neſcio, quoniam non impedimenta (quorũ partem non omnino levem e modo dictis prudentes lectores non difficulter colligent) hæcenus mihi obſeſ fuerunt, ut promiſſis ſtare non potuerim. Memoram ergo iſtam quantulamcunq; æquo fertenimo Lectores equiſſimã. Exolvam enim me bene cum Deo ocuſſimẽ & exolvam quidem cum ſcenore: poſteaquam aliquanto rectius atq; etiam nuncios meas diſpoluero. Alte

Altera est ut lectoribus tenue quoddam specimen exhiberem, ex quo de subsequendis epistolarum à nobis bono item cum Deo suo tempore edendarum libris, non nihil judicare possent ad ipsius porro in eis expectandum sit.

VII.

Nec moror, quas in me à sciolis nonnullis nasutulis sparsum in certò pvideo sinistras cavillationes: dum me vana scriptitandi libidine teneri actum agere: & per id quod ab aliis nudum publicatum fuit, leviculam famæ popularis aurâ, capitare vel plenis buccis publice clamitabunt, vel clanculum saltem hinc inde miffitabunt.

*Respondetur
quorundam
cavillationibus.*

Atq; istis quidē ut hoc in loco operosius respondeam opus non est. Quis n. clancularios istos hostes & insidiosos diffamatores, secus alio atq; imperterrito animo non contemnat, rideat, spernat? Namq; non raro usu venire videmus, ut, qui aliorum famam se depressuros autumant, de propria non parum periclitentur, atq; deò per eadem, per quæ peccant, ipsimet iustissime puniantur. *Apertè rem agunt, qui probi, qui candidi, qui ingemunt.* Reliqui audeant & ipsi aliquid, ac meliora proferant, si viri sunt nec nocturnum instar lucem fugiant, & in tenebris circumvolitando, ac bonos viros iniquè raducendo, oberrent.

I.

Illis verò paucula responsionis ergo reponere libet. Fateor n. non ita pridē clarissimū atq; excellentissimū virum Dn. D. DANIELEM SENNERUM in Illustri Witteberga professore publicū & af-

II.

Ff 3 finem

finem nostrū honorandū, hanc ipsam Historiā suarū Medicinæ institutionū opere diligenter descripsisse. At forsan multi sunt, qui tam insigne opus (cui in hoc genere par mihi quidē hactenus oblatū est nullum) non dicam nō legerūt, sed ne oculis etiā suis usurpaverūt unquam. Quare ut istis utcunq; gratificarer, facere non potui, quin eandem historiam ē prænominato SENNERTI institutionū opere transcriberem, eamq; seorsim publicis typis exscriptā publici juris facerē, ac cū plurimis cōmunicarē: pręsertim cū exēpla existent aliorū virorū celebrium, qui in similibus argumētis idem pręstiterunt.

Tu sol meus SENNERTI, affinis colende, lumen tuū paulisper mihi, quæso, fœnera, & ut cū bona tua pace historiā sæpiculè citatā, & è splendidiſſimi institutionum tuarum operis lib. 2. part. 1. c. 9. mutuata tui ipsius verbis describere, patere. Sic n. non solum me tibi reddes devinctissimū verū etiā ita de omnib. ad quos forſitā epistola hæc pervētura est, mereberis, ut ipsis procul omni dubio cōmēdatissim⁹ in posterū sis futuri⁹.

Historia admiranda.

Ergo URSULA uxor MARTINI OPITZ victoris cū maritū in incurvanda pertica ex qua vinculū vasis parandū erat, juvaret: fortē ab eadē reciprocante ad sinistrū inguē percussa est, ruptumq; seu laxatum potius (quantū quidem ego ex lectiōne judicare potui) est peritonæum. Paulò post n. tumor ad sinistrū inguē oboritur qui brevi tēpore tantū incrementū sumpsit, ut nullomodo intra abdomen recōdi posset, etsi verò de utero p. solo suo incidere; tamen

nec ipsa, nec aliæ fœminæ id faciliè crediderūt, donec tandē res ipsa atq; eventus oēm dubitationē sustulit. Nā uterus conceptu gravidus, ita dies aucto fœtu dilatatus simulq; cū eo cutis inguinis sinistri, qua uterus p̄lapsus erat, extēsa est, ut utero & cute cōclusus fœtus instar sacci ferè aut cucurbitæ oblōgæ majoris modo p̄penderet: motusq; infantis tandē & tactu & visu perciperetur. Quæ res cū ipsam, maritū, cognatosq; perturbaret, colleg ū nostrū in consiliū adhibuerunt. Cum autē ob fœtū jā maturū de utero in abdomē reponendo, atq; adeo partu naturali, nullā sp̄s superesse viderem⁹, si naturæ res relinqueretur, & fœtū, & matrē de vita tandē periclitaturos, nulla q; alia re, quā sectione, auxilium expectari posse, ostendimus. Quod cū & ipsa, atq; maritus, cognatiq; faciliè intelligerent, atq; spem vitæ in angusto esse faciliè animadverterēt: ut sectio fieret omnes petierunt. Cum igitur die 21. Aprilis Anno 1610. partus tēpus adveniret, doloresq; parturientē apprehenderēt, Deo in primis in auxiliū vocato, præsētib, mecū Dn. D. *Ernesto Hettēbachio* & Dn. D. *Tobia Tandlero*, colleg. M. itē *Henr. Silbermanno* Ecclesiæ nostræ Archidiacono, duab. obstertricib. atq; aliquot honestis fœminis, hora 8. matutina sectionē instituit cheirurgus *Jeremias Trautmā* ministrāte & altero cheirurgo *Christoph. Seesth.* I. secta est cutis & peritonēū. Hoc n. quantū ego quidē visu dijudicare potui, cuti integrū adhuc suberat & in sectione cū cute manifestē

nifestè distingui poterat. Hinc & ipse, qui jam extra cutē facilè prorumpēbat, uterus apertus hæmorrhagia non adeò insigni, neq; etiā acerbō dolore quod ipsa postea falsa est. Utero secundum longitudinē aperto infans facilè cum secundina extractus est: imò quasi suo pte motu, cum via facta esset, exitum quæsiuit, & quidem Dei beneficio, salvus & incolumis.

De utero vero intra abdomen reponēdo cū ob ejus magnitudinē nulla spes esset, cutis, sanguine cōveniente decocto prius absterfo, ipsi inducta & cōsuta est: ipse verò uterus nō cōsutus. Qui etsi aliqua insigni inflammatione non corripereetur: tamē quia extra abdomē ppēderet, & ab externi aëris incursu in curatione vulneris defendi nō posset: mēbrana quasi purulēta circa labia vulneris obducta est, quæ tamen post adhibitis idoneis medicamētis, sublata est uterusq; iterū purus evasit, & naturalē faciē ac habitū circa diē 14. ostēdit, atq; in dies magis in se cōtractus ad naturalē magnitudinē rediit, Verū post dies aliquot labia vulneris nigrescere, cū tangerētur, facilè sanguinē fundere, atq; adeò gangræna suboriri cepit: ut ferro sine sensu particulæ de labiis vulneris demi possēt: sed cū idonea medicamenta adhiberentur, omne illud malum cessavit & caro circa labia vulneris ad pristinū colorem & statum planè rediit, vulnusq; in dies angustius evasit: adeò ut intra paucos dies coalitum vulneris speraremus, & vix ullum de recuperanda integra sanitate dubium superesset. Verum enim verò cum illa

16. Maji horâ quarta pomeridiana, extra lectû aliquandiu confedisset, atq; iterum in lectum sese reciperet, lipothymia suboriri cœpit, & præter omnem spem intra dimidiam horam, procul dubio ab adstantibus cum esset paupercula non rectè in lipothymia tractata, vitam cum morte commutavit. Ipsa mortua ut planè sciamus, an in utero omnia salva fuissent, an verò aliqua latens putredo lipothymia, & subitanæ huic mortis causam præbuisset, uterum aperuimus. Verum omnia salva in eo invenimus. Infans etiamnum vivit salvus & incolumis Dei beneficio. Huic enim soli, & ipsa mater acceptum ferebat, quod toto gestationis tempore, à variis & periculosis motibus, nihil damni percepisset. Et si enim uterum extra abdomen pendulum in fascia gestaret, tamen in obeundis domesticis negotiis, quæ ipsimet ob rem familiarem angustam expedienda erant, uterum cum foeta nunc in foemore, nunc in hoc nunc in illo loco, prout usus & res expediendæ exigebant, reponere necesse habebat. Ita mirabilia sunt opera Domini, huc usque

SENNERTUS.

Infantem bimulum jam præsentis anni 1612. *Infans bimulus qualis fueris.* mense Majo Wittebergæ in ædibus Domini D. SENNERTI ipse vidi. Virium is erat satis vegetarum; staturæ tamen pro ætatis ratione paulò brevioris, quemadmodum & corporis habitus aliquanto tenuioris. In fronte elatiore parte supra oculum alterum cicatricem quandam

Ff . 5 habet.

habebat : quæ vulneris in ipso partu Cæsareo accepto exigui index dicebatur.

Hic autem FABRICI clarissime, non tecum agam de partus Cæsarei necessitate, difficultate, administrandi ratione, & aliis quæ in genere circa ipsum alias moveri solent. Hoc enim si attentarem, justos epistolæ limites facilè transilirem, & sunt ea ut plurimum talia: de quibus eruditi hoc temporis parum amplius controversantur. Quippe multijuga experientia illa omnia dudum reddita sunt certa atque indubitata. Ad propositum casum me potius converto, & quæ in eo inquisitione discussioneque potissimum digna sint attendo.

Quest. I.

Lubet ergo primū ex te quærere; ruptōne vel dilatato saltem peritonæo Herniam istam uterinam censeas accidisse? Quæ enim utrinque ad ferri possunt, non sunt fortassis planè nulla.

Affirm.

Dilatato saltem sive laxato peritonæo factā, si quid aliud certè evidentissime evincit; quod id in sectione à reliqua cute manifestè discerni potuerit. Et quidni peritonæum ex altera parte in tantum laxari potuerit: cum in Hydropicis secundum omnes ferè dimensiones totum abdomen in immensam propè molem extendi sæpenumero observatum sit? Ipsemet superiori Anno 1611. GIESSE Typothetam, cui scrotum ad capitis magnitudinem ab aqua illapsa distentum erat, citra sectionem Dei beneficio sanavi.

Observatio.

Alia obser.

Quid? quod mulier quædam Germana nomine DOROTHEA, quæ in Italia gemino partu fi-

lios

lios viginti edidisse traditur, altero quidem novem, undecim altero, ob ingens pondus tumidam alvum & ad genua usque propendentem, fascia collo & humeris appensa sublevare solita est; ut post JOHANNEM FRANCISCUM MIRANDULANUM Principem, & LYCOSTHE- NEM author est SCHENCKIUS lib. 4. observat. 162. Solidiores multo durioresque, quam peritonæum, ipsæ sunt arteriæ. Ast hæc in aneurismate ad ovi anserini magnitudinem quandoque laxari depræhensæ sunt. Quin aneurisma Bernæ Helvetiorum Anno 1606. à te visum, ceu Soloduro ante triennium ad me perscripsisti; quod totam pectoris partem sinistram à sterno ad collum usque occupavit. Solidissimum est cranium in hydrocephalis, tamen quantoperè id nonnunquam distendatur, pluries docuit experientia.

*Alia.**Alia.*

Rupto autem peritonæo Herniam fuisse Neg. productam, inde quis forsan arguere posset; quod plagam à pertica reciprocante inflictam subsequuta fuit. Quæ ratio num satis solida sit, Decissa. tute FABRICI clarissime judicabis. Mihi ob rationes antea adductas dubia non nihil videtur. Et si enim vel maxime concedatur interiorem peritonæi tunicam perticæ illisu fuisse disruptam, exteriorem tamen permansisse salvam atque integram, sectionis administratæ Historia superior fidem facit luculentam.

Nec refert, si quis prætendat, membranam illam quæ post cutis dissectionem in conspectu venit, *Objectionis solutio.*

venit, fuisse muscoli transversi laxatum tendinem. Nam ut alia multa, quæ in contrarium adduci possent præteream, unicum istud loco omnium duntaxat adferre placet; nempe musculorum transversorum tendines non in viris tantum prope os pubis ad vasorum seminalium præparantium ad testes descensum, indeque ejaculatoriorum ad glandulas prostratas, quæ vesicæ cervici appositæ sunt ascensum; sed in mulieribus, etiam ad duorum processus nervosorum ab utero prodeuntium & in summam partem pudendi muliebris perveniendum transitum perforari. Unde mulieres cum bubonocèle laborarent, cum sectione sanari posse, eruditè monet CASPARUS BAUHINUS lib. 2. Theatr. Anatom. cap. 8. Per foramen igitur tale ictu pecticæ laxius redditum, uterus integra peritonæi tunica exteriori excidit, atque herniam uterinam produxit. Sed de his pro accurato tuo judicio rectius ipse statues, sufficiat me de iisdem meam sententiam qualitercunque tibi nunc delineasse.

*Mulieres
cur Bubono-
cele corri-
piantur.*

Quæstio 2. Deinde & hoc mihi respondeas velim, Num feminam prius quam plagam acciperet, gravidam fuisse; vel posterius demum gravidam evasisse existimes? Cui quæstioni etsi nemo ipsa ægrotante aptius olim satisfacere potuisset; tamen quid conjecturando de eadem nunc dici posse confidam, paucis exponam.

*Negat. 1.
quæst pars.*

Non fuisse prius gravidam ex eo quis forsân demonstrare posset, quod post plagam vehementem

mentem à pertica reciprocante acceptam nec
1. inguen sinistrum intumuit, nec 2. abortus
etiam obortus fuit.

Exadverso, posterius quoque gravidam vix *Negat. 2.*
evasisse: Uteri dislocatio à perticæ ictu procul
omnidubio excitata, docere posse videtur; ni-
si forsitan evenerit, ut uterus non statim à plaga,
sed tandem post factam imprægnationem suo
loco primum pulsus sit. Quod ipsum à vero nō
est usque adeo alienum; præsertim cum (uti
habet historia) non statim ab ictu, sed paulò
post tumor in inguine sinistro apparere incœ-
perit. Tutum tibi probabilius videatur defi-
ni. Ego hinc *exigo.*

Illud potius tertio loco ex te quero, *Annon Quæst. 3.*
putes, tumore in inguine oboriente, fascia aliqua com-
petente, utrum contineri, ac ne longius extra abdomen
excideret, prohiberi potuisse? Mihi quidem, quin
hoc ab initio fieri potuerit; prorsus dubium
non est; qui novi, quantum utilitatis fasciæ
convenientes in aliis herniis adferre soleant.

Illud quoque doceas: *Cur hernia figura oblon-* *Quæstio 4.*
ga, non autem (cujusmodi alias gravidarum ab-
domen esse solet) rotunda fuerit? Nam quod u-
tero foras extra abdomen prolapso, & conten-
torum pondere ad inferiora depresso, superio-
res herniæ partes acuminatæ sunt? An quod
fortus plano & erecto non autem in globum
contorto, situ in utero concludebatur?

Quin & istud mihi expedias *Num spes ulla su-* *Quæstio 5.*
pereffe potuerit partus naturalis? Mihi quidem Me-
dici

dici Wittebergenses recte conclusisse videtur, spem planè superfuisset nullam Cum enim utero in proprio loco constituto, non raro fœtus naturaliter educi nō potuerit, ob causas in medicorū observationib. hinc inde annotatas, atque in primis in libello ROSSETI De partu Cæsareo sect. 1. c. 3. diligenter collectas: qua quæso ratione in præsentī casu extrahi valuisset? Annon contigisset facilimè, ut in medio & tamen irritō uterum in consuetum ac naturalem locum una cum fœtu per tam angustas vias reponendi conatu fœtus suffocaretur, materque ipsa præ dolorum acerbitate simul extingueretur? Quamobrem cum viderent, quod parturienti alia ad salutē via præclusa esset omnis, excepta una eaque dubia & periculi plena per sectionem Cæsaream, necessarium esse arbitrati sunt, ut ea periculo adversi irent. Id quod in talibus casibus fieri voluit Galenus libro 10. Methodo med. cap. 10. Nam ut Aëtius scribit Tetr. 4. sermon. 1. cap. 120. in fine de Elephantiasi; humanum & plenum benevolentia signum in extremis etiam malis usque ad experimentum procedere, ad difficultatem affectionis compescendam.

*Extremis
morbis, ex-
trema com-
petunt re-
media. 1.
Aph. 6.*

*Quæstio
6.
7.
8.*

Non quæro jam de *sutura uteri*. Num illa ea institui vel potuerit, vel debuerit? non de *causa membrana*, super labiis vulneris uteri natæ; non de *Gangrena* superveniente: de quibus singulis, quid sentias aperire aliquando poteris.

De

De illo saltem colophonis loco quærere placet; quid causæ subfuisse arbitreris, quod cum vix ullum de recuperanda integra sanitate dubium superesse videretur, ægra lipothymia ex improvise correpta, & paulò post extincta? Num virus aliquod atque occulta malignitas in vasīs, (in cavitate enim omnia salva sunt inventa) uterigenita delituit? quæ ut è prædictis nonnulla, sic & lipothymiam & cum lipothymia mortem ipsam ex insperato invexit. *Atque hætenus de historia præsentē.*

Nunc ob argumenti affinitatem aliam non minus raram, sed priore multò antiquiorem, utpote quæ Anno 1531. Decembris die nono contigit, subungere placet; cujus quidem nuperrimè pressius meminit in suo Hemerologio Silesiaco NICOLAUS POLIUS sub mense Decembris die citato; fusius verò ac per circumstantias descripsit SAMUEL MEIGERIUS in sui historiarum Nuclei classe I. cap. 4. eam pos è Germanico in latinum sermonem ita transtulimus.

NIESSÆ, quæ urbs est Silesiæ satis celebris, *Historia a-*
vixit paupercula; quæ quindecim annis viro *lia.*
suo cohabitavit, & novem libros enixa fuit.
Accidit autem ut in primo partu propter summam impatientiam & morositatem ab obstetricibus & aliis fœminis præsentibus deserta sola sibi consulere, & solo Deo obstetricate, eniti cogeretur. Hinc etsi malum aliquid in abdomine sibi evenisse sentiret, nihilominus tamen ex ordine

dine octies porrò naturaliter & feliciter citra ullam nonam per Dei gratiam peperit. Non multò autem post malum in primo partu acceptum, circa inguen sinistrum sæpiusculo sensit, ac sub cute extra abdomen mediocris quantitatis quippiam sibi excidere animadvertit. Anxia igitur casu isto reddita, rem primò a marito, mox ad fœminas, ob fidem sibi dudum probè exploratas detulit: ab illis verò cōsiliis solatiive aliud retulit nihil, quam Deo Opt. Max. totum negotium esse committendum. Quod dum fecit, ecce tumor indies in maiorem magnitudinem increvit, ut tandem vesicæ bubulæ spiritu distentæ ac gravidæ formam representare videretur. Quin id magnitudinis longitudinisque demum acquisivit, ut ad genua usque propenderet. Unde aliis accedentibus indiciis non arduum fuit concludere in vesica ista fœtum contineri vivum. Interea verò magnos dolores fœmina perpessa est, sive cubare, sive sedere conareretur. Namque non sine multo & dolore, & ejulatu onus istud instasacci alicujus penduli hinc inde levare, ac reponere cogebatur. Verum enimvero cum pariendi tempus appropinquaret, senatus Nictifenus, (quod paupertula esset) curam ipsius suscepit, & prædictum casum cū Medico, Chirurgis & obstetricibus peritis, aliisque fœmini honestis communicavit, atque rediū multumque deliberata & acuratissimè pensiculata, deprehendit spem partus naturalis reliquam esse nullam

ullam, nec alia via cum matre, tum foetui succurri posse, quā sola tumoris apertione; tāetsi omnes simile quid se nec vidisse unquam, nec dividisse testarentur. Prægnanti itaq; cōsiliū hoc tandem aperierunt, quod ipsa lubenti animo acceptavit, atq; se totam divinæ protectionis sermo commendavit, cum se una cum foetu alter liberatum non iri ipsamet faciliè intelligeret. Postquam verò in tam periculoso rerū statu constitutæ animum crebris adhortationibus, & consolationibus, propinqui obfirmassent, Medici, Chirurghi, obstetrices aliæq; fæmiliaris honestæ definito tempore convenerunt, & divino auxilio implorato, tumorem defecuerunt, foetumq; post multos labores, & sollicitudines satis vegetum denique extraxerunt. Quem cum matre adstantes gratulabundi congratulabundiq; obtulissent, oculis duntaxat aspectum auferri & in cunas reponi, manuum indico iussit. Is CHRISTO per lavacrum sacratissimum initiatus, esquiannum superstes vixit: matre tertio à sectione die post multos dolores & cruciatus piè in Deo obdormivit.

Hic de uno saltem, mī FABRICI, tuum iudicium exponas, rogo, qui scilicet fieri potuerit, ut post, sive rupturam sive laxationem peritonæi, in primo artu acceptam, nec bubonocèle, nec hysterocèle fæmina la protinus correpta sit, & quod admirationem adauget octies sine noxa feliciter pepererit? Num censeres, noxam peritonæi nō ad eò fuisse magnam, quæ intestinum elabi permetteret. An putas tem-

Gg poris

406 MICHAELIS DÖRINGI AD
poris diuturnitate emendatam, & totaliter ob-
literatam; postea verò forsan alia aliqua de cau-
sa, in historia quidem neglecta, & prætermis-
sa, redintegrata? ego utram in partem magis in-
clinem, non satis video. Et tantum de hac e-
iam historia.

Ex his igitur, mî FABRICI, constare confi-
do, quod non temerè argumentum hujus ep-
istolæ, ut *novam*, ita *raram historiam* appellavi-
rim. Tibi si tertium aliquod exemplum vel
artis usu occurrit, vel lectione aliquando inno-
tuit, ne id me celes oro.

Jam antequam finem epistolæ faciam, de
liis prioribus, ut opinor, tibi non minus acceptis
pauca quædam tractatili loco adjiciam. Ad quæ
quidem me largiter invitavit jucunda illa, quæ
ante quinquennium per semetipsum frui in vice-
sumus cōversatio. Cujus quoties recordor (non
cordor aut sæpissimè) nō possum nō opere de-
lere maximo, quod ipsam ob causas tibi duce-
notissimas non licuerit esse diuturniorē. Qui-
pe non dies abiit, quo velex mutuis colloquiis
vel operarum tuarum inspectione nō evaserim
doctior. Etsi igitur de multis aliis in præsentia
ad te scribere potuissem, iis tamen modò sepe-
sius & ad aliā occasionem cōmodiorem refe-
ratis de MERCURII in medicina usu nonnulli
exarare tantum placet. Illum enim quantum
Tu aestimes, hîc prolixè nō dicam. Istud nihilo-
minus quin dicam, nec ipse prohibebis, neque
ego committere ausim, nempe Te crudo u-
guent

Crudo Mer-
curio.

guentis & emplastris permixto, non solum ad
 tumores alios scirrhosos, tophos venereos, si- *Præcipitatè*
 ve è Gallica lue contractos & gonorrhæas; sed *usus.*
 ipsum etiam morbum Neapolitan. dexterrimè
 felicissimeque uti. Uti verò æquè feliciter ipso,
 veluti cōmuniter appellatur præcipitato; cū in-
 ratum extra corpus ad ulcera sordida & con-
 tumacia persananda, cujus rei specimina non
 apud Te tantum vidi aliqua multa, verum
 etiam in praxi mea, quantumvis tenui, quam
 per Dei gratiam hactenus exercui, ipse observa-
 vi nonnulla. Quod olim et si secreti loco olim
 à Te mihi communicatum secretò etiam ser-
 vare mihi soli potuissem, tamen cū me non la-
 teant sinistra, imo fatua quorundam præstan-
 tissimi hujus medicamenti esorum, atque a-
 liorum malè sanarum opinionum mancipio-
 rum præjudicia, Tuaque in communicandis
 etiam secretissimis facilitas ac liberalitas, e-
 jusdem in mei *De Medicina & Medicis* libro pri-
 mo, part. 2. section. 5. class. 3. capite 6. quæst.
 4. distinction. 7. §. 2. sub tuo nomine memi-
 nisse volui. Quod ut cum pace tua fecerim,
 precor.

Quamquam verò Chymici è MERCURIO *Mercurii*
 varia remedium genera, scopis variis accom- *sublimatè*
 modata elaborent, de illis tamè hoc in loco ad- *dulcis lass.*
 feram nihil, DE MERCURIO SUBLIMATO
 DULCIS duntaxat quædam scribam, quem u-
 num è præstantissimis cathartici rectè ap-
 pellavit CROLLIUS in sua *Basilica Chymica* mihi

pag. 130. primæ editionis; utpote quod per se vel cum aliis catapotis in usu medico exhibitus, omnia noxa è corpore humano radicaliter expellat.

Ejus præparandi ratio diu hæcenus fuit occulta, & à CROLLIO per terminum ARTIFICII HOMOGENEI quodammodo adumbrata & designata, planius ipsam descripsit Quercetanus in pestis Alexiaco cap. 7. pag. 411. editionis Lipsiensis: post hunc Author Tyrocinii Chymici, & novissimè Sennertus in *Institutionum medicarum* lib. 5. part. 3. sect. 3. cap. 17. in qua ipsa libricitati parte, tam multa tamque egregia medicamenta chymica idem meus Sennertus describit, qualia in aliorum libris, titulo ad factum composito superbiuntibus, vix invenias.

Præparandi autem ratio talis est.

Præparandi ratio. ℞. Mercurii vivi $\frac{3}{4}$ vj. Mercurii sublimati $\frac{3}{4}$ viij. Terantur vel levigantur super marmore, aut misceantur in mortario ligneo, vitreove, donec probè uniuntur, nec quicquam de Mercurio vivo super sit. Massam nigrescentem nonnulli aqua distillata lavant, dum omnes sordes auferantur, fiat postea s. a. sublimatio ex arena. Peracta sublimatione, quod sublimatum est, gusta. Nam nisi cretæ instar insipidum deprehenderis, sublimatio tibi reiteranda erit; ea quidem lege, ut id quod in fundo vasis post præcedentem sublimationem restitit, abjicias & sublimato novi Mercurii vivi nonnihil admisceas, ut prius.

Brevi-

Breviter: sublimatio toties à te repetenda est, quoties sublimatum acrimoniæ aliquam speciem gustui tuo exhibuerit.

Nota: quod si inter sublimandum Mercurii vivi quicquam adscenderit, à sublimato id diligenter sequestrabis.

Blandè purgat, & sine noxæ ullius metu usurpari potest; quod satis docet usus ipsius passim notissimus. *Tusus usus.*

Datur Junioribus à gran. quindecim ad viginti. *Dosis.* Adultioribus à viginti ad quadraginta usque, cum conserva rosarum vel aliqua alia, como assato aut ratione simili. Crustulo quoque subvolvitur; aut cum mucilagine gummi Arabici vel Tragacanthi, addito oleo aliquo distillato, in pilulam unâ, duas, trêve &c. redigitur præscribentis voto, & usurpantis voluntate.

Appellatur à nonnullis *Mercurius dulcis*, ab aliis *Mercurius vitæ*, à quibusdam *Panchymago*, à quibus *cælestis*. *Appellatio- nes.*

Dicitur per vices plures exhibitus eò usque saltem purgare, dum nihil peccantis materiæ in corpore residuum sit. Hoc sanè certum est: quod ab eadem ipsius dosi, alii largius, alii parcius purgentur. Verum idem in aliis quoque purgantibus videre licet. *Operanda virtus.*

Creditur esse specificum purgans in HYDROPE.

Tali quippe ratione quidam Asciticus constitutus perhibetur. Nimirum primo purgatus *Ascitici cura.* *Mercurii dulcis* granis triginta quinque per vices

Gg 3 ali-

470 MICHAELIS DÖRINGI AD
aliquot. Secundo singulis diebus bibit aqua:
Ivæ Arthetice cum oleo vitrioli rubicundo a
cidulæ factæ, terna cochlearia. Tertio singula
mane, & singula vespera sub ingressum lecti
duodecim grana Croci Martis saccharini, cum
cochlearia aquæ Hepaticæ potavit.

*Oleum vi-
trioli.*

Oleum vitrioli rubicundum qua ratione
parandum sit, è vulgaris Chymicorum libelli
constat.

*Crocus
Martis Sac-
charinus.*

Crocus verò Martis Saccharinus ita confi-
ciendus.

℞. Laminas è ferro vel chalybe puro ductas.
Has obline oleo sulphuris per campanam fa-
cto, aut si hoc desit, vitrioli oleo oblitas collo-
ca in cellam, & adnascetur crocus: qui de rasu
dulce non nihil sapit. Obline laminas, Cro-
cumque collige eo usque dum laminæ totæ
corrodantur, nec Croci quicquam amplius
reddere queant.

Usum.

Hunc Crocum verum Hepatis vocant in
staurativum. Tu FABRICI præstantissime pe-
riculi faciendi gratia infecto alicuius Gallici
Mercurium prædictum, data occasione exhi-
be; ac quid in ea abigenda possit experire. Ne-
que enim dubito, quin egregiarum in ho-
morbi genere averruncando virium futurum
sit. Quod ubi feceris, de successu me quamprimum
quæso erudito.


Sed manum tandem de tabula: vereor eni-
ne dudum epistolæ metas prolixitate ista tran-
gressus sim. Quas si forte transgressus sum, spe-
r

GUILH. FABR. HILD. EPIST. 4. I.

tamen, me ob hoc quaecunque etiam erra-
m veniam apud Te, & alios præterea omnes,
quorum manus eadem epistola fortassis
erveniet, facile meritum esse: cum non ex
anibus & nugatoriis, sed utilibus ac seriis re-
is, me quidem iudice, ipsam contexuerim.

Tu mi FABRICI, cum tota familia æternum
ale; vosque mi lectores amantissimi sospites
vite; ac mihi meisque laboribus porro benè
precamini. Dabam BRESLÆ è Musæo
meo Calendis Augusti
Anno 1612.

Gg 4 GUILHEL-



GVILHELMII
FABRICII
HILDANI,

ADEPISTOLAM

CLARISSIMI AC LONGE
celeberrimi viri

D N,

MICHAELIS DORINGII
BRESLAVIENSIS, PHILOSOPHIAE & MEDICINAE DOCTORIS multis
nominibus excellentissimi.


DE

*Nova, Rara & admiranda Hernia Vterina,
atque hanc justo tempore
subsequentis*

PARTUS CÆSAREI
HISTORIA

RESPONSIO EPISTOLICA
IN QVA

Multa variaque de affectibus Uterinis, extra-
ctione fœtus mortui, Mercurio &
Antimonio recensentur.





VIRO CLARISSIMO
ATQVE DOCTISSIMO
DNO.

MICHAELI DORINGIO
Breslaviensi, Philosophiæ & Medicinæ
Doctori longè celeberrimo Guilhel-
mus Fabricius Hildanus
S. P. D.

QUEM AD MODUM plantæ te-
nellæ, Vir amplissime, & multis
nominibus mihi charissimæ, nisi ra-
dices ipsarum per intervalla ir-
roratæ fuerint, citò perire solēt:
& olim ignis Vestalis, nisi refocillaretur conti-
nuò, exstinguebatur, ita & amicitia, (quæ si vera
& sincera fuerit, nescio quid Divini amoris,
post lapsum hominis, in homine remāsisse de-
notat, & plantas omnes, imò & gemmas quan-
tumvis preciosas, longè præcellit) nisi sæ-
pissimè mutuis officiis, aut ad minimum collo-

colloquiis, & literis excultra fuerit, flaccescit, paulatimq; refrigescit, extinguaturq; : in ò & inter Christianos tam lãguida & imbecillis est inter ipsos in hoc ulceratissimo seculo Christiana charitas.

Verum enimverò in T. Exc. jam pridem, & quidem sæpissimè, contrarium mihi observare licuit. Etiam si enim propter locorum intercapedinem, amicitiam, inter nos ante sexennium (cum propter singularem tuum erga me amorem atque studium, etiam ex longinquis regionibus, me invisendi causa, Te in Helvetiam contulisti, atq; exiguam familiam meam pro hospitio tibi elegisti) contractam coram nunquam, scriptis verò rarò fovere concedatur, nihilominus tamen fruticulos illos amicitia nostræ, non flaccescere, sed potius in altum excrecere, frondesq; suas longè lateq; expandere video. Cujus causa, profectò, non ex meritis erga te meis, sed ex præclara humanitate, simul & benevolentia tua proficiscitur. Assentator non sum: quandoquidem non tantum privata ad me scripta Tua, & laboriosum simul & utilissimũ opus tuum, *De Medicina & Medicis*, in quo tam honorificè mei mentionem facis, verum etiam publica & impressa epistola illa, *De nova rara & admiranda Hernia Uterina atque hanc justo tempore subsequenti partu casarei historia*, luculenter fidem faciunt.

Et si porrò te illam ad me misisse minimè dubitem, interceptum tamen, aut potius deperdi-

reditum illius in via fuisse fasciculum, arbitror; quandoquidem ad manus meas hactenus nondum pervenit: & unicum tantummodo exemplar mihi videre licuit. Illud autem rarissimus ac doctissimus vir Dn. D. Georgius Faber, Castri Imperialis Fridbergensis Medicus ordinarius, & longè celeberrimus, amicus noster communis, mihi communicavit. Quod verò epistolam illam meo nomini inscripseris, gratias ago habeoque maximas: & candidam illam in me humanitatem Tuam, quoad vixero, celebrare non desinam.

Maturius rescripsissem, & gratias egissem: sed varia interveniēte impedimenta. Cum enim ex Patria domum reversus essem, Chirurgia Castrensis Germanica ad prælum mihi describenda fuit. Illam vix cum absolvissem, Wormatiam ad Generosum ac strenuum Virum Dn. EBERHARDUM Rämmerer von Worms/genandt von Dalberg vocatus fui, apud quem per tres integros menses mihi commorandum fuit, Redeundo in Helvetiam, Basileæ, Bernæ, & nonnullis aliis in locis quoque paulisper detentus fui, & demum 29. Augusti Lausannam reversus sum. Ne itaque ægrè feras moram, obnixè rogo. Quæ adversa quoque, & lu&tuosa mihi post reditum meum Lausannam advenere, ex Dn. D. Horstio, aut Dn. D. Fabro te intellexisse, non dubito.

Cæterū ex patria ad meos redii 13. Decemb. anni elapsi: iter quidem longum, & laboriosum.

477 GVILH. FAB. HILDANI, AD
sum fuit, non tamen (Laus sit Deo) usque ad
eò molestum, etiam si enim in patria morbis
bis correptus fuerim, humanitas tamen illa
atque benevolentia, quae cum PRINCIPES
Patriæ, & ALII, COMITES item & NO-
BILES, tum etiam undique viri docti me
prosequuti sunt, veluti *Panacea* mihi fuit.

Quantum enim morbi, & labores itine-
ris, corpus affecerunt, tantum humanitas
atque familiaritas horum, mentem simul
& animum recrearunt, atque refocillarunt.
Quod Tuam Excellent. GRESSÆ non offen-
derim, etiam nunc ex animo doleo: nihil
enim optatius mihi accidere potuisset,
quam si illam ambabus ulnis amplecti mihi
licuisset.

Amplissimus simul & humanissimus vir
DN. GREGORIUS HORSTIUS, com-
munis noster amicus infinitis honoribus me
affecit: & GRESSA HEIDELBERGAM
usque deduxit, & quod magis est, in causa
fuit, quod DARMSTADII in aula Illustrissi-
mi & Celsissimi Principis ac DOMINI DN. LU-
DOVICI Hassiæ Landgravii, Comitis in Catzen-
ellenbogen, Dietz, Ziegenheim & Nidda, &c. cle-
mentissimè simul & humanissime exceptus, &
per dies aliquot detentus fuerim.

Quod cum tuis feliciter in Patriam appu-
leris, gaudeo: Præpotens ille Deus, fons mi-
sericordiæ, & clementiæ, qui te in Patriam,
me

me verò, ex laborioso & sic satis longo itinere (quandoquidem Belgium, & præcipuè Hollandiam quoq; eadem opera perlustravi) extra Patriam ad meos reduxit, & ut in posterum nos in hac valle miseriarum spiritu suo sancto ducere, sed in primis omnibus donis spiritualibus benedicere, atque ornare, tandemque propter meritum filii sui unigeniti JESU CHRISTI, in Patriam cælestem, cum omnibus fidelibus introducere velit, ambabus ad cælum elevatis manibus, Deum Ter. Opt. Max. submisè ac humilimè implo-ro atq; efflagito.

Poriò historiam illam quod attinet, rectè profectò RARAM ET ADMIRANDAM illam inscribis: vix enim unquam simile quid observatum fuisse tecum mihi fatendum est: quapropter, quicquid dicant invidiosi, prudenter fecisti, quod opus hocce divinum publici juris feceris. Vere inquam Divinum, quomodo enim fœtus extra uterum, aëri, e'que frigidissimo, qualis fuit tum temporis, cum utero gestaret, expositus, à calore verò materno & vasis cotyledonibus remotus, ad perfectionem & maturitatem pervenire potuerit, hominis caprum superat. Mirabilia itaque opera Dei, etiamsi in omnibus rebus à Deo creatis appareant, in Medicina tamen, præcipuè in morbis sese patefacere, historia illa tua luculenter ostendit. Ideoque minimè erat à te omittenda, etiamsi à clarissimo ac longè cele-

40 G V I L H. F A B. H I L D A N I, A D
celeberrimo viro Dn. D. S E N N E R T O, an-
tea evulgata quoque fuerit. Non enim, ut tu
quoque & addis, liber iste omnium ad ma-
nus pervenit, & ut de aliis quamplurimis re-
gionibus taceam, profecto huiusmodi scripta
aut tardè aut nunquam ad nos perveniunt.

Observationes quoque de affectibus uteri-
nis habeo plurimas, h istoriæ tamen tuæ mi-
nimè æquiparandas. Interim tamen nonnul-
las earum nunc (ut par pari referam) tibi com-
municare non gravabor. Verum antequam
ad earum narrationem me conferam, ad quæ-
stiones, quas ex prædicto casu proponis, pro
tenuitate ingenii mei, paucis respondere co-
nabor.

*Ad primam
questionem
responsio.* Quæris primò: Ruptumne an dilatatum fuerit
peritonæum? Ego minimè illud ruptum dilace-
ratumque fuisse, tecum sentio. Etiam si enim
ictus à pertica factus, & gravis, & magnus fue-
rit, cutem tamen & musculos vix læserat mul-
tominus igitur peritonæum? quod, ut testan-
tur anatomici, firmissimum validumque in-
testinorum & ventriculi tegumentum sit: sub-
stantia membranosum, & molle, Potius itaq;
extenditur, & relaxatur, quàm dilaceratur, præ-
cipuè in fœminis, in quibus ab umbilico ad pu-
bem usque validissimum est.

At cum in hac matrona ne cutis quidem aut
musculi abdominis (quantum quidem ex hi-
storia colligere possum) insigniter læsi fuerant,
multo igitur minus peritonæum, quod, uti di-
xi,

xi,

si, validissimum est, musculisq; quinetiam sub
acer? Interim tamen duo incommoda ex ictu
pericæ oborta fuisse, non dubito. Relaxationē
nimiam aliquam peritonæi: & contusionem
musculorum abdominis, simul & dolorē. Ille
porro quum, ut Galenus & experientia fide
faciūt, attrahat, sequutus est concussus humo-
rum in partem læsam. Hi verò quia pauci, &
propter constitutionē subiecti, pituitosi & vis-
cidi essent, ut inflammationem aut abscessum
procrearent, minimè fuerunt apti. Remanse-
runt itaq; in partibus musculosis, & quidem
circa peritonæum, illudq; paulatim laxum ac
lubricum reddiderunt: imò etiam ita debilita-
runt partem illam, ut cum utero gestaret femi-
na, facilimè relaxaretur, atque in saccum extē-
deretur. Illam porro relaxationem atq; exten-
sionē peritonæi, circa foramina illa, circa quæ,
bubonocèle fiunt in mulieribus accidisse, te-
cum censeo.

Sed quid sentis, quæso, de herniosis, nonne
in ipsis peritonæum disruptū esse putas? Mul-
tos quidem id asserere scio, verum ego ipsis
subscribere non possum.

Si enim disrumpitur, id ut circa foramina
illa abdominis (quæ tamē verius, LAURENTII
verbis utor, productiones dixeris instar cana-
lis elongati) fiat, necesse est: alioquin nunquā
neque omentum, neque intestina in scrotum
descenderent. At rupto ea in parte peritonæo,
frustra fieret in sectione herniarū ligatura atq;

*In herniosis
peritonæum
dilatatum
non ruptum
esse, ostendi-
tur.*

Hh constri-

constrictio vaginæ, simul & abscissio testiculi.
 Peritonæum enim cum sit corpus, ut dixi mem-
 branosum, nonne disrupto illo, partes di-
 sparsæ retrahi, ut amplius cōjungi, & filo ligari
 minimè possint, existimas? Deinde in hernia
 peritonæum dilatari, non autem distumpi
 ocularis inspectio fidem facit. Aliquoties eni-
 in herniosis post obitum, præcipue in senili
 cujus sit mētio obs. 65. Cent. 2 (qui insigni b-
 nia intestinali, per multos annos laboraverat)
 ea quæ fieri potuit diligentia, locum affectum
 perlustravi, nunquam tamen quicquam ali-
 præter dilatationem peritonæi observare &
 petire potui. Venæ nonne unica, easq; tenuis-
 ima membrana constant? attamē aliquando
 monstruosam magnitudinem dilatantur; V-
 cū ego in præcedentibus meis ad te me me-
 lueri (quæ crassit. embra hui mei ad carpū
 cedebat) testis est; Nec est ut aliquis venam
 ptam fuisse, existimet. Sanguis enim, ut H-
 docet, quamprimum in ventrem, hoc est, ex
 vasa sua profunditur, putrescat necesse est
 in viro isto nunquam computruit, ergo seq-
 tu venam non disruptam sed dilatatam fuisse.
 Concludo itaque in fœmina ista peritonæum
 dilatatum non disruptum fuisse. Si enim in
 drocephalo cranium dilatatum non autem
 rumpitur, quemadmodum ex Observat. Ce-
 1. & ex pto cranio, quod tu in Musæo meo
 disti apparet, quanto minus in hac fœmina
 ritonæum; quod forsan jam antea aliquo-
 in

*De varice
monstruosa.*

lib. Aphor.

*In hydroce-
phalo cra-
nium non
disrumpitur
sed dilata-
tur.*

In gestatione uteri distentum dilatatumq; fuerat, disruptum fuisse, verisimile est? Peritonæum autem aliquando monstruosè extendi atque dilatarì, sequens historia fidem quoque facit.

Anno 1607 Bernæ Helvetiorum quadragenariam mulierem obesam & pinguem (cui & præsidia nonnulla præscripta) invisi. Illa in difficili partu relaxationem umbilici contraxerat, ex qua paulatim distento atque relaxato peritonæo *Exomphalos monstruosus* sequuta fuerat. Umbilicus enim veluti saccus ingens extra abdomen propendebat: cum venter tamen suam debitam servaret proportionem. In capacitatem ventris retrocedebat nunquam. Interim tamen illa tam valido erat corpore, ut rem familiarem sine impedimento administraret.

Hæc obiter: integram enim historiam habes apud clarissimum virum Dn. D. GREGORIUM HORSTIUM. Antementes aliquot similem affectum in Germania, in nobilissima quadam ac singulari virtute prædita marrona, vidi. In illa tamen non umbilicus ipse, sed paulò supra ipsum peritonæum, veluti in saccum dilatatum conspicitur: in quo non solum omētum, sed & intestinum aliquod continetur. Aliquando n. murmur in ipso percipit indeq; dolor è quoq; sentit. Affectum hæc quoq; in partu contraxit. Plura non addo: exempla enim quæ tu ipsemer in medium adfers, tuam, meamq; opinionem stabiliunt. Hh 2 Secun-

*Ad secundā
questionem
responsio.*

Secundo quæris: *Gravida ne fuerit nec ne, et
ictum exciperet?* Ego etsi hæc in re nihil co-
stituiere queam, attamen ipsam tunc te-
poris nondum concepisse, verisimile mihi
detur. Si enim utero gessisset, proculdubio
propter perturbationem præcogniti, & imaginatio-
nem vehementiorem, uti solè gravidis fieri co-
suevit abortū fecisset. Exemplis sunt in pro-
ptu: quorum nonnulla recensito.

*Gravida ex
Alubom-
barda in
coxam acci-
pto, abortū
facit.*

Superiori æstate, in oppido Essén, in Mun-
chia, matrona gravida cum casu ictum be-
bardæ in coxam dextram, non quidem glo-
sed charta madefacta, & dentibus masticata
reciperet, protinus doloribus partus corre-
fuit: & aqua, quæ foetum comitari solet, p-
lò post effluxit. Sequenti die foetum non
tum n. ortum, verum etiam nigrum, quod
pulvere conspersario infectum fuisset, edi-
Historiam integram, & quomodo à me
no aspirante numine, à gravissimis, &
supervenerant symptomatibus, restituta
rit, posthac in observationibus meis
debis.

*Gravida
videns in-
fantulum
cadentem
abortum
facit.*

Menfe Julio Wormatâ Lausannam
diens, cum Biſga Buisgovio um, propter
tas causas, apud Nobilissimum ac thesaurum
rum DN. FRANCISCUM CONRAD
à SICKINGEN, Serenissimi Principis
Domini Dom. MAXIMILIANI Archi-
cis Austriae &c. consiliarium prudenssimum
& Satrapam in Statfſen vigilantissimum,

Aliquot hæsissem, matronam quandam
 æstam, & D. PAULI HARTMANNI
 solissimæ strenuæ viri DN. CHRISTO-
 PHERI von Ampringen æconomi uxorem,
 nem vidi. Illa cum esset gravida, & qua-
 m die vicini sui infantulum ex alto quodam
 to in terram corruere videret, supramodū
 terrefacta atque commota fuit: nihil aliud
 persuadens, quam infantulum istum, o-
 ia sua confregisse membra: & aut in ipso
 tu, aut paulò post vitæ suæ finem facturum:
 tamen tamen ne minimam quidem lesionem
 casu isto, quantumvis periculi pleno, rece-
 dit, & etiam nunc in vivis sit.

Mansit gravida ista in istis angustiis, & a-
 ni perturbationibus per aliquot septima-
 s. Tandem verò non absq; maxima diffi-
 ltate fœtum edidit: sed mortuum: habēs
 nia sua membra veluti confracta: & mi-
 m in modum contorta.

Sed, quod summopere admirandum, in-
 tus fuerat infantulus prænominatus, cum
 alto delaberetur, veste quadam alba, un-
 que fimbriis rubris adornata: quæ rubræ
 iam fimbriæ in fœtu isto mortuo eviden-
 timè apparebant.

Post infelicem tamen huncce partum, bis,
 rectè memini, feliciter peperit. Hæc ex re-
 tione ipsius mariti Dom. PAULI HART-
 ANNI accepi.

Hh 3 Aliud

Alia observ. Aliud exemplum, non minus memorabile, mihi communicavit Dn. D. DAN. DANIEL apud Dussbergenses Clivorum Medicus longe celeberrimus, amicus meus singularis, hunc in modum se habēs. Matrona gravida, cum duos inter se confluentes videret, & ex eis unus gladio perfoderetur, nec non mortuus in terram corrueret, supramodum perterrefacta & perturbata, (exclamando & nomen Domini, pro eo qui cecidit, invocando) manu dextra oculos obvelavit. Eadem die doloribus partus correpta foetum mortuum, cui caput ab oculo ipso, ad occipitium usque perfossus erat, edidit.

Alia observ. Gestæ matronam gravidam propter incendium abortum perterrefactam, post triduum infantem vivum, sed undique maculis igneis contaminatum edidisse, Dn. D. HORSTIUS ad me scripsit. Plura hujus rei exempla, ex quibus ictum istum perticæ, absq; abortu vix fieri potuisse, videre liceret, quavis autē plura in mediū producere possem: Ne autē prolixior sim, his contentus ero, ex quibus quantum & quid in prægnantibus efficere possit perturbatio animi, fortisq; imaginatio, satis superq; apparet. Post ætum itaque ipsam concepisse, credibile est. Deinde accrescente foetu, quum uterus de die in diem gravior fieret, & partem illam abdominis, a pertica læsam, præ cæteris debilem, & (propter affluxū & concursus humorum pituitosorumque viscido. umve) lubricā
ac

xā reperiret, totus in partē lēsam debilio-
q; decubuit. & peritonæum magis magisq;
edit. Herniosis, et āsi intestina sēper eandē
servent constitutionē, neq; quemadmodū
us gravidus, accrescant, idē tamē accidere
tidie observamus. Quandoquidem ex mi-
a relaxatione peritonæi, tota moles inte-
torum in partem illam decumbit, herniam
aliquando monstruosam procreat.

Tertio, extuberantiam illam in inguine, ne lon-
extra abdomen excideret, ab initio fascia apta,
nideri potuisse, sēp sumē in matronis, bubonocle
rantibus expertus sum: imo & aliquando ute-
in ipsum, nē excideret, fascia prohibui. Ante
num ā nobili quadam matrona in consiliū
nibitus fui: huic cōtinuò ferē, inprimis am-
lādo uterus ante ostium propendebat. Ego
trumentū adaptavi: quo collo matricis im-
sito uterus ita in loco suo retinetur, ut si ve-
des incedere, si ve curru vehi, si ve quovis a-
modo corpus movere velit, id sine molestia
difficultate perficere facile possit. Fuit autē
ernia illa uterina oblonga hanc ob causā, 1. quia fœ-
s (ut tu quoq; doces) non in globum contor-
s, sed erectē in utero cōtinebatur. 2. quia fo-
mē, per quod uterus prolapsus fuerat, angu-
ū. In herniosis ut plurimū idē accidere solet.
quam diu n. foramē angustū est, hernia figura
oblongā propendet: insigniter verò dilatata
ductione peritonæi, si ve vagina, in rotūdū
deo extenditur scrotum ut membrum virile

Ad 3. quæst.
responsio.

Ad 4. quæ-
stionem.

Hh 4 ali-

aliquando appareat. In matronis verò sanis cum utero gerunt, venter rotundus est: peritonæum enim undique æqualiter extenditur.

*Ad 5. qua-
stionem re-
sponso.*

*Rectè simul & prudenter, absque omni contradic-
tione, fecerunt Medici Wirtebergenses, quod sectio-
nem Casaream instituerint, Uterum enim extra
abdomen prolapsum, à fœtu quinetiam dila-
tatum atque extensum per foramen. Illud an-
gustum, in ventrem nunquam retrudi potuif-
se, quis est qui ambiget?*

Si enim in herniosis aliquando intestina in ventrem, ut ego aliquoties observavi, reponi nequeunt, quantum in hac matrona uterus, cum, ut habet historia, post sectionem, & extractionem fœtus, solus ob ejus magnitudinem in ventrem reponi non potuerit? Prius itaque dilatandum fuisset foramen abdominis: quemadmodum nonnunquam in herniosis, si intestina in scroto intumuerint fieri solet. Verum & dilationem illam, tum propter dolorem, tum etiam propter hæmorrhagiam aliasque causas, & que maximo periculo matris, simul & infantis, fieri minimè potuisse arbitror.

Deinde quia uterus per tot menses, unà cum fœtu extra abdomen propenderat, non erat ad ipsum excipiendum locus satis aptus, & capax in ipso ventre. Per totum enim tempus gestationis, omnia, quæ ad uterum, & fœum excipiendum sunt necessaria paulatim
ad-

adaptantur disponunturque. Intestina crescē-
te fœtu, & dilatato utero, retrocedunt; hepar,
lien & ventriculus, versus diaphragma blandē
reprimuntur; peritonæū simul & muscoli ab-
dominis, prout fœtus accrescit, sensim exten-
duntur, dilatanturque omnia ad partum natu-
raleni, natura, divino quodam instinctu præ-
parat atque disponit; idque sine periculo, quia
sensim fit, & absque violentia. Cum violentia
verò absque læsione prædictarum partium re-
poni nō potuit. Sed ponamus casum, abdomē
absq; insigni periculo dilatatum, uterum quin
etiam & in ipso contentum fœtum, feliciter in
ventrem repositum fuisse, partus tamen natu-
ralis, quomodo consequi potuisset, non video.
Ut enim de reliquis impedimentis, quæ adesse
potuerunt taceam, hoc unicum, nimirum in-
cisio musculorum abdominis ad partum natu-
ralem impediendum, sufficiens erat. Quātum
enim compressio musculorum abdominis in
partu sit necessaria, sciunt medici, at hic ratio-
ne vulneris, fieri non potuisset.

Medici, quod post partum Cæsareum uterum sutu-
ra non conjunxerint, meo quidem iudicio prudenter fe-
cerunt. Utero enim à contentis evacuato, labia
vulneris per se facilè, ut ROUSSETUS de partu
Cæsareo testatur concidunt, & arctè conjun-
guntur. Deinde, post partum ut sanguis & quic-
quid præternaturale in utero superest, ut pau-
latim evacuetur, perquam necesse est. At quia
in hac fœmina (ut verisimile est) naturalis via

Hh s occlu-

*Ad sextam
questionem
responsio.*

occlusa fuit, non erat occludenda via illa præ-
ternaturalis & arte facta. Cutim verò quod
confuerint, rectè fecerunt; alioquin uterus, ac-
ri expositus, protinus alterationem & putredi-
nem aliquam contraxisset, ægramque mox è
medio sustulisset.

*Uterus non
est ad vitam
necessarius.*

Sed aliquis forsan partem illam uteri, quæ per
tot menses extra abdomen propèderat, filo li-
gasset & abscidisset; neque omnino rejicienda
fuisse operatio hæc, gægræna enim, quæ postea
supervenit, ut verisimile est, hoc modo evitari
potuit. Deinde mulierem absque utero vivere,
imò & ad coitum aptam esse, multis exemplis
& observationib. demonstrant AVENZOAR li.
2. tract. 5. cap. 4. FRANCISCUS ROUSSETUS lib.
de partu Cesareo. CASPARUS BAVHINUS in
Appendice libri Rousseti. Verùm operatio, &
abscissio hæc, ut tutò fieret, hæc obstabant. Pri-
mò quia reliqua pars uteri, in ventre abscondita,
ut necesse erat expurgari nō potuisset. Via enim
ad id à natura destinata, ut antea quoque dixi,
proculdubio occlusa fuit: hinc retento san-
guine, gravissima symptomata & mors conse-
quuta fuissent. Deinde quia in posterum ad
procreationem inutilis fuisset fœmina illa. To-
tus enim ferè uterus decidisset. Potuisset quidè
concupere; ea enim omnia quæ ad conceptio-
nem necessaria sunt remansissent integra; emi-
ssisset insuper semen, non minus ac fœmina illa,
cujus meminit Dn. B A U H I N U S in suo in lib.
Rousseti Appendice, sed an fœtum usque dum
matu-

maturus fuisset, gestare potuisset, vix credibile est. Nihil enim angustus fuisset locus, nec unquam uterus propter partem ablatam, sese satis extendere & dilatare potuisset, & proinde abortum maximo cum vitæ discrimine fecisset. In partu enim nisi uterus, prout fœtus sese ex una in alteram partem projicit & circumvolvitur, extendatur ut plurimum parturiens simul & fœtus ipse, versantur in periculo vitæ. Quapropter qui scirrhus uteri laborant vix parere posse observavi, cujus rei veritatem ex sequenti historia videre poteris. Illam etsi clarissimo atque doctissimo viro Dn. Andreae Weickio Medicinæ Doctore, amico meo singulari inscripserim, & quartæ Centuriæ obs. mearum inserere constituerim, attamen quia hoc loco ad institutum nostrum quadrat, illam hic subjungendam esse, visum est: sic autem habet.

Qui scirrhus uteri laborant sine periculo parere non possunt.

ANNO 1611 DN. ANDREÆ MORGE, Arcis Mons dicta (quæ inter radicem montis Jurati & lacum Lemannum sita est) Oeconomi uxor, matrona pia atque honesta, cum quinto utero gestaret, & finem noni mensis imprægnationis attigisset, doloribus partus correpta fuit 24. Maji circa horam decimam matutinam, cum pro more, & quidem cum voluptate & appetitu pransa fuisset. Dolores parturientium tam acerbos & motus fœtus tam vehementes ac impetuosos fuisse, ut vix unquā simile quid observatum fuerit, adstantes matronæ referebāt: quapropter vires ilicò mirum in modum prostratæ fuerunt.

Mulier scirrhus matricis laborans una cum fœtu moritur.

runt. Circa horam tertiam pomeridianam li-
pothymia & horrores maximi supervenerunt:
quo tempore fœtum in utero matris animam
reddidisse verisimile esse mihi videtur. Dolo-
res enim & conatus ad parturiendum ab eo tẽ-
pore cessarunt, nec fœtus sese movebat am-
plius. Ego accersitus, circa undecimã noctis ad
ipsam perveni, tum pulsus ferè nullus, extre-
mitates frigidae erant, & sudor frigidissimus to-
tius corporis aderat, brachium quoque dextrũ
fœtus extra vulvam propendebat; quapropter
mortem in propinquo esse, prædixeram. Ne i-
taque inventionem meam, extrahendi fœtum
mortuum, quæ hætenus in multis & quidem
in deploratis, per Dei misericordiam feliciter
mihi successit, apud vulgus & imperitos odio-
sam atque suspectam redderem, manum adhi-
bere nolui. Adstantium tamen, & ipsius ægræ
precibus commotus, statim nonnihil confe-
ctonis Alkermes, aqua cinamomi, parumque
vini dissolutæ, propinavi. Postea quia genitalia
refrigerata, & veluti arida erant (quandoqui-
dem ne gutta quidem sanguinis, aut humoris
profluebat) sacculum ex radicibus, herbis, flo-
ribus & seminibus emollientibus, relaxantibus
& dolorem lenientibus calidè applicui; un-
guento quinetiam emolliente imum ventris,
coxas, os sacrum & genitalia inunxi. Tandem
eodem unguento inuncta manu, situm fœtus
expiscari cœpi: qui etsi omninò præternatura-
lis esset, ut postea dicam, & brachium dextrum
extra

extra collum matricis propenderet, caput tamen, quod pectori incumberebat, (prius inuncto, & clementer intruso brachio infantis) versus ostium uteri adduxi. Verum quum uterus, & ipsius collum propter virium & expultricis facultatis summam imbecillitatem, supra modum clauderetur, adeoque constringeretur, ut manus mea compressionem sufferre non posset, ab opere desistere coactus fui. Brachium mox iterum sponte excidit, & sequenti die, circa horam decimam matutinam naturæ satisfecit.

Ego admiratione captus, quænam causa esse potuerit, quod fœmina illa, alioquin sana, tam citò extincta fuisset. Suasi ut cadaver incideretur, & causa mortis investigaretur. Aperto itaque ventre, vacuum ipsius sanguine seroso repletum reperi. Propter ingentes enim dolores, & violentum motum fœtus, venæ nonnullæ in parenchymate hepatis, & circa os sacrum ruptæ fuerant; atque ex ista profusione sanguinis, mortem subsequutam fuisse in controversiam revocari non potest. Porro situs fœtus talis erat. Caput collo matricis proximè adjacebat, brachium dextrum, quod lividum extra collum matricis propendebat. Crura versus pectus, & caput infantis ita reflectebantur, ut pedes in vertice jungerentur. Brachium sinistrum hypochondrio dextro ita erat impositum, ut crura in ipso poplite amplecteretur.

Exempto fœtu scirrum durissimum, qui magnitu-

*Quæ in dis-
sectione re-
perta.*

gnitudinem capitis infantis ferè adæquabat, inveni. Ille autem, utero non simpliciter adhærebat, sed ipsum corpus uteri in scirrhum concretum, atque induratum fuerat. Porro scirrhum huncce causam mortis fuisse, nemo abnuere potest. Quandoquidem uterus ratione hujus scirrhii, ita angustus factus fuerat, ut tempore partus sese extendere non posset. Et quia fœtus maturus & vegetus, talem impetum fecerat, ut venæ rumperentur, & hæmorrhagia sequeretur, simile ferè exemplum habes observ. 67. Cent. prim.

*Ad questio-
nem septi-
mam re-
sponso.*

Membranam illam, qua obductus fuit uterus, re-
tè nominat Dn. D. SENNERTUS purulentam.
Non enim fuit membrana vera, & recenter
procreata, sunt enim membranæ partes sper-
maticæ, nec facilè regenerantur; sed fuit ali-
quid præternaturale, ex viscida materia, à na-
tura procreatum, idque in eum finem, ut sub-
jectæ partes tegerentur, & ab injuria æcis vin-
dicarentur.

*Fungi in
quem finem
in vulnerib.
capitis pro-
creantur.*

In hunc quoque finem natura in vulneri-
bus capitis fungos producit. Cum enim ær,
præcipuè frigidus; ut Hippocrates & expe-
rientia testantur, cerebro & proinde omnibus
partibus nervosis, sit inimicus, talis est natu-
ræ (dummodo fuerit valida) industria atque
providentia, ut partes nervosas, si denudatas
fuerint; tegumento aliquo munire studeat;
hinc fiunt in vulneribus capitis, in quibus ce-
rebrum insigniter detectum est, fungi; de qui-
bus

bus vide observationem 15. Cent. 1. Item obser.
36. Cent. 2.

In vulneribus juncturarum idem me vidisse
memini: Anno enim 1585. cum adhuc tyro es-
sem in arte cheirurgica, & Hildenæ parentes
inviserem, per quædam aliquot apud ipsos mo-
ram traherem, ad canponem quendam ibi in
vicinia habitantem accersitus fui. Is sibi vulnus
& magnum & profundum securi ipsi junctura
pedis inflaxerat; ex quo post dies aliquot fun-
gus carnosus exortus est. Is partibus nervosis
denudatis ita adjacebat, ut aër illas offendere
non posset.

*Fungus in
vulnere junc-
turae exor-
tus.*

Simile quid ante paucos annos mihi obser-
vare contigit. Paterniacensis quidam Adamus
Perinus nomine, cum ingentem & nodosum
truncum arboris, pulvere tormentario findere
vellet, & nimis imprudenter ad truncum appro-
pinquaret, junctura ipsius pedis dextri, ab ipso
trunco (cum in partes diffiliret) per medium
ferè difficta fuit; cum ingenti contusione, &
sanguinis profusione. Ego protinus advocatus,
quæ sanguinem sistunt, humores repellunt, &
dolorem leniunt ab initio applicui, & statim ca-
nema exhibui: quo rejecto, venam ejusdē bra-
chii incidi; eamq; victus rationem quæ in ma-
gnis & nervosarum partium vulneribus con-
venit, institui. Post eam ratione doloris nō
nihil laudani exhibui: quo facto utcunq; quie-
vit ea nocte. Sequenti die pharmaco corpus a
pravis humoribus exoneravi. Dolores et si us-
que

*Alia obser-
vatio de
fungo ex
vulnere ex-
orto.*

que ad quartum satis acuti essent, paulatim tamen remiserunt, & brevi vulnus ad suppurationem pervenit. Circa septimum porro diem morbi fungus carnosus adeò magnus, ut totum vulnus adimpleret, subjectasque partes omnes nervosas cooperiret, ipsisque veluti pulvinar adjaceret, in ipso vulnere exortus est. Ego interea institutam methodum minimè mutavi; sed præcipuè in hoc laboravi, ut adfluentes humores repellerem, doloresque lenirem, reliqua omnia usque ad diem decimum quintum naturæ commisi. Elapso decimo & quinto die, ea quæ mediocriter exsiccant, absque tamen acrimonia applicui. Curatio ita ad votum successit, ut divino aspirante numine, intra hebdomadas quinque, pristinae sanitati restitutus fuerit: ita quidem ut deinceps absque baculo per annos ferè octo, usque dum Deus illum peste ex hac vita evocaret, incederet. Historiam hanc recensere volui, ut juniores cheiurgi ex illa ediscant, hujusmodi fungos summo naturæ beneficio & quidem, uti dixi in eum finem, ut subjectæ partes ab injuria aëris vindicentur procreari; & propterea non temerè auferendos esse.

Caro fungosa in ossibus denudatis, in quæ finem à natura produ-

In ossibus denudatis, eadem est naturæ industria. Cum enim aëc ossibus denudatis sit adversissimus, ea statim carne aliqua fungosa tegit natura; sub qua nihilominus partem illam ossis, ab aëre aut medicamentis, vel etiam à ferra, veluti in abscissione membrorum, altera-

tam,

am, paulatim separat & per carnem illam fungosam expellit: os verò carne solida & laudabili tegit. Itaque non satis rectè nec prudenter faciunt nonnulli, qui in ossibus denudatis quotidie ferè (ut ego apud nonnullos vidi) scalpris os abradunt. Hinc multoties ex reventi vulnere fiunt ulcera maligna, atque diuturna. Hæc ego perpendens nunquam in ossibus denudatis (nisi caries profunda fuerit, veluti in lue venerea) utor scalpris, sed pulverem aliquem contagmaticum, aut euphorbium pulverisatum, quod in ossibus denudatis, uti observatione 92. Centur. 2. demonstravimus, præstantissimum & absque omni periculo applicari potest, quotidie inspergo; neque ab usu horum medicamentorum desisto, donec os squamam abjecerit. Interim quoque, ne labia vulneris jungantur, & ante casum ossis coalescant, quantum quidem possum, radicibus gentianæ, spongiis præparatis, & similibus impedio. Sed & ossa carne & periostio suo denudata, non semper, uti existimant practici quamplurimi, ab aëre alterari, & squamam abjicere, suo quoque tempore, in observationibus meis exemplis declarabo.

Error qui in ossibus denudatis committitur.

Ossa periostio denudata non semper ab aëre alterantur.

Gangranam illam, quæ tandem supervenit, ex interceptione spirituum, & penuria alimenti ortam esse, verisimile mihi videtur. Abdomen enim si-
nistrum & ea pars uteri, quæ extra abdomen protrusa fuerat, per exiguas habet venas atque arterias.

Ad questionem octavam responsio.

Li rias

rias: hę autem quum tempore gestationis supra modum elongatę, extensę & proinde veluti aridę factę essent, non potuit spiritus & alimentum per tam angustas vias, post partum satis copiosę descendere, partesque longinquas nutrire. Extinctus itaque paula im fuit calor natus, & supervenit gangręna, quę arte prohiberi non potuit. Sed objicies forsan.

Obiectio.

Cur extinctio illa caloris nativi, tempore gestationis, aut paulo post partum non acciderit?

Solutio.

Respondedo, sanguinem & nutrimentum tempore gestationis, motu quodam naturali, pro nutritione fętus, copiosę ad partes illas de fluxisse; post partum verò, motum illum naturę paulatim cessasse; & sanguinem illum qui antea ad uterum fluebat, ad mammillas aliasque partes destinatas, retrocessisse.

Ad quęstionem. Lipothymiam quę ex improvise supervenit, & mortem intulit, imò & eo ipso tempore cum vix ulla *responsio.* amplius de recuperanda integra sanitate sp̄s superesset, ex occulta quadam malignitate, ex præcedente gangręna progenita & in vasis contenta, ortam fuisse, tecum arbitror: simile enim quid ut sequens historia fidem facit, mihi observare licuit.

Ex secundina retenta tandę mors sequitur.

Anno 1609. 16. Februarii Nobilis quędam matrona, s. d. in primis pia, & singulari virtute prædita, Dn. Maria Pelisaria, excellentissimi atque doctissimi viri Dn. Samuelis Weis, Inclyta Re. publ. Bernensis Commissarii genera-

lis

s conjunx Bernæ Helvetiorum circa octavam
matutinam puellum feliciter peperit. Post par-
um sanguis quidem copiosè effluxit, secundi-
a verò remāsit in utero. Illam quum obstetrix
manu non extraxisset, multa variaq; medica-
menta ad ipsam expellendam, eaq; omnia cali-
da, veluti decoctum sabinæ, pulegii, rutæ, a-
stolochiæ & similiū, adstantes matronæ exhi-
uerunt; sed frustra omnia. Remansit enim se-
cundina in utero, ad decimum octavum ejus
mēsis diem; dum circa horam decimam noctis
natura illam sponte, sed putridam fœtidamq;
expelleret. Ego una cum clarissimo viro Domi-
nio Paulo Lentulo, ejus Reipub. Doct. Medico
celeberrimo, pię memoriæ accersitus, ipsam fe-
bri continua & ardenti laborātem invenimus,
hypothymia, angustia pectoris, vigiliæ & in-
quietudines tales aderant, ut ab eo tempore,
quo doloribus partus correpta fuerat, so-
num capere minimè potuerit.

Cæterum etsi secundina, si adstantibus cre-
dendum est, integra elapsa esset, nihilominus
amen materia, veluti sanguis corruptus & pu-
tridus, sed ita fœtidus, ut suo fœtore totum cō-
clave adimpleret, per pudenda extillavit con-
tinuò; quæ porrò materia & fœtor, internam a-
quam putredinem arguebant. Aderat præte-
rea & fluxus alvi, proculdubio propter imbe-
cillitatem expultricis facultatis.

Nos eā, qua fieri potuit diligentia, sym-
ptomata ita debellavimus, ut omnia ferè
li 2 salva

salva viderentur, sed fefellit nos opinio, quartum enim Martii, qui fuit decimus septimus morbus cum præcedens nex utcunq; quietæ fuisset, & circa septimam matutinam juscum sumpsi-
set & haustum vini bibisset, per horam quine-
iam ferè integram mecum, de morbo suo, infan-
tulis & rebus domesticis cōfabulata fuisset, an-
cillas, ut lectum sternerent, advocandas jussi.
Quæcum è lecto illam elevarent, & in sedem
collocarent, in liposymphiam incidit, & protin-
us in dō & in eo ipso momento, & antequam
ego ex proximo cubiculo accurrerem, vitam
cum morte commutavit.

*De morbis
mulier li. 1.
sect. 5.*

Utinam igitur obstetrices omnes illam habe-
rent industriam, ut secundinam (quod tamen
facile & absque periculo fieri posse, sæpissimè
me edocuit experientia) manu, antequam
ostium uteri claudatur extrahere possent. Sæ-
pissimè enim parturiens in excludendo foetu
vires adeò consumit, ut postea secundinam ex-
pellere non possit: præsertim in abortu. Aborti-
tiones enim, inquit HIPPOCRATES, majorem
molestiam quam partiones afferre solent. Nec
enim citra violentiam abortio contingit, sive
ex medicamēto, sive portione vel cibo, vel sub-
dititiis medicamentis, vel ex re alia quapiam
contingat. Ut enim (quemadmodum Dn. HEN-
CTOR SCHLANOVIVS Reip. Wormatiensis
D. Medicus, amicus meus singularis, libro de
vasis umbilicalibus, & alii scribunt) poma ma-
tura de arboribus spontè sua decidunt, crudæ
vero

imò & immatura, non nisi magno labore, aut
 entorum impetu à suis pediculis avelluntur,
 cum secundinis accidit; quæ tempore par-
 is maturo & legitimo, sponte sua & facile
 matura à vasis uteri, quibus cum interventu
 otyledonum per contiguitatem connecte-
 antur, divelluntur. In abortu vero & partu
 immaturo, non nisi magno molimine dis-
 impuntur.

Duobus autem modis secundina, post par-
 um retenta educitur; manu scilicet, & medi-
 camentis; sed videamus nunc quænam sit tu-
 or via. Quantum ad medicamenta illa, nisi be-
 neficio naturæ, de potentia in actum redacta
 merint operari non possunt. Deficiente enim
 natura, frustra laborat medicus; frustra que ex-
 hibet medicamenta. Sed & antequam natura,
 præcedentibus doloribus prostrata, novum ro-
 bur acquirere possit, requiritur tempus. Inte-
 rim ostium uteri contrahitur & clauditur, pu-
 rescitque; secundina, & putredine sua adjacētes
 partes inficit, corrumpit, viresque; magis magisque;
 prosternit, uti ex præallegata historia videre li-
 cet. Deinde, quia medicamenta quæ foetum
 mortuum & secundinam expellunt, plerumque;
 præter pauca, quæ id proprietate quadam oc-
 culta & specifica perficere posse, à Domino D.
 Schlanovio & aliis proponuntur) calida, imò
 calidissima, partes internas supra modum ex-
 calefaciunt; hinc febris, inquietudines, vigi-
 liæ, aliaque symptomata accrescunt, atque ut

*Secundina
 duob. modis
 educitur.*

plurimum mors ipsa sequitur, præstat itaque illam manu extrahere; idque statim post partum, & antequam ostium uteri claudatur, faciendum est.

*Obstetrix
loco secundinæ
uteri
extrahit.*

In illa autem operatione, ut circumspiciat & prudenter procedat cheirurgus, aut obstetrix, ne loco secundinæ uterum accipiant, extrahantque; necesse est. Id enim ante paucos annos in Belgio evenisse Dn. D. Henricus Stapedius Medicus longè celèberrimus, & amicus meus plurimum honorandus, superiori anno Coloniz Agrippinæ mihi retulit, obstetrix enim cum post partum secundinam extrahere vellet, & ipsius loco uterum arripuisset, extraxissetque, tandem quoque abscidisset, eadem die puerperam naturæ satisfecisse, mihi aliquoties affirmavit. Quapropter magistratum, cui salus subditorum à Deo commissa est, moneo atque adhortor, ut neque cheirurgis, neque obstetricibus huiusmodi operationes, tam magni momenti, exercendas concedat, nisi à Medicis eruditis, sed imprimis in hac operatione exercitatis, prius edocti, examinatique fuerint.

*Ad questionem
in secunda
historia
propositam
respondio.*

Ad questionem illam, quam ex secunda historia tua proponis, jam paucis respondeo. Nimirum peritonæum in primo partu proculdubio aliquomodo læsum fuisse; non tamen usque adeò, ut bubonocèle inde sequeretur. Quum autem toties utero gestaret, & pars illa peritonæi, in primo partu malè affecta, continuò ferè pro-

prei

ter imprægnationes frequentes afficeretur, paulatim adeò debilitatum fuisse, ut affluentes humores facillè reciperet, verisimile esse mihi videtur. Illi autem, quia (uti antea quoque demonstratum fuit) ratione subiecti, pituitosi, visceri & lenti essent, peritonæum tandem adeò laxum & lubricum reddiderunt, ut cum ab utero gravido premeretur, facillimè cederet, & in saccum illum relaxaretur.

Atque hæc sunt clarissime atque doctissime mi Domine D. DÖRINGI, quæ ad quasita Tua, ex duabus istis historiis admirandis atque raris, protenuitate ingenii mei respondere potui, Tu ut omnia amicè, de quo tamen minimè dubito, interpretari velis, plurimum rogo.

Porro ut par pari referam, observationes nonnullas singulares, de extractione fœtus mortui, T. Exc. communicare visum est. In primis autem quam feliciter uxori meæ charissimæ inventio mea, extrahendi fœtum mortuum succedat, trium matronarum exemplis, quas intra annum, per singularem Dei misericordiam atque clementiam ex evidentissimo mortis naufragio, ad vitam revocavit, recensabo.

Maria, Jacobi Clerici civis Lausannensis uxor, matrona tenella, constitutione corporis sicca, cum novies utero gestaret, & ad legitimū pariendi tempus usque pervenisset, fœtum tamen excludere non posset, uxor mea advocata fuit. Illa quum fœtum mortuum esse, certis in-

De extractione fœtus mortui.

Observatio.

diciis cognovisset manum, ut situm fœtus exploraret, adhibuit. Situs autem planè præternaturalis erat. Venter enim simul & vasa umbilicalia, (quæ veluti in globum obvoluta contortaque erant) sese ante ostium uteri offerebant, pedes, brachia, & caput retrorsum ita reflectebantur, ut ferè conjungerentur. Dolores & conatus ad parturiendum aderant maximi; vires tamen adhuc constabant. Inunctis genitalibus, ventre, atque coxis oleo liliorum alborum, amygdalarum dulcium, pinguedine gallinæ & anseris, manu quoque eodem unguento inuncta, eaque in uterum immissa, fœtum paulatim ita volvebat, ut caput sensim ad ostium uteri adduceret; quo facto: ipsum feliciter extraxit, sed mortuum. Mater brevi convaluit, & hucusque optima sanitate fruitur.

*Observatio
secunda.*

Anna, Petri Belleti civis Lausannensis uxor, corpore utcunque valida, cum tertio concepisset, dolorib. partus correpta fuit 26. Novem: An. 1612. Aqua quæ fœtū comitari solet, statim effluxit, & dolores quā maximi & continui super venerunt; obstetrices accersentur plurimæ; sed frustra. Tandē per dies novē doloribus istis gravissimis debilitata, & cū uxor mea in ipsius subsidiū vocata fuisset, misellam illam veluti in mortis agone reperit. Propter ingentes enim, longosque dolores, vires ita erant prostratæ, ut pulsus vix persentiri posset. Inquietudines aderant maximæ, vigilæ, sitis inexhausta; lipothy-

orthymia item frequentes, propter foetum se-
iputridum supervenerunt.

Implorato itaq; prius Numine Divino, & de
aerenti periculo facto prognostico, opera-
tionem sequenti Methodo aggressa est. Primò
vum, quæ constipata fuerat, enemate com-
uni subduxit. Mox potiunculam ex con-
fectione Alkermes, aquâ cinamomi, buglossæ
boraginis, dissoluta, exhibuit. Et quia geni-
alia veluti arida & refrigerata, (aqua enim,
quæ foetum comitari, & ostium uteri lubricum
reddere consuevit, ab initio effluerat) saccu-
lum ex radicibus, herbis, floribus, & seminibus
mollientibus, & dolorem lenientibus calidè
applicuit; ventremque, coxas, os sacrum, & o-
stium uteri linimento, in præcedenti operatio-
ne præscripto inunxit.

Tandem inuncta manu eâque clementer
in uterum immissa, situm foetus exploravit, Is
autem præcedenti ferè contrarius erat, Lumbi
enim ante ostium uteri sese offerebant. Ca-
pit & pedes sursum versus diaphragma refle-
xebantur. Brachia verò deorsum: & ita
quidem, ut è regione ossis sacri conjungeren-
tur, & extra collum matricis propenderent.
Obstetrices enim adeò protraxerant manus,
ut brachia mirum in modum prolongata essent.
Vasa umbilicalia crura bis obvolvebant. Ope-
ratio quidem difficillima & laboriosa fuit: ni-
hilominus tamen feliciter successit: & brevi
absoluta fuit. Et quamvis foetus, ut antea dixi,

li 5 semi-

500 GVILH. FAB. HILDANI, AD
semiputridus esset, & proculdubio, putredine
sua, tam uterum, quam partes nobiles mi-
rum in modum læserat, puerpera tamen, per
Dei misericordiam brevi convaluit, & ad hanc
usq; diem 3. Mens. Decemb. anni 1613. quo hec
scripsi, apud nos vivit, & quidem feliciter.

*De præstantia
lapidis Be-
zoardici ex-
empli me-
morabile.*

Cæterum præstantiam lapidis Bezoardici
in hac ægra evidentissimè observavimus. Se-
cunda n. die post partum quū propter putredi-
nem præcedentē, & errorem in victus ratione
cōmissum, febris aliaq; symptomata adauge-
rentur, & lipothymia iterū supervenirent, ad
grana octo lapidis subtilissimè pulverisari, pa-
rumq; cōfectionis alkermes, ex aqua cinamo-
mi, sine vino distillata, exhibuit. Post paucas
horas à sumpto medicamento sudor copiosè
erupit: atq; eadem diē insignis mutatio morbi
sequuta est. Subsequentibus diebus eandē po-
tiunculam, non mitiori cum fructu exhibuit.

*Aliud de
præstantia
lapidis Be-
zoardici ex-
emplum.*

Ego quid in memetipso de præstantia lapi-
dis bezoardici observaverim, hic prætereundū
nō dico. Ante annos enim duos, cum autumnū
tempore quartanā continuā, eaq; periculosa
laborarem, & quadā die (prius tamen aliquo-
ties rhabarbaro, sena, agarico, polypodio,
& similibus expurgato corpore) ad grana 8. la-
pidis bezoardici, cōfectione Alkermes, & a-
qua cinamomi distillata sine vino, mixti, sum-
pisssem, eadem die, etsi nō curata fuerit febris,
ita tamen ejus symptomata mutata fuere, ut
ex continua facta sit intermittens, & deinceps
de

le quarto in quartum diē tantūmodo me in-
estaret. Deinde iterum melanagogis expurga-
o corpore, & aliquoties iteratā potione ex la-
pide bezoardico, paulatim restitutus fui.

Addo autem confectiōē Alkermes, & a-
quam cinamomi, non solū quod cor, partesq;
nobiles roborant, verū etiam ut sint veluti ve-
hiculum lapidis, qui alioquin tardē operatur.

Hoc anno 9. Januarii, similis casus hic Lau-
sannæ accidit: quē paucis tibi recēsebo. ANNA
BERGERI M. JOHAN. Quebay uxor, matrona
pia atq; honesta, ætat. suæ 30. circiter annorum
corpore tenella, cum 3. utero gestaret, 6. mense
imprægnationis, sanguis ex collo matricis ipsi
profluere cœpit, & quidem continuò. Quum
autē nullum adh. beret remediū, paulatim co-
piosior profiliit sanguis nihilominus tamē que-
res admiratione non vacat) fœtum ad consti-
tutū terminū usq; gestavit. Tum parturientiū
doloribus & quidē maximis, simul & vomitu
correpta fuit. Sanguis quoq; tā copiosè pflu-
bat, ut post partū in pavimēto cubiculi, ipsum
catillo colligere necesse esset. Hinc vires adeò
prostratæ fuerūt, ut adstantes omnes ut & ipsa
obstetrix, de recuperanda valetudine despon-
derent animū. Suasu itaq; & consilio Reverēdi
ac doctissimi viri Dn. Johannū Gvibaudi civis &
Ecclesiæ Lausannēsis verbi divini ministri fide-
lissimi, ejusdē parturientis cognati, periculum
præsens animadvertentis, uxor mea advocata,
ipsam veluti in agone mortis invenit.

*De extra-
ctione fœtus
mortui.
Observ. 3.*

Sudor

Sudor enim frigidus totius corporis aderat, extremitates frigidae erant: mens ita commota atque perturbata, ut ferè ratione atque intelligentia privaretur.

*Dig. lib. II.
r. 8. de mort.
infer. & se-
cul. adif.*

Porro etiam si mors in propinquis esse videbatur, attamen quia nostrates legem illam Regiam, quâ cautum erat, prægnantem mortuam, nisi prius excisus esset fœtus, sepelire, ut plurimum observant, petierunt parentes, & ipse maritus, ut ante fœtum, (qui alioquin post obitum excidendus erat) dum viveret, extrahere posset, tentaret. Adhibita itaque manu feliciter illum nullo adhibito instrumento, sed sola manu eduxit: mortuum tamen. Curatio quoque adeò ad votum successit, ut puerpera maxima cum admiratione omnium brevi convaluerit, & ad hunc usque diem 4. Decemb. 1613. quo hæc scripsi optimè sese habeat.

Situs omnino præternaturalis erat, & hepar uterinum (quod notandum) ab ipso utero separatum, ad ipsumque ostium uteri usque propendens, repertum fuit: hinc hæmorrhagiam illam insignem, in ipsis parturientium doloribus ortam, provenisse certum est.

*Prægnans
mortua an
tum fœtu sit
sepelienda.*

Cæterum antequam ulterius progrediar, quorundam diffamatorum atque insidiosorum hominum impudentia, simul atque inscitia notanda est. Illi enim si Medicus aut Chirurgus abdomen prægnantis mortuæ inciderit fœtumque extraxerit, rem crudelem simul & inhu-

inhumanam esse exclamant, quod dicere pro-
pò insulsum, parumq; modestum est, quasi
verò Medicus fidelis, crudelis cenferi debeat.
Hoc sanè genus hominum, si finem medici re-
ctè perpenderent, nihil crudelitatis, nihilque
inhumanitatis, in hac operatione invenirent,
quin potius illam non solum necessariam &
licitam, sed ab ipsis quoque Ethnicis, ut postea
dicam, approbatam & sancitam esse, Christia-
namque insuper charitatem eam à nobis re-
quirere intelligerent, perciperentque.

Duo autem in hac operatione quærit Medi-
cus aut Cheirurgus. Primò ut situm fœtus in
utero exactè annotare possit. Idenim quam
Medicis simul & Cheirurgis, in extractione
fœtus mortui sit necessarium, omnibus qui
hanc operationem aliquando administrarunt
satis superque cognitum est. Et quia varii, i-
mo infiniti penè (ego, qui hanc operationē to-
ties administravi, expertus loquor) reperiu-
tur situs fœtuum mortuorum, non potest ali-
quis in perfectum operatorium evadere, nisi
extincta matre, abdomen inciderit, situmque
fœtus diligentissimè observaverit.

Nec video quomodo Medicus aut Chei-
rurgus, ineptissimas plerumque istas obstetri-
ces, (quas ut plurimum Magistratus nullo præ-
gresso examine ad provinciam hâcce, tam ma-
gni momenti, & humano generi tantopere ne-
cessariam administrandam, admittit) instruc-
re possint, nisi prius ipsimet negotium intelli-
gant.

*Duabus do-
causis abdo-
men præ-
gnantis mor-
tua incidi-
tur.*

I.

510 GVLH. FAB. HILDANI, AD
gant. Secundo inciditur abdomen prægnā-
tis mortuæ, ut infans conservari possit. Sæ-
pissimè enim prægnans propter causam aliquā
aut morbum, veluti hæmorrhagiam, lipothy-
miam, apoplexiam, aliosque morbos acutos,
vita subito privatur, infans verò, etiam si ita de-
bilis sit, ut interim dum prægnās in agone ver-
satur, in utero sese movere nequeat, potest ad
tempus vivere. Hæc perpendens antiquitas, ne
fœtus, extincta matre & ipse suffocaretur, si-
mulque periret, prudenter & optimè consti-
tuit, ut extincta matre per apertionem abdo-
minis extraheretur.

Lex Regia.

Hujus porro legis hæc sunt verba, loco prius
adducto obvia: *Negat lex Regia mulierem, quæ
prægnans mortua sit, humari, antequam partus ei ex-
cidatur.* Legem autem hanc non solum per
excellentiā *Regiam* appellant Jurisconsulti,
verum etiam, quia à NUMA POMPELIO se-
cundo Romanorum Rege, sancitam fuisse cre-
ditur. Quæ si à Christianis ubivis observaretur
multi proculdubio infantuli, qui nunc, extin-
cta matre, miserè in utero suffocantur, conser-
varentur: multiq; parentes quietiorem con-
scientiam conservarent. Non n. immeritò au-
thor ejus legis addit. *Qui contra fecerit, spem ani-
mantis cum gravida peremisse videtur.* Non video
itaque quomodo quis operationem hanc cru-
delem atq; inhumanam dicere auserit. Multo-
ties enim infantulos, mortua matre, vivos ex-
cisos fuisse, exempla apud authores inveniun-
tur

multa, Sed quod summopere admirandum, refert Valerius 1. cap. ult. Gorgiam quendam E-^{Gorgia de-} ^{functam} ^{ma-} ^{tre nascitur.} virotam in funere matris suæ, utero elapsam, & inopinato vagitu suo, lectum ferentes, consistere coëgisse, & ita matrem fato functam peperisse, Gorgiamq; ante elatum, quam natum fuisse.

Anno 1567. die 14. Junii inter Daventriam & Sutphaniam ab Hispanis, maritus cum uxore gravida suspenduntur. Uxor quum peperisset pèr horas 4. gemellos vivos jam mortua peperit. Historiam hanc describunt PAULUS EBERUS in calendario historico, DIOMEDES CORNARIUS serenissimi Principis MAXIMILIANI Archiducis Austriæ, &c. Medicus celeberrimus, Historiar. admirandarum Hist. 14. GREGORIUS HORSTIUS, Illustrissimi & Celsissimi Principis ac DOMINI DN. LUDOVICI Landgravii, Hassia Medicus, multis nominibus clarissimus in MARCELLI DONATI lib. 7.

Idem Diomedes Cornarius, historiarum admir. hist. 15. & Gregorius Horstius loco præ allegato, sequentem quoque habent historiã. In Hispania Madricii, quædã matrona ex familia Dn. Francisci Lasso oriûda, postquã per triduû in mortis agone decubuisset, existimantib. cognatis eam mortuã esse, deportata est in locum sepulturæ destinatum, quem Græci κρύπτην appellant ubi pro more sola relicta fuit occlusa.

Post

Nota.

Post aliquot menses aperto loco, repertum est hoc cadaver in eodem loco, in quem repositum fuerat, habens in dextro brachio infantem mortuum. Hinc apparet ipsam tum temporis quando sepulta fuit: nondum obiisse, sed postmodum peperisse infantem, qui una cum matre miserrimè clam sub terra obiit. Hanc historiam (addit Cornarius) ex fide dignioribus & authenticorum virorum relationibus certissimis percepi, quorum nomina postulanti necessitate subjungere facilè possem.

Matrona

*gravida facta
et functa peperit.*

Similem ferè casum Coloniae Agrippinae accidisse, Dn D. HENRICUS STAPEDIUS, Medicus Coloniensis longè celeberrimus, amicus meus singularis, superiori ætate, cum Coloniae essem mihi retulit. Matrona enim gravida ex morbo acuto mortua & loculo imposita, cū sequenti die inhumanda esset, & loculus ab obstetrice, (ut si forsā aliquid cruoris effluxisset, illum spongiā exciperet) inspicere-tur, foetus inter foemora extra matricem reperi-tus fuit, sed mortuus.

Ex his porrò historiis videre est, foetum non semper in eo ipso temporis articulo, quo anima ex matre emigrat, mortem obire, sed nonnunquam ad tempus in ipso utero materno supervivere posse. Ideoque minimè audiendi sunt illi, qui foetum extincta matre, e vestigio quoque anima efflare autumant, ac propterea sectionem inutilem, frustraneā, & quod majus, crudelem esse, clamitant, Medicosque simul

mulac Cheirurgos, qui aliquando sectionem
am administrant, deridere atq; contemnere
non erubescunt.

Notatu quoq; dignum est, fœtum maturum *Fœtus ali-*
tempore partus aliquando per diem unum aut *quando tē-*
terum in utero materno ita quiescere, ut ipsū *pore partus*
extinctum esse, cuncti existiment, quod & ego *per diem u-*
iquoties observavi, Cujus rei exemplum u- *num aut al-*
um ad scribam. Anno 1605. JUDICA METTA *terum velu-*
xor Mag. Johannis Schœr, civis Moratensis, *ti mortuus*
ū in diem 6. usq; partus doloribus, & iis quidē *in utero in-*
maximis, afflicta fuisset, fœtum tamē alioquin *cer.*
naturum, validum, & egredi ex utero conan-
tem, excludere non posset, ad ipsam vocatus
ui 4. Septemb. Situs autem fœtus etiam si non
usq; adeo præternaturalis esset, (caput n. ferē
d ostium uteri sese offerebat) genitalia tamen
deò erant angusta, ut vix manum meam ad-
mitterēt, mulier erat 30. annos nata, constitu-
tione corporis sicca, neque prius unquam ute-
ro gestaverat. Quapropter sacculum emolliē-
tem, & relaxantē per horas aliquot calidē ap-
plicui. Ventrem quinetiam, genitalia, coxas, &
os sacrum linimento emollienti inunxi: & ut
prostratas vires reficerem, aliquid confectio-
nis Alkermes in aqua cinamomi distillata sive
vino, dissoluta, propinavi. Interim autē, dum
næc adhiberem, eā qua potui diligentia perve-
stigavi, num fœtus mortuus esset nec ne, Ad-
stantes matronæ simul & ipsa parturiēs, ipsum
ante horas 24. animam reddidisse existimabāt,
Kk quibus

514¹ GVILH. FAB. HILDANI, AD
quibus ego libenter subscripsi. Primò quia
parturiens præcedenti die rigore maximo com-
repta fuerat & deinceps neq; ipsamet, neq; ob-
stetrices aut adstantes matronæ, motū ullum
infantis per se nserūt. Secūdo, quia frigoris quē-
dam sensum in inferiori vētre se percipere age-
bat. Tertiò, quia post applicationē sacculi præ-
dicti, & exhibitionē conf. Alkermes, motum
nullū (quod tamen ut plurimum, si fœtus ad-
huc in vivis est, accidere solet) circa fœtū per-
cipiebat prægnans, multò minus adstantes.
Quartò, quia vertex infantis, cū paulatim ca-
put ad ostiū uteri adduxisset, sphacelatus, cum
fœtore quodā conspiciebatur. Ex his, & non-
nullis aliis signis, fœtum ante horas 24. extin-
ctum fuisse, iudicavimus, sed malè. Tandem
præter spem & opinionē adstantiū, per singu-
larem Dei misericordiā, ipsum præsentē Reve-
rendo viro Dn. JOHANNI DE LOSIA, ejus lo-
ci verbi divini ministro multisq; aliis, cum vi-
ris, tum etiam matronis, vivum extraxi: verum
ita imbecillē, ut vix refici posset. Nonnihil ta-
men confectionis Alkermes, aqua buglossæ
dissolutæ, & ori instillatæ: regioni quinetiam
cordis, temporibus, & naribus admotæ paula-
tim vires recolligere cœpit. Sed quia vires pro-
pter vehemētissimū motū, & calcitationē p-
stratæ, & caput, quod per dies aliquot ante o-
stiū uteri mirū in modum compressū fuerat, &
proinde intumefactū, & sphacelatū esset, ter-
tio post die, accepto S.S. Baptismo è vita disces-
sit

matr, mater verò pristinae sanitati brevi restituta
uit, & adhuc usq; diē 28. Augusti 1613. quo hęc
ripi s̄ satis cōmodē vivit. Ab eo quinetiā tem-
ore 4. liberos duos filios, & totidem filias fe-
citer peperis: qui etiā nōc vivūt. Ex historiis, jā
ōmemoratis, luce meridiana clarius apparet,
medicos & cheirurgos qui prægñatib. demor-
tis, fœ. ū quantūvis mortuū excidunt crude-
tatem nullā in proximū exercere, crudelis n.
st, simul & inhumanus, qui ut cadaveri parcat
infantem adhuc vivū in utero materno, suffo-
ari finit, sed respondent: fœtus vitam incertā
sse. Aperi igitur abdomen, & mox videbis
uomodo se habeat. Etiā si n. nō sēper, extincta
matre, in vivis sit infans, potest tamē sēpissimē
ccidere ut vivus reperiatur, quēadmodum ex
ræcitatis historiis apparet. Præstat itaq; centū
ad vera p. egñatiū frustra incidere, quā semel
ermittere fœ. ū vivū in utero materno tā mi-
rè perire atq; suffocari, hoc p. fectō esset cru-
elē atq; inhumanū sēse erga proximū exhibe-
e, imò & justissimā irā divinā in genus huma-
ū p. vocare. Dū hæc scribo ex Burgundia à Dn.
Claudio Chapusio, cheirurgo longē celeberrī-
no, amico meo singulari literas accipio in qui-
us historiā rarā simul & admirandā perscripse-
it. Quū igitur illā à viris fide dignissimis, & ab
olo quoque magistratu approbatā esse, & no-
ro instituto inservire viderē, hanc ex Gallico
xēplari, Lugduni Anno 1611. impresso in La-
nū sermonū transtuli, & hic annectare volui,
uæ sic se habet.

Kk 2 Hl

HISTORIA MEMORABILIS.

*De matrona quadam Burgunda, cui An-
millesimo sexcentesimo nono, fœtus pu-
tridus per umbilicum excisus fuit,
opera & diligentia,*

IOHANNIS MARCHANDETI
Cheirurgi Salinensis.

SI verum est, candide lector, quod Ciceronem
libro 1. officiorum ex Platone prodidit, h
verbis: Non solum nobis nati sumus, ortus
nostri partem Patria vendicat, partem paren-
tes, partem amici, atque (ut placet Stoicis)
quæ in terris gignuntur ad usum hominum c
mpnia creari, homines autem hominum cau-
esse genitos, ut ipsi inter se alii aliis prodesse
possent. Hæc, inquam, si vera sunt, profectò
ut unusquisque nostrum, quæcunque rara &
observatione digna in arte medica occurrunt
conscribat, & posteritati relinquat, rationi cō-
sentaneum esse mihi videtur.

Quùm igitur perpenderem divini Hippocrati-
cratis dictum, Aphorismo primo, libri primi
Vitam videlicet *hominis esse brevem, artem vero*
longam, item ea, quæ à Plinio in præmio libri
7. traduntur: nimirum *Hominem nihil scire, si*

no

doctrina, non fari, non ingredi, non vefci, breviter
 aliud natura spontè quàm flere. Non abs re
 mihi visum est, si ea, quæ in curatione cu-
 dam rusticæ mulieris observavi rara & an-
 tatione digna, publici juris facerem: Idque
 præcipuè ob causam, quod per hujusmo-
 di rara, & admiranda, ad laudandum Deum
 inditorem omnium rerum, ejusque nomen
 laudandum, opera verò naturæ (quæ ut se
 conservet, semper est sollicita) stupenda in-
 ventumur.

Natura porro, quantumvis cum ratione nō
 operetur: neque in suis effectibus, & actioni-
 bus utatur judicio, nihilominus tamen urgen-
 ti necessitate, & quidem in maximis, & præ-
 sentissimis periculis, media occulta, & nobis
 incognitas vias, (quarum Medicus quantum-
 vis eruditus rationem reddere non semper po-
 test) ut sese conservet, excogitat, invenitque.
 Per quos quæso ductus, & vias manifestas, pi-
 tuita illa inter ventriculum & diaphragma in-
 clusa, atq; contenta, nec non dolores acerbis-
 simos excitans, fluit? nihilominus tamen Hip-
 ocratem illam notasse, atque observasse, cer-
 tum est, sicut enim scribit lib. 7. Aphorismo 54.
*Quibus inter ventriculum & septum transversum pi-
 tuita reposita est, & dolorem adfert, non habens exi-
 tum neque ad alterum ventrem: hæc per venas ad ve-
 sicam pituita versa solvitur morbus.* Addo insuper
 providentiam naturæ in magnis & periculosis
 effectibus, tam magnam esse, ut ne ossa quidē

Kk 3 quan-

quantumvis durissima, densa & spissa, excludat. Legimus n. apud Hipp. duobus in locis, nimirum epidemiorum lib. 2. & lib. 6. abcessus etiam fieri in ipsis ossibus: hinc naturam optimum esse medicum, Hippocrates sectione quinta libri sexti Epidemiorum, ingenuè fassus est. Huius quoque sententiæ fuisse Galenum, ex libro 6. de locis affectis, & alibi apud ipsum videre licet. Naturam itaq; in suis operationib. admirandam esse, amplius in controversiam vocari non potest quotidiana n. exēpla fidē faciunt. Albucasis inter Arabes Medicus & Cheirurgus excellens, lib. 2. c. 76. historiam ab illa, quā mox subjungemus, nō multum dissimilem recitat, his verbis.

*Historia ad-
miranda de
fœtu mor-
tuo in utero
ex Albucasi.*

Vidi ego mulierē, in cuius ventre mortuus erat fœtus, & nihilominus imprægnata, postea mortuus fœtus etiā secundo conceptus. Accidit ergo ei post tēpus longū, apostema in umbilico suo & inflatū est, donec apertum, cœpit emitte pus, vocatus sum ergo ad curationem ejus & medicatus sum ei tēpore longo: & non consolidatū est vulnus. Posui ergo super ipsum ex quibusdā ēplastris fortis attractionis, & exivit ex loco os: deinde post dies aliquot exivit & aliud os, miratus sum ergo, cū in ventre non sit os. Causā diligenter expēdens, & mecū per omnia putās, deprehendi quod erant ex ossib. fœtus mortui. Causa itaq; morbi certò cognita medēdiq; rationē hinc cōsecutus, extraxi ossa multa, muliere existēte in meliorib. dispositionib. & diu postea vixit mulier illa: exulcere autē sēper puris nō nihil fluxit. Hactenus Albucasis.

ALEXANDER BENEDICTUS Veronensis Medicus & Philosophus multis nominibus clarissimus, lib. 25. c. 33. similem historiā raram, & admirandam recitat, hūc in modū. Mirum obiter naturæ exemplū referam cujusdā venetæ matronæ, quæ cum partū legitimum exclusisset, alter inclutus intra ventrē mansit mortuus, qui in magnis puerperæ difficultatibus tabefactus, luore quodā profluit, ex naturalibus oris, deum ortis in ventre trib. fistulis, ex una, quæ omnium maxima erat, integra infantis calvaria extracta est, cunctis mirantibus: deinde singulis diebus reliqua ossa desumpta sunt. Unde mirabili naturæ ope sanitati restituta est. Hæcenus Alexander Benedictus.

*Historia de
fœtu mor-
tuo in utero
ex Alexan-
dro Benedi-
cto.*

Porrò sequens historia præcedentib. non minus rara quā admiratione digna est. Casum n. gravissimū de quadā matrona Johanna Barbet nomine, 45. circiter annorū ætatis, & Anatoilii Boutonis in vico Pagnoz dicto habitātis uxore, continet. Est autē matrona illa corpore robusta, optimè tēperata, hilaris, sed in primis in omnib. suis actionib. operosissima, actuosissimaq;. Ex hac autē historia symptoma cujus postea fiet mētio etiā absq; superfætatione, & gemellis, accidere posse, satis superque apparet. Hæc autē quū 11. utero gestasset, cōstituto quin etiā tēpore semper feliciter peperisset, & jam 12. partus excludēdus esset, res multo aliter successit. Cū n. ad statutū tēpus pervenisset, & felicē partū exspectaret, dolores infinito maximosq; & conatus ad parturiēdū irritos sustinuit

*Historia de
fœtu putri-
do per um-
bicum ex-
tracto.*

Fœtus enim ad partum paratus, in utero velu intricatus & ita inclusus, remansit, ut amplius se non moveret, neque se vivere, signum ullum ederet. Id ad infinita symptomata atque incommoda excitanda sufficiens erat. Si enim ex sola retentione secundinæ febris ardens, continua, spasmus, syncope, aliaque gravissima symptomata, tandemq; mors ipsa sequuntur, nonne multò magis ex fœtu mortuo, & in utero retento, illa omnia provenire potuissent? Verum aliis hanc rem dijudicandam relinquo, & quæ præterea acciderunt paucis significabo.

Ab ipsa itaque decima quinta Junii Anno 1608. qua die primo partus doloribus correpta fuit, usque ad ultimam Octobris Anno 1609. (menses circiter sedecim cum dimidiò faciunt) quum continuis, maximisque atque inauditis doloribus, conatu & tormentis defatigaretur, tumor ingens è regione umbilici, paulatim exortus est. Ego prima Novemb. ejusdem anni ad curationem accersitus, jam cutem aliquomodo, naturæ beneficio contaminatam, & ratione ossis scapulæ (quod sibi exitum parabat) exulceratam esse, reperi. Quum verò naturæ opem ferre necesse esset, cutem ex sinistra parte umbilici, ad longitudinem quatuor digitorum in transversum positorum incidi, donec fœtum adeò corruptum, putridumq; invenirem, ut aliquibus in locis nihil præter ossa eaq; carne denudata superesset; quæ potius sceleton,

quam

uam quicquam aliud repræsentabant. Inde
 utis perspicuum est, partes molles item intesti-
 a, omniaque viscera interna, paulatim in pus
 onversa, per pudenda effluxisse; quando qui-
 lem nihil carnis repertum fuit; præterquam
 quod manus, brachia, pedes & crura, musculis
 nonnullis, sed lividis, semiputridis, fœtidissi-
 mis, que investita essent. Incisione, uti dictum,
 facta os scapulæ, quod primò sese obtulerat,
 carne denudatum, siccum & ab ipso humero
 separatim, extraxi. Postea de die in diem, ut
 reliqua ossa, unum post alterum extraherem,
 omnem diligentiam adhibui. Intra Octiduum
 itaque truncum fœtus, qui nondum membra-
 nis, quantumvis putridis, omnino destitutus
 erat extraxi. Quam verò ulterius progrederer,
 cranium, pericranio denudatum reperi; quod
 cum extrahere vellem, in partes quinque aut
 sex disjunctum erat. Vertebrae omnes tam col-
 li, quam metaphreni & lumborum, carne & li-
 gamenti denudatae, omnesque separatae con-
 fusè inveniabantur, uti quoque costae & ster-
 num. Demum neque brachia, neque tibiae hu-
 jus putredinis expertes erant. In istis tamen
 partibus nondum ad ossa penetraverat corru-
 ptio illa; ita ut adhuc carne, quamvis semipu-
 trida investitæ essent; & trunco corporis adhæ-
 rerent. Quapropter cum aliter illas extrahere
 non possem, minutatim illas ut inciderem, ne-
 cesse fuit; sicque extractioni fœtus finem im-
 posui.

Kk § Poa

Post extractionem, quum ex ossibus, quæ extraxeram, nihil amplius præternaturale respectu ossium, in corpore superesse, cognovissem, partibus à fœtu mirum in modum dilaceratis, veluti matrici, peritonæo, musculis epigastrii prospiciendum esse duxi. Primò itaque ulcus illud profundum, ut convenientibus remediis, veluti injectionibus abstergentibus, desiccantibus & putredini resistentibus ablueretur, necesse esse, mihi videbatur. Ab initio itaque, quamdiu putredinem adesse sentiebam, prædictis medicamentis maximo cum fructu usus sum. Eorum porrò beneficio, ablata putredine, ad sarcotica perveni; tandemque cicatricem induxi: Idque intra paucos dies tam feliciter factum fuit, ut ægra, per singularem misericordiam atque clementiam Dei integram valetudinem recuperaverit, optimeque hucusque valeat.

Hinc, Lector candide, quam diligens sit natura ad individui conservationem, perspicuum sit. Et quamvis nunquam ab artifice edocta fuerit, nihilominus tamen, oblata occasione, maximo utitur artificio: media quin etiam infinita, quibus ex maximis, & gravissimis periculis sese extricare possit, excogitat atque invenit. Præcipuè autem si aliquomodo artificio medici (qui minister est naturæ; illamque imitari debet) refocillata atque conservata fuerit. Et quanto periculosior, qui

qui ipsam infestat morbus, sese exhibet, tanto magis quoque insurgit, operationes quinque etiam curationesque admirandas facit,

*PRAECEDENTIS CVRATIONIS
& sanationis testimonii, à Magistra-
tu concessi summa.*

NOS major Capitaneus, Beulenta, Senatusque civitatis Salinensis, omnibus notum facimus, supplicem coram nobis comparuisse, honorabilem virum, JOHANNEM MARCHANDETUM, unum ex nostris Chirurgis, exponentem se ante paucos dies, mulierem gravidam, ex vico Pagnoz dicto, prope Salinam civitatem, ad duo miliaria tractasse; quæ cum statuto tempore infantem non pareret, spacio viginti quinque mensium cum dimidio ipsum in utero gestasse. Tandem verò (quum per viam naturalem ipsum excludere non posset) ad umbilicum mulieris incisionem se fecisse; & per eam membra, ossiculaque infantis extraxisse.

Idque tali cum successu, ut in præsentia, per singularem Dei misericordiam, eo usque sanitati restituta sit foemina illa, ut partim hinc Salinæ, partim etiam alibi eo quo antequam prædicto morbo laboraret, modo cum omnibus denuò conversari possit.

Nos itaque ut hujus rei veritatem
explo-

524 MICHAELIS DÖRINGI AD
exploraremus, virum nobilem Dn. DANIE-
LEM ROMANET J. U. Doctorem, & hujus civi-
tatis Beulentam. Honorabilem item Dn. Phi-
lippum Vermet Syndicum constituimus, qui-
bus hoc negotium committeremus, idque in
eum finem, ut in omnia, quæ in prædicto scri-
pto continentur, sollicitè studioseque inquire-
rent, nobisque rei veritatem referrent, expo-
nerentque. Facto itaque debito examine ea
omnia quæ acciderant, nobis fideliter retule-
runt, uti & clarissimi atque doctissimi viri Dn.
Quanteal, & Dn. Mathon, Medicinæ Docto-
res, & hujus civitatis Senatores, hujus rei locu-
pletissimi testes esse possunt, quibus supplica-
tio prædicti Marchandeti, ut & copia examinis
exhibita fuit: *Testamur itaque quæ in præcedenti
scripto recensentur, vera esse omnia.* In testimonium
rei verissimæ, hoc nostrum testimonium ut à
Secretario nostro subsignaretur, & sigillum
nostrum apponeretur, constituimus. Actum
quarta die mensis Novembris. Anno millesi-
mo sexcentesimo decimo.

Reviderunt

PERNET Syndicus

D. ROMANET

subscripsit

GERNIER Secretarius.

Rara profectò, imo & vere admiranda præ-
cedens est historia; & meo quidem judi-
cio, vere digna, quæ etiam posteris innotescat.

Addam

Addam & ejusdem argumenti duas, ex Dionedis Cornarii, Serenissimi Principis MAXIMILIANI Archiducis Austriae, &c. olim Medici, multis nominibus clarissimi, observationibus Medicis, idque in eum finem ut hujusmodi exemplis & operationibus ratissimis, admonerem Chcirurgos, ne ab ejusmodi operationibus, quantumvis gravissimis, manus penitus abstrahant; sed invocato semper ante omnia nomine Domini, potius aliquid cum periculo tentent, quam aegrum in evidentissimo mortis periculo relinquant. Sic autem habet historia prima, quæ apud Cornarium VI. est in ordine, Marcellus Donatus libro 4. cap. 22. eandem uti & alias ejusdem argumenti habet historias.

Anno Christi 1545. quædam concivis Viennensis, nomine Margareta, filia Wolffgangi Karlinger civis Viennensis, uxor vero Georgii Wolczer, hospitis eo tempore ad ædes rubricancri appellatas Viennæ, postquam antea quoque enixa esset aliquot liberos, concepit anno ætatis suæ vigesimo quinto, omnia denique habuit signa felicitis impregnationis, fœtum insuper temporis progressu sensit. Antefestum D. Bartholomæi eodem anno valentem, & strenuè sese moventem, usque ad festum D. Luciae sacrum. Quo sanè illi tempore supervenerunt partus dolores, adeo vehementes ut antea experta jam sæpius ipsa, jamjam se crederet enixuram. Statim igitur advocari jussit matrem, & unam ex suis sororibus, acciri etiam obste-

*De gestaria
ne fœtus
mortui, in
utero ultra
annos qua-
tuor.*

obstetricem confestim præcepit. Quæ cum advenisset, statim re animadversa, jussit omnia ad manus esse parturienti necessaria hæc verba adjiciens : statim, Deo volente, puellum habebimus, & quemadmodum postea eventus comprobavit, vera vates exitit. Interea prægnans in sede parturientium consedit, & quum constanter admodum à circumstantibus admoneretur, urgeretur etiam ab obstetrice, omnibus nisibus elaboravit ad parturiendum, in quibus heu nimium vehementibus conatibus fragor quidam increpuit satis sonorus : quique non temerè argueret magnam vim, vel fœtui, vel matri illatam fuisse, vel certe conquassatum infantis caput in partes discessisse. Ab eo fragore vivacitas fœtus deprehendi amplius nullis argumentis potuit.

Gravida inde majorem in modum cœpit ægrotare, ac propterea in lectulum suum reducta & reposta est. Interim lac accurrens, quod parturientibus usu venit, uberim ubera replevit, adeo ut stillatim etiam à papillis gliscentibus colostræ deflueret, spectantibus multis & iis honestis ac prudentibus mulieribus: quæ dies noctesque adstantes præstolabantur felicem partum.

Dum verò res ita protraheretur, semperque major difficultas, minor verò spes elucesceret, deliberatum est ab omnibus, quæ iam præstò erant, & itum in eam sententiam, ut

plures obstetrices accerferentur in rem præ-
ntem, aliquod fortè salubrius allaturæ confi-
um.

Sed ex harum etiam adventu nil miseræ ad-
miniculi accessit; neque quicquam ab his in
medium dici potuit, vel consuli salutare, præ-
erquam quod una ex iis iudicatum habebat,
& fortasse non malè) rem nimis festinatam
uisse, os sacrum nondum satis hiasse. Nihil
aque etiam tum effectum & datum est, ge-
ansque uterum mulier tandem per multas
septimanas gravissimè decubuit, ventris tu-
more, duritie, fluxu, qui supervenerant, do-
ribus nihil remittentibus. Quæ omnia con-
nuæ denique corporis graves afflictiones, a-
nimi percussiones ad summam desperationem
miseram videbantur compellere; effecerunt-
que, ut ad tentanda omnia, omnium consi-
lia animum adverteret, ad usurpandas o-
mnium medelas, doctorum & indoctorum,
Christianorum & Judæorum, quæ tamen ne
quicquam adhiberæ, auxilii nihil, plurimum
noctis & desperationis (cum res difficilis ad
impossibilitatem videretur vergere) attulê e-
disce periculorum & ærumnarum acervis cir-
cumventa, atroci insuper ventris ac inevitabi-
lionere summè implicita mulier, per quadri-
ennium, usque ad annum Domini 1549.
semiviva perduravit. Sed quod prætereundum
hoc loco non est, propter has enumeratas
nobis difficiles calamitates, misella insuper
adfli-

528 MICHAELIS DÖRINGI AD
afflicta est defluxu continuè putrilaginoso
qui per locum muliebrem perrumpens, totum
hoc quadrienne tempus duravit, ita tamen u
aliquando parcius, aliquando copiosius pro
fluens, dispari ratione mulierem affligeret, cel
saret tamen nunquam.

Cruciatibus igitur hisce ac gravedinibus di
perstantibus, tandem natura (quæ semper in
dividuum conservare contendit) a core, & co
pia putridi humoris non evicta sed compulsa
(utpote cui inferna humoris subductio nō suf
ficeret) ad umbilicum matricem ipsam, totum
denique abdomen multis alioquin partibus
munitum perfodit. Foramen igitur factum est
primo Anno Domini 1548. in loco prædicto
ex quo multum saniosi fœtidiq; mucoris pro
fluxit. Successu deinde temporis post aliquo
menses, adhibitis externis emplastrorum ad
miniculis apertio coaluit, posteaquam (ut vi
detur) colluvies humorum nocivorum abun
dè excreta esset; vel aliquantis per pro necessi
tate evacuationis diminuta. Sed quod effli
ctim observandum est, paulò post Anno Do
mini 1549. Mense Junio, quum scilicet multa
putrida superfluitas omni conatu mox per na
turam expellenda iterum collecta esset, natura
denuò eodem consilio & via, proximo in loco
non ita procul à priore apertione distante, pe
ventrem iterum perrupit, & statim eduxit ne
cessario evacuandam purulentiam.

In hoc foraminulo exhibebatur omnium
conspice

inspectui & tactui os quoddam, quod even-
postea (resecta alvo & matrice) comproba-
infantis fibulam sinistri brachii fuisse. Du-
xit iterum hæc apertio, eodem statu & efflu-
cum magna scemina in utero habentis vi-
in prostratione, ad menses aliquot.

Cum autem periculi magnitudo, dolorum,
torisque intolerantia indies magis ac ma-
ingravescerent, viderentque omnia ad in-
itum spectare, ipsaque miserrima præ cru-
atibus immensis, animi crebris deliquis jam-
n crederet sibi exitum imminere, denuò
it consilium asciscendi Medicos, si fortas-
ex singulari Dei misericordia, felix horula
ubris consilii elucesceret, si denique forte
rtuna Deo ita disponente, in hora continge-
t, quod non contigisset in annis.

Vocati igitur sunt Cheirurgi tres; Aulæ
egix Cheirurgus Sixtus Wirt, Paulus Dir-
Wang, urbis Viennensis ordinarius Chei-
rgus; & Petrus Winckler: qui cum adve-
ssent, rem omnem intuiti, atrox pericu-
m præ oculis esse animadverterunt, simul-
ne moderatè omnes unanimes responde-
nt, majus esse negotium hoc, quam ut ipsi
uicquam certi in hoc casu statuere, vel de-
eant, vel possint; accersendos esse Medici-
e aliquot Doctores, quorum consilia meri-
accedere debeant, & si quid in re tam ar-
ua faciendum superesset, sibi consultum vi-

LI deri,

deri, ut id eorum matura deliberatione proficiscatur.

Acciti igitur sunt Doctores duo Johannes Enzianer & Matthias Cornax, alter vir senex, & revera miles (quod dicitur) emeritus, hic publicus Medicinæ in Viennensi Gymnasio ordinarius Professor. Qui cum venissent aliquoties post crebram inspectionem ægræ, virium explorationem, circumstantiarum diligentem inquisitionem, nihil aliud videbant superesse consilii, quam ut ad sententiam Hippocratis *Extremis morbis, extrema adhiberentur remedia* quantumvis periculosa.

lib. I. Aph. 6

Decretum itaque ab iis est, de alvo aperienda. A Cheirurgis etiam in eandem itum sententiam. Quod cum certò constitutum esset, etiam fœminæ ejusque marito, & propinquis Medicorum consultum indicatum est, à quibus omnibus assensum. Statuta tandem dies est decima mensis Novembris, Anni 1549. hora duodecima pomeridiana; Christi igitur Domini auspiciis, cum tempus statutum advenisset, rebus ritè auxiliaribus, denique paratis & dispositis præsidiis, si quid fortè gravius contingeret, præsentibus Doctores nominatis, & Cheirurgis sectio cum summa diligentia peracta est.

Linea autem sectionis ex mea designatione ducta est, ab apertione ea inchoata (quæ paulò supra umbilicum à natura, ut diximus

tacta

facta erat in latere dextro) rectè deorsum pertractum musculi recti, abdomini incumbentis, longitudine plus minus octo unciarum, hoc est semipedis antiqui, & duorum pollicum, qua facta incisione, propter necessitatem & intolerabilem fœtorem, subito contentum in utero à Cheirurgis undique liberatum est, & exemptus frustratim fœtus masculus, jamdudum emortuus & semiputridus.

Secutus est hanc extractionem fœtor incredibilis, adeo enim putredo invaluerat, ut bona pars membrorum pueri consumpta appareret; caput verò totum contractum, & ossa cranei dispersa extraheretur, cerebri verò videretur nihil, nimirum quod totum putredine diuturna consumptum esset.

Absoluta hac sectione ex summa Dei Optim. Maxim. misericordia feliciter mulier debita ratione, infarctis laceris & rugosis uteri cavitatibus ligata & curata est; illæque de rebus necessariis quam optimè prospectum à medicis & cheirurgis. In omni autem ista administratione, misella quæ rescebatur, nullum est passa animi diliquium, sed forti & sedato animo omnia pertulit, adeò ut Deus & natura ipsa in conservanda hac inopi & ignobili fœmina, contendisse videantur.

Successu deinde temporis, cum omnia ex singulari nutu Dei feliciter procede-

rent, sine ulla sutura, rugis (detumescente ventre ob exinanitum uterum) coëuntibus, postliminio venter ab onere putrido liberatus, peroptimè coaluit: & scēmina præter omnem expectationem curata est; & uterum ipse una cum abdomine, & ejus partibus planè consolidatus, quinetiam ita matrice probè restituta, menses bono ordine & modo rediēre, ut spem aliquam conceperimus, membro quantumvis sensibili & spermatico ita persanato, mulierem denuò concepturam, & fortasse fœtus edituram.

Quod tamen postremum, ut valdè & multis rationibus est ambiguum, ita incertum, divinæ omnipotentiae relinquimus determinandum.

In hunc modum se habet hæc rara quidem & admiratu digna, sed vera historia, quam ideo in literas referendam non dubitavi, ut omnes homines animadverterent, summam Dei erga gravidas scēminas benignitatem, utque hæc historia esset consolationi omnibus prægnantibus scēminis, quum videam Deo se adeo curæ esse, suamque imbecillitatem tanta perferre posse. Postremo ut hac nostra scriptione admonerem Chelrurgos, ne ab ejusmodi gravissimis aggrediendis potius impigrè, & alacriter, quam expavescendis casibus manus suas abstraherent. Longè enim præstantius ac laudabilius est, aliquid cum periculo aggredi, quam cum cer-

ta

a perniciæ cessare; & decentius est aliquid
 .hale etiam committere, modo spes ali-
 qua salutis prorogandæ super sit, quam omni-
 o certæ & præsentis se committere morti, quæ
 rocul dubio huic gravidæ mulieri jam jam im-
 minebat, nisi relatis à nobis præsidis ex Dei sin-
 gulari voluntate evasisset.

Quare laus sit Deo summo, qui fecit, facit-
 que mirabilia, qui sit benedictus & superexal-
 atus, in secula seculorum, Amen,

*Quod eadem fœmina denuò conceperit, &
 gestavit fœtum vivum, perfectum, mascu-
 lum, ad legitimum pariendi tempus, quod-
 que ex posthabita sectione, mater una cum
 puello interierit.*

Posteaquam supernè à nobis descripta Mar-
 garetha, ex sanctissimi opificis Dei voluntate
 convaluisse, convixissetque denique sano ma-
 rito annum plus minus integrum, satis frugali-
 ter, denuò concepit & gestavit puerum bene
 valentem & ritè succrescentem, usque ad se-
 cundum diem mensis Junii Anno Domini
 1551. quod erat legitimum tempus pariendi. Ea
 dies cum manè eixisset, & bellè se haberent
 omnia, infans robustus strenuè palpitavit, &
 elaboravit ad egressum uteri, mater mœsta o-
 mnibus nervis ad expellendum fœtum incu-
 buit, præsentibus multis mulieribus, sed in cas-
 sum omnes conatus cessere. Quapropter vo-

Ll 3 catus

catus est Paulus Dirlewang Cheirurgus Vienneſis, qui antea illam ſecaverat, ut in medium conſuleret. Ille verò præ oculis cernens grave diſcrimen conſuluit, me etiam eſſe vocandum.

Adveniens itaque & ego cum perluftraſſem ventrem enitentiſ, vidiffemque fœtum validum, mater autem omnibus viribus, quæ ad certamen enitendi requirebantur, deſtituta; cicatricem præterea veterem, quaſi per rimam longam hiſcere, omninoque impoſſibile eſſe, ut conatus fœminæ, tam lacero utero incifiſ per longum muſculus & abdomine, tanti eſſe poſſent, qui in utero contentum quantumvis viribus præſtans & ſeſe adjutans, per os ſacrum poſſent expellere, ſuaſi eveſtigio, utendum ferro, ut prius reſecandum eſſe. Firmavit meam opinionem & hoc, quod rimula ſectionis priſtinæ laxata pellucens madebat, & per ſe diſceſſionem parietum cicatricis minitabatur.

Hiſce perurgentibus rationibus, nos compulſi, & commemoratione prioris feliciſ eventus animati, ſectionem iterum inſtituendam cenſuimus, acquieſcebat conſiliis noſtris alioquin moritura puerpera.

Verum enimverò mater ejus, & reliquæ aliquot præſentes fœminæ aſſentiri nullo pacto voluerunt. Interim ego ordinatis quibuſdam præſidiis confortantibus, conſolatus afflictam diſceſſi, & paulo poſt reverſus, acriter inſtiti, iterum peragenda Cæſareæ. Sed perperam
tum

im obtinuit matris affe&is, quæ cum cæte-
s fœminis in ea perseveraverat sententia, ut
deo omnia committerentur, relicta pericu-
losa sectione, quæ tum etiam satis tempestivè
dhiberi posset, cum extremum anhelitum
nater spiraret.

Expectatum igitur usque ad horam deci-
nam noctis, quo tempore infelix, cum frustra-
liù & strenuè luctata esset, viribus omnibus
exhaustis, cruciatibus oppressa animam exha-
avit. Quod cum factum esset, subito Chei-
urgus prædictus vocatus est, & citissimè ven-
rem aperuit, statimque infantem perfectum,
masculum, omnibus numeris perfectum, exe-
mit.

Ibi videre erat (superveneram enim & ego)
certamen adnitentium puello vitam, quæ pau-
lò antè abierat, revocare, & sufflando omnia
tentare spiracula, sed perperam & frustra
omnia fiebāt. In promptu causa est eruditis, &
anatomix peritis, siquidem in confesso est, vi-
tam & motum cordis in infante, à duabus arte-
riis vitalibus matris per umbilicum fœtui ceu
per insitionem insertis dependere, quæ vasa
natura pro cordis refrigeratione fabricavit.
Quare cùm arteriarum motus in matre ces-
set, earundem etiam motum e vestigio in in-
fante cessare necessum est, siquidem fieri mini-
mè potest, ut puer ante præcisionem umbilici,
in ipso denique utero involutus tunicis spiri-
tum per os attrahat.

Ll 4

Præterea

Præterea esto, quod continuatio umbilici
fœtus à matrice sit libera, ruptis cotylidonibus
partus tempore, tamen nihilominus umbili-
cus secundinæ adhæret, necessario ab obstet-
rice præcidendus; vel etiam si à secundina, in
utero existente puella umbilicus solutus esse
tamen respirare per os non posset infans, par-
ticulis involutus; uteri præterea parietibus in-
clusus, mucoribus denique, & aquositatibus
circumfusus, quæ certè res sæpe solutos infan-
tes hærentes tamen diutius in angustis fauci-
bus ossis sacri, enecat suffocando.

Cum ex prædictis itaque necessarium sit, vi-
ta & motu puerperarum cessante, cessare et-
iam infantis in utero contenti vitam & motum
impossibile est, tam immediatè excindi infan-
tem posse, in eo ictu temporis, quo anima ex
matre migrat; quæ si semel evolaverit, certè re-
vocari humanis prædiis nullo modo potest.
Si autem fortè fortuna exemptio infantis con-
tingerit, in agone puerperæ, aut in animi deli-
quiis, præsentibus adhuc spiritibus vitalibus
tum censemus omnino, supervivere infantem
posse, quemadmodum sine dubio de Julio
Cæsare contigit.

Ex his igitur omnibus à nobis enumera-
tis, luce meridiana clarius liquet; Primum
ut supra descripsimus, hanc MARGARETAM
per quadriennium fœtum mortuum in utero
gestasse, eundem exectum esse membratim
per abdomē: & quod ipse prognosticatus sum
dubita-

ubitativè, hoc Deum præstitisse re ipsa, ut
quod fœmina ita lacero, sed restituto utcunq;
tero, progressu temporis tandem concipere
offet, & nostram hanc denuò concepisse &
estasse usq; ad legitimum tempus partus, be-
ne formatum & perfectum infantem, qui si et-
iam exectus fuisset tempestivè, sine dubio su-
servivisset: cum tam robustus, tam bene habi-
tus tam absolutus (ut ipse diligenter coram in-
vitus sum) fuerit, ita ut plane nihil in eo defi-
leraretur, præter vitam. Cujus rei testes
multæ personæ utriusque sexus esse possunt,
quæ frequens eo confluebant, hoc miraculum
conspicuri.

Quare nemo deinceps dubitare debet, hanc
historiam verissimam esse, siquidem apud Deum
non est impossibile omne verbum, cui sit laus
& gloria & benedictio in secula. Amen.

*De muliere, quæ annis tredecim in utero ge-
stavit sceletum fœtus mortui, quod tactu cum
ab ipsa matre, tum ab omnibus illi præsentibus
percipitur, hujus rei historia scripta est
ad Matthiam Cornacem ab Aegidio Her-
togio Medico, in Enchiridio Medicæ
consultationis Matthiæ Cor-
nacis, folio 214.*

Historia 2.

quæ apud

Cornarium

*7. est in ordi-
ne.*

LI. 5

CA.

CATHARINA quædam uxor Michaelis de Menne, viri ruralis & pauperis, annis duodecim utero gerit fœtum mortuum, vel potius sceletum fœtus mortui, res penitus monstrosa, ac miraculo digna dici potest: ita tamen res habet, sicut ipso tactu unicuique fuerit manifestissima.

Mulieris enim ventrem inferiorem propriis manibus attrectavi, non bis terve, sed pluries. Idem quoque egere cum viri, tum mulieres illustissime nō sine omnium admiratione maxima, quos omnes honoris gratia præterimus. At vel unius viri hac in re testimonium oculare sufficere poterit, puta excellentissimi Dn. Henrici Cornelii Matthiæ, qui quondam Carololejus nomine Quinto Augusto, Medicus fuit domesticus. Hic inquam cum stantem, & supinè decumbentem dictam mulierem crebrius attrectasset, omniaque ossa fœtus mortui ipso tactu optimè deprehendisset, præ stupore nimio, tum admiratione summa dicebat.

Deo & natura nihil impossibile.

Anno igitur Domini 1549. eadem Catharina, posteaquam antea enixa esset duos liberos, concepit mense Martio, omnia signa habens felicitis imprægnationis, fœtum insuper temporis progressu, à quarto mense conceptus sensit valentem, & strenuè se moventē, usque ad festum Divo Andreæ sacrum, eodem anno quo sanè illi supervenēre dolores partus adeo vehemētes, ut jamjam crederet se enixuram.

am. Uterus quoque mirum in modum pro-
 inebat, uberaque lacte copiosissimo tuge-
 ant, idque magis instante jam partu quam
 multis diebus antea. At cum ad parturien-
 um nulla amplius mora expectaretur, acci-
 it, ut vetula quædā malefica & præstigiatrix
 entrem huic utero gerenti atigerit, in aures
 usurrarit & in faciem sufflarit, aliaque perege-
 it: quæ quoniam parum ad rem nostram fice-
 e existimo, pluribus non persequor: illius ta-
 men meminisse placuit, Nam in vetulam mu-
 ier culpam omnem rejicere videtur, quod il-
 res tam infelicitur successerit.

Uc autem parturientium dolores, cum in
 ventre inferiore, tum in lumbis sensit, statim
 acciri obstetricem, & mulieres vicinas jubet,
 quæ dies noctesque aliquot partum præstola-
 bantur: nullum tamen partus brevi fururi si-
 gnum observat obstetrix: præter illos dolores
 qui toto biduo incresebant. Quare disce-
 dit, reversura, si ita res postulaverit.

Quid multis? dolores nihil interim remittū-
 tur, sed diebus totis quadraginta, & die, & no-
 cte illam sævissimè affligere non desinunt, ut
 totum id tēporis misella ista insomnis egerit.
 Ab utero quippiam interea fluxisse, nunquam
 animadversum fuit.

Fœtus vehementissimè semper movebatur,
 ac calcitrabat, ita ut manifestè illius motus ab
 adstantibus observari posset, toto isto dolorū
 tēpore sudorib. quoq; copiosissimis macebat.

Lac

Lac præterea è mamillis uberius fluebat: quod quia acrius, tum plus justo biliosum erat, omnes ferè partes vicinæ, quas defluens attigit exulcerabantur.

Quadragesimo demum secundo, & quarto dolorum die, fœtus tam validè amplius moveri destitit. De tunc profectò mirum quod tanto tempore subsistere potuerit in columis, tandem conatu vehementissimo ita fœtus movebatur ut inde transversim in utero revolutum mater narraret. Dolores ab illo impetu fœtus, multò mitiores evasère, & paulò post planè recesserunt.

Post verò dies quatuor, vel sex, cruenta quædam ac nigra per alvum dejacere cœpit, illis similia (ut illa inquit) excrementis, quæ pueruli jam in lucem editi, primum excernere solent, cujusmodi excrementa egerebat diebus ad sex libras. Cum quæ antea nullus in utero collisionis ossium sensus voluntarius perciperetur, hic tandem putans misella se ab omnibus ærumnis liberam, unicuique tangenti uterum, sese prodere cœpit, ut etiam illam non lateat ossium fœtus mortui situs, quippe cum digito monstret: hic caput, illic costas, hic humeros, illic fœmora, contineri. Quod ego & alii complures, me monitore deprehenderunt.

Cadaver istud seu sceletum in utero matris jacet trāsversim, capite & cruribus introrsum, dorso verò extrorsum prominente. Sub illo dextro caput reconditur, quod cum profundius

is quam matris spinam dorsi respiciat, non
 e ratione tactus nostri iudicium refugit, ibi
 nen ossis humeri, caput superius contineri,
 inifesto constat. Sub illo sinistro sunt crura
 pedes, sed in rorsum reflexi, ut attingi mini-
 e possint: conjectura tamen artificiali, & a-
 tomica, ita esse, judicare non est difficiel,
 in ex situ reliquo corporis, tum quia ibi os
 moris apertissimè deprehenditur. In me-
 o ventre dorsum evidentissimè cognoscitur
 rtebræque omnes facilimè distinguuntur,
 ostæ quoque majori ex parte, tam superiores
 iam inferiores, dinumerantur, turgent venter
 maternus tumore oblongo, qui in pudendum
 e finit, elevat totam istā molem sursum, ean-
 emque pro animi arbitrio deprimit, non sine
 distantium summa admiratione. Ossa vero sic
 aris induruisse sentiātur: ita ut validiori com-
 reffioni difficulter cedere videantur. Ven-
 er maternus interea dum attractatur, nullo
 ore angitur, ni id plus, quam par est fiat
 iutius.

Valet sic satis ista mulier, omniaq; sua mu-
 ia, tam domi, quam in agris unā cum marito
 o optimè peragit: hilaris est, prudens mater-
 familias, ut utcunq; faceta annum nunc tem-
 oris ætatis suæ agens quadragesimum quin-
 um, corpore gracilis, nec habitu illaudabili.
 Menses cum annis quatuor essent detenti, po-
 iunculis nonnullis illos promouentibus usa,
 cursus manare cœperunt, in hunc usque diem,
 At

At mensibus singulis, dum eorum terminus instat, venter inferius intumescit, illamq; dolores invadunt vehementissimi, haud aliter quam si nunc nunc esset enixura, nec antea cessant, ni menses omnino eruperint. Quod mulierem morbo aliquo laborare contingat, iisdem planè doloribus ad integrum morbum terminum corripitur.

Aliud præterea notatu dignum refert, quintum nunc esse annum ex quo natura quodam modo istius sceleti expulsionem tentavit. Uteri enim osculum hiasse, & inde aliquot officula fuisse egressa, qua de causa e vestigio accersitur obstetrix: at cum satis imperita, vel potius rei novitate perculsa nullum remedium ferre se posse indicaret, omni ope humana hæc multis modis longè infeliciissimam destituens, recessit. Ipsa verò interim nihilominus intrepido fortiq; animo, officula illa, ut in proprium locum retrò cederent, propriis manibus allaboravit, sic ut in pristinum redierint. Ab isto verò tempore, uti nec antea, huiusmodi quid finis illi accidit.

Mirum denique, quantopere rustica illa flagitet, summiq; precibus contendat, ut abdomen ei manu medica aperiatur sceletumque ab utero eximatur, sic enim seipsam sanitati pristinae restitui posse confidit. At quominus id tentatum hætenus sit, adhuc sub iudice

*De medica-
mentis chy-
mici.*

lis est.
Cæterum nunc ad alteram partem epistolæ
tuæ

ia quoque respondere deberem, nisi jam du-
um illius metas transgressus fuisset. Ut ra-
nen expectationi tuæ aliquo modo satisfac-
em, libenter fateor multum apud me valere
Mercurium, & alia nonnulla medicamenta,
arte chymica præparata; tum quia (ut tu quo-
que scribis lib. 1. De Medicina & Medicis lect.
. Class. 3. quæst. 2.) palato grata, tum etiam
quia in minori dosi exhibeantur; in primis ve-
ò propter egregias, quæ inde sequuntur ope-
rationes. Verum n. vero cautè iis uti licet; neq;
indifferenter, ut faciunt empirici, omnib. & in
omnibus morbis, ut tu quoque mones libro
præallegato, quæstion. 3. exhibenda sunt. De-
inde ut diligentissimè, ac fideliter, ab expertis-
simo, & fidelissimo artifice sint præparata,
neque in exhibitione quicquam peccetur,
plus quam necesse est. His enim neglectis, &
temerè exhibitis, periculo sanè maximo non
vacant, uti ex sequentibus exemplis videre
licet.

PAULUS RENEALMUS celebris quidam *Princeps El-*
medicus Gallus, in præfatione observationum *leboro nigro*
suarum, Principem, hausto pharmaco, ex el- *à Pharma-*
leboro nigro præparato, & contra intentio- *copola in-*
nem medici à Pharmacopola exhibito, in- *terfuitur.*
terfectū fuisse, refert. Apothecarius profectò
ille ex eorum, de quibus monet Agrippa, e- *lib. de incert.*
rat numero, ex eorum, inquam numero, qui *ritudine. &*
dum aliud pro alio propinant, aut putridum *Vanitate*
inveteratumve & evanidum pharmacum *scietiarum*
miscet, *cap. 84.*

544 GVILH. FAB. HILDANI, AD
miscet, sæpè mortiferam potionem, pro salu-
tiferâ propinant.

Medicum quendam magni nominis, ma-
tronam morbo contumaci laborante curandi
habuisse memini; huic multa variaque cum
ex arte exhibuisset pharmaca, tandem quoque
pilulas capitales, quibus non nihil extracti el-
lebori nigri admiscuerat, præscripsit. Illa
quum à pharmacopola paratæ, & ab adstanti-
bus exhibitæ essent, intra horas sex debitum
naturæ persolvit. Res profectò mira: cum
alias corpore satis valida esset, & medicamen-
tum vix per vomitum & alvum bis operatum
fuisset.

Quapropter culpam non omnino in me-
dicamentum rejicere possum: nisi, (ut aliquân-
do fit in officinis, quando famulis imperitis
hujusmodi præparationes committuntur) in
præparatione error commissus fuerit. Ideo-
que nunquam hætenus medicamentum, arte
chymica præparatum, in officinis præscribere
ausus fui. Ante annos aliquot in officina qua-
dam medicamentum purgans, quod semidra-
chma extracti corticum esulæ, præter alia pur-
gantia ingrediebatur, à Medico quodam do-
cto præscriptum vidi. Mihi, admiranti re-
spondit Pharmacopola, id vix sufficere: eun-
demque medicum aliquando ad scrupulos
duos, imo & drachmam integram istius ex-
tracti, ægris suis præscribere, & feliciter exhi-
bere.

Cele;

Celebris quidam Medicus, nobili cuidam
 medicamentū, quod scāmonium, menstruo
 uodam convenienti infusum & præparatū,
 grediebatur, præscripserat. Negotium mihi
 commissum, & ut diligenter in officina præpa-
 retur medicamentum curam haberem, injū-
 tum fuit. Postero die cum ex pharmacopola
 liquiterem, quomodo succederet præparatio,
 spondit, optimè: jam enim ter super natan-
 tem aquam abjeci. Exinde vides quam peri-
 culosum sit, tale quid in officinis præscribere?
 eram enim scammonii tincturam rejiciebat:
 xcrementum verò pro medicamento reser-
 abat: quid, quæso, ex hujusmodi medicamē-
 tis boni exspectare possumus? Atq; eousq; mi-
 ni DÔRINGI ars nostra tandē devenit. Quæ-
 runt & eligunt sibi Magnates medicos quan-
 toque apud exterarum regiones: volunt ut sint
 docti, modesti, pii, circumspecti, usumque re-
 rum atque experientiam habeant: & rectè qui-
 lem ac prudenter faciunt.

Sed quid sit? Medico natura ægri, essentia
 morbi, & quæ præterea necessaria, rectè & ea
 qua fieri potest diligentia examinatis, ex arte
 præscribit medicamenta, quorum præparatio
 postea aliquando imperito pharmacopæo, aut
 negligenti famulo ut & tyroni alicui, aut novi-
 tio in officina committitur.

Sed iterum ad extractum ellebori nigri redeo: illud quantumvis in duobus supra di-
 ctis ægris, ad votum non successerit, tamen,
 Mm

*Extract. el-
 lebori nigri,
 in quartana
 præstantissi-
 mum.*

si diligenter & fideliter præparatum fuerit præstantissimum esse medicamentum, ante a nos duos in memet ipso, cum quartana laborarem, & deinceps in aliis felicissimo cum successu expertus sum.

*Est Elle-
bori N in
cutaneis af-
fectibus præ-
stantissimu*

Quantum præterea in cutaneis affectibus ex humoribus adustis ortis, valeat, superiori anno Hildenzæ in puella quadam, scæda scabie laborante, evidentissimè mihi observatum licuit.

*De mercu-
rio crudo.*

Mercurio crudo, in lue Venerea, aliisque externis affectibus, exterius applicato, uti cum fructu. Interim tamen cautè cum ipso agendum esse, alias exemplis demonstrabo proximè: addam tamen & nunc unum aut alterum.

*De infelici
successu un-
guenti ex
Mercurio.*

Quidam dolore articulorum, propter defatigationem corporis ex longo itinere, fame & inopia laborans, quum Lausannæ, ab empirico & planè inexperto barbitonsore unguento ex mercurio inunctus fuisset, paulo post, planè extenuatus, naturæ concessit. Ego cadaver præsentè medico dissecai: & ipsius pulmones lividos, & pituitosis humoribus imbutos, cor verò molle, flaccidum, & exangue inveni.

*Alia obser-
vatio de in-
felici succes-
su unguenti
ex Mercurio
crudo.*

Nobilis quidam in ditione Reipubl. Freiburgensis Helvetiorum, cum nodosa podagra simul & scabie ex pituita salsa laboraret, & ab empirico, more empiricorum, præter rationem prædicto unguento inunctus fuisset, pituita

ituita tam copiosè ad gingivas confluxit, ut
anagræna oris primò, mox verò & mors sequu-
a sint.

De pulvere meo ex Mercurio, quo utor in
externis affectibus nihil addo: tu enim ipsemet
ipsius usum apud me vidisti. Intra corpus ta-
men non facile ipsum exhibeo: propter gravis-
sima, quæ inde sequuntur, symptomata.

Mercurio *dulcificato*, aut, si velis, *vita ap-*
pellato, nonnullos cum fructu uti, sat scio:
contrarium tamen aliquoties observare mihi
occurrit: cujus rei exempla aliquot addam. Em-
piricus quidam Bernæ Helvetiorum vixit: is
pulverem quendam albissimum (*Mercurium*
vita ipsum appellabat) in paucissima quanti-
tate, (non enim pondus quatuor granorum
excedebat) in variis affectibus propinabat:
in multis tamen cum *vita* discrimine: Ego
expertus loquor.

Ante annos enim aliquot ad matronam no-
bilem Bernensem unà cum Dom. PAULO
CENTULO ejus Reipublicæ Medico lon-
gè celeberrimo, piæ memoriæ vocatus fui.
Huic matronæ empiricus ille vix ad grana tria,
coram marito enim ponderaverat medica-
mentum) sui pulveris exhibuerat: quam sym-
ptomata adeò sæva sequuta fuerāt, ut illam vix
restituere possimus. Vomitus n. maximus, &
cōtinuus aderat. Lipothymie, itē sudores frigi-
di, simul & viriū p̄stratio supvenerāt, ita ut per
dies aliquot in *vita* discrimine versaret: tandē

Mm 2 nihil

De mercurio vita.

*De infelicitate
successu
mercurii vi-
ta.*

*Symptoma-
ta ex mer-
curio vita.*

n hilominus per Dei misericordiam sanita
restituta fuit.

*Aliud exem-
plum de m-
jelici su. ces-
su Mercurii
vitæ.*

*Mercurius
vitæ aliquo-
do in mercu-
riam mortis
evadit.*

Matronam Solodurensē asthmaticā
& d. crepitam, cum de hoc pulvere, ab eodem
empirico exhibito, sumpsisset, eadem die ex
tincta fuisse, à viris fide dignis Soluduri mil-
sapius relatum est. *Mercurius* itaque, sive cre-
pitus, sive in *Mercurium vitæ* transformatus fue-
rit, aut negl. gentes præparatus, aut eis, quibus
non convenit, empiricorum more, & absque
ratione exhibitus, in ò & exterius admotus, in
Mercurium mortis plerumque evadit, rectè quē
illum *MERCURIUM VITÆ ÆTERNÆ*
appellare possum.

*De antimo-
nio.*

De Antimonio, & croco metallorum idem
affirmare non difficile est. Ante annos enim
quatuordecim Dn. ELEASAR PERIALDUS
v. doctus, & in schola Laufannensi Philoso-
phiæ professor, cum sibi met, præter consilium
Dn. D. ALBERTI ROSCHII, medici celeberrimi,
simul & mei ipsius, bolum ex Antimonio
(quod paulo ante se Lutetiā attulisse, ibidem
que à Dn. D. QUERCETANO paratum fuisse
ajebat) parasset, & sumpsisset, parum absuit,
quin eadem die animam unā cum excremen-
tis evomeret: tam vehemens, & impetuosa,
per superiora, simul & inferiora sequuta est o-
peratio: quæ per totam diem duravit.

Sequenti nocte doloribus maximis bra-
chiorum & crurum, simul & convulsionibus
(propter evacuationem maximam, & siccita-
tem

em nervosarum partium (liporhymia, & vi-
um prostratione, propter defectum spiri-
um vitalium, & humidi radicalis) correptus
est. Ego cum prædicto medico circa
horam secundam noctis accessit cum es-
sem, protinus sequentem potiunculam ex-
hibuimus.

2. Confect. Alkermes ʒ ss.
Theriaca opt. ʒ j.
Cornu cervini sti &
præparati ʒ ss.
Aqua Cinamomi ʒ ij.
Buglossæ ʒ ij.
Misce fiat potio,

Juscula caponum, & carnis vervecinae,
nec non alia, quæ partes nobiles corrobo-
rant, & humidum radicale, spiritusque vi-
tales instaurant, præscripsimus.

Brachia, crura, simul & spinam dorsæ, se-
quenti linimento calidè inunximus.

3. ol. amygdalarum dulcium,
liliorum alborum,
Violarum an. ʒ j.
ol. lumbricorum,
Vulpini,
Pinguedinis humanæ & ursi an. ʒ ij.
Misce.

Linimentū.

Hoc linimento de hora in horam prædictis
partibus inunctis, remiserunt quidem dolo-
res, nihilominus tamen intra paucos dies ani-

M m 3 man

nam Deopie placideque reddidit. Tum quia humidum radicale, violentia medicamenti ita absumptum & evacuatum erat, ut refici non posset, tum etiam quia propter violentam attractionem medicamenti, à circumferentia ad centrum inflammatio in hepate oborta fuerat.

*Quidam ex
usu anti-
monii her-
niam ven-
triculi con-
traxit.*

Trutinarius quidam Coloniae Agrippinae, magister BRUN nomine, vir pius, probus, mihi quae amicitia junctus, cum ante annos septendecim potiunculam exantimonio ab empirico, & rerum medicarum imperitissimo homine paratam sumpsisset, tam vehementer & impetuosè agitatus & commotus ipsius fuit ventriculus, ut herniam ventriculi inde contraxerit, qua etiam nunc non sine maxima molestia laborat; uti ego, cum superiori anno Coloniae essem, ipsum quae aliquando inviserem, ipsemet vidi. Quotiescunque enim corpus inflectit, ventriculus non sine molestia, veluti in saccum excidit.

Ante menses aliquot cum Wormatiae, & Herrtensheimii, apud Generosum & strenuum virum, Dn. EBERHARDUM Kämmerer von Worms / genandt von Dalberg moram facerem, Wormatiensis quidam civis, PETRUS Dasing von der Burg / nomine, in consilium me advocati iussit.

Laborat ille herniâ intestinali, quam ante annos quatuor, quum medicamentum
chymi-

chymicum, ab empirico sibi exhibitum (antimonium fuisse arbitror) sumpisset, eademque, qua medicamentum hauserat, contraxerat; tam vehemens fuerat in primis per superiora ipsius operatio.

Possem hoc loco unum atque alterum exemplum inferere (uti ab amico fide digno accepi) de infelici successu Mercurii vitæ & Croci metallorum à medico quodam viro sexagenario, & primario cujusdam Principis consilio, temerè & precipitanter exhibitorum, quorum alter post assumptionem croci metallorum, alter verò mercurii vitæ post multa gravissima inde sequuta symptomata, paulò post vitæ finem fecerunt.

Ante annos viginti, Medicus quidam Tonnonæ in Sabaudia, ad lacum Lemannum medicinam faciens, cum calculoso cuidam medicamentum chymicum ad calculum conterendum, & expellendum exhibere vellet; æger verò, à medicamentis chymicis omnino alienus, id recusaret, postridie in dupla quantitate id adfert medicus; & ut æger, majori cum fiducia eo uteretur medicamento, partem unam ipsemet medicus sumpsit, alteram ægro suo obtulit. Ambo cum hausissent simul etiam intra paucos dies vitam cum morte commutârunt. Itaque CROLLIUM, ne medicamenta acuta calculosis, & qui alias sunt valetudinarii exhibeantur, in sua

*De infelici
successu
Mercurii
vitæ & Croci
metallorum*

*Medicamē-
ta acuta
calculosis
non conve-
niunt.*

Basilica chymica, mihi pagina 247. rectè præsentemque monuisse videmus.

*Ex abusu
Laudandi
nonnulli qui
dam vitæ
nem jactant.*

Quam præstans medicamentum sit Laudanum, eis qui egregias ipsius operationes quando viderunt, notum est. Nobilem virum cum eo abuteretur, mortem sibi metentulisse observavi.

Basilicæ in duobus ægris idem accidisse, clarissimus ac longè celeberrimus vir, Dominus D. CASPARUS BAUHINUS non ita pridem, præsentem clarissimo ac doctissimo viro Domino D. THOMA PLATTERO, Societatis ducti, ubi ad ægrum simul vocati fuimus, me retulit.

*De abusu
medicamentorum
escharoticorum.*

Poriò clarissime mi Dn. D. Döringi medicamenta escharotica, ex mineralibus confecta, nonne ad chymica referenda esse putas, sed & illa, quomodo in externis affectibus nisi ab exercitato, & circumspecto Medico aut cheirurgo tutò applicari possint, nondum video. De eorum abusu exempla habeo nonnulla, quorum primum est, de viro isto cui pulvis, qui ad Cancrum curandum, tantopere ludibris extollebatur, ad carpum applicatus fuit; uti in tractatu meo de Gangraena & Sphacelo, & alibi videre poteris. Occurrit etiam exemplum in prima Centuria observatum. De pharmacopæo, qui sibi met causam, non satis aptè applicuit. Is profectò alioquin in sua arte expertissimus, si hujus medicamenti plenam notitiam habuisset, erroris hunc

nuncce, proculdubio in sui ipsius detrimentum non commisisset. Verum bonum istum virum, (cujus memoria propter eam, quæ inter nos fuit amicitiam, quoad vixero chara mihi erit) inscius præterque spem atque opinionem in scyllam hancce incidisse, existimo. Erat enim circa ægros diligens & circumspectus; neque ex eorum numero, qui, quum singulare quid à medico docto, aut cheirurgo erudito viderint, id protinus eadem dexteritate quoque se præstare posse, apud imperitos gloriantur.

Ante annos circiter undecim venit Coloniæ Agrippinam, circumforaneus quidam, cujus nomen studio supprimo. Is enterocelas absque excisione testiculi, & læsione vasorum spermaticorum sanare se posse gloriabatur. Maximus quidem fuit accursus hominum, neminem tamen aut perpauca ab ipso restitutos fuisse, ante annum cum esset Coloniz, mihi à viris fide dignis, relatum fuit. Hoc modo autem curationem (processus enim ipsius à Pharmacopœo quodam, qui ipsemet aliquando interfuerat, mihi communicatus fuit) instituebat. Primo caustico cutem exulcerabat. Sublata eschara, productionem peritonæi, sive, ut vocant dydimum, oleo quodam parte chymica præparato, (quale fuerit, propter abusum non adscribo) ad os pubis usque erodere tentabat, idque tantis cum doloribus (hæc ex relatione Dn. N. SCHVANI Colonienfis, viri fide dignissimi, qui omnia in proprio suo cor-

M m s . pore

porre expertus est, adscribo) ut vix fando illos exprimere aliquis possit; & iis quidem, ut acri potius mortem appetere, quam huiusmodi tormentis diutius excruciatu velint.

Vivit etiam nunc in ditione Reipub. Bernensis nobilis quidam, mihi optimè cognitus. Is ab eodem Empirico ante annos 16. Lutetiæ frustra excruciatu fuit, & etiam nunc herniâ non sine maxima molestia laborat.

Hæc, Clarissime mi Dn. D. DÔRINGI, de abusu medicamentorum chymicorum, recensere volui historias; non quidem in eum finem ut medicamenta chymica improbare, & rejicere sit animus. Etiam si enim apud me, uti tu quoque ipsemet vidisti, præcipuè mineralia, non usque adeo sint in usu, ipsa tamen maximum in Medicina, præcipuè in morbis chronicis contumacibusque habere usum, me non latet: sed hæc potius exempla recensere volui, ut ex huiusmodi juniores medici, & cheirurgi, quàm prudenter ac circumspectè chymica tractare convenit, perspiciant: ægri verò moneantur ne cuius circumforaneo, & garrulo agyrtæ fidem adhibeant. Neque me commoveret, quod nonnulli objicere solent, nimirum metallica illa venenosas in se continere qualitates. Quod etsi verum sit, videmus tamen, ut rectè scribit CROLLIUS, mihi pag. 261. plærumque in natura apud summum venenum latere etiam Medicinam, uti evidentissimè in carne viperina & in quibusdam

usdam aliis animalibus venenosis apparet. *Que ante*
 erum enimvero ante exhibitionem me- *exhibito-*
 icamentorum chymicorum hæc præcipue *nem medi-*
 unt perpendenda. Primo an diligenter, fide- *camento-*
 iter, & ab exercitato artifice præparata sint. *rum per-*
 Maxima enim difficultas in præparatione sita *pendenda.*
 est; vti exemplo de extracto corticum esulæ
 superius allegato, demonstratum est. Quis
 enim, quæso, extracti hujus, rectè, & ut de-
 cet præparati, ad semidrachmam exhibere,
 ausus esset? adulterina itaque prædicti extra-
 cti fuit præparatio; aut forsitan quid pro quo, ut
 dicitur, (pharmacopola enim ipsemet illud
 non præparaverat, sed nescio ubinam in nun-
 dinis sibi comparaverat,) datum fuerat. De
 Mercurio vitæ idem observavi. Nonnulli n,
 veluti empiricus ille Bernensis, cujus antea
 memini, nunquam ultra grana quatuor, de
 suo Mercurio exhibebat. Ego, cum ante annos
 tres, cuidam magni nominis viro, unâ cum
 viris Clarissimis Dn. Felice Plattero, & Dn.
 Martino Chmielecio medicis longè celeberrimis
 in magno periculosissimoq; morbo ad-
 essem, ipsi aliquoties ad grana quatuordecim
 Panchymagogi Quercetani & ab ipso Quer-
 cetano præparati, præscripsi atque exhibui.
 Alii ad grana 18. aut viginti imo & quadragin-
 ta, ut tu quoq; doces ascendunt. Multifaria itaq;
 est ipsius præparatio; Illam porro diversitatem
 præparationis, cum nullus alius præter illâ solû,
 qui medicamentû præparavit, scire, aut cognos-
 cere


scere possit, non video quomodo quis medicamentis chymicis, ab ignotis præparatis, securè & bona cum conscientia uti queat. Hæc in eum finem dico, ut caveant sibi medici, ne medicamenta chymica, in officinis (quæ non ipsemet pharmacopola, & quidem præsentem aut consentientem medico paravit, sed nescio unde nam apportavit) facile præscribant.

Secundò perpendendum est, an morbo quicquid curandus est hoc, an verò illud medicamentum conveniat, & ad eundem profligandum appropriatum aptumque sit.

Tertiò an corpus ægri ita sit dispositum, ut hoc vel illud medicamentum, absque damno sustinere possit. Sæpenumero enim morbus hoc vel illud medicamentum requirit, sed constitutio corporis & viscerum, ætas aliæque reclamant. Ne itaque error committatur, tantè & cum spe etè procedendum est, cautionesque quæ apud CROLLIUM & alios leguntur, quam diligentissimè observandæ sunt. Quod plura in exhibitione & applicatione medicamentorum chymicorum, ut ex præscriptis exemplis apparet, lynceis profectò oculis opus est, & medicos eruditos circumspectos, imo & pios requirunt. Idem quæ cum cuivis garrulo, circumforaneo, Judæo aut Monacho, qui vix fornacem construere, aut ignem accendere, multo minus genera morborum, naturam ægri, & quæ præterea scitu necessaria sunt, noverit, fides adhibenda est. Utinam igitur Reges & princi-

neipes, quo Deus veluti patre familias cō-
 tituit, impostores istos imperitissimos, qui u-
 nique ferè amaro rogante impudenter que lu-
 unt de corio humano, ex officio reprimant;
 x officio inquam, quemadmodum enim pa-
 ter familias, infantulis suis, ut ignem & venena
 tractent, non permittit; ne sibi nec ipsis & aliis
 damnum inferant, sic quoque huiusmodi im-
 postores, & imperiti homines, qui suam ipso-
 rum animam, & salutem, aliorum verò corpo-
 ra, & sanitatem tot periculis exponunt, in Re-
 publica bene constituta, minimè tolerandi es-
 sent. Neque unicuique (quod nonnulli obji-
 cere solent) licitum esse deberet, corium suum
 cuicunque velibuerit, venale offerre. Hic enim
 non de corio bouum, sed de vita & valetudine
 hominum de quibus Magistratus curam quo-
 que habere debet, agitur. Adderem quædam
 alia, nisi epistola in magnam nimium molem
 excreceret; quapropter (præstantis IME VICE
 A C FAVORITUS HONORANDUS) Vale, & Deo, Reipub-
 licæ, tuis & amicis, in omne ævum felicissimè
 vive, in quæ præclara humanitate tua, amare
 perge. Uxor mea charissima, Te, tuamque u-
 xorem le&ssimam, unâ mecum pera-
 mane salutar. Iterum vale
 & millicies.

EMBLE



FABRICIANI EMBLE- M A T I S

EXPLICATIO.

Nodosum, intortus, baculum complectitur
anguis,

Adversa, gallus, stat regione, vigil.

Margaritæ, at nitido, pendens, splendore coruscat

Inter utrumque, tenet quam radiata manus.

Vis sensum? in baculo nodi torto, Medicina

Nodosum studium, & difficile esse notant.

Prudentis serpens, vigilis sed gallus imago

Est Medici: Indicium gemma salutis habet.

Quæ velut ex supera pendens dimittitur aura

Cælitus agroti sic valitudo redit.


Si vigil & prudens, quæmque experientia doctum


Reddidit, illius curam habeat Medicus.


Johann. Durenheimius P. &

Notar. Cæsareus, civis

Bernensis F.







Infirmitas
et redemptio

